





OTIVM
SINE LITERIS
MORS EST


Seneca

Ex Libris Joannis Nenoving
1874









CAII PLINII

SECUNDI

HISTORIA NATURALIS.

TOMUS VI.



C A I I P L I N I I

S E C U N D I

HISTORIÆ NATURALIS

LIBRI XXXVII.

Quos recensuit & Notis illustravit

GABRIEL BROTIER.


T O M U S V I.



P A R I S I I S.

Typis J. BARBOU, viâ Mathurinensium.

M D C C L X X I X.



C A I I P L I N I I

S E C U N D I

HISTORIÆ NATURALIS

LIBRI XXXVII.

Quos recensuit & Notis illustravit

GABRIEL BROTIER.


T O M U S VI.



P A R I S I I S.

Typis J. BARBOU, viâ Mathurinensium.

M D C C L X X I X.





C. PLINII SECUNDI
NATURALIS
HISTORIÆ
LIBER XXXIII.

Metallorum natura.

I. **M**ETALLA nunc, ipsæque opes, & rerum pretia dicentur, tellurem intus exquirente curâ multiplici modo: quippe alibi divitiis foditur, quærente vitâ aurum, argentum, electrum, æs: alibi deliciis gemmas & parietum digitorumque pigmenta: alibi temeritati ferrum, auro etiam gratius inter bella cædesque. Persequimur omnes ejus fibras, vivimusque super excavatam, mirantes dehiscere aliquando, aut intreniscere illam, ceu verò non hoc etiam indignatione sacrae parentis exprimi possit. Imus in viscera ejus, & in sede Martium opes quærimus, tamquam parum be-

Tomus VI.

A

2 C. PLINII NATUR.

nignâ fertilique, quaquâ secatur. Et inter hæc minimum remediorum gratiâ scrutamur: quoto enim cuique fodiendi causa medicina est? Quamquam & hæc summâ sui parte tribuit, ut minimè parca, facilisque in omnibus quæcumque profunt. Illa nos premunt, illa nos ad inferos agunt, quæ occultavit atque demersit, illa quæ non nascuntur repentè. Mens ad inane evolans reputet quæ deinde futura sit finis sæculis omnibus exhauriendi eam: quousque penetratura avaritia. Quàm innocens, quàm beata, immo verò & delicata esset vita, si nihil aliunde, quàm supra terras, concupisceret, haberetque nonnisi quod secum est!

II. Eruitur aurum, & chrysocola juxta, ut pretiosior videatur, non naturâ. Parum erat unam vitæ invenisse pestem, nisi in pretio esset auri etiam sanies. Quærebat argentum avaritia: boni consuluit interim invenisse minium, rubentisque terræ excogitavit usum. O prodiga ingenia! quot modis auximus pretia rerum? Accessit ars picturæ; & aurum argentumque cælando carius fecimus. Didicit homo naturam provocare. Auxere & artem vitiorum irritamenta. In poculis libidines celebraverunt, ac per obscenitates bibere. Abjecta deinde sunt hæc, & sordere cœpere: & auri argentique nimium fuit. Murrhina

& crystallina ex eâdem terrâ effodimus, quibus pretium faceret ipsa fragilitas. Hoc argumentum opum, hæc vera luxuriæ gloria existimata est, habere quod posset statim totum perire. Nec hoc fuit satis, turbâ gemmarum potamus, & smaragdis teximus calyces: ac temulentiae causâ tenere Indiam juvat: & aurum jam accessio est.

III. I. Utinamque posset e vitâ in totum abdicari auri sacra fames, ut celeberrimi auctores dixere! Proscissum est conviciis ab optimis quibusque, & ad perniciem vitæ repertum. Quântum feliciore ævo, cùm res ipsæ permutabantur inter se, sicut & Trojanis temporibus factitatum Homero credi convenit! Ita enim (ut opinor) commercia victûs gratiâ invec̃ta. Alios coriis oum, alios ferro captivisque rebus musse tradit: quamquam & ipse mirator auctum, æstimationes rerum ita fecit, ut centum boum arma aurea permutasse Glaucum diceret cum Diomedis armis novum boum. Ex quâ consuetudine multum antiquarum pecore constat, etiam nâ.

V. Pessimum vitæ scelus fecit, qui id nus induit digitis. Nec hoc quis feceratur. Nam de Prometheo omnia losa arbitror, quamquam illi quoque sum anulum dedit antiquitas: vincu-

4 C. PLINII NATUR.

lumque id, non gestamen, intelligi voluit. Midæ quidem anulum, quo circumactō habentem nemo cerneret, quis non etiam fabulosiorem fateatur? Manus & prorsus sinistrae maximam auctoritatem conciliavere auro, non quidem Romanæ, quarum in more ferreum id erat, ut virtutis bellicæ, insigne. De regibus Romanis non facile dixerim. Nullum habet Romuli in Capitolio statua, nec præter Numæ Servii-que Tullii alia, ac ne Lucii quidem Bruti. Hoc in Tarquiniis maximè miror, quorum e Græciâ fuit origo, unde hic anulorum usus venit, quamquam etiam nunc Lacedæmone ferreo utuntur. Sed a Prisco Tarquinio omnium primo filium, cū in prætextæ annis occidisset hostem, bullâ aureâ donatum constat: unde mos bullæ duravit, ut eorum qui equo meruissent filii, insigne id haberent, ceteri lorum. Et ideo miror Tarquinii ejus statuam sine anulo esse. Quamquam & de nomine ipso ambigi video: Græci a digitis appellavere, apud nos prisci ungulum vocabant: postea & Græci & nostri symbolum. Longo certè tempore ne senatum quidem Romanum habuisse aureos manifestum est. Si quidem his tantum qui legati ad exterarum gentes ituri essent, anuli publicè dabantur: credo, quoniam ita exterorum honoratissimi intelligebantur. Neque aliis uti

HISTOR. Lib. XXXIII. §

mos fuit, quàm qui ex eâ causâ publicè accepissent; vulgòque sic triumphabant. Et cum corona ex auro Etrusca sustineretur a tergo, anulus tamen in digito ferreus erat, æquâ fortunâ triumphantis, & servi coronam sustinentis. Sic triumphavit de Jugurthâ C. Marius: aureumque non ante tertium consulatam sumpsisse traditur. Hi quoque, qui ob legationem acceperant aureos, in publico tantum utebantur his: intra domos verò ferreis. Quo argumento etiam nunc sponsæ muneri ferreus anulus mittitur, isque sine gemmâ. Equidem nec Iliacis temporibus ullos fuisse anulos video: nusquam certè Homerus dicit, cum & codicillos missitatos epistolarum gratiâ indicet, & conditas arcis velles, ac vasa aurea argenteaque, & ea colgata nodi, non anuli, notâ. Sortiri quoque contra provocationem duces non anulus tradit. Fabricam etiam deum fibulas, & alia muliebris cultûs, sicut inaures, in imordio factitasse, sine mentione anulum. Et quisquis primus instituit, cunctanter id fecit, lævisque manibus, latensque induit: cum, si honos securus fuisset, dextrâ fuerit ostentandus. Quòd si pedimentum potuit in eo aliquod inigi, etiam serioris usûs argumentum est, us in lævâ fuisse, quâ scutum capitur. quidem apud eundem Homerum vi-

6 C. PLINII NATUR.

rorum crinibus aurum implexum : ideo nescio an prior usus a feminis cœperit.

V. Romæ ne fuit quidem aurum nisi admodum exiguum , longo tempore. Certè cùm a Gallis captâ Urbe pax emeretur , non plus quàm mille pondo potuere. Nec ignoro M. Crassum duo millia pondo auri rapuisse suo & Pompeii secundo consulatu , e Capitolini Jovis folio , a Camillo ibi condita , & ideo a plerisque existimari duo millia pondo collata. Sed quod accessit , Gallorum præda fuit , detractumque ab his in parte captæ Urbis delubris. Gallos autem cum auro pugnare solitos , Torquatus indicio est. Apparet ergo Gallorum templorumque tantumdem , nec ampliùs fuisse : quod quidem in augurio intellectum est , cùm Capitolinus duplum reddidisset. Illud quoque obiter indicare convenit , quoniam de anulis sermonem repetimus , ædituum custodiæ ejus comprehensum , fractâ in ore anuli gemmâ , statim exspirasse , & indicium ita extinctum. Ergo ut maximè duo tantum millia pondo , cùm capta est Roma anno CCCLXIV. fuere , cùm jam capitum liberorum censa essent CLII. millia , quingenti LXXIII. In eâdem post annos CCCVII. quod ex Capitolinæ ædis incendio ceterisque omnibus delubris C. Marius filius Præneste detulerat , tredecim millia pondo , quæ sub

HISTOR. Lib. XXXIII. 7

eo titulo in triumpho transtulit Sulla, & argenti vi. millia. Idem ex reliquâ omni victoriâ pridie transtulerat auri pondo xv. millia, argenti pondo centum & quinde-
cim millia.

VI. Frequentior autem usus anulorum non ante Cn. Flavium Annii filium deprehenditur. Hic namque publicatis diebus fastis, quos populus a paucis principum quotidie petebat, tantam gratiam plebis adeptus est, (alioqui libertino patre genitus, & ipse Appii Cæci scriba, cujus hortatu exceperat eos dies, consultando adsiduè sagaci ingenio, promulgaveratque,) ut ædilis curulis crearetur cum Q. Anicio Prænestino, qui paucis antè annis hostis fuisset, præteritis C. Poetelio & Domitio, quorum patres consules fuerant. Additum Flavio, ut simul & tribunus plebis esset. Quo facto tantâ senatus indignatione exarsit, ut anulos ab eo abjectos visse in antiquissimis reperiatur annalibus. allit plerosque, quòd tum & equestrem ordinem id fecisse arbitrantur. Etenim ad-
ctum hoc quoque, « sed & phalera po-
sita, » proptereaque nomen Equitum ad-
ditum est. Anulos quoque depositos a
bilitate, in Annales relatum est, non a
tatu universo. Hoc actum P. Sempro-
n, P. Sulpicio consulibus. Flavius vovit
em Concordiæ, si populo reconciliaf-

8 . C. PLINII NATUR.

fet ordines. Et cùm ad id pecunia publica non decerneretur, ex multatitiâ feneratoribus condemnatis ædiculam æream fecit in Græcostasi, quæ tunc supra Comitium erat. Inciditque in tabellâ æreâ eam ædem, ducentis quatuor annis post Capitolinam, dedicatam. Ita CCCCLXIX. a conditâ Urbe gestum est: & primum anulorum vestigium exstat: promiscui autem usûs alterum secundo Punico bello: neque enim aliter potuissent trimodia illa anulorum Carthaginem ab Annibale mitti. Inter Cæpionem quoque & Drusum ex anulo in auctione venali, inimicitiae cœpere: unde origo socialis belli, & exitia rerum. Ne tum quidem omnes senatores habuerunt: utpote cùm memoriâ avorum multi præturâ quoque functi, in ferreo conseruerint, sicut Calpurnium & Manilium, qui legatus Caii Marii fuerat Jugurthino bello, Fenestella tradit: & multi L. Fufidium illum, ad quem Scaurus de vitâ suâ scripsit: in Quinctiorum verò familiâ aurum, ne feminas quidem, habere mos fuerit: nullosque omnino anulos major pars gentium hominumque, etiam qui sub imperio nostro degunt, hodieque habeat. Non signat Oriens aut Ægyptus etiam nunc, literis contenta solis.

Multis hoc modis, ut cetera omnia, luxuria variavit, gemmas addendo exquis-

ti fulgoris, censuque opimo digitos onendo, sicut dicemus in gemmarum voluine: mox & effigies varias cælando, ut bi ars, alibi materia esset in pretio. Alias inde gemmas violari nefas putavit: æquis signandi causam in anulis esse ingeret, solidas induit. Quasdam verò que ab eâ parte quæ digito occultatur, cludit, aurumque millibus lapillorum us fecit. Contrà verò multi nullas addunt gemmas, auroque ipso signant: Claudii Cæsaris principatu repertum. c non & servitia jam ferrum auro cingit: alia per sese mero auro decorant: is licentiæ origo nomine ipso in Samocice id institutum declarat.

ingulis primò digitis geri mos fuerat, sunt minimis proximi: sic in Numæ Servii Tullii statuis videmus. Postea ici proximo induère, etiam deorum siacris: dein iuvit & minimo dare. Gal-Britanniæque medio dicuntur usæ. Hic c solus excipitur: ceteri omnes oneur, atque etiam privatim articuli mibus aliis. Sunt qui tres uni minimo gerant: alii verò & huic unum tan, quo signantem signent. Conditus ilut res rara, & injuria usus indigna, t e sacrario promitur: & unum inimo digito habuisse, pretiosioris inredito supellectilis ostentatio est. Jam

alii pondera eorum ostentant. Aliis plures quàm unum, gestare labor est. Alii bracteas infarcire leviori materiâ, propter casum, tutius gemmarum sollicitudini putant. Alii sub gemmis venena cludunt, sicut Demosthenes summus Græciæ orator, anulosque mortis gratiâ habent. Denique ut plurimum opum scelera anulis fiunt. Quæ fuit illa priscorum vita, qualis innocentia, in quâ nihil signabatur? At nunc cibi quoque ac potus anulo vindicantur a rapinâ. Hoc profecere mancipiorum legiones, & in domo turbâ externa, ac servorum quoque causâ nomenclator adhibendus. Aliter apud antiquos, singuli Marcipores Luciporesve dominorum gentiles, omnem victum in promiscuo habebant: nec ulla domi custodia a domesticis opus erat. Nunc rapiendæ comparantur epulæ, pariterque qui rapiant eas, & claves quoque ipsas signasse non est satis: gravatis somno aut morientibus anuli detrahuntur: majorque vitæ ratio circa hoc instrumentum esse coepit, incertum a quo tempore. Videmur tamen posse in externis auctoritatem ejus rei intelligere, circa Polycratem Sami tyrannum, cui dilectus ille anulus in mare abjectus, capto relatus est pisce, ipso circiter ccxxx. annum Urbis nostræ interfecto. Celebratior quidem usus cum fenore coepisse debet: argumento est con-

etudo vulgi, ad sponsiones etiamnum
ulo exsiliante, tracta ab eo tempore,
o nondum erat arrha velocior: ut pla-
adfirmare possimus, nummos antè apud
i, mox cœpisse anulos. De nummis
ulo pòst dicetur.

VII. Anuli distinxere alterum ordinem
lebe, ut semel cœperant esse celebres,
ut tunica ab anulis senatum: quamquam
hoc serò: vulgóque purpurâ latiore tu-
e usos invenimus etiam præcones, si-
patrem Lucii *Ælii Stilonis*, Præconi-
ob id cognominati. Sed anuli planè
lium ordinem, tertiumque, plebi &
ibus inferuere: quod antea militares
i nomen dederant, hoc nunc pecuniæ
ces tribuunt. Nec pridem id factum:
Augusto decurias ordinante, major
judicum in ferreo anulo fuit: ii que
equites, sed iudices vocabantur. Equi-
nomen subsistebat in turmis equo-
publicorum. Judicum quoque non ni-
uatuor decuriæ fuere primò: vixque
ula millia in decuriis inventa sunt, non-
i provinciis ad hoc munus admissis:
atumque in hodiernum est, ne quis e
is civibus in iis judicaret.

. Decuriæ quoque ipsæ pluribus dis-
æ nominibus fuere, *Tribunorum æris*,
electorum, & *Judicum*. Præter hos
mnum *Nongenti* vocabantur, ex om-

nibus selecti ad custodiendas cistas suffragiorum in comitiis. Et divisus hic quoque ordo erat superbâ usurpatione nominum: cùm alius se Nongentum, alius Selectum; alius Tribunum appellaret.

VIII. Tiberii demum principatûs nono anno in unitatem venit equester ordo: anulorumque auctoritati forma constituta est, C. Asinio Pollione, C. Antistio Vetere coss. anno Urbis conditæ DCCCLXXV. quod miremur, futili pæne de causâ, cùm C. Sulpicius Galba, dum juvenalem famam apud principem popinarum pœnis aucupatur, questus esset in senatu, vulgò institores ejus culpæ defendi anulis. Hac de causâ constitutum, ne cui jus id esset, nisi cui ingenuo ipsi, patri avoque paterno sestertia cccc. census fuisset, & lege Juliâ theatri in XIV. ordinibus sedendi. Postea gregatim insigne id adpeti cœptum. Propterque hæc discrimina Caius princeps decuriam quintam adjecit: tantumque natum est fastûs, ut quæ sub divo Augusto impleri non potuerant decuriæ, non capiant eum ordinem, passimque ad ornamenta ea etiam servitute liberati transilient: quod antea numquam erat factum, quoniam in ferreo anulo equites judicesque intelligebantur: adeoque promiscuum id esse cœpit, ut apud Claudium Cæsarem, in censurâ ejus, unus ex

quitibus Flavius Proculus, quadringentis ex eâ causâ reos postulare. Ita dum paratur ordo ab ingenuis, communicatus est cum servitiis.

Judicium autem appellatione separari eum linem, primi omnium instituere Gracchus, discordi popularitate in contumelianâ atûs: mox eâ debellatâ, auctoritas novis vario seditionum eventu circa pueros substitit: & aliquamdiu tertiæ vi publicani fuere. Marcus Cicero demum dilivit equestre nomen in consulatu suo, Milinanis rebus, ex eo se ordine primum esse celebrans, ejusque vires perari popularitate quærens. Ab illo tempore planè hoc tertium corpus in repubblicâ factum est, cœpitque adjici senatui nulloque Romano, & equester ordo. à de causâ & nunc post populum scribitur, quia novissimè cœptus est adjici.

X. Equitum quidem etiam nomen ipsæ sæpe variatum est, in his quoque qui equitatum trahebantur. Celeres sub nullo regibusque appellati sunt: dein flexumines: postea troffuli, cum oppidum in Tuscis citra Volsinios passuum M. sine ullo peditum adjumento ceperunt ejus vocabuli: idque duravit ultra Gracchum. Junius certè, qui ab amico ejus Gracchanus appellatus est, scribit in reliquit his verbis. « Quod ad eque-

» streum ordinem adtinet, antea trosculos
 » vocabant, nunc equites vocant: ideo-
 » que quia non intelligunt trosculos no-
 » men quid valeat, multos pudet troscu-
 » los vocari ».

X. Sunt adhuc aliquæ non omittendæ in auro differentiæ. Auxilia quippe & externos torquibus aureis donavere, at cives non nisi argenteis. Præterque, armillas civibus dedere, quas non habent externi.

XI. Idem (quod magis miremur) coronas ex auro dedere civibus. Quis primum donatus sit eâ, non inveni: equidem quis primus donaverit, a L. Pisone traditur A. Postumius dictator: apud lacum Regillum castris Latinorum expugnatis, ei cujus maximè operâ capta essent, hanc coronam ex prædâ is dedit. Item L. Lentulus cos. Servio Cornelio Merendæ, Samnitum oppido capto: sed huic quinque librarum. Piso Frugi filium ex privatâ pecuniâ donavit; eamque coronam testamento ei prælegavit.

XII. 3. Deorum verò honori in sacris nihil aliud excogitatum est, quàm ut auratis cornibus hostiæ, majores dumtaxat, immolarentur. Sed in militiâ quoque in tantum adolevit hæc luxuria, ut M. Bruti in Philippicis campis epistolæ reperiantur fremmentes, fibulas tribunicias ex auro geri-

hercules : idem enim tu , Brute , murum pedibus aurum gestari tacuisti : & is sceleris arguimus illum , qui primus auro dignitatem per anulos fecit , ut habeant in lacertis jam pridem & viri , quod Dardanis venit , itaque & Dardanum vocabatur . Viriolæ Celticæ dicuntur : viriolæ Celtibericæ . Habeant feminæ in anillis digitisque totis , collo , auribus , spiculis : discurrant catenæ circa latera , & in secreto margaritarum sacculi e collo dominarum aureo pendeant , ut in somno quoque unionum conscientia adsit : etiamne pedibus induitur , atque inter stolum plebemque hunc medium feminarum equestrem ordinem facit ? Honestius viri paedagogiis id damus : balineasque dives puerorum forma convertit . Jam verò etiam Harpocratem , statuasque Ægyptiorum numinum , in digitis viri quoque portare incipiunt . Fuit & alia Claudii principatu differentia insolens his , quibus admissionem liberti ejus dedissent , imaginem principis ex auro in anulo gerendi , magnâ criminum occasione : quæ omnia salutaris exortus Vespasiani imperatoris abolevit , æqualiter publicando principem . De anulis aureis eorumque usu hætenus dictum sit .

XIII. Proximum scelus fecit , qui primus ex auro denarium signavit : quod &

ipsum latet, auctore incerto. Populus Romanus ne argento quidem signato, ante Pyrrhum regem devictum usus est. Librales, (unde etiam nunc libella dicitur, & dupondius,) adpendebantur asses. Quare æris gravis poena dicta. Et adhuc expensa in rationibus dicuntur: item impendia, & dependere. Quin & militum stipendia, hoc est, stipis pondera, dispensatores, libripendes dicuntur: quâ consuetudine in his emptionibus, quæ mancipiû sunt, etiam nunc libra interponitur. Servius rex primus signavit æs. Antea rudi usos Romæ Timæus tradit. Signatum est notâ pecudum: unde & pecunia appellata. Maximus census CX. M. assium fuit illo rege: & ideo hæc prima classis. Argentum signatum est anno Urbis CCCCLXXXV. Q. Ogulnio, C. Fabio coss. quinque annis ante primum bellum Punicum. Et placuit denarium pro decem libris æris, quinarium pro quinque, sestertium pro dupondio ac semisse. Librale autem pondus æris imminutum bello Punico primo, cum impensis respublica non sufficeret: constitutumque ut asses sextantario pondere ferirentur. Ita quinque partes factæ lucri, dissolutumque æs alienum. Nota æris fuit ex alterâ parte Janus geminus, ex alterâ rostrum navis: in triente verò & quadrante, rates. Quadrans antea teruncius vocatus.

us a tribus unciiis. Postea Annibale ur-
nte Marcum Minucium, Q. Fabio Ma-
mo dictatore, asses unciales facti : pla-
itque denarium sedecim assibus permu-
ri, quinarium octonis, sestertium qua-
rnis. Ita respublica dimidium lucrata est.
i militari tamen stipendio semper dena-
us pro decem assibus datus. Notæ ar-
enti fuere bigæ atque quadrigæ : & inde
igati quadrigatique dicti. Mox lege Pa-
iriâ semunciales asses facti. Livius Dru-
us in tribunatu plebis octavam partem
eris argento miscuit, Qui nunc Victoriâ-
us appellatur, lege Clodiâ percussus est.
Antea enim hic nummus ex Illyrico ad-
vectus, mercis loco habebatur. Est autem
signatus Victoriâ, & inde nomen. Aureus
nummus post annum LXII. percussus est,
quàm argenteus, ita ut scripulum vale-
ret sestertiis vicens : quod effecit in libras,
ratione sestertiorum, qui tunc erant, se-
stertios DCCCC. Post hæc placuit X. XL.
signari ex auri libris : paulatimque prin-
cipes imminuere pondus : minutissimè Ne-
ro ad XLV.

XIV. Sed a nummo prima origo avaritiae, fenore excogitata, quæstuosaque se-
gnitia. Nec paulatim exarsit rabie qua-
dam, non jam avaritia, sed fames auri :
utpote cum Septimuleius Caii Gracchi fa-
miliaris, auro rependendum caput ejus ex-

cisum ad Opimum tulerit, plumboque in os addito parricidio suo rempublicam etiam circumscripserit : nec jam Quiritium aliquo, sed universo nomine Romano infami, rex Mithridates Aquilio duci capto aurum in os infudit : hæc parit habendi cupido. Pudet intuentem tantum nomina ista, quæ subinde nova Græco sermone excogitantur, expresso argenteis vasis auro aut incluso : quibus deliciis veneunt tam inaurata quàm aurea, cum sciamus interdixisse castris suis Spartacum, ne quis aurum haberet aut argentum. Tantò fuit plus animi fugitivis nostris. Messala orator prodidit, Antonium triumvirum aureis usum vasis in omnibus obscenis desideriis, pudendo crimine, etiam Cleopatrarum. Summæ apud exteros licentiæ fuerat, poculo aureo pulvinis subdito, Philippum regem dormire solitum. Agnonem Teium Alexandri Magni præfectum aureis clavis suffigere crepidas. Antonius apud nos in contumeliam naturæ vilitatem auro fecit : proscriptione dignum, sed Spartaci.

XV. Equidem miror populum Romanum victis gentibus in tributo semper argentum imperitasse, non aurum : sicut Carthagini cum Annibale victæ XII. M. pondus annua in quinquaginta annos, nihil auri. Nec potest videri penuriâ mundi id evenisse. Jam Midas & Cræsus infinitum pos-

federant. Jam Cyrus devictâ Asiâ pondo XXXIV. M. invenerat, præter vasa aurea, aurumque factum, & in eo folia ac platenum, vitemque. Quâ victoriâ argenti quingenta millia talentorum reportavit, & craterem Semiramidis, cujus pondus quindecim talenta colligebat. Talentum autem Ægyptium pondo LXXX. patere Varro tradit. Jam regnaverat in Colchis Saluces & Esubopes, qui terram virginem nactus, plurimum argenti aurique eruisse dicitur in Suanorum gente, & alioqui velleribus aureis inclyto regno. Sed & illius aureæ cameræ, & argenteæ trabes narrantur, & columnæ, atque parastaticæ, victo Sesostri Ægypti rege, tam superbo, ut prodatur annis quibusque forte reges singulos e subjectis jungere ad currum solitus, atque ita triumphare.

XVI. Et nos fecimus, quæ posteri fabulosa arbitrentur. Cæsar qui postea dictator fuit, primus in ædilitate munere patris funebri, omni apparatu arenæ argenteo usus est: ferasque argenteis hastis incessivere tum primum noxii, quod etiam in municipiis æmulantur. C. Antonius ludos scenâ argenteâ fecit. Item L. Muræna, & Caius princeps in Circo pegma duxit, in quo fuere argenti pondo CXXIV. M. Claudius successor ejus, cùm de Britanniâ triumpharet, inter coronas aureas,

VII. M. pondo habere, quam contulisset Hispania citerior, IX. C. quam Gallia Comata, titulis indicavit. Hujus deinde successor Nero, Pompeii theatrum operuit auro in unum diem, quod Tiridati regi Armeniæ ostenderet. Et quota pars ea fuit aureæ domûs ambientis urbem?

XVII. Auri in ærario populi Romani fuere, Sex. Julio, L. Aurelio coss. septem annis ante bellum Punicum tertium, pondo XVI. M. DCCCX. argenti XXII. M. LXX. & in numerato, LXII. LXXXV. M. CCCC. Item Sex. Julio, L. Marcio coss. hoc est, belli socialis initio, auri pondo XVI. XX. M. DCCCXXIX. C. Cæsar primo introitu Urbis, civili bello suo, ex ærario protulit laterum aureorum XV. M. argenteorum, XXXV. M. & in numerato, H-S. CCCC. Nec fuit aliis temporibus res publica locupletior. Intulit Æmilius Paulus, Perseo rege victo e Macedonicâ prædâ H-S. MM. CCC. a quo tempore populus Romanus tributum pendere desiit.

XVIII. Laquearia, quæ nunc & in privatis domibus auro teguntur, post Carthaginem everfam primò inaurata sunt in Capitolio, censurâ L. Mummii. Inde transiere in cameras quoque & parietes, qui jam & ipsi tamquam vasa inaurantur: cùm sua ætas varia de Catulo existimaverit, quòd tegulas æreas Capitolii inaurasset primus.

XIX. Inventores auri, sicut metallorum fere omnium septimo volumine diximus. Præcipuam gratiam huic materiæ fuisse arbitror, non colore, qui in argento clarior est, magisque diei similis, & ideo militariibus signis familiarior, quoniam is longius fulget: manifesto errore eorum, qui colorem siderum placuisse in auro arbitrantur, cum in gemmis aliisque rebus non sit præcipuus. Nec pondere, aut facilitate materiæ prælatum est ceteris metallis, cum cedat per utrumque plumbo. Sed quia rerum uni nihil igne deperit, tuto etiam in incendiis rogisque. Quin immo quod sæpius arsit, proficit ad bonitatem. Aurique experimentum ignis est, ut simili colore rubeat, ignescatque: id ipsum obrussam vocant. Primum autem bonitatis argumentum est, quàm difficillimè accendi. Præterea mirum, prunæ violentissimæ igni indomitum, paleâ citissimè ardescere: atque ut purgetur, cum plumbo coqui. Altera causa pretii major, quàm minimum usu deteri, cum argento, ære, plumbo, lineæ producantur, manusque fordescant deciduâ materiâ. Nec aliud laxius dilatatur, aut numerosius dividitur, ut pote cujus uncia in septingenas & quinquagenas, pluresque bracteas, quaternum utroque digitorum, spargantur. Crassissimæ ex his Prænestinæ vocantur, etiam

num retinentes nomen, Fortunæ inaurato ibi fidelissimè simulacro. Proxima bractea quæstoria appellatur. Hispania strigiles vocat auri parvulas massas, quod super omnia solum in massâ aut ramento capitur. Cùm cetera in metallis reperta igni perficiantur, hoc statim aurum est, consummatamque materiam protinus habet, cùm ita invenitur. Hæc enim inventio ejus naturalis est: alia quam dicemus, coacta. Super cetera non rubigo ulla, non ærugo, non aliud ex ipso quod consumat bonitatem, minuatve pondus. Jam contra salis & aceti succos domitores rerum, constantia: superque omnia netur, ac textitur lanæ modo, & sine lanâ. Tunica aureâ triumphasse Tarquinius Priscum Verrius docet. Nos vidimus Agrippinam Claudii principis, edente eo navalis prælii spectaculum, adsidentem ei, indutam paludamento, auro textili sine aliâ materiâ. Attalicis verò jampridem intexitur, invento regum Asiæ.

XX. Marmor & iis quæ candesceri non possunt, ovi candido illinitur: ligno, glutini ratione compositâ: leucophoron vocant. Quid sit hoc, aut quemadmodum fiat, suo loco docebimus. Æs inaurari argento vivo, aut certè hydrargyro, legitimum erat; de quibus, ut dicemus, illorum naturam reddentes, excogitata fraus

est. Namque æs cruciatur in primis, accensumque restinguitur sale, aceto, alumine. Postea exarenatur, an satis recoctum sit, splendore deprehendente: iterumque exhalatur igni, ut possit edomitum, mixtis pumice, alumine, argento vivo, inductas accipere bracteas. Alumen in purgando vim habet, qualem esse diximus plumbo.

XXI. 4. Aurum invenitur in nostro orbe: ut omittamus Indicum, a formicis, aut apud Scythas gryphis erutum. Apud nos tribus modis: fluminum ramentis, ut in Tago Hispaniæ, Pado Italiæ, Hebro Thraciæ, Pactolo Asiæ, Gange Indiæ. Nec ullum absolutius aurum est, ut cursu ipso trituque perpolitum.

Alio modo puteorum scrobibus effoditur, aut in ruinâ montium. Quare utraque ratio dicetur. Aurum qui quærunt, ante omnia segullum tollunt: ita vocatur indicium. Alveus hîc est: arenæque lavantur, atque ex eo quod resedit, conjectura capitur. Invenitur aliquando in summâ tellure protinus, rarâ felicitate: ut nuper in Dalmatiâ principatu Neronis, singulis diebus etiam quinquagenas libras fundens. Gummi inventum est in summo cespite, talutatium vocant, si & auro ea tellus subest. Ceterò montes Hispaniæ aridi sterilesque, & in quibus aliud gignatur;

huic bono coguntur fertiles esse : quod puteis foditur, canalicium vocant, alii canaliense : marmoris glareæ inhærens, non illo modo, quo in Oriente sapphiro atque Thebaico, aliisque in gemmis scintillat, sed micæ amplexum marmoris. Vagantur hi venarum canales per latera puteorum, & huc illuc, inde nomine invento : tellusque ligneis columnis suspenditur. Quod effossum est, tunditur, lavatur, uritur, molitur in farinam, ac pilis cuditur. Vocant argentum, quod exit a fornace : sudorisque, qui e camino jactatur, spurcitia, in omni metallo scoria appellatur. Hæc in auro tunditur, iterumque coquitur. Catini fiunt ex tasconio. Hoc est terra alba similis argillæ. Neque enim alia flatum, ignemque, & ardentem materiam tolerat.

Tertia ratio opera vicerit Gigantum. Cuniculis per magna spatia actis cavantur montes ad lucernarum lumina. Eadem mensura vigiliarum est : multisque mensibus non cernitur dies. Arrugias id genus vocant : siduntque rimæ subito, & opprimunt operatos : ut jam minùs temerarium videatur e profundo maris petere margaritas : tantò nocentiores fecimus terras. Relinquuntur itaque fornices crebri montibus sustinendis. Occursant in utroque genere silices. Hos igni & aceto rumpunt.

Sæpius

Sæpius verò, quoniam in cuniculis vapor & fumus strangulat, cædunt, fracturis CL. libras fere agentibus : egeruntque humeris noctibus ac diebus, per tenebras proximis tradentes : lucem novissimi cernunt. Si longior videtur silix, latus sequitur fossa, ambitque. Tamen in silice facilius existimatur opera. Est namque terra ex quodam argillæ genere, glareæ mixta (candidam vocant) propè inexpugnabilis. Cuneis eam ferreis adgrediuntur, & iisdem malleis : nihilque durius putant, nisi quòd inter omnia auri fames durissima est. Peracto opere, cervices fornicum ab ultimo cædunt. Dat signum ruina, eamque solus intelligit in cacumine montis ejus pervigil. Hic voce ictuve evocari jubet operas, pariterque ipse devolat. Mons fractus cadit ab sese longè, fragore qui concipi humanâ mente non possit, & flatu incredibili. Spectant victores ruinam naturæ. Nec tamen adhuc aurum est : nec sciere esse, cùm fodere. Tantaque ad pericula & impendia satis fuit causæ, sperare quod cuperent.

Alius par labor, ac vel majoris impendii, flumina ad lavandam hanc ruinam jugis montium ducere obiter a centesimo plerumque lapide. Corrugos vocant, a corrivatione, credo : nimirum & hic labor est. Præcepisse libramentum oportet, ut furat

is quâ influat : itaque altissimis , partibus ducitur. Convallis & intervalla substructis canalibus junguntur. Alibi rupes inviæ cæduntur, sedemque trabibus cavatæ præbere coguntur. Is qui cædit, funibus pendet, ut procul intuentibus species ne ferarum quidem, sed alitum fiat. Pendentes majore ex parte librant, & lineas itineri præducunt. Itaque insistentis vestigiis hominis locus non est. Manus trahunt omne vitium in sportis. Id genus terræ urium vocant. Ergo per silices calculosve ducuntur, & urium evitant. Ad capita dejectûs in superciliis montium piscinæ cavantur : ducentos pedes in quasque partes, & in altitudinem denos. Emissaria in his quina pedum quadratorum ternûm ferre linquuntur, & repleto stagno excussis obturamentis erumpit torrens tantâ vi, ut saxa provolvat.

Alius etiamnum in plano labor. Fossæ per quas profluat, cavantur : agangas vocant : eæ sternuntur gradatim ulice. Frutex est roris marini similis, asper, aurumque retinens. Latera cluduntur tabulis, ac per prærupta suspenduntur, canali ita profluente de terrâ in mare. His de causis jam promovit Hispania. In priore genere, quæ exhauriuntur immenso labore, ne occupent puteos, in hoc rigantur. Aurum arrugiâ quæsitum non coquitur, sed

statim suum est. Inveniuntur ita massæ. Nec non in puteis etiam denas excedentes libras. Palacas Hispani, alii palacurnas: iidem quod minutum est, balucem vocant. Ulex siccatus uritur, & cinis ejus lavatur substrato cespite herbofo, ut siddat aurum. Vicena millia pondo ad hunc modum annis singulis Asturiam atque Galæciam & Lusitaniam præstare quidam prodiderunt, ita ut plurimum Asturia gignat. Neque in aliâ parte terrarum tot sæculis hæc fertilitas. Italiæ parci vetere interdicto patrum diximus: alioqui nulla fecundior metallorum quoque erat tellus. Exstat lex censoria Ictimulorum aurifodi-næ, Vercellensi agro, quâ cavebatur, ne plus quinque millibus hominum in opere publicani haberent.

XXII. Aurum faciendi est etiamnum una ratio ex auripigmento, quod in Syriâ foditur pictoribus, in summâ tellure, auri colore, sed fragili, lapidum specularium modo. Invitaveratque spes Caium principem avidissimum auri: quamobrem jussit excoqui magnum pondus: & plane fecit aurum excellens, sed ita parvi ponderis, ut detrimentum sentiret, illud propter avaritiam expertus: quamquam auripigmenti libræ x. iv. permutarentur: nec postea tentatum ab ullo est.

XXIII. Omni auro inest argentum va-

rio pondere, alibi nonâ, alibi octavâ parte. In uno tantum Galliæ metallo, quod vocant Albucrarense, tricesima sexta portio invenitur: ideo ceteris præest. Ubi-
que quinta argenti portio est, electrum vocatur. Scrobes eæ reperiuntur in canaliensi. Fit & curâ electrum argento addito. Quod si quintam portionem excessit, incudibus non resistit. Et electro auctoritas, Homero teste qui Menelai regiam auro, electro, argento, ebore fulgere tradit. Minervæ templum habet Lindos, insulæ Rhodiorum, in quo Helena sacravit calycem ex electro. Adjicit historia, mammæ suæ mensurâ. Electri natura est, ad lucernarum lumina clariùs argento splendere. Quod est nativum, & venena deprehendit. Namque discurrent in calycibus arcus, cælestibus similes, cum igneo stridore: & geminâ ratione prædicunt.

XXIV. Aurea statua prima omnium nullâ inanitate, & antequam ex ære aliqua illo modo fieret, quam vocant holosphyraton, in templo Anaitidis posita dicitur, (quo sit situ terrarum nomen hoc significavimus,) numine gentibus illis sacratissimo. Direpta est Antonii Parthicis rebus. Scitumque narratur dictum unius veteranorum Bononiæ, hospitali divi Augusti cenâ, cùm interrogaretur, « essetne verum, eum qui primus violasset hoc nu-

» men, oculis membrisque captum ex-
 » spirasse » ? Respondit enim, « tum ma-
 » ximè Augustum de crure ejus cenare,
 » seque illum esse, totumque sibi cen-
 » sum ex eâ rapinâ ». Hominum primus
 & auream statuam & solidam Gorgias
 Leontinus Delphis in templo sibi posuit,
 LXX. circiter Olympiade. Tantus erat do-
 cendæ oratoriæ artis quæstus.

XXV. Aurum plurimis modis pollet in
 remediis. Vulneratisque, & infantibus ad-
 plicatur, ut minùs noceant, quæ inferan-
 tur, veneficia. Est & ipsi superlato vis
 malefica, gallinarum quoque & pecorum
 feturis. Remedium est abluere illatum, &
 spargere eos quibus mederi velis. Torre-
 tur & cum salis gemino pondere, triplici
 miseos, & rursum cum duabus salis por-
 tionibus, & unâ lapidis, quem schiston
 vocant : ita virus tradit rebus unâ crema-
 tis in fictili vase, ipsum purum & incor-
 ruptum. Reliquus cinis servatus in ficti-
 li, & ex aquâ illitus, lichenas in facie
 sanat. Lomento eum convenit ablui. Fi-
 stulas etiam sanat, & quæ vocantur hæ-
 morrhoides. Quod ei tritus pumex adji-
 citur, putria ulcera & tetri odoris emen-
 dat. Ex melle verò decoctum cum me-
 lanthio, & illitum umbilico, leniter sol-
 vit alvum. Auro verrucas curari M. Var-
 ro auctor est.

30 *C. PLINII NATUR.*

XXVI. 5. Chrysocolia humor est in puteis, quos diximus, per venam auri defluens, crassescente limo rigoribus hibernis usque in duritiam pumicis. Laudatior eamdem in ærariis metallis, & proximam in argentariis fieri compertum est. Invenitur & in plumbariis, vilior etiam aurariâ. In omnibus autem iis metallis fit & curâ, multum infra naturalem illam: immissis in venam aquis leviter hieme totâ, usque in Junium mensem, dein siccatis in Junio & Julio: ut planè intelligatur nihil aliud chrysocolia, quàm vena putris. Nativa duritiâ maximè distat: luteam vocant. Et tamen illâ quoque herbâ, quam lutum appellant, tinguitur. Natura est, quæ lino lanæve, ad succum bibendum. Tunditur in pilâ, deinde tenui cribro cernitur: postea molitur, ac deinde tenuius cribratur. Quidquid non transmeat, repetitur in pilâ, dein molitur. Pulvis semper in catinos digeritur, & ex aceto maceratur, ut omnis duritia solvatur: ac rursus tunditur, dein lavatur in conchis, siccaturque. Tunc tinguitur alumine schisto, & herbâ suprâ dictâ: pingiturque, antequam pingat. Refert quàm bibula docilisque sit. Nam nisi rapuit colorem, adduntur scytanum atque turbystum: ita vocant medicamenta sorbere cogentia.

XXVII. Cùm tinxere pictores, orobitin

vocant, ejusque duo genera faciunt: luteam, quæ servatur in lomentum: & liquidam, globulis sudore resolutis. Hæc utraque genera in Cypro fiunt. Laudatissima in Armeniâ, secunda in Macedoniâ, largissima in Hispaniâ. Summa commendationis, colorem in herbâ segetis lætè virentis quàm simillimè reddat. Visumque jam est Neronis principis spectaculis arenam Circi chryfocollâ sterni, cùm ipse concolori panno aurigaturus esset. Indocta opificum turba tribus eam generibus distinguit: asperam, quæ taxatur in libras denariis VII. mediam, quæ denariis quin: adtritam, quam & herbaceam vocant, quæ X. III. Sublinunt autem arenosam, priusquam inducant, atramento, & Parætonio. Hæc sunt tenacia ejus & color blandi. Parætonium, quoniam est naturâ pinguiissimum, & propter lævorem tenacissimum, atramento adspargitur, ne Parætonij candor pallorem chryfocollæ adferat. Luteam putant a luto herbâ dictam, quam ipsam cæruleo subtritam, pro chryfocollâ inducunt, vilissimo genere atque fallacissimo.

XXVIII. Usus chryfocollæ & in medicinâ est ad purganda vulnera cum cerâ & oleo. Eadem per se arida siccatur & contrahit. Datur & in anginâ, orthopnœâve, lingenda cum melle. Concitat vomitiones:

32 C. PLINII NATUR.

miscetur & collyriis ad cicatrices oculorum : ac viridibus emplastris, ad dolores mitigandos, & cicatrices trahendas. Hanc chryfocollam medici acesin appellant, quæ non est orobitis.

XXIX. Chryfocollam & aurifices sibi vindicant adglutinando auro : & inde omnes appellatam similiter utentes dicunt. Temperatur autem ea Cypriâ ærugine, & pueri impubis urinâ, addito nitro. Teritur Cyprio ære in Cypriis mortariis : santernam vocant nostri. Ita ferruminatur aurum, quod argentosum vocant. Signumque est, si additâ santernâ nitescit. E diverso ærosum contrahit se, hebetaturque, & difficulter ferruminatur. Ad id glutinum fit, auro, & septimâ parte argenti ad supradicta additis, unâque contritis.

XXX. Contexti par est reliqua circa hoc, ut universa naturæ contingat admiratio. Auri glutinum est tale. Argilla ferro, cadmia æris massis, alumen laminis, resina plumbo & marmori : sed plumbum nigrum albo jungitur, ipsumque album sibi oleo. Item stannum æramenis, stanno argentum. Pineis optimè lignis æs ferrumque funditur : sed & Ægyptiâ papyro : paleis aurum. Calx aquâ accenditur, & Thracius lapis : idemque oleo restinguitur. Ignis autem aceto maximè, & visco, & ovo. Terra minimè flagrat. Carboni

major vis exusto, iterumque flagranti.

XXXI. 6. Ab his argenti metalla dicantur, quæ sequens insania est. Nonnisi in puteis reperitur, nullâque sui spe nascitur: nullis, ut in auro lucentibus scintillis. Terra est alia rufa, alia cineracea. Excoqui non potest, nisi cum plumbo nigro, aut cum venâ plumbi. Galenam vocant, quæ juxta argenti venas plerumque reperitur. Et eodem opere ignium descendit pars in plumbum, argentum autem superne innatat, ut oleum aquis. Reperitur in omnibus pæne provinciis, sed in Hispaniâ pulcherrimum: id quoque in sterili solo, atque etiam montibus: & ubicumque una inventa vena est, non procul invenitur alia. Hoc quidem & in omni fere materiâ: unde metalla Græci videntur dixisse. Mirum, adhuc per Hispanias ab Annibale inchoatos puteos durare, sua ab inventoribus nomina habentes. Ex quibus Bebulo appellatur hodieque, qui CCC. pondus Annibali subministravit in dies, ad mille quingentos jam passus cavato monte, per quod spatium Aquitani stantes diebus noctibusque egerunt aquas lucernarum mensurâ, amnemque faciunt. Argenti vena, quæ in summo reperta est, crudaria appellatur. Finis antiquis fodiendi solebat esse alumen inventum: ultra nihil quærebatur. Nuper inventa æris vena infra alu-

34 *C. PLINII NATUR.*

men alba, finem spei fecit. Odor ex argenti fodinis inimicus omnibus animalibus, sed maximè canibus. Aurum argentumque quò mollius, eò pulcrius. Lineas ex argento nigras produci plerique mirantur.

XXXII. Est & lapis in his venis, cuius vomica liquoris æterni argentum vivum appellatur: venenum rerum omnium. Exest ac perrumpit vasa permanens tabe dirâ. Omnia ei innatant, præter aurum: id unum ad se trahit. Ideo & optimè purgat, ceteras ejus fordes exspuens crebro jactatu fictilibus in vasis, alutis injectis. Sed ut ipsum ab auro discedat in pelles subactas effunditur, per quas sudoris vice defluens, purum relinquit aurum. Ergo & cum æra inaurantur, sublitum bracteis pertinacissimè retinet. Verùm pallore detegit simplices aut prætenues bracteas. Quapropter id furtum quærentes, ovi liquore candido usum eum adulteravere: mox & hydrargyro, de quo suo dicemus loco. Et aliàs argentum vivum non largum inventum est.

XXXIII. In iisdem argenti metallis invenitur, ut propriè dicamus, spumæ lapidis candidæ nitentisque, non tamen translucentis: stimmi appellant, alii stibium, alii alabastrum, alii iarbafon. Duo ejus genera, mas & femina. Magis probant fe-

minam: horridior est mas, scabriorque, & minùs ponderosus, minúsq̃ue radians & arenosior: femina contrà nitet, friabilis, fissurisq̃ue, non globis dehiscens.

XXXIV. Vis ejus adstringere, & refrigerare: principalis autem circa oculos: namque ideo etiam plerique platyophthalmon id appellavere, quoniam in callibepharris mulierum dilatet oculos. Et fluxiones inhibet oculorum, exulcerationesq̃ue, farina ejus ac thuris, gummi admixto. Sistit & sanguinem e cerebro defluentem. Efficacior & contra recentia vulnera: & contra veteres canum morsus inspersus farinâ: & contra ambusta igni, cum adipe, ac spumâ argenti, ceruisâq̃ue, & cerâ. Uritur autem offis bubuli fimi circumlitum in clibanis: dein restinguitur mulierum lacte, teriturque in mortariis, admixtâ pluviâ. Ac subinde turbidum transfunditur in æreum vas, & mundatur nitro. Fæx ejus intelligitur plumbosissima, quæque subsedit in mortario, abjiciturque. Dein vas, in quo turbida transfusa sunt, operum linteo per noctem relinquitur, & postero die quod innatat, effunditur, spongiâque tollitur. Quod ibi subsedit, flos intelligitur, ac linteolo interposito in Sole siccat, non ut perarescat. Iterumque in mortario teritur, & in pastillos dividitur. Ante omnia autem urendi modus necessarius

36 C. PLINII NATUR.

est, ne plumbum fiat. Quidam non fimo utuntur coquentes, sed adipe. Alii tritum in aquâ triplici linteo faccant, fæcemque abjiciunt, idque quod defluxit, transfundunt, quidquid subsidit colligentes: emplastris quoque & collyriis miscent.

XXXV. Scoriam in argento Græci vocant helcysma. Vis ejus adstringere & refrigerare corpora. Additur emplastris, ut molybdæna, de quâ dicemus in plumbo, cicatricibus maximè glutinandis: & contra tenesmos, dysenteriasque, infusa clysteribus cum myrteo oleo. Addunt & in medicamenta, quæ vocant liparas, ad excrecentia ulcerum, aut ex adritu facta, aut in capite manantia.

Fit in iisdem metallis, & quæ vocatur spuma argenti. Genera ejus tria: optima quam chrysitin vocant: secunda, quam argyritin: tertia, quam molybditin. Et plerumque omnes hi colores in iisdem tubulis inveniuntur. Probatissima est Attica, proxima Hispaniensis. Chrysitis ex venâ ipsâ fit, argyritis ex argento, molybditis plumbi ipsius fusrâ, quæ fit Puteolis, & inde habet nomen. Omnis autem fit excoctâ suâ materiâ ex superiori catino defluens in inferiorem, & ex eo sublata veruculis ferreis, atque in ipsâ flammâ convoluta, ut sit modici ponderis. Est autem, ut ex nomine ipso intel-

ligi potest, fervescentis materiæ spuma. Distat a scoriâ, quò potest spuma a fæce distare. Alterum purgantis se materiæ, alterum purgatæ vitium est. Quidam duo genera faciunt spumæ, quæ vocant lythrida & peumenem, tertium molybdænam, in plumbo dicendam. Spuma ut sit utilis, iterum coquitur, contractis tubulis ad magnitudinem anulorum: ita accensa foliis, ad separandos carbones cineremque, abluitur aceto aut vino, simulque restinguitur. Quod si sit argyritis, ut candor ei detur, magnitudine fabæ contracta, in fictili coqui jubetur ex aquâ, addito in linteolis tritico & hordeo novis, donec purgentur. Postea sex diebus terunt in mortariis, ter die abluentes aquâ frigidâ: & cùm desinant, calidâ, addito sale fossili, in libram spumæ obolo. Novissimo die condunt in plumbeo vase. Alii cum fabâ candidâ ac ptisanâ coquunt, & in Sole siccant. Alii in lanâ candidâ cum fabâ, donec lanam non denigret. Tunc salem fossilem adjiciunt, subinde aquâ mutatâ, siccantque diebus XL. calidissimis æstatis. Nec non in ventre suis in aquâ coquunt, exemptamque nitro fricant, & ut suprâ, terunt in mortariis cum sale. Sunt qui non coquant, sed cum sale terant, & adjectâ aquâ abluant. Usus ejus ad collyria, & litu ad mulie-

brium cicatricum foeditates tollendas, maculasque, & abluendum capillum. Vis autem siccare, mollire, refrigerare, temperare, purgare, explere ulcera, tumores lenire. Talibusque emplastris suprâ dictis ignes etiam sacros tollit cum rutâ, myrtoque, & aceto: itemque perniones cum myrto & cerâ.

XXXVI. 7. Invenitur in argentariis metallis minium quoque, & nunc inter pigmenta magnæ auctoritatis, & quondam apud Romanos non solum maximæ, sed etiam sacrae. Enumerat auctores Verrius, quibus credere sit necesse, Jovis ipsius simulacri faciem diebus festis minio illini solitam, triumphantumque corpora: sic Camillum triumphasse. Hac religione etiam nunc addi in unguenta cenæ triumphalis, & a censoribus in primis Jovem minian- dum locari. Cujus rei causam equidem miror: quamquam & hodie id expeti constat Æthiopum populis, totosque eo tingui procures, huncque ibi deorum simulacris colorem esse. Quapropter diligentius persequemur omnia de eo.

XXXVII. Theophrastus xc. annis ante Praxibulum Atheniensium magistratum (quod tempus exit in Urbis nostræ ccc-
xlx. annum) tradit inventum minium a Calliâ Atheniense, initio sperante aurum posse excoqui arenâ rubente in metallis.

argenti : hanc fuisse originem ejus. Reperiri autem jam tum in Hispaniâ , sed durum & arenosum : item apud Colchos in rupe quadam inaccessâ , ex quâ jaculantes decuterent : id esse adulterum : optimum verò supra Ephesum Cilbianis agris. Arenam cocci colorem habere : hanc teri , dein lavari farinam : & quod subsidat , iterum lavari. Differentiam artis esse , quòd alii minium faciunt primâ loturâ : apud alios id esse dilutius , sequentis autem loturæ optimum.

XXXVIII. Auctoritatem colori fuisse non miror. Jam enim Trojanis temporibus rubrica in honore erat , Homero teste , qui naves eâ commendat , aliàs circa picturas pigmentaque rarus. Milton vocant Græci : minium quidam , cinnabari. Unde natus error , Indico cinnabaris nomine. Sic enim appellant illi saniem draconis elisi elephantorum morientium pondere , permixto utriusque animalis sanguine , ut diximus. Neque alius est color , qui in picturis propriè sanguinem reddat. Illa cinnabaris antidotis medicamentisque utilissima est. At hercule medici , quia cinnabarin vocant , pro eâ utuntur hoc minio , quod venenum esse paulo mox docebimus.

XXXIX. Cinnabari veteres , quæ etiam nunc vocant monochromata , pingebant. Pinxerunt & Ephesio minio , quod de-

relictum est, quia curatio magni operis erat. Præterea utrumque nimis acre existimatur. Idcirco transiere ad rubricam, & Sinopidem, de quibus suis locis dicam. Cinnabaris adulteratur sanguine caprino, aut sorbis tritis. Pretium sinceræ, nummi quinquaginta.

XL. Juba minium nasci & in Carmaniâ tradit: Timagenes & in Æthiopiâ. Sed neutro ex loco invehitur ad nos, nec ferre aliunde quàm ex Hispaniâ. Celeberrimum ex Sisaponensi regione in Bæticâ, miniario metallo vestigalibus populi Romani, nullius rei diligentiore custodiâ. Non licet id ibi perficere excoquique. Romam defertur vena signata, ad dena millia fere pondo annua. Romæ autem lavatur: in vendendo, pretio statutâ lege, ne modum excederet. H-s. LXX. in libras. Sed adulteratur multis modis, unde præda societati.

Namque est alterum genus in omnibus fere argentariis, itemque plumbariis metallis, quod fit exusto lapide venis permixto, non ex illo, cujus vomicam argentum vivum appellavimus, (is enim & ipse in argentum excoquitur:) sed ex aliis simul repertis. Steriles etiam plumbiprehenduntur suo colore, nec nisi in fornacibus rubescentes exustique tunduntur in farinam. Et hoc est secundarium minium perquam paucis notum, multum infra na-

turales illas arenas. Hoc ergo adulteratur minium in officinis sociorum: item Syrico. Quonam modo Syricum fiat, suo loco dicemus. Sublini autem Syrico minium compendii ratio demonstrat. Et alio modo pingentium furto opportunum est, plenos subinde abluentium penicillos. Sedit autem in aquâ, constatque furantibus. Sincero cocci nitor esse debet. Secundarii autem splendor in parietibus sentit uliginem. Quamquam hoc rubigo quædam metalli est. Sisaponensibus autem miniariis suæ venæ arena sine argento excoquitur auri modo. Probatur auro candente: fucatum nigrescit: sincerum retinet colorem. Invenio & calce adulterari. Ac simili ratione ferri candentis laminâ, si non sit aurum, deprehendi illico. Solis atque Lunæ contactus inimicus: remedium, ut parieti siccato cera Punica cum oleo liquefacta candens setis inducatur: iterumque admotis gallæ carbonibus aduratur ad fudorem usque: postea candelis fubigatur: ac deinde linteis puris, sicut & marmora nitescent. Qui minium in officinis poliunt, faciem laxis vesicis illigant, ne in respirando pernicipalem pulverem trahant: & tamen ut per illas spectent. Minium in voluminibus quoque scripturâ usurpatur, clarioresque literas, vel in auro, vel in marmore, etiam in sepulcris facit.

XLI. 8. Ex secundo invenit vita & hydrargyrum in vicem argenti vivi, paulo antè dilatum. Fit autem duobus modis: æreis mortariis pistillisque trito minio ex aceto: aut patinis fictilibus impositum ferreâ conchâ, calyce coopertum, argillâ superillitâ: dein sub patinis accensum folibus continuo igni, atque ita calycis fudore deterfo, qui fit argenti colore & aquæ liquore. Idem guttis dividi facilis, & lubrico humore confluere. Quod cum venenum esse conveniat, omnia quæ de minio in medicinæ usu traduntur, temeraria arbitror: præterquam fortassis illito capite ventreve, sanguinem sistendum, dum ne quid penetret in viscera, ac vulnus attingat: aliter utendum non equidem censeam.

XLII. Hydrargyro argentum inauratur solum nunc propè, cum & in æra simili modo duci debeat. Sed eadem fraus, quæ in omni vitæ parte ingeniosissima est, viliores excogitavit materiam, ut docuimus.

XLIII. Auri argentique mentionem comitatur lapis, quem coticulam appellant, quondam non solitus inveniri, nisi in flumine Tmolo, ut auctor est Theophrastus: nunc verò passim: quem alii Heraclium, alii Lydium vocant. Sunt autem modici, quaternas uncias longitudinis, binasque latitudinis non excedentes. Quod a Sole fuit

in his, melius quàm quod a terrâ. His coticulis periti, cum e venâ ut limâ rapuerint experimentum, protinus dicunt quantum auri sit in eâ, quantum argenti vel æris, scripulari differentiâ, mirabili ratione, non fallente.

XLIV. Argenti duæ differentiæ. Batillis ferreis candentibus ramento imposito, quod candidum permaneat, probatur. Proxima bonitas rufo, nulla nigro. Sed experimento quoque fraus intervenit: servatis in virorum urinâ batillis, inficitur ita ramentum obiter dum uritur, candoremque mentitur. Est aliud experimentum politi, & in halitu hominis, si fudet protinus, nubemque discutiat.

XLV. 9. Laminas duci, & specula fieri non nisi ex optimo posse creditum fuerat. Id quoque jam fraude corrumpitur. Sed natura mira est imagines reddendi, quod percussio aere atque in oculos regeſto fieri convenit. Eâdem vi in speculis usu politâ crassitudine, paulumque propulsâ dilatatur in immensum magnitudo imaginum. Tantum interest percussum illum respuat, an excipiat. Quin etiam pocula ita figurantur, exsculptis intus crebris ceu speculis, ut vel uno intuente, populus totidem imaginum fiat. Excogitantur & monſtrifica, ut in templo Smyrnæ dicata. Id evenit figurâ materiæ. Plurimumque re-

fert concava sint & poculi modo, an parma Threcidicæ, media depressa an elata, transversa an obliqua, supina an recta, qualitate excipientis figuræ torquente venientes umbras. Nec enim est aliud illa imago, quàm digesta claritas materiæ excipientis umbram. Atque ut omnia de speculis peragantur hoc loco, optima apud majores fuerant Brundisina, stanno & ære mixtis. Præolata sunt argentea. Primus fecit Praxiteles, Magni Pompeii ætate. Nuper credi cœptum, certio rem imaginem reddi, auro opposito aversis.

XLVI. Tinguunt & Ægyptus argentum, ut in vasis Anubem suum spectet: pingitque, non cælat argentum. Transit inde materia & ad triumphales statuas: mirumque, crescit pretium fulgoris excæcati. Id autem fit hoc modo: miscentur argento tertiæ æris Cyprii tenuissimi, quod coronarium vocant, & sulphuris vivi, quantum argenti. Conflantur ita in fictili circumlito argillâ. Modus coquendi, donec se ipsa opercula aperiant. Nigrescit & ovi indurati luteo, ut tamen aceto & cretâ deteratur.

Miscuit denario triumvir Antonius ferrum. Miscentur æra falsæ monetæ. Alii e pondere subtrahunt, cum sit justum LXXXIV. e libris signari. Igitur ars facta denarios probare, tam jucundâ lege plebi, ut Mario Gratidiano vica tim tota statuas

dicaverit. Mirumque, in hac artium solâ vitia discuntur, & falsi denarii spectatur exemplar, pluribusque veris denariis adulterinus emitur.

XLVII. 10. Non erat apud antiquos numerus ultra centum millia: itaque & hodie multiplicantur hæc, ut decies centena millia, aut sæpius dicantur. Fenus hoc fecit, nummusque percussus: & sic quoque æs alienum etiamnum appellatur. Postea divites cognominati: dummodo notum sit, eum qui primus acceperit hoc cognomen, decoxisse creditoribus suis. Ex eâdem gente M. Crassus negabat locupletem esse, nisi qui redditu annuo legionem tueri posset. In agris sestertium $\overline{\text{MM}}$. possedit, Quiritium post Sullam ditissimus. Nec fuit satis, nisi totum Parthorum esurisset aurum: atque in memoriam quidem optimum occupavit: juvat enim insectari inexplabilem istam habendi cupidinem. Multos postea cognovimus servitute liberatos opulentiores: pariterque tres Claudii principatu, Pallantem, Callistum, & Narcissum. Atque ut hi omittantur, tamquam adhuc rerum potiantur, C. Asinio Gallo, C. Marcio Censorino cons. a. d. vi. Kal. Febr. C. Cæcilius Claudius Isidorus testamento suo edixit, quamvis multa civili bello perdidisset, tamen relinquere servorum quatuor millia centum sedecim: jura boum

tria millia sexcenta, reliqui pecoris CC. quinquaginta septem millia: in numerato H-S. DC. Funerari se jussit H-S. XI. Congerant excedentes numerum opes, quota tamen portio erunt Ptolemæi? quem Varro tradit Pompeio res gerente circa Judæam, octona millia equitum suâ pecuniâ toleravisse: mille convivas, totidem aureis patoriis, mutantem vasa cum ferculis, saginasse. Quota verò ille ipse (neque enim de regibus loquor) portio fuit Pythii Bithyni, qui platanum auream, vitæque nobilem illam Dario regi donavit: Xerxis copias, hoc est, septies centena LXXXVIII. millia hominum excepit epulo, stipendium quinque mensium frumentumque pollicitus, ut e quinque liberis in delectu senectuti suæ unus saltem concederetur. Hunc quoque ipsum aliquis comparet Cræso regi. Quæ (malum) amentia est, id in vitâ cupere, quod aut etiam servis contigerit, aut ne in regibus quidem invenerit finem!

XLVIII. Populus Romanus stipem spargere cœpit, Sp. Postumio, Q. Marcio coss. Tanta abundantia pecuniæ erat, ut eam conferret L. Scipioni, ex quâ is ludos fecit. Nam quòd Agrippæ Menenio sextantes æris in funus contulit, honoris id necessitatisque propter paupertatem Agrippæ, non largitionis esse dixerim.

XLIX. 11. Vasa ex argento mira inconstantia humani ingenii variat, nullum genus officinae diu probando, nunc Firmiana, nunc Clodiana, nunc Gratiana: etenim tabernas mensis adoptavimus: nunc anaglypta, in asperitatemque excisa, circa linearum picturas quærimus. Jam verò & mensas repositoriis imponimus, & ad sustinenda obsonia interrاديمus latera: & interest, quàm plurimùm lima perdidit. Vasa coquinaria ex argento Calvus orator fieri quiritat: at nos carrucas ex argento cælare invenimus: nostrâque ætate Poppæa conjux Neronis principis delicatioribus jumentis suis soleas ex auro quoque induere.

L. Libras XXXII. argenti Africanus sequens heredi reliquit. Idemque cùm de pœnis triumpharet, quatuor millia CCCLXXX. pondo transtulit. Hoc argenti tota Carthago habuit, illa terrarum æmula, quot mensarum postea apparatu victa? Numantiâ quidem deletâ, idem Africanus in triumpho militibus x. viâ dedit. O viros illo imperatore dignos, quibus hoc satis fuit! Frater ejus Allobrogicus primus omnium pondo mille habuit. At Livius Drusus in tribunatu plebis, x. Nam propter quinque pondo notatum a censoribus triumphalem senem, fabulosum jam videtur. Item Catum Ælium, cùm legati Ætolo-

rum in consulatu prandentem in fictilibus adissent, missa ab his vasa argentea non accepisse, neque aliud habuisse argenti ad supremum vitæ diem, quàm duo pocula, quæ L. Paulus focer ei ob virtutem, devicto Perseo rege, donasset. Invenimus legatos Carthaginensium dixisse nullos hominum inter sese benigniùs vivere, quàm Romanos. Eodem enim argento apud omnes cenitavisse ipsos. At hercules Pompeium Paulinum Arelatensis equitis Romani filium, paternaque gente pellitum, quod XII. pondo argenti habuisset apud exercitum, ferocissimis gentibus oppositum scimus.

LI. Lectos verò mulierum jam pridem totos operiri argento, & triclinia quædam quibus argentum addidisse primus traditur Carvilius Pollio, eques Romanus, non ut operiret, aut Deliacâ specie faceret, sed Punicanâ. Eâdem & aureos fecit. Nec multò post argentei Deliacos imitati sunt. Quæ omnia expiavit bellum civile Sullanum.

LII. Paulo enim antè hæc facta sunt; lanceeque e centenis libris argenti, quas tunc super quingentas numero Romæ fuisse constat, multosque ob eas proscriptos, dolo concupiscentium. Erubescant annales, qui bellum civile illud talibus vitiis impunitavere. Nostra ætas fortior fuit: Claudii principatu

principatu servus ejus Drusillanus nomine Rotundus, dispensator Hispaniæ citerioris, quingenariam lancem habuit, cui fabricandæ officina prius exædificata fuerat: & comites ejus, octo DCCCL. librarum: quæso, ut quàm multi eas conservi ejus inferrent, aut quibus cenantibus? Cornelius Nepos tradit ante Sullæ victoriam duo tantum triclinia Romæ fuisse argentea. Repositoriis argentum addi suâ memoriâ cœptum, Fenestella, qui obiit novissimo Tiberii Cæsaris principatu. Sed & testudinea tum in usum venisse. Ante se autem paulo, lignea, rotunda, solida: nec multò majora, quàm mensas fuisse. Se quidem puero, quadrata & compacta, aut acere operta, aut citro cœpisse. Mox additum argentum in angulis, lineasque per commissuras. Tympana verò se juvene appellata stateras, & lances, quas antiqui magidas appellaverant.

LIII. Nec copiâ tantum argenti furit vita, sed validiùs pæne manipretiis: idque jam pridem, ut ignoscamus nobis. Delphinos quinis millibus sestertiûm in libras emptos C. Graccus habuit. Lucius verò Crassus orator duos scyphos Mentoris artificis manu cælatos sestertiis c. Confessus tamen est, numquam se his uti propter verecundiam ausum. Constat eundem sestertiûm VI. millibus in singulas libras

vafa empta habuiffe. Asia primùm devicta luxuriam misit in Italiam. Siquidem Lucius Scipio transtulit in triumpho argenti cælati pondo MCCCCL. Et vasorum aureorum pondo MD. anno conditæ Urbis quingentesimo sexagesimo quinto. Eadem Asia donata multò etiam graviùs adflixit mores, inutiliorque victoriâ illâ hereditas Attalorege mortuo fuit. Tum enim hæc emendi Romæ in auctionibus regiis verecundia exempta est, Urbis anno sexcentesimo vicesimo secundo, mediis quinquaginta septem annis eruditâ civitate amare etiam, non solùm admirari, opulentiam externam: immenso & Achaicæ victoriæ momento ad impellendos mores, quæ & ipsa hoc intervallo, anno Urbis sexcentesimo octavo parta, signa & tabulas pictas invexit, ne quid deesset: pariterque luxuria nata est, & Carthago sublata: ita congruentibus fatis, ut liberet amplecti vitia, & liceret. Petiere & dignationem hinc aliqui veterum. C. Marius post victoriam Cimbricam cantharis potasse Liberi patris exemplo traditur, ille arator Arpinas, & manipularis imperator.

LIV. 12. Argenti usum in statuas primùm divi Augusti in adulatione temporum transisse, falsò existimatur. Jam enim triumpho Magni Pompeii reperimus translatam Pharnacis, qui primus regnavit in Pon-

to, argenteam statuam : item Mithridatis Eupatoris, & currus aureos argenteosque. Argentum succedit aliquando & auro, luxu feminarum plebis compedes sibi ex eo facientium, quas induere aureas mos tritior vetat. Vidimus & ipsi Arellium Fuscum (motum equestri ordine, ob insignem calumniam, cum celebritate adsectarentur adolescentium scholæ) ex argento anulos habentem. Et quid hæc attinet colligere, cum capuli militum, ebore etiam fastidito cælentur argento, vaginæ catillis, baltei laminis crepitent? Jam verò pædagogia ad transitum virilitatis custodian-
tur argento : feminæ laventur, &, nisi argentea, solia fastidiant : eademque materia & cibus, & probris, serviat. Videret hæc Fabricius, & stratas argento mulierum balneas, ita ut vestigio locus non sit, cum viris lavantium : Fabricius, inquam, qui bellicosos imperatores plus quàm pateram & salinum ex argento habere vetabat. Videret hinc dona fortium fieri, aut in hæc frangi. Heu mores! Fabricii nos pudet.

LV. Mirum in auro cælando inclaruisset neminem, argento multos. Maximè tamen laudatus est Mentor, de quo suprà diximus. Quatuor paria ab eo omnino facta sunt: ac jam nullum exstare dicitur, Ephesiæ Dianæ templi, aut Capitolini incendiis. Varro & æreum signum ejus habuisse

scripsit. Proximi ab eo in admiratione Acragas, & Boethus, & Mys fuere. Exstant hodie omnium opera in insulâ Rhodiorum: Boethi apud Lindiam Minervam: Acragantis in templo Liberi patris in ipsâ Rhodo, Bacchæ Centaurique cælati in scyphis: Myos in eâdem æde, & Silenus, & Cupidines. Acragantis & venatus in scyphis magnâ famâ. Post hos celebratus est Calamis & Antipater, quique Satyrum in phialâ gravatum somno collocavisse veriùs, quàm cælasse dictus est, Stratonicus. Mox Cyzicenus Tauriscus. Item Ariston & Eunicus Mitylenæi laudantur, & Hecatæus: & circa Magni Pompeii ætatem Praxiteles, Posidonius Ephesius, Lædus Stratiates, qui prælia armatosque cælavit: Zopyrus, qui Areopagitas, & iudicium Orestis, in duobus scyphis H. S. XII. æstimatis. Fuit dein Pytheas, cuius duæ unciae X. venierunt. Ulysses & Diomedes erant in phialæ emblemate, Palladium subripietes. Fecit idem & cocos magiriscia appellatos, parvulis potoriis, sed e quibus ne exempla quidem liceret exprimere, tam opportuna injuriæ subtilitas erat. Habuit & Teucer crustarius famam. Subitòque ars hæc ita exolevit, ut solâ jam vetustate censeatur, usque adeò ad tritis cælaturis, ne figura discerni possit, auctoritas constet. Argentum medicatis aquis inficitur,

atque etiam adflatu falso, sicut in mediterraneis Hispaniæ.

LVI. In argenti, & auri metallis nascuntur etiamnum pigmenta, sil & cæruleum. Sil propriè limus est. Optimum ex eo quod Atticum vocatur. Pretium in pondolibras, x. ii. Proximum marmorosum, dimidio Attici pretio. Tertium genus est pressum, quod alii Syricum vocant ex insulâ Syro. Jam quidem & ex Achaiâ, quo utuntur ad picturæ umbras. Pretium in libras, H-s. bini. Dupondiiis verò detractis, quod lucidum vocant, e Galliâ veniens: hoc autem & Attico ad lumina utuntur: ad abacos, non nisi marmoroso, quoniam marmor in eo resistit amaritudini calcis. Effoditur & ad xx. ab Urbe lapidem, in montibus. Postea uritur, pressum appellantibus qui adulterant. Sed esse falsum exustumque amaritudine apparet, quoniam resolutum in pulverem est. Sile pingere instituere primi Polygnotus & Micon, Attico dumtaxat. Hoc secuta ætas ad lumina usa est: ad umbras autem Syrico & Lydio. Lydium Sardibus emebatur, quod nunc omittunt.

LVII. 13. Cæruleum arena est. Hujus genera tria fuere antiquitus: Ægyptium, quod maximè probatur. Scythicum, hoc diluitur faciliè: cùmque teritur, in iv. colores mutatur, candidiorem nigrioremve:

Præfertur huic etiamnum Cyprium. Accessit his Puteolanum & Hispaniense, arenâ ibi confici cœptâ. Tinguatur autem omne, & in suâ coquitur herbâ, bibitque succum. Reliqua confectura eadem quæ chrysocollæ. Ex cæruleo fit, quod vocatur lomentum : perficitur id lavando terendove : hoc est cæruleo candidius. Pretia ejus, x. x. in libras : cærulei, x. viii. Usus in cretâ, calcis impatiens. Nuper accessit & Vestorianum ab auctore appellatum. Fit ex Ægyptii levissimâ parte : pretium ejus, x. xi. in libras. Idem & Puteolani usus, præterque ad fenestras : vocant cyanon. Non pridem adportari & Indicum est cœptum, cujus pretium x. viii. in libras. Ratio in picturâ ad incisuras, hoc est, umbras dividendas ab lumine. Est & vilissimum genus lomenti, quidam tritum vocant, quinis assibus æstimatum. Cærulei sinceri experimentum in carbone ut flagret : fraus, violâ aridâ decoctâ in aquâ, succoque per linteum expresso in cretam Eretriam. Vis ejus in medicinâ, ut purget ulcera. Itaque & emplastris adjiciunt : item causticis. Teritur autem difficillimè sil. In medendo leviter mordet, adstringitque, & explet ulcera. Uritur in fictilibus, ut prosit. Pretia rerum, quæ usquam posuimus, non ignoramus alia in aliis locis esse, & omnibus pæne annis

mutari, prout navigationes constiterint, aut ut quisque mercatus sit, aut aliquis prævalens manceps annonam flagellet: non oblii Demetrium a totâ Seplasiâ Neronis principatu accusatum apud consules: poni tamen necessarium fuit, quæ plerumque erant Romæ, ut exprimeretur auctoritas rerum.





LIBER XXXIV.

Æris metalla.

I. I. **P**ROXIMA dicantur æris metalla, cui & in usu proximum est pretium: immo verò ante argentum, ac pæne etiam ante aurum, Corinthio. Stipis quoque auctoritas, ut diximus. Hinc æra militum: tribuni ærarii, & ærarium, obærat, & ære diruti. Docuimus, quamdiu populus Romanus ære tantum signato usus sit. Sed & alia vetustas æqualem Urbi auctoritatem ejus declarat, a rege Numâ collegio tertio ærariorum fabrûm instituto.

II. Vena quo dictum est modo effoditur, ignique perficitur. Fit & e lapide æroso, quem vocant cadmiam. Celebritas in Asiâ, & quondam in Campaniâ, nunc in Bergomatium agro, extremâ parte Italiæ. Feruntque nuper etiam in Germaniâ provinciâ repertum.

2. Fit & ex alio lapide quem chalciten vocant in Cyprio, ubi prima fuit æris inventio: mox vilitas præcipua, reperto in aliis terris præstantiore, maximè aurichal-

co, quod præcipuam bonitatem admirationemque diu obtinuit. Nec reperitur longo jam tempore, effeta tellure. Proximum bonitate fuit Sallustianum in Centronum Alpino tractu, non longi & ipsum ævi. Successitque ei Livianum in Galliâ. Utrumque a metallorum dominis appellatum: illud ab amico divi Augusti, hoc a conjugē, velocis defectus. Livianum quoque certè admodum exiguum invenitur. Summa gloria nunc in Marianum conversa, quod & Cordubense dicitur. Hoc a Liviano cadmiam maximè sorbet, & aurichalci bonitatem imitatur in festeriis dupondiariisque, Cyprio suo assibus contentis. Et hætenus nobilitas in ære naturalis se habet.

III. Reliqua genera artificio constant, quæ suis locis reddentur, summâ claritate ante omnia indicatâ. Quondam æs confusum auro argentoque miscebatur, & tamen ars pretiosior erat: nunc incertum est peior hæc sit, an materia. Mirumque, cum ad infinitum operum pretia creverint, auctoritas artis extincta est. Quæstus causâ enim, ut omnia, exerceri cœpta est, quæ gloriæ solebat. Ideo etiam deorum adscripta operi, cum procures gentium claritatem & hac viâ quærent: adeoque exolevit fundendi æris pretiosi ratio, ut jamdiu ne fortuna quidem in ære jus artis habeat.

Ex illâ autem antiquâ gloriâ Corinthium maximè laudatur: hoc casus miscuit, Corintho, cùm caperetur, incensâ: mirèque circa id multorum adfectatio fuit: quippe cùm tradatur, non aliâ de causâ Verrem, quem Cicero damnaverat, proscriptum esse ab Antonio, quàm quòd Corinthiis se ei cessurum negavisset. At mihi major pars eorum simulare eam scientiam videtur, ad segregandos se a ceteris magis, quàm intelligere aliquid ibi subtilius: & hoc paucis docebo. Corinthus capta est Olympiadis CLVIII. anno tertio, nostræ Urbis DCVIII.: cùm ante sæcula fictores nobiles esse desissent, quorum ista omnia signa hodie Corinthia appellant. Quapropter ad coarguendos eos ponemus artificum ætates. Nam Urbis nostræ annos ex supradictâ comparatione Olympiadum colligere facile erit. Sunt ergo vasa tantum Corinthia, quæ isti elegantiores modò in esculenta transferunt, modò in lucernas, aut trulleos, nullo munditiarum despectu. Ejus tria genera: candidum, argento nitore quàm proximè accedens, in quo illa mixtura prævaluit: alterum, in quo auri fulva natura: tertium, in quo æqualis omnium temperies fuit. Præter hæc est, cujus ratio non potest reddi, quamquam hominis manu facta dederit Fortuna temperamentum simulacro signisque, illud suo

colore pretiosum ad jocineris imaginem vergens, quod ideo hepatizon appellant, procul a Corinthio: longè tamen ante Ægineticum atque Deliacum, quæ diu obtinere principatum.

IV. Antiquissima æris gloria Deliaco fuit, mercatus in Delo concelebante toto orbe, & ideo cura officinis tricliniorum pedibus fulcrisque. Ibi prima nobilitas æris. Pervenit deinde ad deûm simulacra, effigiemque hominum, & aliorum animalium.

V. Proxima laus Æginetico fuit. Insula & ipsa, nec æs gignens, sed officinarum temperaturâ nobilitata. Bos æreus inde captus in foro boario est Romæ. Hoc erit exemplar Æginetici æris: Deliaci autem Jupiter in Capitolio in Jovis Tonantis æde. Illo ære Myron usus est, hoc Polycletus, æquales atque condiscipuli. Æmulatio iis & in materiâ fuit.

VI. 3. Privatim Ægina candelabrorum superficiem dumtaxat elaboravit, sicut Tarentum scapôs. In his ergo juncta commendatio officinarum est. Nec pudet tribunorum militarium salariis emere, cùm ipsum nomen a candelarum lumine impositum appareat. Accessio candelabri talis fuit, Theonis jussu præconis, Clesippus fullo, gibber præterea & alio fœdus aspectu, emente id Geganiâ sestertiis quinquaginta: eâdemque ostendente convivio em-

ptum, ludibrii causâ nudatus, atque impotentia libidinis receptus in torum, mox in testamentum prædives, numinum vice illud candelabrum coluit, & hanc Corinthiis fabulam adjecit: vindicatis tamen moribus nobili sepulcro, per quod æterna supra terras Geganiæ dedecoris memoria duraret. Sed cum esse nulla Corinthia candelabra constet, nomen id præcipue in his celebratur, quoniam Mummii victoria Corinthum quidem diruit, sed compluribus Achaïæ oppidis simul æra dispersit.

VII. Prisci limina etiam ac valvas ex ære in templis factitavere. Invenio & a Cn. Octavio, qui de Perseo rege navalem triumphum egit, factam porticum duplicem ad Circum Flaminium, quæ Corinthia sit appellata a capitulis æreis columnarum. Vestæ quoque ædem ipsam Syracusanâ superficie tegi placuisse. Syracusana sunt in Pantheo capita columnarum a M. Agrippâ posita. Quin etiam privata opulentia eo modo usurpata est. Camillo inter crimina objecit Sp. Carvilius quæstor, quod ærata ostia haberet in domo.

VIII. Nam triclinia ærata, abacosque; & monopodia Cn. Manlium Asiâ devictâ primum invenisse triumpho suo, quem duxit Urbis anno DLXVII. L. Piso auctor est. Antias quidem L. Crassum heredem

L. Crassi oratoris, multa etiam triclinia ærata vendidisse. Ex ære factitavere & cortinas, tripodum nomine Delphicas, quoniam donis maximè Apollinis Delphici dicabantur. Placuere & lychnuchi pensiles in delubris, aut arborum modo mala ferentium lucentes: qualis est in templo Apollinis Palatini, quod Alexander Magnus Thebarum expugnatione captum in Cyme dicaverat eidem deo.

IX. 4. Transiit deinde ars ubique vulgò ad effigies deorum. Romæ simulacrum ex ære factum Cereri primum reperio ex speculo Sp. Cassii, quem regnum adfectantem pater ipsius interemerat. Transiit & ab diis ad hominum statuas, atque multis modis. Bitumine antiqui tinguebant eas, quò magis mirum est placuisse auro integere. Hoc nescio an Romanum fuerit inventum: certè etiam Romæ non habet vetustatem. Effigies hominum non solebant exprimi, nisi aliquà illustri causâ perpetuitatem merentium, primò sacrorum certaminum victoriâ, maximèque Olympiæ: ubi omnium qui vicissent statuas dicari mos erat. Eorum verò, qui ter ibi superavissent, ex membris ipsorum similitudine expressâ, quas iconicas vocant. Athenienses nescio an primi omnium Harmodio & Aristogitoni tyrannicidis publicè posuerint statuas. Hoc actum est eodem anno, quo

& Romæ reges pulsi. Excepta deinde res est a toto orbe terrarum humanissimâ ambitione. Et jam omnium municipiorum foris statuæ ornamentum esse cœpere, pro-rogarique memoria hominum, & honores legendi ævo basibus inscribi, ne in sepulcris tantum legerentur. Mox forum & in domibus privatis factum atque in atriis. Honos clientum instituit sic colere patronos.

X. 5. Togatæ effigies antiquitus ita dicabantur. Placuerè & nudæ tenentes hastam, ab epheborum e gymnasiis exemplaribus, quas Achilleas vocant. Græca res est, nihil velare: at contra Romana ac militaris, thoracas addere. Cæsar quidem dictator loricatam sibi dicari in foro suo passus est. Nam Lupercorum habitu factæ, tam novitiæ sunt, quàm quæ nuper prodire pænulis indutæ. Mancinus eodem habitu sibi statuit, quo deditus est. Notatum ab auctoribus, & L. Accium poetam in Camenarum æde maximâ formâ statuam sibi posuisse, cùm brevis admodum fuisset. Equestres verò statuæ Romanam celebrationem habent; orto sine dubio a Græcis exemplo. Sed illi celetas tantum dicabant in sacris victores. Postea verò & qui bigis vel quadrigis vicissent. Unde & nostri currus nati in his qui triumphavissent. Serum hoc, & in his non

nisi a divo Augusto sejuges, sicut & elephanti.

XI. Non vetus & bigarum celebratio in his qui præturâ functi curru vecti essent per Circum. Antiquior columnarum, sicut C. Mænio, qui devicerat priscos Latinos, quibus ex fœdere tertias prædæ Romanus populus præstabat, eodemque in consulatu in suggestu rostra devictis Antiatis fixerat anno Urbis ccccxvi. Item Caio Duillio, qui primus navalem triumphum egit de Pœnis, quæ est etiam nunc in Foro. Item P. Minucio præfecto annonæ, extra portam Trigeminam, unciariâ stipe collatâ, nescio an primo honore tali a populo, antea enim a senatu erat: præclares, nisi frivolis cœpisset initiis. Namque & Atti Navii statua fuit ante Curiam, cujus basis conflagravit Curiam incensâ Publii Clodii funere. Fuit & Hermodori Ephesii in Comitio, legum, quas decemviri scribebant, interpretis, publicè dicata. Alia causa, alia auctoritas M. Horatii Coclitis statuæ, quæ durat hodieque, cum hostes a ponte Sublicio solus arcuisset. Equidem & Sibyllæ juxta Rostra esse non miror, tres sint licet: una, quam Sextus Pacuvius Taurus ædilis plebis instituit: duæ, quas M. Messala. Primas putarem has, & Atti Navii, positas ætate Tarquinii Prisci, nisi regum anteceden-
tium essent in Capitolio.

64 C. PLINII NATUR.

6. Ex his Romuli est sine tunicâ, sicut & Camilli in Rostris, & ante ædem Castorum fuit Q. Marcii Tremuli equestris togata, qui Samnites bis devicerat, captâque Anagninâ, populum stipendio liberaverat. Inter antiquissimas sunt & Tulli Clœlii, Lucii Roscii, Spurii Nautii, C. Fulcinii in Rostris, a Fidenatibus in legatione interfectorum. Hoc a republicâ tribui solebat injuriâ cæsis, sicut & P. Junio, & Tito Coruncanio, qui ab Teusâ Illyriorum reginâ interfecti erant. Non omittendum videtur, quòd Annales adnotavere, tripedaneas his statuas in Foro statutas. Hæc videlicet mensura honorata tunc erat. Non præteribo Cn. Octavium ob unum scilicet verbum. « Hic regem » Antiochum, daturum se responsum » dicentem, virgâ quam tenebat fortè circumscripsit, & prius quàm egrederetur circulo illo, responsum dare coegit. In quâ legatione interfecto senatus statuam poni jussit quàm oculatissimo loco in Rostris. Invenitur statua decreta & Taraciæ Caiæ, sive Suffetiæ virgini Vestali, ut poneretur ubi vellet: quod adjectum non minùs honoris habet, quàm feminae esse decretam. Meritum ejus in ipsis ponam Annalium verbis. « Quòd campum Tiberinum gratificata esset ea populo ».

XII. Invenio & Pythagoræ, & Alcibi-

HISTOR. Lib. XXXIV. 65

biadi, in cornibus Comitii positas, cum bello Samniti Apollo Pythius fortissimo Graiae gentis jussisset, & alteri sapientissimo, simulacra celebri loco dicari: ea stetere donec Sulla dictator ibi Curiam faceret. Mirumque est, illos patres Socrati cunctis ab eodem deo sapientiâ praelato Pythagoram prætulisse, aut tot aliis virtute Alcibiadem, aut quemquam utroque Themistocli. Columnarum ratio erat, attolli supra ceteros mortales: quod & arcus significant novitio invento. Primus tamen honos coepit a Græcis. Nullique arbitror plures statuas dicatas, quàm Phalereo Demetrio Athenis. Siquidem CCCLX. statuere, nondum anno hunc numerum dierum excedente, quas mox laceravere. Statuerant Romæ etiam in omnibus vicis C. Mario Gratidiano tribus, ut diximus, easdemque subvertere Sullæ introitu.

XIII. Pedestres sine dubio Romæ fuere in auctoritate longo tempore. Equestrium tamen origo perquam vetus est, cum feminis etiam honore communicato. Clœliæ enim statua est equestris, ceu parum esset togâ eam cingi: cum Lucretiæ, ac Bruto, qui expulerant reges, propter quos Clœlia inter obsides fuerat, non decernerentur. Hanc primam cum Coclitis publicè dicatam crediderim: Atto enim ac Sibyllæ Tarquinium, & reges sibi ipsos

posuisse verisimile est : nisi Clœliæ quoque Piso traderet ab his positam, qui unâ obsides fuerant, redditis a Porſenâ in honorem ejus. E diverso Annius ferialis, equestrem, quæ fuerit contra Jovis Statoris ædem in vestibulo Superbi domûs, Valeriæ fuisse Publicolæ consulis filiæ: eamque solam refugisse, Tiberimque transivisse, ceteris obsidibus, quæ Porſenæ mittebantur, interemptis Tarquinii insidiis.

XIV. L. Piso prodidit, M. Æmilio, C. Popilio II. coss. a censoribus P. Cornelio Scipione, M. Popilio, statuas circa Forum eorum qui magistratum gesserunt, sublatas omnes, præter eas quæ populi aut senatûs sententiâ statutæ essent. Eam verò quam apud ædem Telluris statuisset sibi Sp. Cassius, qui regnum adfectaverat, etiam conflata a censoribus. Nimirum in eâ quoque re ambitioni providebant illi viri. Exstant Catonis in censurâ vociferationes, mulieribus Romanis in provinciis statuas poni. Nec tamen potuit inhibere, quominus Romæ quoque ponerentur, sicuti Corneliæ Gracchorum matri, quæ fuit Africani prioris filia. Sedens huic posita, soleisque sine amento insignis, in Metelli publicâ porticu: quæ statua nunc est in Octaviæ operibus.

XV. Publicè autem ab exteris posita est Romæ C. Ælio tribuno plebis, lege

perlatâ in Stenium Statilium Lucanum, qui Thurinos bis infestaverat : ob id Ælium Thurini statuâ & coronâ aureâ donaverunt. Idem postea Fabricium donavere statuâ, liberati obsidione. Passimque gentes in clientelas ita receptæ : adeò discrimen omne sublatum, ut Annibalis etiam statuæ tribus locis visantur in Urbe, cujus intra muros solus hostium emisit hastam.

XVI. 7. Fuisse autem statuariam artem familiarem Italiæ quoque & vetustam, indicant, Hercules ab Evandro sacratus, ut produnt, in Foro boario, qui triumphalis vocatur, atque per triumphos vestitur habitu triumphali. Præterea Janus geminus a Numâ rege dicatus, qui pacis bellicque argumento colitur, digitis ita figuratis, ut trecentorum quinquaginta quinque dierum notâ, per significationem anni, temporis & ævi se deum indicaret. Signa quoque Tuscanica per terras dispersa, quæ in Etruriâ factitata non est dubium. Deorum tantum putarem ea fuisse, ni Metrodorus Scepsius, cui cognomen a Romani nominis odio inditum est, propter duo millia statuarum Volsinios expugnatos objiceret. Mirumque mihi videtur, cùm statuarum origo tam vetus in Italiâ sit, lignea potius aut fictilia deorum simulacra in delubris dicata, usque ad devictam Asiam, unde luxuria. Similitudines exprimendi quæ pri-

ma fuerit origo, in eâ quam plasticen Græci vocant, dici convenientius erit: etenim prior, quàm statuaria, fuit. Sed hæc ad infinitum effloruit multorum voluminum opere, si quis plura persequi velit: omnia enim quis possit?

XVII. In M. Scauri ædilitate tria millia signorum in scenâ tantum fuere temporario theatro. Mummius devictâ Achaiâ replevit Urbem: ipse excessit non relicturus filiæ dotem. Cur enim non cum excusatione ponatur? Multa & Luculli invexere. Rhodi etiamnum tria millia signorum esse, Mucianus ter consul prodidit: nec pauciora Athenis, Olympiæ, Delphis superesse creduntur. Quis ista mortalium persequi possit? aut quis usus noscendi intelligatur? Insignia tamen maximè, & aliquâ de causâ notata, voluptarium sit attigisse, artificesque celebratos nominavisse, singulorum quoque inexplicabili multitudine, cùm Lysippus DCX. opera fecisse dicatur, tantæ omnia artis, ut claritatem possent dare vel singula. Numerum apparuisse defuncto eo, cùm thesaurum effregisset heres: solitum enim ex manipretio cuiusque signi denarios seponere aureos singulos. Evecta supra humanam fidem ars est successu, mox & audaciâ. In argumentum successûs unum exemplum adferam, nec deorum hominisve similitudinis

expressæ. Ætas nostra vidit in Capitolio, priusquam id novissimè conflagravit a Vitellianis incensum, in cellâ Junonis, canem ex ære vulnus suum lambentem: cujus eximium miraculum & indiscreta veri similitudo, non eo solum intelligitur, quòd ibi dicata fuerat: verum & novâ satisfactione: nam summa nulla par videbatur: capite tutelarios cavere pro eo, instituti publici fuit.

XVIII. Audaciæ innumera sunt exempla. Moles quippe excogitatas videmus statuarum, quas colosseas vocant, turribus pares. Talis est in Capitolio Apollo, translatus a M. Lucullo ex Apolloniâ Ponti urbe, xxx. cubitorum, quingentis talentis factus: talis in Campo Martio Jupiter a divo Claudio Cæsare dicatus, qui vocatur Pompeianus a vicinitate theatri: talis & Tarenti factus a Lysippo xl. cubitorum. Mirum in eo, quòd manu, ut ferunt, mobilis, (ea ratio libramenti est:) nullis convellatur procellis. Id quidem providisse & artifex dicitur, modico intervallo, unde maximè flatum opus erat frangi, oppositâ columnâ. Itaque propter magnitudinem difficultatemque movendi, non attigit eum Fabius Verrucosus, cùm Herculem, qui est in Capitolio, inde transferret. Ante omnes autem in admiratione fuit Solis colossus Rhodi, quem fecerat Chares Lindius, Lysippi suprâ dicti discipulus. Septuagin-

ta cubitorum altitudinis fuit. Hoc simulacrum post quinquagesimum sextum annum terræ motu prostratum, sed jacens quoque miraculo est. Pauci pollicem ejus amplectuntur. Majores sunt digiti, quam pleræque statuæ. Vasti specus hiant defractis membris. Spectantur intus magnæ molis saxa, quorum pondere stabiliverat constituens. Duodecim annis tradunt effectum CCC. talentis, quæ contulerant ex apparatu regis Demetrii relicto, moræ tædio. Sunt alii minores hoc in eâdem urbe colossi centum numero: sed ubicumque singuli fuissent, nobilitaturi locum. Præterque hos deorum quinque, quos fecit Bryaxis. Factitavit colossos & Italia. Videmus certè Tuscanicum Apollinem in bibliothecâ templi Augusti, quinquaginta pedum a pollice, dubium ære mirabiliorem, an pulcritudine. Fecit & Sp. Carvilius Jovem, qui est in Capitolio, victis Samnitibus sacratâ lege pugnantibus, e pectoralibus eorum, ocreisque & galeis. Amplitudo tanta est, ut conspiciatur a Latiori Jove. Reliquiis hujus suam statuam fecit, quæ est ante pedes simulacri ejus. Habent in eodem Capitolio admirationem & capita duo, quæ P. Lentulus consul dicavit: alterum a Charete supradiçto factum: alterum fecit Decius, comparatione in tantum victus, ut artificium minimè probabile artificis videatur.

Verùm omnem amplitudinem statuarum ejus generis vicit ætate nostrâ Zenodorus, Mercurio factò in civitate Galliæ Arvernis, per annos decem, H. S. CCCC. manipretio. Is postquam satis ibi artem adprobaverat, Romam aditus est a Nerone, ubi destinatum illius principis simulacrum, colossum fecit, CX. pedum longitudine, qui dicatus Solis venerationi est, damnatiss sceleribus illius principis. Mirabamur in officinâ non modò ex argillâ similitudinem insignem, verùm & ex parvis admodum surculis, quod primùm operis instar fuit. Ea statua indicavit interisse fundendi æris scientiam, cùm & Nero largiri aurum argentumque paratus esset, & Zenodorus scientiâ fingendi cælandique nulli veterum postponeretur. Statuam Arvernorum cùm faceret, provinciæ Vibio Avito præsidente, duo pocula Calamidis manu cælata, quæ Cassio Silano, avunculo ejus, præceptori suo Germanicus Cæsar adamata donaverat, æmulatus est, ut vix ulla differentia esset artis. Quantòque major in Zenodoro præstantia fuit, tantò magis deprehendi æris obliteratio potest.

8. Signis, quæ vocant Corinthia, plerique in tantum capiuntur, ut secum circumferant, sicut Hortensius orator Sphingem Verri reo ablatam. Propter quam Cicero illo judicio in altercatione neganti

ei « se ænigmata intelligere », respondit
 « debere, quoniam sphingem domi habere
 » ret ». Circumtulit & Nero princeps Amazonem, de quâ dicemus : & paulo antè
 C. Cestius consularis signum, quod secum
 etiam in prælio habuit. Alexandri quoque
 Magni tabernaculum sustinere traduntur
 solitæ statuæ, ex quibus duæ ante
 Martis Ultoris ædem dicatæ sunt, totidem
 ante regiam.

XIX. Minoribus simulacris signisque
 innumera propè artificum multitudo nobilitata est. Ante omnes tamen Phidias
 Atheniensis, Jove Olympiæ factò, ex
 ebore quidem & auro : sed & ex ære
 signa fecit. Floruit autem Olympiade
 LXXXIII. circiter CCC. nostræ Urbis anno.
 Quo eodem tempore æmuli ejus fuere Alcamenes, Critias, Nestocles, Hegias. Et
 deinde Olympiade LXXXVII. Agelades,
 Callon, Polycletus, Phradmon, Gorgias,
 Lacon, Myron, Pythagoras, Scopas, Perelius. Ex his Polycletus discipulos habuit
 Argium, Asopodorum, Alexim, Aristidem, Phrynonem, Dinonem, Athenodorum,
 Demeam Clitorium : Myron, Lycium. Nonagesimâ quintâ Olympiade
 florere Naucydes, Dinomenes, Canachus, Patrocles. Centesimâ secundâ,
 Polycles, Cephissodotus, Leochares, Hypatodorus. Centesimâ quartâ,
 Praxiteles, Euphranor.

Centesimâ

Centesimâ septimâ, Echion, Therimachus. Centesimâ quartadecimâ, Lysippus fuit, cùm & Alexander Magnus. Item Lysistratus, & frater ejus Sthenis, Euphronides, Sostratus, Ion, Silanion: in hoc mirabile, quòd nullo doctore nobilis fuit ipse. Discipulos habuit Zeuxim, & Iadem. Centesimâ vicesimâ, Eurychides, Euthycrates, Lahippus, Cephissodotus, Timarchus, Pyromachus. Cessavit deinde ars, ac rursus Olympiade centesimâ quinquagesimâ quintâ revixit, cùm fuere longè quidem infra prædictos, probati tamen, Antæus, Callistratus, Polycles, Athenæus, Callixenus, Pythocles, Pythias, Timocles. Ita distinctis celeberrimorum ætatibus, insignes raptim transcurram, reliquâ multitudine passim dispersâ. Venêre autem & in certamen laudatissimi, quamquam diversis ætatibus geniti, quoniam fecerant Amazonas: quæ cùm in templo Ephesiæ Dianæ dicarentur, placuit eligi probatissimam, ipsorum artificum, qui præsentés erant, jûdicio, cùm apparuit eam esse, quam omnes secundam a suâ quisque judicassent. Hæc est Polycleti, proxima ab eâ Phidiæ, tertia Ctesilai, quarta Cydonis, quinta Phradmonis.

Phidias, præter Jovem Olympium, quem nemo æmulatur, fecit & ex ebore æquè Minervam Athenis, quæ est in Par-

thenone adstans. Ex ære verò præter Amazonem suprâ dictam, Minervam tam eximie pulcritudinis, ut formæ cognomen acceperit. Fecit & Cliduchum, & aliam Minervam, quam Romæ Æmilius Paulus ad ædem Fortunæ hujusque diei dedicavit. Ideo duo signa, quæ Catulus in eâdem æde posuit palliata: & alterum colossicon nudum: primusque artem toreuticen aperuisse atque demonstrasse meritò judicatur.

Polycletus Sicyonius Ageladæ discipulus Diadumenum fecit molliter juvenem, centum talentis nobilitatum: idem & Doryphorum viriliter puerum. Fecit & quem canona artifices vocant, lineamenta artis ex eo petentes, velut a lege quadam: solusque hominum artem ipse fecisse, artis opere judicatur. Fecit & destingentem, & nudum talo incessentem. Duosque pueros, item talis nudos ludentes, qui vocantur Astragalizontes: & sunt in Titi imperatoris atrio: quo opere nullum absolutius plerique judicant. Item Mercurium, qui fuit Lysimachiae: Herculem, qui Romæ: alexetera, arma sumentem: Artemona, qui Periphoretos appellatus est. Hic consummasse hanc scientiam judicatur, & toreuticen sic erudisse, ut Phidias aperuisse. Proprium ejusdem, ut uno crure insisterent signa, excogitasse: quadrata

tamen ea esse tradit Varro, & pæne ad unum exemplum.

Myronem Eleutheris natum, & ipsum Ageladæ discipulum, bucula maximè nobilitavit, celebratis versibus laudata: quando alieno plerique ingenio magis, quàm suo, commendantur. Fecit & canem, & discobolon, & Persea, & Pristas, & Satyrum admirantem tibias, & Minervam: Delphicos pentathlos pancratiaſtas: Herculem etiam, qui est apud Circum maximum in æde Pompeii Magni. Fecisse & cicadæ monumentum ac locustæ carminibus suis Erinna significat. Fecit & Apollinem, quem a triumviro Antonio sublatum restituit Ephesiis divus Augustus, admonitus in quiete. Primus hic multiplicasse varietatem videtur, numerosior in arte, quàm Polycletus, & in symmetriâ diligentior: & ipse tamen corporum tenus curiosus, animi sensus non expressisse, capillum quoque & pubem non emendatius fecisse, quàm rudis antiquitas institisset.

Vicit eum Pythagoras Rheginus ex Italiâ, pancratiaſte Delphis posito. Eumdem vicit & Leontinus, qui fecit stadiodromon Astylon, qui Olympiæ ostenditur: & Libyn puerum tenentem tabellam, eodem loco, & mala ferentem nudum. Syracusis autem claudicantem: cujus ulceris dolo-

rem sentire etiam spectantes videntur. Item Apollinem, serpentemque ejus sagittis confici: citharædum, qui Dicæus appellatus est, quoniam cum Thebæ ab Alexandro caperentur, aurum a fugiente conditum, sinu ejus celatum esset. Hic primus nervos & venas expressit, capillumque diligentius.

Fuit & alius Pythagoras Samius, initio pictor, cujus signa ad ædem Fortunæ hujusque diei septem nuda, & senis unum, laudata sunt. Hic suprâ dicto facie quoque indiscretâ similis fuisse traditur: Rhegini autem discipulus & filius sororis fuisse Sostratus.

Lysippum Sicyonium, Duris negat, Tullius fuisse discipulum adfirmat, sed primò ærarium fabrum, audendi rationem cœpisse pictoris Eupompi responso. Eum enim interrogatum, quem sequeretur antecedentium, dixisse demonstratâ hominum multitudine, «Naturam ipsam imitari tandem esse, non artificem». Plurima ex omnibus signa fecit, ut diximus, fecundissimæ artis, interque destringentem se, quem Marcus Agrippa ante Thermas suas dicavit, mirè gratum Tiberio principi: qui non quivit temperare sibi in eo, quamquam imperiosus sui inter initia principatus, transtulitque in cubiculum, alio ibi signo substituto: cum quidem tanta po-

puli Romani contumacia fuit, ut magnis theatri clamoribus reponi Apoxumenon flagitaverit, princepsque, quamquam ad-
amatum, reposuerit. Nobilitatur Lysippus & temulentâ tibicinâ, & canibus ac ve-
natione. In primis verò quadrigâ cum So-
le Rhodiorum. Fecit & Alexandrum Ma-
gnum multis operibus, a pueritiâ ejus or-
sus. Quam statuam inaurari jussit Nero
princeps, delectatus admodum illâ. Dein
cû pretio perisset gratia artis, detractum
est aurum: pretiosiorque talis existimatur,
etiam cicatricibus operis atque concisuris,
in quibus aurum hæserat, remanentibus.
Idem fecit Hephæstionem Alexandri Ma-
gni amicum, quem quidam Polycleto ad-
scribunt, cû is. centum propè annis an-
tè fuerit. Idem Alexandri venationem,
quæ Delphis sacrata est: Athenis Saty-
rum: turmam Alexandri, in quâ amicorum
ejus imagines summâ omnium similitudine
expressit. Has Metellus, Macedoniâ sub-
actâ, transtulit Romam. Fecit & quadri-
gas multorum generum. Statuariæ arti
plurimum traditur contulisse, capillum ex-
primendo, capita minora faciendo, quàm
antiqui: corpora graciliora, siccioraque,
per quæ proceritas signorum major vi-
deretur. Non habet Latinum nomen sym-
metria, quam diligentissimè custodivit, no-
vâ intactâque ratione quadratas veterum

staturas permutando : vulgòque dicebat, » ab illis factos, quales essent, homines : » a se, quales viderentur esse ». Propriæ hujus videntur esse argutiæ operum, custoditæ in minimis quoque rebus.

Filios & discipulos reliquit laudatos artifices, Lahippum, & Bedam, sed ante omnes Euthycratem : quamquam is constantiam patris potius æmulatus, quàm elegantiam, austero maluit genere, quàm jucundo, placere. Itaque optimè expressit Herculem Delphis, & Alexandrum, Thespin venatorem, & Thespiadas : prælium equestre : simulacrum Trophonii ad oraculum : quadrigas Medeæ complures : equum cum fiscinis : canes venantium.

Hujus porro discipulus fuit Tisicrates, & ipse Sicyonius, sed Lysippi sectæ propior, ut vix discernantur complura signa : ceu senex Thebanus, Demetrius rex, Peucestes Alexandri Magni servator, dignus tantâ gloriâ.

Artifices, qui compositis voluminibus condidere hæc, miris laudibus celebrant, & Telephanem Phocæum, ignotum aliàs, quoniam in Thessaliâ habitaverit, ubi lauerint opera ejus : alioqui suffragiis ipsorum æquatur Polycleto, Myroni, Pythagoræ. Laudant ejus Larissam, & Spintharum pentathlon, & Apollinem. Alii non hanc ignobilitatis fuisse causam, sed quo-

niam se regum Xerxis atque Darii officinis dediderit, existimant.

Praxiteles quoque marmore felicior: ideo & clarior fuit. Fecit tamen ex ære pulcherrima opera: Proserpinæ raptum: item Catagusam, & Liberum patrem, & Ebrietatem, nobilemque unâ Satyrum, quem Græci periboeton cognominant. Signa etiam, quæ ante Felicitatis ædem fuisse, Veneremque, quæ cum ipsâ æde incendio cremata est Claudii principatu, marmoreæ illi suæ per terras inclytæ parem. Item Stephusam, Spilumenen, Oenophorum: Harmodium & Aristogitonem tyrannicidas, quos a Xerxe Persarum rege captos victâ Perside Atheniensibus remisit Magnus Alexander. Fecit & puberem Apollinem subrepenti lacertæ cominus sagittâ insidiantem, quem Sauroctonon vocant. Spectantur & duo signa ejus diversos adfectus exprimentia, flentis matronæ, & meretricis gaudentis. Hanc putant Phrynen fuisse, deprehenduntque in eâ amorem artificis, & mercedem in vultu meretricis.

Habet & simulacrum benignitas ejus. Calamidis enim quadrigæ aurigam suum imposuit, ne melior in equorum effigie defecisse in homine crederetur. Ipse Calamis & alias quadrigas bigasque fecit, equis semper sine æmulo expressis. Sed

ne videatur in hominum effigie inferior; Alcmena nullius est nobilior.

Alcámenes Phidiæ discipulus & marmorea fecit, & æreum pentathlon, qui vocatur Encrinomenos. At Polycleti discipulus Aristides quadrigas, bigasque. Iphicratis Leæna laudatur: scortum hæc lyræ cantu familiare Harmodio & Aristogitoni, consilia eorum de tyrannicidio, usque ad mortem excruciat a tyrannis, non prodidit. Quamobrem Athenienses & honorem habere ei volentes, nec tamen scortum celebrasse, animal nominis ejus fecere: atque ut intelligeretur causa honoris, in opere linguam addi ab artifice voverunt.

Bryaxis Æsculapium & Seleucum fecit, Bedas, adorantem. Batton, Apollinem, & Junonem, qui sunt Romæ in Concordiæ templo.

Ctesilaus vulneratum deficientem, in quo possit intelligi, quantum restet animæ: & Olympium Periclem dignum cognomine. Mirumque in hac arte est, quod nobiles viros nobiliores fecit. Cephisodotus Minervam mirabilem in portu Atheniensium, & aram ad templum Jovis Servatoris in eodem portu, cui pauca comparantur. Canachus Apollinem nudum, qui Philesius cognominatur in Didymæo, Ægineticâ æris temperaturâ. Cervumque

unà ita vestigiis suspendit, ut linum subter pedes trahatur, alterno morsu digitis calceque retinentibus solum, ita vertebrato dente utrisque in partibus, ut a repulso per vires resiliat. Idem & Celetizontas pueros fecit. Chæreas Alexandrum Magnum, & Philippum patrem ejus fecit.

Desilaus Doryphoron, & Amazonem vulneratam. Demetrius Lysimachen, quæ sacerdos Minervæ fuit annis sexaginta quatuor. Idem & Minervam quæ Musica appellatur, quoniam dracones in Gorgone ejus ad ictus citharæ tinnitu resonant. Idem equitem Simonem, qui primus de equitatu scripsit. Dædalus & ipse inter fictores laudatus, pueros duos destringentes se fecit. Dinomenes Protesilaum, & Pythodernum luctatorem.

Euphranoris Alexander Paris est: in quo laudatur, quod omnia simul intelligantur, judex dearum, amator Helenæ, & tamen Achillis interfector. Hujus est Minerva Romæ, quæ dicitur Catuliana, infra Capitolium a Quinto Lutatio Catulo dicata: & simulacrum Boni Eventûs, dextrâ pateram, sinistrâ spicam ac papaver tenens. Item Latona puerpera, Apollinem & Dianam infantes sustinens, in æde Concordiæ. Fecit & quadrigas bigasque, & Cliduchon eximiâ formâ: & Virtutem, & Græciam, utrasque colosseas: mulierem

admirantem & adorantem. Item Alexandrum & Philippum in quadrigis. Euty-
chydes Eurotam, in quo artem ipso ame-
ne liquidiorum plurimi dixerunt.

Hegiae Minerva Pyrrhusque rex lauda-
tur: & Celetizontes pueri, & Castor &
Pollux ante aedem Jovis Tonantis, He-
gesiae. In Pario coloniâ Hercules Isidori.

Eleuthereus Lycius Myronis discipulus
fuit, qui fecit dignum præceptore puerum
fufflantem languidos ignes, & Argonautas.
Leochares aquilam, sentientem quid ra-
piat in Ganymede, & cui ferat, parcen-
tem unguibus etiam per vestem: puerum
Autolycon pancratio victorem, propter
quem Xenophon Symposion scripsit: Jo-
vemque illum Tonantem in Capitolio,
ante cuncta laudabilem: item Apollinem
diadematum. Lyciscus Lagonem puerum
subdolæ ac fucatæ vernilitatis. Lycus &
ipse puerum fuffitorem.

Menæchmi vitulus genu premitur, re-
plicatâ cervice: ipseque Menæchmus scri-
psit de suâ arte.

Naucydes Mercurio, & Discobolo, &
immolante arietem censetur. Naucerus lu-
etatorem anhelantem fecit. Niceratus Æs-
culapium, & Hygiam, qui sunt in Con-
cordiæ templo Romæ.

Pyromachi quadriga regitur ab Alci-
biade. Polyctes Hermaphroditum nobi-

lem fecit. Pyrrhus Hygiam, & Minervam: Phoenix Lysippi discipulus, Epithersem.

Stipax Cyprius uno celebratur signo, Splanchnopte. Periclis Olympii vernula hic fuit, exta torrens, ignem oris pleni spiritu accendens. Silanion Apollodorum fudit, fictorem & ipsum, sed inter cunctos diligentissimum artis, & inimicum sui iudicem, crebro perfecta signa frangentem, dum satiari cupiditate artis non quit, & ideo insanum cognominatum. Hoc in eo expressit, nec hominem ex ære fecit, sed iracundiam: Achillem nobilem. Item Epistaten exercentem athletas: Strongylion, Amazonem, quam ab excellentiâ crurum Eucnemon appellant, ob id in comitatu Neronis principis circumlatam. Item fecit puerum, quem amando Brutus Philippensis cognomine suo illustravit.

Theodorus, qui labyrinthum fecit Sami, ipse se ex ære fudit, præter similitudinem mirabilem famâ magnæ subtilitatis celebratus. Dextrâ limam tenet, lævâ tribus digitis quadrigulam tenuit, translatam Præneste, tantæ parvitat, ut totam eam currumque & aurigam integeret alis simul facta musca.

Xenocrates Tisicratis discipulus: aut, ut alii, Euthycratis, vicit utrosque copiâ signorum, & de suâ arte composuit volumina.

Plures artifices fecere Attali & Eumenis adversus Gallos prœlia: Isigonus, Pyromachus, Stratonicus, Antigonus, qui condidit volumina de suâ arte. Boethi, quamquam argento melioris, infans eximie anserem strangulat. Atque ex omnibus, quæ retuli clarissima quæque jam sunt dicata a Vespasiano principe in templo Pacis, aliisque ejus operibus, violentiâ Neronis in Urbem convecta, & in sellariis domûs aureæ disposita.

Præterea sunt æqualitate celebrati artifices; sed nullis operum suorum præcipui. Ariston, qui & argentum cælare solitus est: Calliades, Ctesias, Cantharus Sicyonius, Dionysodorus Critiæ discipulus, Deliades, Euphorion, Eunicus, & Hecatæus, argenti cælatores: Lesbocles, Prodorus, Pythodicus, Polygnotus: iidem pictores nobilissimi. Item ex cælatoribus, Stratonicus, Scymnus, qui fuit Critiæ discipulus.

Nunc percensebo eos, qui ejusdem generis opera fecerunt, ut Apollodorus, Androbulus, Asclepiodorus, Alevas, philosophos: Apellas & adorantes feminas: Antigonus & Perixyomenon, tyrannicidasque supra dictos: Antimachus, Athenodorus feminas nobiles: Aristodemus & luctatores, bigasque cum aurigâ, philosophos, anus, Seleucum regem. Habet

gratiam suam hujus quoque Doryphorus.

Cephalodoti duo fuere: prioris est Mercurius, Liberum patrem in infantiâ nutriens. Fecit & concionantem manu elatâ: persona in incerto est. Sequens philosophos fecit. Colotes qui cum Phidiâ Jovem Olympium fecerat, philosophos. Item Cleon, & Cenchramis, & Callicles, & Cephis: Chalcothenes & comædos, & athletas.

Dahippus Paralyomenon. Daiphron, & Democritus, & Dæmon, philosophos.

Epigonus omnia fere prædicta imitatus præcessit in tubicine, & matri interfectæ infante miserabiliter blandiente. Eubolidis, digitis computans.

Micon athletis spectatur: Menogenes, quadrigis.

Nec minùs Niceratus omnia, quæ ceteri, adgressus, repræsentavit Alcibiadem, lampadeque accensâ matrem ejus Demaraten sacrificantem.

Tisicratis bigæ Piston mulierem imposuit. Idemque fecit Martem & Mercurium, qui sunt in Concordiæ templo Romæ. Perillum nemo laudat sæviorem Phalaride tyranno, cui taurum fecit, mugitus hominis pollicitus igne subdito, & prius eum expertus cruciatum justiore sævitâ. In hoc a simulacris deûm hominumque devocaverat humanissimam ar-

tem. Ideone tot conditores ejus elaboraverant, ut ex eâ tormenta fierent? Itaque unâ de causâ servantur operâ ejus, ut quisquis illa videat, oderit manus.

Sthenis Cererem, Jovem, Minervam fecit, qui sunt Romæ in Concordiæ templo. Idem flentes matronas, & adorantes, sacrificantesque. Simon canem & sagittarium fecit. Stratonicus cælator ille philosophos: Scopas utraque.

Athletas autem, & armatos, & venatores, sacrificantesque, Batton, Euchir, Glaucides, Heliodorus, Hicanus, Lophon, Lyson, Leon, Menodorus, Myiagrus, Polycrates, Polydorus, Pythocritus, Protopogenes, idem picturâ clarissimus, ut dicemus: Patrocles, Polis, Posidonius, qui & argentum cælavit nobiliter, natione Ephesius, Periclymenus, Philon, Simenus, Timotheus, Theomnestus, Timarchides, Timon, Tisias, Thrason.

Ex omnibus autem maximè cognomine insignis est Callimachus, semper calumniator sui, nec finem habens diligentiae, ob id Cacizotechnos appellatus, memorabili exemplo adhibendi curæ modum. Hujus sunt saltantes Lacænæ, emendatum opus, sed in quo gratiam omnem diligentia abstulerit. Hunc quidam & pictorem fuisse tradunt. Non ære captus, nec arte, unam solummodo Zenonis statuam Cypriâ

in expeditione non vendidit Cato, sed quia philosophi erat, ut obiter hoc quoque noscatur tam inane exemplum.

In mentione statuarum est & una non prætereunda, quamquam auctoris incerti, juxta Rostra, Herculis tunicati, Oetæ habitu, Romæ, torvâ facie, sentienteque suprema in tunicâ. In hac tres sunt tituli: L. Luculli imperatoris, de manubiis: alter, pupillum Luculli filium ex S. C. dedicasse: tertius, T. Septimium Sabinum ædilem curulem ex privato in publicum restituisse. Tot certaminum tantæque dignationis simulacrum id fuit.

XX. 9. Nunc revertemur ad differentias æris & mixturas. In Cyprio coronarium tenuatur in laminas taurorumque felle tinctum, speciem auri in coronis histionum præbet. Idemque in uncias additis auri scrupulis senis, prætenui pyropi bractea ignescit. Regulare & in aliis fit metallis: itemque caldarium. Differentia, quod caldarium funditur tantum, malleis fragile, quibus regulare obsequitur, ab aliis ductile appellatum, quale omne Cyprium est. Sed & in ceteris metallis, curâ distat a caldario. Omne enim purgatis diligentius igni vitiis, excoctisque, regulare est. In reliquis generibus palma Campano. Simile in multis partibus Italiæ, provinciisque. Sed octonas plumbi libras addunt, & be-

ne recoquunt propter inopiam ligni. Quantum ea res differentia adferat, in Gallia maximè sentitur, ubi inter lapides candelactos funditur. Exurente enim cocturâ nigrum atque fragile conficitur. Præterea semel recoquunt: quod sæpius fecisse, bonitati plurimum confert. Id quoque notasse non ab re est, æs omne frigore magno meliùs fundi.

Sequens temperatura statuaria est, eademque tabularis, hoc modo: massa proflatur in primis: mox in proflatum additur tertia portio æris collectanei, hoc est, ex usu coempti. Peculiare in eo condimentum adritu domiti, & consuetudine nitoris veluti mansuefacti. Miscentur & plumbi argentarii pondo duodena ac se librae, centenis proflati. Appellatur etiamnum & formalis temperatura æris tenerissimi, quoniam nigri plumbi decima portio additur, & argentarii vicesima: maximèque ita colorem bibit, quem Græcanicum vocant. Novissima est, quæ vocatur olaria, vase nomen hoc dante, ternis aut quaternis libris plumbi argentarii in centenas æris additis. Cyprio si addatur plumbum, colos. purpuræ fit in statuarum prætextis.

XXI. Æra extersa rubiginem celerius trahunt, quàm neglecta, nisi oleo perungantur. Servari ea optimè in liquidâ pice

tradunt. Usus æris ad perpetuitatem monumentorum jam pridem translatus est, tabulis æreis, in quibus publicæ constitutiones inciduntur.

XXII. 10. Metalla æris multis modis instruunt medicinam, utpote cùm ulcera omnia ibi ocissimè sanentur. Maximè tamen prodest cadmia. Fit sine dubio hæc & in argenti fornacibus, candidior ac minùs ponderosa, sed nequaquam comparanda ærariæ. Plura autem genera sunt. Namque ut ipse lapis, ex quo fit æs, cadmia vocatur, fufuris necessarius, medicinæ inutilis: sic rursus in fornacibus existit, aliamque nominis sui originem recipit. Fit autem egestâ flammis atque flatu tenuissimâ parte materiæ, cameris lateribusve fornacum pro quantitate levitatis applicatâ. Tenuissima est in ipso fornacum ore, quâ flammæ eructantur, appellata capnitis, exusta, & nimiâ levitate similis favillæ. Interior optima, cameris dependens, & ab eo argumento botryitis cognominata: ponderosior hæc priore, levior secuturis. Duo ejus colores: deterior cinereus, puniceus melior, friabilis, oculorumque medicamentis utilissima. Tertia est in lateribus fornacum, quæ propter gravitatem ad cameras pervenire non potuit. Hæc dicitur placitis, & in ipsâ argumentum planitie, crusta veriùs, quàm pumex,

intus varia, ad pforas utilior, & ad cicatrices trahendas. Fluunt ex eâ duo alia genera: onychitis extrâ pæne cærulea, intus onychis maculis similis. Ostracitis tota nigra, & e ceteris fordidissima, vulneribus maximè utilis. Omnis autem cadmia in Cypri fornacibus optima, iterumque a medicis coquitur carbone puro, atque ubi in cinerem rediit, extinguitur vino amineo, quæ ad emplastra præparatur: quæ verò ad pforas, aceto. Quidam in ollis fictilibus tusam urunt, ac lavant in mortariis, postea siccant. Nymphodorus lapidem ipsum quàm gravissimum spississimumque urit prunâ, & exustum Chio vino restinguit, tunditque, mox linteo cribrat, atque in mortario terit, mox aquâ pluviâ macerat, iterumque terit quod subsidit, donec cerussæ similis fiat, nullâ dentium offensâ. Eadem Iollæ actio: sed quàm purissimum lapidem eligit.

XXIII. Cadmiæ effectus siccare, persanare, sistere fluxiones, pterygia & fordes oculorum purgare, scabritiem extenuare, & quidquid in plumbi effectum dicemus. Et æs ipsum ad omnia eadem uritur: præterque, albugines oculorum & cicatrices. Ulcera quoque oculorum cum lacte sanat, idque Ægyptiî collyrii modo terunt in coticulis. Facit & vomitiones e melle sumptum. Uritur autem Cyprium in fictilibus crudis cum sulphuris pari pondere,

circumlito spiramento, in caminis, donec vasa ipsa percoquantur. Quidam & salem addunt, alii alumen pro sulphure, alii nihil, sed aceto tantum aspergunt. Ustum teritur mortario Thebaico, aquâ pluviâ lavatur, iterumque adjectâ largiore teritur, & dum consadat, relinquitur, hoc sæpius, donec ad speciem minii redeat. Tunc siccatum in Sole, in æreâ pyxide servatur.

XXIV. 11. Et scoria æris simili modo lavatur, minore effectû, quàm æs ipsum. Sed & æris flos medicinæ utilis est. Fit ære fuso, & in alias fornaces translato: ibi flatu crebriore excutiuntur velut milii squamæ, quas vocant florem. Cadunt autem, cùm panes æris aquâ refrigerantur rubentque. Similiter ex eis fit, quam vocant lepidâ, & sic adulteratur flos, ut squama veneat decussa vi clavis, in quos panes ærei ferruminantur. In Cypri maximè officinis omnia. Differentia hæc est, quòd squama excutitur ictibus iisdem panibus: flos cadit sponte.

XXV. Squamæ est alterum genus subtilius, ex summâ scilicet lanugine decussum, quod vocant stomoma. Atque hæc omnia medici (quod pace eorum dixisse liceat) ignorant, pars major & nomina: in tantum a conficiendis medicaminibus absunt, quod esse proprium medicinæ solebat. Nunc quoties incidere in libellos,

componere ex his volentes aliqua, hoc est, impendio miserorum experiri commentaria, credunt Seplasiæ omnia fraudibus corrumpenti. Jam quidem facta emplastra & collyria mercantur: tabesque mercium, aut fraus Seplasiæ sic exteritur. Et squama autem & flos uruntur in patinis fictilibus aut æreis, deinde lavantur, ut supra, ad eisdem usus: & amplius ad narium carnosæ vitia: itemque sedis: & gravitates aurium, per fistulas in eas flatu impulsæ: & uvas oris, farinâ admotâ. Tollit & tonsillas cum melle. Fit & ex candido ære squama longè Cypriâ inefficacior. Nec non urinâ pueri prius macerant clavos, panesque. Quidam verò excussam squamam terunt, & aquâ pluviâ lavant. Dant & hydropicis eam duabus drachmis in mulsi heminâ & illinunt cum polline.

XXVI. Æruginis quoque magnus usus. Sed pluribus fit ea modis. Namque & lapidi, ex quo coquitur æs, deraditur: & ære candido perforato, atque in cadis super acetum suspenso, æreo obturatis operculo: multò probatiore, quàm si hoc idem squamis fiat. Quidam vasa ipsa candidi æris fictilibus condunt in aceto, raduntque x. die. Alii vinaceis contegunt, totidemque post dies radunt. Alii delimatam æris scobem aceto spargunt, versantque spathis sæpius die, donec absumatur. Eam

denique scobem alii terere in mortariis æreis ex aceto malunt. Ocissimè verò contingit coronariorum recisamentis in acetum additis. Adulterant marmore trito maximè Rhodiam æruginem, alii pumice, aut gummi. Præcipuè autem fallit atramento futorio adulterata. Cetera enim denteprehenduntur, stridentia in frendendo. Experimentum in batillo ferreo. Nam quæ sincera est, suum colorem retinet: quæ mixta atramento, rubescit. Deprehenditur & papyro, gallâ priùs macerato: nigrescit enim statim ærugine illita. Deprehenditur & visu, malignè virens. Sed si ve sinceram si ve adulteratam, aptissimum est siccata in patinâ novâ uri & versari, donec favilla fiat: postea teritur & reconditur. Aliqui in crudis fistilibus urunt, donec figlinum percoquatur. Nonnulli & thus masculum admiscent. Lavatur autem ærugo, sicut cadmia. Vis ejus collyriis oculorum aptissima, delacrimationibus mordendo proficiens. Sed ablui necessarium penicillis calidis, donec rodere desinat.

XXVII. Hieracium vocatur collyrium, quod ita maximè constat: temperatur autem id Hammoniæ unciis quatuor, æruginis Cypriæ duabus, atramenti futorii, quod chalcanthum vocant, totidem: misyos vero unâ, croci sex. Hæc omnia trita

aceto Thasio colliguntur in pilulas, excellentis remedii, contra initia glaucomatum & suffusionum, contra caligines, & scabritias, & albugines, ac genarum vitia. Cruda autem ærugo vulnerariis emplastris miscetur. Oris gingivarumque ulcerationem mirificè emendat, & labiorum ulcera cum oleo. Quòd si & cera addatur, purgat, & ad cicatricem perducit. Ærugo & callum fistularum erodit, vitiorumque quæ circa sedem, sive per se, sive cum Hammoniaco illita, vel collyrii modo in fistulas adacta. Eademque cum resinæ terebinthinæ tertiâ parte subacta, lepras tollit.

XXVIII. 12. Est & alterum genus æruginis, quam vocant scoleca: in Cyprio ære hoc, trito alumine & sale, aut nitro pari pondere, cum aceto albo quàm acerrimo. Non fit hoc nisi æstuosissimis diebus circa Canis ortum. Teritur autem donec viride fiat, contrahatque se vermiculorum specie, unde & nomen. Quod vitium ut emendetur, duæ partes quæ fuere aceti, miscentur urinâ pueri impubis. Idem autem in medicamentis & lanterna efficit, quâ diximus aurum ferruminari, ususque utriusque, qui æruginis. Scolecia fit & per se, derasa ab ærario lapide, de quo nunc dicemus.

XXIX. Chalcitin vocant lapidem, ex

quo ipsum æs coquitur. Distat a cadmiâ, quod illa super terram ex subdialibus petris cæditur, hæc ex obrutis. Item quod chalcitis friat se statim, mollis naturâ, ut videatur lanugo concreta. Est & alia distinctio, quod chalcitis tria genera continet, æris, & misyos & soryos, de quibus singulis dicemus suis locis. Habet autem æris venas oblongas. Probatur mellei coloris, gracili venarum discursu, friabilis, nec lapidosa. Putant & recentem utilio-rem esse, quoniam inveterata sory fiat. Vis ejus ad excrescentia in ulceribus, sanguinem sistere, gingivas, uvam, tonsillas farinâ compescere. Vulvæ quoque vitiis invellere imponitur. Cum succo verò porri verendorum additur emplastris. Maceratur autem in fictili ex aceto circumlito fimo diebus XL. & colorem croci trahit. Tunc admixto cadmiæ pari pondere, medicamentum efficit, psoricon dictum. Quod si duæ partes chalcitidis tertiâ cadmiæ temperentur, acrius hoc idem fiet: etiamnum vehementius, si aceto, quàm vino temperentur. Tosta verò efficacior fit ad eadem omnia.

XXX. Sory Ægyptium maximè laudatur, multum superato Cyprio, Hispaniensi, & Africo: quamquam oculorum quoque curationi quidam utilius Cyprium putant: sed in quacumque natione optimum, cui

maximum virus in olfactu, trituque pingui-
ter nigrescens, & spongiosum. Stomacho
res contraria in tantum, ut quibusdam ol-
factu modò vomitiones moveat. Et Ægy-
ptium quidem tale: alterius nationis con-
tritum splendescit, ut misy, & est lapi-
dosius. Prodest autem & dentium dolori,
si contineatur, atque colluat: & oris ul-
ceribus gravibus, quæque serpunt. Uritur
carbonibus, ut chalcitis.

XXXI. Misy aliqui tradiderunt fieri ex-
sto lapide in scrobibus, flori ejus luteo
miscente se ligni pinei favillâ. Revera au-
tem e supradicto fit lapide, concretum na-
turâ, discretumque, & optimum in Cy-
priorum officinis: cujus notæ sunt friati
aureæ scintillæ, & cùm teratur, areno-
sa natura, sive terrea, chalcitidi similis.
Hoc admiscent, qui aurum purgant. Uti-
litas ejus infusi cum rosaceo auribus pu-
rulentis: & in lanâ impositi, capitis ulce-
ribus. Extenuat etiam scabritias oculorum
inveteratas. Præcipuè utile tonsillis, con-
traque anginas, & suppurata. Ratio, ut se-
decim drachmæ in heminâ aceti coquan-
tur addito melle, donec lentescat. Sic ad
supradicta utile est. Quoties opus sit mol-
liri vim ejus, mel adspargitur. Erodit &
callum fistularum, ex aceto soventium: &
collyriis additur. Sistit & sanguinem, ul-
ceraque quæ serpant, quæve putrescant.
Absumit

Absumit & excreſcentes carnes. Peculiariter virilitatis vitiis utile: & feminarum profluvium ſiſtit.

XXXII. Græci cognationem æris nomine fecerunt & atramento ſutorio. Appellant enim chalcanthum. Nec ullius æquæ mira natura eſt. Fit in Hiſpaniæ puteis ſtagnisve, id genus aquæ habentibus. Decoquitur ea, admixtâ dulci pari menſurâ, & in piſcinas ligneas funditur. Immobilebus ſuper has tranſtris dependent reſtes lapillis extentæ, quibus adhæreſcens limus, vitreis acinis imaginem quamdam uvæ reddit. Exemptum ita ſiccatur diebus xxx. Color eſt cæruleus, perquam ſpectabili nitore, vitrumque eſſe creditur; diluendo fit atramentum tinguendis coriis. Fit & pluribus modis: genere terræ eo in ſcrobem cavato; quarum e lateribus deſtillantes hiberno gelu ſtirias, ſtalagmian vocant: neque eſt purius aliud. Sed ex eo candidum colorem ſentientem violam, lonchoton appellant. Fit & in ſaxorum catinis, pluviâ aquâ corrivato limo gelante. Fit & ſalis modo, flagrantiffimo Sole admiſſas dulces aquas cogente. Ideo duplici quidam differentiâ; foſſile, aut factitium appellant hoc: pallidius, & quantum colore, tantum bonitate deterius. Probant maximè Cyprium in medicinæ uſu. Sumitur ad depellenda ventris animalia drachmæ pondere cum

melle. Purgat & caput dilutum, & naribus instillatum: item stomachum, cum melle aut aquâ mulsâ sumptum. Medetur & oculorum scabritiei dolorive, & caligini, & oris ulceribus. Sistit & sanguinem narium: item hæmorrhoidum. Extrahit ossa fracta cum semine hyoscyami. Suspendit epiphoras, penicillo fronti impositum. Efficax & in emplastris ad purganda ulcera, & excrescentia ulcerum. Tollit & uvas, vel si decocto tangantur. Cum lini quoque semine superponitur emplastris ad dolores tollendos: quodque ex eo candicat, in eo usu præfertur violaceis, si gravitati aurium per fistulas inspiretur. Vulnera etiam per se illitum sanat, sed tinguit cicatrices. Nuperque inventum, urforum in arenâ & leonum ora inspergere illo: tantaque est vis in adstringendo, ut non queant mordere.

XXXIII. 13. Etiamnum in ærariis reperiuntur, quæ vocant pompholygem & spodon. Differentia, quodd pompholyx loturâ paratur; spodos illota est. Aliqui id quod sit candidum levissimumque, pompholygem dixere: & esse æris & cadmiæ favillam. Spodon nigriorem ponderosiorumque esse, derasam parietibus fornacum, mixtis scintillis, aliquando & carbonibus. Hæc aceto accepto odorem æris præstat, & si tangatur linguâ, saporem horridum.

Convenit oculorum medicamentis, quibuscumque vitiis occurrens, & ad omnia, quæ spodos: hoc solum distat, quòd hujus elutior vis est. Additur & in emplastra, quibus lenis quæritur refrigeratio & siccatio. Utilior ad omnia quæ vino lota est.

XXXIV. Spodos Cypria optima. Fit autem liquefcentibus cadmiâ, & ærario lapide. Levissimum hoc efflatur & ocius, evolatque e fornacibus, & testis adhærescit, a fuligine distans candore. Quod minus candidum ex eo, immaturæ fornacis argumentum est: hoc quidam pompholygem vocant. Quod verò rubicundius ex iis invenitur, acriorem vim habet, exulceratque adeò, ut cùm lavatur, si oculos attingat, excæcet. Est & mellei coloris spodos, in quâ plurimum æris intelligitur. Sed quodcumque genus lavando fit utilius: purgatur antè pennâ, dein crassiore loturâ. Digitis scabritiem exterunt. Media vis ejus est, quæ vino lavatur. Est aliqua & in genere vini differentia. Leni enim lota collyriis oculorum minus apta putatur. Eadem efficacior ulceribus quæ manant, vel oris quæ madent, & omnibus medicamentis, quæ parantur contra gangrænas. Fit & in argenti fornacibus spodos, quam vocant lauriotin. Utilissima autem oculis adfirmatur, quæ fiat in
E ij

aurariis: nec in aliâ parte magis est vitæ ingenia mirari. Quippe ne inquirenda essent metalla, vilissimis rebus utilitates easdem excogitavit.

XXXV. Antispodon vocant cinerem fici arboris, vel caprifici, vel myrti foliorum cum tenerrimis ramorum partibus, vel oleastri, vel cotonei mali, vel lentisci. Item ex moris immaturis, id est, candidis, in Sole arefactis: vel e buxi comâ, vel pseudocyperi, aut rubi, aut terebinthi, vel œnanthes. Taurini quoque glutinis, aut linteorum cinerem, similiter pollere inventum est. Uruntur omnia ea crudo fictili in fornacibus, donec figlina percoquantur.

XXXVI. In ærariis officinis & pſegma fit, jam liquato ære atque percocto, additis etiamnum carbonibus, flatuque accensis: ac repenti vehementiori flatu expuitur æris palea quædam. Solum, quo excipitur, esse stratum debet.

XXXVII. Facile ab eâ discernitur, quam in iisdem officinis diphrygem vocant Græci, ab eo quod bis torreatur. Cujus origo triplex. Fieri enim traditur ex lapide pyrite cremato in caminis, donec excoquatur in rubricam. Fit & in Cyprio ex luto cujusdam specûs arefacto prius, mox paulatim circumdatis sarmentis. Tertio fit modo in fornacibus æris facie subsidente,



Differentiæ siquidem, quòd æs ipsum in catino defluit, scoria extra fornaces, flos supernatat, diphryges remanet. Quidam tradunt in fornacibus globos lapidis qui coquantur, ferruminari : circa hunc æs fervere, ipsum verò non percoqui, nisi translatum in alias fornaces, & esse nodum quemdam materiæ. Id quod ex cocto supersit, diphryges vocari. Ratio ejus in medicinâ similis suprâ dictis : siccare, & excrescentia consumere, & perpurgare. Probaturlinguâ, ut eam siccet tactu statim, saporemque æris reddat.

XXXVIII. Unum etiamnum æris miraculum non omittemus. Servilia familia illustris in Fastis, trientem æreum pascit auro & argento, consumentem utrumque. Origo atque natura ejus incomperta est mihi. Verba ipsa de eâ re Messalæ senis ponam. « Serviliorum familia habet trientem sacrum, cui summâ cum curâ magnificentiaque sacra quotannis faciunt: quem ferunt aliàs crevisse, aliàs decrevisse videri, & ex eo aut honorem aut deminutionem familiæ significari ».

XXXIX. 14. Proximè indicari debent metalla ferri, optimo pessimoque vitæ instrumento. Siquidem hoc tellurem scindimus, serimus arbusta, ponimus pomaria, vites squalore deciso annis omnibus cogimus juvenescere. Hoc exstruimus testâ,

E iij



cædimus saxa, omnesque ad alios usus ferro utimur. Sed eodem ad bella, cædes, latrocinia, non cominus solùm, sed etiam missili volucrique, nunc tormentis excusso, nunc lacertis, nunc verò pennato: quam sceleratissimam humani ingenii fraudem arbitror. Siquidem, ut ocius mors perveniret ad hominem, alitem illam fecimus, pennasque ferro dedimus. Quamobrem culpa ejus non naturæ fiat accepta. Aliquot experimentis probatum est posse innocens esse ferrum. In fœdere, quod expulsis regibus populo Romano dedit Porfena, nominatim comprehensum invenimus, ne ferro nisi in agriculturâ uteretur. Et cum stilo scribere intutum, ut vetustissimi auctores prodiderunt. Magni Pompeii in tertio consulatu exstat editum, in tumultu necis Clodianæ, prohibentis ullum telum esse in Urbe.

XL. Et tamen vita ipsa non defuit honorem mitiorem habere ferro quoque. Aristonidas artifex cùm exprimere vellet Athamantis furorem Learcho filio præcipitato residentem pœnitentiâ, æs, ferrumque miscuit, ut rubigine ejus per nitorem æris relucente, exprimeretur verecundiæ rubor. Hoc signum exstat Thebis hodiernò die. Est in eâdem urbe & ferreus Hercules, quem fecit Alcon, laborum dei patientiâ inductus. Videmus & Romæ scyphos e fer-

ro dicatos in templo Martis Ultoris. Obstitit eadem naturæ benignitas, exigentis a ferro ipso pœnas rubigine: eâdemque providentiâ nihil in rebus mortalibus faciente, quàm quod infestissimum mortalitati.

XLI. Ferri metalla ubique propemodum reperiuntur, quippe insulâ etiam Italiæ Ilvâ gignente: minimâque difficultate cognoscuntur, ipso colore terræ manifesto. sed ratio eadem excoquendis venis. In Cappadociâ tantùm quæstio est, aquæ an terræ fiat acceptum, quoniam perfusa certo fluviô terra, neque aliter ferrum e fornacibus reddit.

Differentia ferri numerosa. Prima in genere terræ cælive. Aliæ molle tantùm, plumboque vicinius subministrant: aliæ fragile & ærosum, rotarumque usibus & clavis maximè fugiendum, cui prior ratio convenit. Aliud brevitate solâ placet, clavisque caligariis: aliud rubiginem celeritùs sentit. Stricturæ vocantur hæ omnes, quod non in aliis metallis, a stringendâ acie vocabulo imposito. Et fornacum maxima differentia est: nucleusque quidem ferri excoquitur in his ad indurandam aciem: aliquæ modò ad densandas incudes, malleorumve rostra. Summa autem differentia in aquâ est, cui subinde candens immergitur. Hæc alibi atque alibi utilior nobilitavit lo-

ca gloriâ ferri, sicut Bilbilin in Hispaniâ & Turiaſſonem, Comum in Italiâ, cùm ferraria metalla in his locis non sint. Ex omnibus autem generibus palma Serico ferro est. Seres hoc cum vestibis suis pel-libusque mittunt. Secunda Parthico; neque alia genera ferri ex merâ acie temperantur: ceteris enim admiscetur mollior complexus. In nostro orbe aliubi vena bonitatem hanc præstat, ut in Noricis: aliubi factura, ut Sulmone aqua, uti diximus. Quippe cùm in exacuendo oleares cotes, aquariæque differant, & oleo delicatior fiat acies. Mirumque, cùm excoquatur vena, aquæ modo liquari ferrum, postea in spon-gias frangi. Tenuiora ferramenta oleo re-ſtingui mos est, ne aquâ in fragilitatem durentur. A ferro sanguis humanus se ul-ciscitur. Contactum namque eo, celerius subinde rubiginem trahit.

XLII. De magnete lapide suo loco dicemus, concordiaque quam cum ferro habet. Sola hæc materia vires ab eo lapide accipit, retinetque longo tempore, aliud adprehendens ferrum, ut anulorum cate-na spectetur interdum: quod imperitum vulgus appellat ferrum vivum, vulneraque tali asperiora fiunt. Lapis hic & in Cantabriâ nascitur, non ille magnes verus caute continuâ, sed sparsâ bullatione, ita appellant: nescio an vitro fundendo per-

inde utilis : nondum enim expertus est quisquam : ferrum utique inficit eâdem vi. Magnete lapide Dinocharēs architectus Alexandriæ Arsinoes templum concamerare inchoaverat, ut in eo simulacrum ejus e ferro pendere in aere videretur. Intercēssit mors & ipsius & Ptolemæi, qui id forori suæ jusserat fieri.

XLIII. 15. Metallorum omnium vena ferri largissima est. Cantabriæ maritimæ parte, quam Oceanus adluit, mons præruptè altus, incredibile dictu, totus ex eâ materie est, ut in ambitu Oceani diximus. Ferrum accensum igni, nisi duretur ictibus, corrumpitur. Rubens non est habile tundendo, neque antequam albescere incipiat. Aceto aut alumine illitum fit æri simile. A rubigine vindicatur cerussâ, & gypso, & liquidâ pice. Hæc est temperatura a Græcis antipathia dicta. Ferunt quidam & religione quadam id fieri. Et exstare ferream catenam apud Euphratem amnem, in urbe quæ Zeugma appellatur, quâ Alexander Magnus ibi junxerat pontem, cujus anulos qui resecti sunt, rubigine infestari, carentibus eâ prioribus.

XLIV. Medicina e ferro est & alia, quàm secandi. Namque circumscribi circulos, terve circumlato mucrone, & adultis & infantibus prodest contra noxia medicamenta : & præfixisse in limine e se-

pulcro evulsos clavos adversùs nocturnas lymphationes. Pungique leviter mucrone, quo percussus homo sit, contra dolores laterum pectorumque subitos, qui punctiorem adferant. Quædam ustione sanantur: privatim verò canis rabidi morsus. Quippe etiam prævalente morbo, expavescentesque potum, ustâ plagâ illico liberantur. Calefit etiam ferro candente aqua, multis vitiis, privatim verò dysentericis.

XLV. Est & rubigo ipsa in remediis, & sic Telephum proditur sanasse Achilles, sive id æreâ, sive ferreâ cuspide fecit. Ita certè pingitur eam decutiens gladio. Sed rubigo ferri deraditur humido ferro clavis veteribus. Potentia ejus ligare, siccare, sistere. Emendat alopecias illita. Utuntur & ad scabritias genarum, pusulasque totius corporis, cum cerâ & oleo myrteo: ad ignes verò sacros ex aceto: item ad scabiem, paronychia, in linteo-
lis. Sistit & feminarum profluvia imposita velleribus. Plagis quoque recentibus vino diluta, & cum myrrhâ subacta, & condylomatis ex aceto prodest. Podagras quoque illita lenit.

XLVI. Squama quoque ferri in usu est ex acie, aut mucronibus, maximè simili, sed acriore vi, quàm rubigo: quamobrem & contra epiphoras oculorum adsumitur. Sanguinemque sistit, cùm vulnera maxi-

mè ferro fiant. Siftit & feminarum profluvia. Imponitur & contra lienum vitia. Hæmorrhoidas compescit, ulcerumque serpentia. Et genis prodest, farinæ modo adspersa paulisper. Præcipua tamen commendatio ejus in hygremplastro ad purganda vulnera fistulasque, & omne callum erodendum, & rasis ossibus carnes recreandas. Componitur hoc modo: picis oboli sex, Cimoliæ cretæ drachmæ duæ: æris tusi drachmæ duæ: squamæ ferreæ, totidem: ceræ, sex: olei sextarius. His adjicitur, cùm sunt repurganda vulnera aut replenda, ceratum.

XLVII. 16. Sequitur natura plumbi. Cujus duo genera, nigrum, atque candidum. Pretiosissimum candidum, a Græcis appellatum cassiteron, fabulosèque narratum in insulas Atlantici maris peti, vitilibusque navigiis circumfûtis corio advehi. Nunc certum est, in Lusitaniâ gigni, & in Gallaciâ: summâ tellure arenosâ, & coloris nigri: pondere tantùm ea deprehenditur. Interveniunt & minuti calculi, maximè torrentibus siccatis. Lavant eas arenas metallici, & quod subsedit, coquant in fornacibus. Invenitur & in auris metallis, quæ alutia vocant: aquâ immisâ eluente calculos nigros paulum candore variatos, quibus eadem gravitas quæ auro: & ideo in calathis, in quibus au-

rum colligitur, remanent cum eo: postea caminis separantur, conflatique in album plumbum resolvuntur. Non fit in Gallæciâ nigrum, cum vicina Cantabria nigro tantum abundet: nec ex albo argentum, cum fiat ex nigro. Jungi inter se plumbum nigrum sine albo non potest, nec hoc ei sine oleo. Ac ne album quidem secum sine nigro. Album habuit auctoritatem & Iliacis temporibus, teste Homero, cassiteron ab illo dictum.

Plumbi nigri origo duplex est: aut enim suâ provenit venâ, nec quidquam aliud ex se parit: aut cum argento nascitur, mixtisque venis conflatur. Ejus qui primus fluit in fornacibus liquor, stannum appellatur: qui secundus, argentum: quod remansit in fornacibus, galena, quæ est tertia portio additæ venæ. Hæc rursus conflata, dat nigrum plumbum deductis partibus non duabus.

XLVIII. 17. Stannum illitum æneis vasis, saporem gratiorem facit, & compescit æruginis virus: mirumque, pondus non augeat. Specula quoque ex eo laudatissima, ut diximus, Brundisii temperabantur, donec argenteis uti cœpere & ancillæ. Nunc adulteratur stannum additâ æris candidi tertiâ portione in plumbum album. Fit & alio modo: mixtis albi plumbi nigrique libris. Hoc nunc aliqui argentarium

appellant. Idem & tertiarium vocant, in quo duæ nigri portiones sunt, & tertia albi. Pretium ejus in libras, x. x. Hoc fistulæ solidantur. Improbiores ad tertiarium additis æquis partibus albi, argentarium vocant: & eo quæ volunt incoquunt. Pretia hujus faciunt in pondo c. lx. x. Albo per se sincero pretia sunt x. x. nigro, septem. Albi natura plus aridi habet: contraque, nigri tota humida est. Ideo album nulli rei sine mixturâ utile est. Neque argentum ex eo plumbatur, quoniam prius liquescit argentum. Confirmant, quòd si minus albo nigri quàm satis sit, misceatur, erodi ab eo argentum. Album incoquitur æreis operibus Galliarum invento, ita ut vix discerni possit ab argento, eaque incoctilia vocant. Deinde & argentum incoquere simili modo cœpere equorum maximè ornamentis, jumentorum jugis, in Alesiâ oppido: reliqua gloria Bitorigum fuit. Cœpere deinde & esseda, & vehicula, & petorita exornare: similique modo ad aurea quoque, non modò argentea staticula inanis luxuria pervenit: quæque in scyphis cerni prodigium erat, hæc in vehiculis adteri, cultus vocatur. Plumbi albi experimentum in chartâ est, ut liquefactum pondere videatur, non calore, rupisse. India neque æs neque plumbum habet, gemmisque suis ac margaritis hæc permutat.

XLIX. Nigro plumbo ad fistulas laminasque utimur, laboriosius in Hispaniâ eruto, totasque per Gallias: sed in Britanniâ summo terræ corio adedè largè, ut lex ultro dicatur, «ne plus certo modo fiat». Nigri generibus hæc sunt nomina: Ovetanum, Caprariense, Oleastrense. Nec differentia ulla scorïæ, modò sit excocta diligenter. Mirumque in his solis metallis, quòd derelicta fertiliùs revivescunt. Hoc videtur facere laxatis spiramentis ad satietatem infusus aer, æquè ut feminas quasdam fecundiores facere abortus. Nuper id compertum in Bæticâ Santarensi metallo, quod locari solitum x. cc. m. annuis, postquam oblitteratum erat, cclv. locatum est. Simili modo Antonianum in eâdem provinciâ pari locatione pervenit ad pondo cccc. vestigalis. Aquâ additâ non liquecere vasa e plumbo constat: eadem, si in aquâ calculus æreusve quadrans addatur, peruri.

L. 18. In medicinâ per se plumbi usus est cicatrices reprimere: adalligatisque lumborum & renum parti laminis frigidiore naturâ inhibere impetus Veneris. Visaque in quiete Venerea sponte naturæ erumpentia usque in morbi genus, his laminis Calvus orator cohibuisse traditur, viresque corporis studiorum labori custodisse. Nero (quoniam ita diis placuit) prin-

ceps, laminâ pectori impositâ sub eâ cantica exclamans, alendis vocibus demonstravit rationem. Coquitur ad medicinæ usus, patinis fictilibus, substrato sulphuris minuto, laminis impositis tenuibus, operisque sulphure & ferro mixtis. Cùm coquitur, munienda in eo opere foramina spiritûs convenit: alioqui plumbi fornacium halitus noxius sentitur, & pestilens, & canibus ocissimè: omnium verò metallorum, muscis & culicibus: quamobrem non sunt ea tædia in metallis. Quidam in coquendo scobem plumbi limâ quæsitam sulphuri miscent: alii cerussam potius, quàm sulphur. Fit & lotura plurimi usûs in medicinâ, cùm se ipso teritur in mortariis plumbeis additâ aquâ cælesti, donec crassescat. Postea supernatans aqua tollitur spongiis: quod crassissimum fuit, siccatum dividitur in pastillos. Quidam limatum plumbum sic terunt: quidam etiam plumbaginem admiscent: alii verò acetum, alii vinum, alii adipem, alii rosam. Quidam in mortario lapideo, & maximè Thebaico, plumbeo pistillo terere malunt: candidiusque fit ita medicamentum. Id autem quod ustum est plumbum, lavatur, & teritur, ut cadmia. Potest adstringere, sistere, contrahere cicatrices. Usus enim ex eodem, & in oculorum medicamentis, & maximè contra procidentiam

eorum, & inanitatem ulcerum, excrescentiave, rimasque sedis, aut hæmorrhoidas, aut condylomata. Ad hæc maximè lotura plumbi facit: cinis autem usti ad ulcera serpentia, aut sordida: eademque, quæ chartis, ratio profectûs. Uritur autem in patinis per laminas minutas cum sulphure, versatum rudibus ferreis aut ferulaeis, donec liquor mutetur in cinerem. Dein refrigeratum teritur in farinam. Alii limatam scobem in fictili crudo coquunt in caminis, donec percoquatur figlinum. Aliqui cerussam miscent pari mensurâ, aut hordeum, teruntque, ut in crudo dictum est, & præferunt sic tritum plumbum spodio Cyprio.

LI. Scoria quoque plumbi in usu est, optimaque, quæ ad luteum maximè colorem accedit, sine plumbi reliquiis, aut sulphuris specie, & terrâ carens. Lavatur hæc in mortariis minutim fracta, donec aqua luteum colorem trahat, & transfunditur in vas purum, idque sæpius, usque dum subsidat, quod utilissimum est: eosdemque effectus habet, quos plumbum, sed acriores. Mirari succurrit experientiam vitæ, ne fæce quidem rerum, excrementorumque fœditate intentatâ tot modis.

LII. Fit & spodium ex plumbo eodem modo, quo ex Cyprio ære diximus. La-

yatur in linteis raris aquâ cælesti, separaturque terrenum transfusione, cribratumque teritur. Quidam pulverem pennis detergere malunt, ac terere in vino odorato.

LIII. Est & molybdæna, quam alio loco galenam vocavimus, vena argenti plumbique communis. Melior hæc, quanto magis aurei coloris, quantoque minus plumboſa, friabilis, & modicè gravis. Cocta cum oleo, jocineris colorem trahit. Adhærescit & auri & argenti fornacibus. Et hanc metallicam vocant. Laudatissima quæ in Zephyrio fiat. Probantur minimè terrenæ, minimèque lapidosæ: coquuntur lavanturque scorîæ modo. Usus in liparas, ad lenienda refrigerandaque ulcera: emplastrisque, quæ non alligantur: sed illita ad cicatricem perducunt, in teneris corporibus mollissimisque partibus. Compositio ejus est libris tribus, & ceræ librâ unâ, olei tribus heminis, quod in senili corpore cum fracibus additur. Temperatur & cum spumâ argenti, & scorîâ plumbi, ad dysenteriam, & tenesmum, fovendo calida.

LIV. Psimmythium quoque, hoc est, cerussam, plumbariæ dant officinæ. Laudatissimum in Rhodo. Fit autem ramentis plumbi tenuissimis super vas aceti asperrimi impositis, atque ita destillantibus. Quod ex eo cecidit in ipsum acetum, are-

factum molitur & cribratur, iterumque aceto mixto in pastillos dividitur, & in Sole siccatur æstate. Fit & alio modo: addito in urceos aceti plumbo, obturatos per dies decem, deraſoque ceu situ, ac rursus reſecto, donec deficiat materia. Quod deraſum eſt, teritur & cribratur, & coquitur in patinis, miſceturque rudiculis donec rubefcat, & ſimile ſandaracæ fiat. Dein lavatur dulci aquâ, donec nubeculæ omnes eluantur. Siccatur ſimiliter poſtea, & in pastillos dividitur. Vis ejus eadem, quæ ſuprà dictis: leviffima tantum ex omnibus: præterque ad candorem feminarum adhibetur. Eſt autem letalis potus, ſicut ſpumæ argenti. Poſtea ceruſſa ipſa ſi coquatur, ruſeſcit.

LV. Sandaracæ quoque propemodum dicta natura eſt. Invenitur autem & in aurariis & in argentariis metallis: melior quod magis ruſa, quodque magis virus redolens, ac pura, friabilisque. Valet purgare, ſiſtere, excaſfacere, perrodere. Summa ejus doſis ſeptica. Explet alopecias ex aceto illita. Additur oculorum medicamentis. Fauces purgat cum melle ſumpta. Suſpirioſis tuſſientibuſque jucundè medetur, cum reſinâ terebinthinâ in cibo ſumpta. Suffita quoque cum cedro, ipſo nidore iſſdem medetur.

LVI. Et arrenicum ex eâdem eſt mate-

riâ. Quod optimum, coloris etiam in auro excellentis : quod verò pallidius aut sandaracæ simile est , deterius existimatur. Est & tertium genus , quo miscetur aureus color sandaracæ. Utraque hæc squamosa. Illud verò siccum , purumque , gracili venarum discursu fissile. Vis eadem quæ suprâ , sed acrior. Itaque & causticis additur , & psilothris. Tollit & pterygia digitorum , carnesque narium , & condylomata , & quidquid excrescit. Torretur , ut validius prosit , in novâ testâ , donec mutet colorem.





LIBER XXXV.

De picturâ & coloribus.

I. **M**ETALLORUM, quibus opes constant, nascentiumque in eis natura indicata propemodum est: ita connexis rebus ut immensa medicinæ silva, officinarumque tenebræ, & morosa cælandi, fingendique, ac tingendi subtilitas simul dicerentur. Restant terræ ipsius lapidumque genera, vel numerosiore serie, plurimis singula a Græcis præcipuè voluminibus tractata. Nos in iis brevitatem sequemur utilem instituto: hoc modo nihil necessarium aut naturale omittentes.

1. Primùmque dicemus quæ restant de picturâ, arte quondam nobili, tunc cùm expeteretur a regibus populisque, & illos nobilitante, quos esset dignata posteris tradere: nunc verò in totum marmoribus pulsa, jam quidem & auro: nec tantùm ut parietes toti operiantur, verùm & inter-raso marmore, vermiculatisque ad effigies rerum & animalium crustis. Non placent jam abaci, nec spatia montis in cubi-

culo delitencia : cœpimus & lapidem pingere. Hoc Claudii principatu inventum : Neronis verò, maculas quæ non essent, in crustis inferendo, unitatem variare, ut ovatus esset Numidicus, ut purpurâ distingueretur Synnadicus, qualiter illos nasci optarent deliciæ. Montium hæc subsidia deficientium : nec cessat luxuria id agere, ut quàm plurimùm incendiis perdat.

II. 2. Imaginum quidem picturâ quàm maximè similes in ævum propagabantur figuræ : quod in totum exolevit. Ærei ponuntur clypei, argenteæ facies surdo figurarum discrimine, statuarum capita permutantur, vulgatis jam pridem salibus etiam carminum. Adeò materiam malunt conspici omnes, quàm se nosci. Et inter hæc pinacothecas veteribus tabulis consuunt, alienasque effigies colunt, ipsi honorem non nisi in pretio ducentes, ut frangat heres, furisque detrahat laqueus. Itaque nullius effigie vivente, imagines pecuniæ, non suas, relinquunt. Iidem palæstras athletarum imaginibus, & ceromata sua exornant, & vultus Epicuri per cubicula gestant, ac circumferunt secum. Natali ejus vicesimâ Lunâ sacrificant, feriasque omni mense custodiunt, quas icadas vocant, ii maximè qui se ne viventes quidem nosci volunt. Ita est profectò : artes desidia perdidit : & quoniam animorum imagines

non sunt, negliguntur etiam corporum. Aliter apud majores in atriis hæc erant quæ spectarentur, non signa externorum artificum, nec æra, aut marmora: expressi cerâ vultus singulis disponebantur armariis, ut essent imagines, quæ comitarentur gentilitia funera: semperque defuncto aliquo, totus aderat familiæ ejus, qui umquam fuerat, populus. Stemmata verò lineis discurrebant ad imagines pictas. Tablina codicibus implebantur, & monumentis rerum in magistratu gestarum. Aliæ foris & circa limina domitarum gentium imagines erant, adfixis hostium spoliis, quæ nec emptori refigere liceret: triumphabantque etiam dominis mutatis, ipsæ domus: & erat hæc stimulatio ingens, exprobrantibus testis, quotidie imbellem dominum intrare in alienum triumphum. Exstat Messalæ oratoris indignatio, quâ prohibuit inferi genti suæ Lævinorum alienam imaginem. Similis causa Messalæ seni expressit volumina illa, quæ de Familiis condidit, cùm Scipionis Pomponiani transisset atrium, vidissetque adoptione testamentariâ Salutiones, (hoc enim fuerat cognomen,) Africanorum dedecore irreperentes Scipionum nomini. Sed pace Messalarum dixisse liceat, etiam mentiri clarorum imagines, erat aliquis virtutum amor: multoque honestius, quàm mereri, ne quis suas expeteret.

Non est prætereundum & novitium inventum. Siquidem non solum ex auro argentove, aut certè ex ære in Bibliothecis dicantur illi, quorum immortales animæ in locis iisdem loquuntur: quinimmo etiam quæ non sunt, finguntur, pariuntque desideria non traditos vultus, sicut in Homero evenit. Quò majus (ut equidem arbitror) nullum est felicitatis specimen, quàm semper omnes scire cupere, qualis fuerit aliquis. Asinii Pollionis hoc Romæ inventum, qui primus Bibliothecam dicendo, ingenia hominum rem publicam fecit. An priores cœperint Alexandriae & Pergami reges, qui Bibliothecas magno certamine instituere, non facile dixerim. Imaginum amore flagrasse quosdam testes sunt & Atticus ille Ciceronis edito de his volumine, & Marcus Varro benignissimo invento, insertis voluminum suorum fecunditati, non nominibus tantum septingentorum illustrium, sed & aliquo modo imaginibus, non passus intercidere figuras, aut vetustatem ævi contra homines valere, inventor muneris etiam diis invidiosi, quando immortalitatem non solum dedit, verum etiam in omnes terras misit, ut præsentem esse ubique, & credi possent.

III. 3. Et hoc quidem alienis ille præstitit. Suorum verò clypeos in sacro vel

publico privatim dicare primus instituit (ut reperio) Appius Claudius, qui consul cum Servilio fuit anno Urbis CCLIX. Posuit enim in Bellonæ æde majores suos, placuitque in excelso spectari, & titulos honorum legi. Decora res, utique si liberorum parvulis imaginibus ceu nidum aliquem sobolis pariter ostendat: quales clypeos nemo non gaudens favensque aspicit.

IV. Post eum M. Æmilius, collega in consulatu Quinti Lutatii, non in basilicâ modò Æmiliâ, verùm & domi suæ posuit, id quoque Martio exemplo. Scutis enim, qualibus apud Trojam pugnatum, continebantur imagines: unde & nomen habuere clypeorum: non ut perversa grammaticorum subtilitas voluit, a cluendo. Origo plena virtutis, faciem reddi in scuto cujusque, qui fuerit usus illo. Pœni ex auro factitavere & clypeos, & imagines, secumque in castris tulere. Certè captis eis talem Asdrubalis invenit Marcius, Scipionum in Hispaniâ ultor: isque clypeus supra fores Capitolinæ ædis usque ad incendium primum fuit. Majorum quidem nostrorum tanta securitas in eâ re adnotatur, ut L. Manlio, Q. Fulvio cons. anno Urbis DLXXV. M. Aufidius tutelæ Capitolii redemptor, docuerit patres argenteos esse clypeos, qui pro æreis per aliquot jam lustra adsignabantur.

V. De

V. De picturæ initiis incerta, nec instituti operis quæstio est. Ægyptii sex milibus annorum apud ipsos inventam, priusquam in Græciam transiret, adfirmant, vanâ prædicatione, ut palam est. Græci autem alii Sicyone, alii apud Corinthios repertam, omnes umbrâ hominis lineis circumductâ. Itaque talem primam fuisse: secundam singulis coloribus, & monochromaton dictam, postquam operosior inventa erat: duratque talis etiam nunc. Inventam linearem dicunt a Philocle Ægyptio, vel Cleanthe Corinthio. Primi exercuere Ardices Corinthius, & Telephanes Sicyonius, sine ullo etiamnum hi colore, jam tamen spargentes lineas intus. Ideo & quos pingerent, adscribere institutum. Primus invenit eas colorare, testâ (ut ferunt) tritâ, Cleophrantus Corinthius. Hunc, aut eodem nomine alium fuisse, quem tradit Cornelius Nepos secutum in Italiam Demaratum, Tarquinii Prisci Romani regis patrem, fugientem a Corintho injurias Cypseli tyranni, mox docebimus.

VI. Jam enim absoluta erat pictura etiam in Italiâ. Exstant certè hodieque antiquiores Urbe picturæ Ardeæ in ædibus sacris; quibus equidem nullas æquè demiror tam longo ævo durantes in orbitate testî, veluti recentes. Similiter Lanuvii, ubi Atalanta, & Helena, cominus pictæ sunt nu-

dæ ab eodem artifice, utraque excellentissimâ formâ, sed altera ut virgo: ne ruinis quidem templi concussæ. Caius princeps eas tollere conatus est, libidine accensus, si tectorii natura permisisset. Durant & Cære, antiquiores ipsæ. Fatebiturque, quisquis eas diligenter æstimaverit, nullam artium celerius consummatam, cum Iliacis temporibus non fuisse eam appareat.

VII. 4. Apud Romanos quoque honos maturè huic arti contigit. Siquidem cognomina ex eâ Pictorum traxerunt Fabii clarissimæ gentis, princepsque ejus, cognominis ipse, ædem Salutis pinxit anno Urbis conditæ CCCCL. quæ pictura duravit ad nostram memoriam, æde Claudii principatu exustâ. Proximè celebrata est, in Foro Boario æde Herculis, Pacuvii poetæ pictura. Ennii sorore genitus hic fuit: clarioremque eam artem Romæ fecit gloria scenæ. Postea non est spectata honestis manibus: nisi fortè quis Turpilius equitem Romanum nostræ ætatis e Venetiâ velit referre, hodieque pulcris ejus operibus Veronæ exstantibus. Lævâ is manu pinxit, quod de nullo antè memoratur. Parvis gloriabatur tabellis extinctus nuper in longâ senectâ, Antistius Labeo prætorius, etiam proconsulatu provincie Narbonensis functus. Sed ea res in risu & contumeliâ erat. Fuit & principum

virorum non omittendum de picturâ celebre consilium. Qu. Pedius, nepos Qu. Pedii consularis triumphalisque, a Cæsare dictatore coheredis Augusto dati, cum naturâ mutus esset, eum Messala orator, ex cujus familiâ pueri avia erat, picturam docendum censuit, idque etiam divus Augustus comprobavit. Puer magni profectus in eâ arte obiit. Dignatio autem præcipua Romæ increvit (ut existimo) a M. Valerio Max. Messalâ, cum princeps tabulam picturæ prælii, quo Carthaginenses & Hieronem in Siciliâ devicerat, proposuit in latere Curiae Hostiliæ, anno ab Urbe conditâ cccxc. Fecit hoc idem & L. Scipio, tabulamque victoriæ suæ Asiaticæ in Capitolio posuit: idque ægre tulisse fratrem Africanum tradunt, haud immerito quando filius ejus in illo prælio captus fuerat. Non dissimilem offensionem & Æmiliani subiit Lucius Hostilius Mancinus, qui primus Carthaginem irruperat, situm ejus oppugnationesque depictas proponendo in Foro, & ipse adsistens populo spectanti singula enarrando: quâ comitate proximis comitiis consulatum adeptus est. Habuit & scena ludis Claudii Pulcri magnam admirationem picturæ, cum ad regularum similitudinem corvi decepti imagine advolarent.

VIII. Tabulis autem externis auctorita-

tem Romæ publicè fecit primus omnium Lucius Mummius, cui cognomen Achaici victoria dedit. Namque cùm in prædâ vendendâ rex Attalus distraxisset & x. *vī.* emisset tabulam Aristidis, Liberum patrem, pretium miratus, suspicatusque aliquid in eâ virtutis, quod ipse nesciret, revocavit tabulam, Attalo multum querente, & in Cereris delubro posuit: quam primam arbitror picturam externam Romæ publicatam. Deinde video & in Foro positas vulgò. Hinc enim ille Crassi oratoris lepos agentis sub Veteribus, cùm testis compellatus instaret: « Dic ergo, » Crasse, qualem me reris »? « Talem », inquit, ostendens in tabulâ pictum infestissimè Gallum exferentem linguam. In Foro fuit & illa pastoris senis cum baculo, de quâ Teutonorum legatus respondit, interrogatus, « quanti eum æstimaret », « sibi » donari nolle talem vivum, verumque ».

IX. Sed præcipuam auctoritatem fecit publicè tabulis Cæsar dictator, Ajace & Medeâ ante Veneris Genetricis ædem dicatis. Post eum M. Agrippa vir rusticitati propior quàm deliciis. Exstat certè ejus oratio magnifica, & maximo civium digna, de tabulis omnibus signisque publicandis: quod fieri satius fuisset, quàm in villarum exsilia pelli. Verùm eadem illa torvitas tabulas duas Ajacis & Veneris

mercata est a Cyzicenis x. m. In Thermarum quoque calidissimâ parte marmoribus incluserat parvas tabellas, paulo antè cùm reficerentur, sublatas.

X. Super omnes divus Augustus in Foro suo celeberrimâ in parte posuit tabulas duas, quæ belli faciem pictam habent & triumphum. Idem Castores ac Victoriâ posuit, & quas dicemus sub artificum mentione in templo Cæsaris patris. Idem in Curiâ quoque, quam in Comitio consecrabat, duas tabulas impressit parieti. Nemeam sedentem supra leonem, palmigeram ipsam, adstante cum baculo sene, cûjus supra caput tabula bigæ dependet. Nicias scripsit se inussisse: tali enim usus est verbo. Alterius tabulæ admiratio est, puberem filium seni patri similem esse, salvâ ætatis differentiâ, supervolante aquilâ draconem complexâ. Philochares hoc suum opus esse testatus est: immensâ, vel unam si quis tantum hanc tabulam æstimet, potentiâ artis, cùm propter Philocharem, ignobilissimos alioqui Glaucionem filiumque ejus Aristippum, senatus populusque Romanus tot sæculis spectet. Posuit & Tiberius Cæsar minimè comis imperator, in templo ipsius Augusti, quas mox indicabimus.

XI. §. Hactenus dictum sit de dignitate artis morientis. Quibus coloribus singulis

primi pinxissent, diximus, cùm de pigmentis traderemus in metallis. Qui monochromatea genera picturæ vocaverint, qui deinde, & quæ invenerint, & quibus temporibus dicemus in mentione artificum, quoniam indicare naturas colorum, causa instituti operis prior est. Tandem se ars ipsa distinxit, & invenit lumen atque umbras, differentiâ colorum alternâ vice sese excitante. Deinde adjectus est splendor, alius hic quàm lumen: quem quia inter hoc & umbram esset, appellaverunt tonon: commissuras verò colorum & transitus, harmogen.

XII. 6. Sunt autem colores austeri, aut floridi. Utrumque naturâ, aut mixturâ evenit. Floridi sunt, quos dominus pingenti præstat, minium, Armenium, cinnabaris, chrysocolla, Indicum, purpurissum. Ceteri austeri. Ex omnibus alii nascuntur, alii fiunt. Nascuntur Sinopis, rubrica, Parætanium, Melinum, Eretria, auripigmentum. Ceteri finguntur, primùmque quos in metallis diximus. Præterea e vilioribus, ochra, cerussa usta, sandaraca, sandyx, Syricum, atramentum.

XIII. Sinopis inventa est primùm in Ponto: nomen a Sinope urbe. Nascitur & in Ægypto, Balearibus, Africâ: sed optimâ in Lemno, & in Cappadociâ, effossa e speluncis. Quæ saxi adhæsit, excellit.

Glebis suis colos, extrâ maculosus. Hacque usi sunt veteres ad splendorem. Species Sinopidis tres, rubra: & minùs rubens, & inter has media. Pretium optimæ in libras, x. ii. Usus ad penicillum, aut si lignum colorare libeat. Ejus, quæ ex Africâ venit, octoni asses: cicerulum appellant. Quæ magis ceteris rubet, utilior abacis. Idem pretium ejus, quæ pressior vocatur, & est maximè fusca. Usus ejus ad bases abacorum. In medicinâ verò blandus, emplastrisque & malagmatis, sive siccâ compositione ejus, sive liquidâ, facilis: contra ulcera in humore sita, veluti oris, sedis. Alvum sistit infusa: feminarum profluvia, pota denarii pondere. Eadem adusta siccatur scabritias oculorum, e vino maximè.

XIV. Rubricæ genus in eâ voluere intelligi quidam secundæ auctoritatis: palmam enim Lemniæ dabant. Minio proxima hæc est, multum antiquis celebrata, cum insulâ, in quâ nascitur. Nec nisi signata venundabatur: unde & sphragidem appellavere. Hac minium sublinunt adulterantque. In medicinâ, præclara res habetur. Epiphoras enim oculorum mitigat & dolores circumlita. Ægilopas manare prohibet. Sanguinem rejicientibus ex aceto datur bibenda. Bibitur & contra lienum renumque vitia, & purgationes fe-

minarum. Item & contra venena, & serpentium ictus terrestrium marinorumque, omnibus ideo antidotis familiaris.

XV. Ex reliquis rubricæ generibus, fabris utilissima Ægyptia & Africana, quoniam maximè sorbentur picturis.

XVI. Nascitur autem & in ferrariis metallis ochra: ex eâ fit exustâ rubrica, in ollis novis luto circumlitis. Quò magis arsit in caminis, hoc melior. Omnis autem rubrica siccatur, ideoque & emplastris convenit, igni etiam sacro.

XVII. Sinopidis Ponticæ sesibrâ, silis lucidi libris x. & Melini Græciensis duabus mixtis tritisque unâ, per dies xii. leucophorum fit, hoc est, glutinum auri, cum inducitur ligno.

XVIII. Parætonion nomen loci habet ex Ægypto: spumam maris esse dicunt solidatam cum limo: & ideo conchæ minutæ inveniuntur in eo. Fit & in Cretâ insulâ, atque Cyrenis. Adulteratur Romæ cretâ Cimoliâ decoctâ, conspissatâque. Pretium optimo in pondo sex, x. i. E candidis coloribus pinguiissimum, & tectoriis tenacissimum, propter lævorem.

XIX. Melinum candidum & ipsum est, optimum in Melo insulâ. In Samo quoque nascitur: sed eo non utuntur pictores propter nimiam pinguitudinem. Adcubantes effodiunt ibi inter saxa venas scrup-

tantes. In medicinâ eundem usum habet, quem Eretria creta. Præterea linguam tactu siccatur. Pilos detrahit & mitigat. Pretium in libras festertii singuli. Est & colos tertius e candidis, cerussæ, cujus rationem in plumbi metallis diximus. Fuit & terra per se in Theodoti fundo inventa Smyrnæ, quâ veteres ad navium picturas utebantur. Nunc omnis ex plumbo & aceto fit, ut diximus.

XX. Usta casu reperta incendio Piræei, cerussâ in orcis crematâ. Hac primus usus est Nicias suprâ dictus. Optima nunc Asia-tica habetur, quæ & purpurea appellatur. Pretium ejus in libras, x. vi. Fit & Romæ cremato sile marmoroso, & restincto aceto. Sine ustâ non fiunt umbræ.

XXI. Eretria terræ suæ habet nomen. Hac Nicomachus, & Parrhasius usi. Refrigerat, emollitque. Explet vulnera, si coquatur, ad siccanda utilis: præcipua & capitis doloribus, & ad deprehendenda pura. Subesse enim ea intelligunt, si ex aquâ illita non arescat.

XXII. Sandaracam & ochram Juba tradit in insulâ Rubri maris Topazo nasci: inde nunc pervehuntur ad nos. Sandaraca quomodo fieret, diximus. Fit & adulterina ex cerussâ in fornace coctâ. Colos esse debet flammeus. Pretium in libras, asses quini.

XXIII. Hæc si torreatur, æquâ parte rubricâ admixtâ, sandycem facit. Quamquam animadverto Virgilium existimasse herbam id esse, illo versu :

Sponte suâ sandyx pascentes vestiet agnos.

Pretium in libras, dimidium ejus, quod sandaracæ. Nec sunt alii duo colores majoris ponderis.

XXIV. Inter factitios est & Syricum, quo minium sublini diximus. Fit autem Sinopide & sandyce mixtis.

XXV. Atramentum quoque inter factitios erit, quamquam est & terra geminæ originis. Aut enim falsuginis modo emanat, aut terra ipsa sulphurei coloris ad hoc probatur. Inventi sunt pictores, qui e sepulcris carbones infectos effoderent. Importuna hæc omnia ac novitia. Fit enim e fuligine pluribus modis, resinâ vel pice exustis. Propter quod officinas etiam ædificavere, fumum eum non emittentes. Laudatissimum eodem modo fit e tedis. Adulteratur fornacum balinearumque fuligine, quo ad volumina scribenda utuntur. Sunt qui & vini facem siccata excoquant : adfirmantque, si ex bono vino fac fuerit, Indici speciem id atramentum præbere. Polygnotus & Micon celeberrimi pictores Athenis, e vinaceis fecere : tryginon appellant. Apelles commentus est

ex ebore combusto facere, quod elephantinum vocavit. Adportatur & Indicum, inexploratæ adhuc inventionis mihi. Fit etiam apud infectores ex flore nigro, qui adhærescit æreis cortinis. Fit & e tedis ligno combusto, tritisque in mortario carbonibus. Mira in hoc sepiarum natura: sed ex his non fit. Omne autem atramentum Sole perficitur, librarium gummi, testorium glutino admixto. Quod autem aceto liquefactum est, ægre eluitur.

XXVI. E reliquis coloribus, quos a dominis dari diximus, propter magnitudinem pretii, ante omnes est purpurissum e cretâ argentariâ: cum purpuris pariter tinguatur, bibitque eum colorem celerius lanis. Præcipuum est primum, fervente ahenorudibus medicamentis inebriatum. Proximum, egesto eo, additâ cretâ in jus idem. Et quoties id factum est, levatur bonitas pro numero, dilutiore sanie. Quare Puteolanum potius laudatur, quàm Tyrium, aut Gætulicum, vel Laconicum, unde pretiosissimæ purpuræ. Causa est, quòd hysgino maximè inficitur, rubiamque cogitur sorbere. Vilissimum a Canusio. Pretium huic a singulis denariis in libras, ad triginta. Pingentes sandyce sublitâ, mox ovo inducentes purpurissum, fulgorem minii faciunt. Si purpuram facere malunt, cæruleum sublinunt, mox purpurissum ex ovo inducunt. Fvj

XXVII. Ab hoc maxima auctoritas Indico. Ex Indiâ venit, arundinum spumæ adhærescente limo: cùm teritur, nigrum: at in diluendo mixturam purpuræ cæruleique mirabilem reddit. Alterum genus ejus est in purpurariis officinis innatans cortinis: & est purpuræ spuma. Qui adulterant, vero Indico tinguunt stercora columbina: aut cretam Selinusiam: vel anulariam vitro inficiunt. Probaturn carbone. Reddit enim, quod sincerum est, flammam excellentis purpuræ: & dum fumat, odorem maris. Ob id quidam e scopulis id colligi putant. Pretium Indico, x. x. in libras. In medicinâ Indicum rigores & impetus sedat, siccaturque ulcera.

XXVIII. Armenia mittit, quod ejus nomine appellatur. Lapis est hic quoque chrysocollæ modo infectus: optimusque est, qui maximè vicinus est, communicato colore cum cæruleo. Solebant libræ ejus tricenis nummis taxari. Inventa per Hispanias arena est, similem curam recipiens. Itaque ad denarios senos vilitas rediit. Distat a cæruleo candore modico, qui teneriorem hunc efficit colorem. Usus in medicinâ ad pilos tantum alendos habet, maximèque in palpebris.

XXIX. Sunt etiamnum novitii duo colores, & vilissimi. Viride quod Appianum vocatur, & chrysocollam mentitur, ceu

parum multa sint mendacia ejus. Fit & ex cretâ viridi, æstimatum sestertiis in libras.

XXX. Anulare quod vocant, candidum est, quo muliebres picturæ illuminantur. Fit & ipsum ex cretâ, admixtis vitreis gemmis ex vulgi anulis, unde & anulare dictum.

XXXI. 7. Ex omnibus coloribus cretulam amant, udoque illini recusant, purpurissum, Indicum, cæruleum, Melinum, auripigmentum, Appianum, cerussa. Cetræ tinguuntur iisdem coloribus ad eas picturas, quæ inuruntur, alieno parietibus genere, sed classibus familiari, jam verò & onerariis navibus: quoniam & pericula expingimus, ne quis miretur & rogos pingi. Juvatque pugnatos ad mortem, aut certè cædem, speciosè vehi. Quâ contemplatione tot colorum, tantâ varietate, subit antiquitatem mirari.

XXXII. Quatuor coloribus solis immortalia illa opera fecere: ex albis Melino, ex silaceis Attico, ex rubris Sinopide Ponticâ, ex nigris atramento, Apelles, Echion, Melanthius, Nicomachus, clarissimi pictores, cùm tabulæ eorum singulæ oppidorum venirent opibus. Nunc & purpuris in parietes migrantibus, & Indiâ conferente fluminum suorum limum, & draconum & elephantorum saniem, nulla nobilis pictura est. Omnia ergo meliora tunc fuere, cùm minor copia. Ita est, quo-

niam, ut suprà diximus, rerum, non animi, pretiis excubatur.

XXXIII. Et nostræ ætatis insaniam in picturâ non omittam. Nero princeps jusserrat colosseum se pingi CXX. pedum in linteo, incognitum ad hoc tempus. Ea pictura cùm peracta esset in Maianis hortis, accensa fulmine cum optimâ hortorum parte conflagravit. Libertus ejus cùm daret Antii munus gladiatorium, publicas porticus investivit picturâ, ut constat, gladiatorum, ministrorumque omnium veris imaginibus redditis. Hic multis jam sæculis summus animus in picturâ. Pingi autem gladiatoria munera, atque in publico exponi cœpta a C. Terentio Lucano. Is avo suo, a quo adoptatus fuerat, triginta paria in Foro per triduum dedit, tabulamque pictam in nemore Dianæ posuit.

XXXIV. 8. Nunc celebres in eâ arte quàm maximâ brevitate percurram: neque enim instituti operis est ampla executio. Itaque quosdam velut in transcurso, & in aliorum mentione obiter nominasse satis erit, exceptis operum claritatibus, quæ & ipsa conveniet attingi, sive exstant, sive intercidere. Non constat sibi in hac parte Græcorum diligentia, multas post Olympiadas celebrando pictores, quàm statuarios, ac toreutas: primumque Olympiade nonagesimâ, cùm & Phidiam ipsum:

initio pictorem fuisse tradatur, Olympiumque Athenis ab eo pictum : præterea in confesso sit, octogesimâ tertiâ fuisse Panænum fratrem ejus, qui clypeum intus pinxit, Elide, Minervæ, quam fecerat Colotes Phidiæ discipulus, & in faciendo Jove Olympio adjutor. Quid quod in confesso perinde est, Bularchi pictoris tabulam, in quâ erat Magnetum prælium, a Candaule rege Lydiæ Heraclidarum novissimo, qui & Myrsilus vocitatus est, repensam auro? Tanta jam dignatio picturæ erat. Id circa ætatem Romuli acciderit necesse est : duo enim de vicesimâ Olympiade interiit Candaules : aut (ut quidam tradunt) eodem anno, quo Romulus, nisi fallor, manifestâ jam tum claritate artis aded non absolutæ. Quod si recipi necesse est, simul apparet multò vetustiora principia esse, eosque qui monochromata pinxerint, (quorum ætas non traditur) aliquanto antè fuisse, Hygiemonem, Diniam, Charmadam, & qui primus in picturâ marem feminamque discretevit, Eumarum Atheniensem, figuras omnes imitari ausum : quique inventa ejus excoluit, Cimonem Cleonæum. Hic catagrapha invenit, hoc est, obliquas imagines : & variè formare vultus, respicientes, suspicientesque, & despicientes. Articulis etiam membra distinxit. Venas pro-

tulit: præterque in veste & rugas, & sinus invenit. Panæus quidem frater Phidiæ, etiam prælium Atheniensium adversum Persas apud Marathona factum pinxit. Adeò jam colorum usus increbruerat, ut in eo prælio iconicos duces pinxisse tradatur, Atheniensium Miltiadem, Callimachum, Cynegirum: Barbarorum Dattim, Artaphernem.

XXXV. 9. Quinimmo certamen picturæ etiam florente eo institutum est Corinthi ac Delphis: primusque omnium certavit cum Timagorâ Chalcidense, superatus ab eo Pythiis, quod & ipsius Timagoræ carmine vetusto apparet, chronicorum errore non dubio. Alii quoque post hos clari fuere ante nonagesimam Olympiadem, sicut Polygnotus Thasius, qui primus mulieres lucidâ veste pinxit, capita earum mitris versicoloribus operuit, plurimùmque picturæ primus contulit. Siquidem instituit os adaperire, dentes ostendere, vultum ab antiquo rigore variare. Hujus est tabula in porticu Pompeii, quæ ante Curiam ejus fuerat: in quâ dubitatur, ascendentem cum clypeo pinxerit, an descendentem. Hic Delphis ædem pinxit: hic & Athenis porticum, quæ Pœcile vocatur, gratuito, cum partem ejus Micon mercede pingeret: unde major huic auctoritas. Siquidem Amphictyones, quod

est publicum Græciæ concilium; hospitia ei gratuita decrevere. Fuit & alius Micon, qui minoris cognomine distinguitur: cujus filia Timarete & ipsa pinxit.

XXXVI. Nonagesimâ autem Olympiade fuere Aglaophon, Cephissodorus, Phryllus, Evenor pater Parrhasii, & præceptor maximi pictoris, de quo suis annis dicemus: omnes hi jam illustres, non tamen, in quibus hæere expositio debeat, festinans ad lumina artis: in quibus primus refulsit Apollodorus Atheniensis nonagesimâ tertiâ Olympiade. Hic primus species exprimere instituit, primusque gloriam penicillo jure contulit. Ejus est sacerdos adorans, & Ajax fulmine incensus, qui Pergami spectatur hodie: neque ante eum tabula ullius ostenditur, quæ teneat oculos.

Ab hoc artis fores apertas Zeuxis Heracleotes intravit, Olympiadis nonagesimæ quintæ anno quarto, audentemque jam aliquid penicillum (de hoc enim adhuc loquimur) ad magnam gloriam perduxit, a quibusdam falsò in octogesimâ nonâ Olympiade positus, cum fuisse necesse est Demophilum Himeræum, & Ne seam Thasium; quoniam utrius eorum discipulus fuerit, ambigitur. In eum Apollodorus suprà dictus versus fecit, « Artem » ipsis ablatam Zeuxin ferre secum ». Opea

quoque tantas adquisivit, ut in ostentatione earum, Olympiæ aureis literis in palliorum tesseriis insertum nomen suum ostentaret. Postea donare opera sua instituit, quod ea nullo satis digno pretio permutari posse diceret, sicuti Alcmenam Agrigentinis, Pana Archelao. Fecit & Penelopen, in quâ pinxisse mores videtur: & athletam. Adeoque sibi in illo placuit, ut versum subscriberet, celebrem ex eo, « Invisurum aliquem facilius, quàm imitaturum ». Magnificus est Jupiter ejus in throno, adstantibus diis; & Hercules infans dracones strangulans, Alcmenâ matre coram pavente & Amphitryone. Deprehenditur tamen Zeuxis grandior in capitibus, articulisque: alioqui tantus diligentia, ut Agrigentinis facturum tabulam, quam in templo Junonis Laciniaë publicè dicarent, inspexerit virgines eorum nudas, & quinque elegerit, ut quod in quâque laudatissimum esset, pictura redderet. Pinxit & monochromata ex albo.

9. Æquales ejus & æmuli fuere Timanthes, Androcydes, Eupompus, Parrhasius. Descendisse hic in certamen cum Zeuxide traditur. Et cùm ille detulisset uvas pictas tanto successu, ut in scenam aves advolarent, ipse detulisse linteum pictum, ita veritate repræsentatâ, ut Zeuxis, alitum judicio tumens, flagitaret tan-

dem remoto linteo ostendi picturam, atque intellecto errore concederet palmam ingenuo pudore, quoniam ipse volucres fefellisset, Parrhasius autem se artificem.

Fertur & postea Zeuxis pinxisse puerum uvas ferentem, ad quas cum advolasset avis, eâdem ingenuitate processit iratus, operi, & dixit. « Uvas melius pinxi, » quàm puerum: nam si & hoc consummassem, avis timere debuerat ». Fecit & figlina opera, quæ sola in Ambraciâ relicta sunt, cum inde Musas Fulvius Nobilior Romam transferret. Zeuxidis manu Romæ Helena est in Philippi porticibus: & in Concordiæ delubro Marfyas religatus.

Parrhasius Ephesi natus, & ipse multa constituit. Primus symmetriam picturæ dedit, primus argutias vultûs, elegantiam capilli, venustatem oris, confessione artificum in lineis extremis palmam adeptus. Hæc est in picturâ summa sublimitas. Corpora enim pingere & media rerum, est quidem magni operis: sed in quo multi gloriam tulerint. Extrema corporum facere & desinentis picturæ modum includere, rarum in successu artis invenitur. Ambire enim debet se extremitas ipsa, & sic desinere, ut promittat alia post se: ostendatque etiam quæ occultat. Hanc ei gloriam concessere Antigonus, & Xenocrates, qui de Picturis scripsere: prædi-

cantes quoque, non solum confitentes. Alia multa graphidis vestigia exstant in tabulis ac membranis ejus, ex quibus proficere dicuntur artifices. Minor tamen videtur, sibi comparatus, in mediis corporibus exprimendis. Pinxit demon Atheniensium, argumento quoque ingenioso. Volebat namque varium, iracundum, injustum, inconstantem: eundem exorabilem, clementem, misericordem, excelsum, gloriosum, humilem, ferocem, fugacemque, & omnia pariter ostendere. Idem pinxit Thesea, qui Romæ in Capitolio fuit: & Navarchum thoracatum. Et in unâ tabulâ, quæ est Rhodi, Meleagrum, Herculem, Persea. Hæc ibi ter fulmine ambusta, neque oblitterata, hoc ipso miraculum auget. Pinxit & Archigallum: quam picturam amavit Tiberius princeps: atque, ut auctor est Decius Ecu-
leo, LX. sestertiis æstimatam, cubiculo suo inclusit. Pinxit & Cressam nutricem, infantemque, in manibus ejus: & Philiscum: & Liberum patrem adstante Virtute: & pueros duos, in quibus spectatur securitas, & ætatis simplicitas: item sacerdotem adstante puero cum acerrâ & coronâ. Sunt & duæ picturæ ejus nobilissimæ: hoplitites in certamine ita decurrens, ut sudare videatur: alter arma deponens, ut anhelare sentiatur. Laudantur & Æneas,

Castorque ac Pollux in eâdem tabulâ:
 item Telephus, Achilles, Agamemnon,
 Ulysses. Fecundus artifex, sed quo nemo
 insolentiùs & arrogantius sit usus gloriâ
 artis. Namque & cognomina usurpavit,
 Abrodiætum se appellando, aliisque ver-
 bis principem artis, & eam ab se consum-
 matam. Super omnia Apollinis se radice
 ortum: & Herculem, qui est Lindi, ta-
 lem a se pictum, qualem sæpe in quiete
 vidisset. Ergo magnis suffragiis superatus
 a Timanthe Sami, in Ajace armorumque
 judicio, herois nomine se molestè ferre
 dicebat, quòd iterum ab indigno victus
 esset. Pinxit & minoribus tabellis libidi-
 nes, eo genere petulantis joci se reficiens.
 Nam Timanthi vel plurimùm adfuit in-
 genii. Ejus enim est Iphigenia, oratorum
 laudibus celebrata, quâ stante ad aras pe-
 riturâ, cùm mæstos pinxisset omnes, præ-
 cipuè patrum, & tristitiæ omnem imagi-
 nem consumpsisset, patris ipsius vultum
 velavit, quem dignè non poterat ostende-
 re. Sunt & alia ingenii ejus exemplaria,
 veluti Cyclops dormiens in parvulâ tabel-
 lâ: cujus & sic magnitudinem exprimere
 cupiens, pinxit juxtâ Satyros, thyrso pol-
 licem ejus metientes. Atque in unius hu-
 jus operibus intelligitur plus semper, quàm
 pingitur: & cùm ars summa sit, ingenium
 tamen ultra artem est. Pinxit & Heroa ab-

solutissimi operis, artem ipsam complexus viros pingendi : quod opus nunc Romæ in templo Pacis est.

Euxenidas hac ætate docuit Aristidem præclarum artificem : Eupompus Pamphilum Apellis præceptorem. Est Eupompi victor certamine gymnico palmam tenens. Ipsius auctoritas tanta fuit, ut diviserit picturam in genera tria, quæ ante eum duo fuere : Helladicum, & quod Asiaticum appellabant. Propter hunc qui erat Sicyonius, diviso Helladico tria facta sunt : Ionicum, Sicyonium, Atticum.

Pamphili, cognatio & prælium ad Phliuntem, ac victoria Atheniensium : item Ulysses in rate. Ipse Macedo natione, sed primus in picturâ omnibus literis eruditus, præcipuè arithmetice & geometricæ, sine quibus negabat artem perfici posse. Docuit neminem minoris talento annuo : quam mercedem ei Apelles & Melanthius dedere. Et hujus auctoritate effectum est Sicyone primùm, deinde & in totâ Græciâ, ut pueri ingenui ante omnia graphicer, hoc est, picturam in buxo docerentur, recipereturque ars ea in primum gradum liberalium. Semper quidem honos ei fuit, ut ingenui exercerent, mox ut honesti : perpetuo interdicto ne servitia docerentur. Ideo neque in hac, neque in toreutice, ullius qui servierit opera celebrantur.

Clari etiam CVII. Olympiade exstiterē Echion, & Therimacus. Echionis sunt nobiles picturæ, Liber pater, item Tragœdia & Comœdia: Semiramis ex ancillâ regnum adipiscens, anus lampadas præferens, & nova nupta verecundiâ notabilis.

Verum omnes prius genitos futurosque postea superavit Apelles Cous, Olympiade CXII. Picturæ plura solus propè, quàm ceteri omnes, contulit, voluminibus etiam editis, quæ doctrinam eam continent. Præcipua ejus in arte venustas fuit: cum eâdem ætate maximi pictores essent, quorum opera cum admiraretur, collaudatis omnibus. « Deesse iis unam Venerem » dicebat, quam Græci Charita vocant: « cetera omnia contigisse: sed hac » soli sibi neminem parem ». Et aliam gloriam usurpavit, cum Protogenis opus immensi laboris ac curæ supra modum anxie miraretur. Dixit enim, « Omnia sibi » cum illo paria esse, aut illi meliora: » sed uno se præstare, quod manum ille » de tabulâ non sciret tollere: » memorabili præcepto, « Nocere sæpe nimiam diligentiam ». Fuit autem non minoris simplicitatis, quàm artis. Melanthio de dispositione cedebat, Asclepiodoro de mensuris, hoc est, quanto quid a quo distare deberet.

Scitum est inter Protogenem & eum

quod accidit. Ille Rhodi vivebat : quò cùm Apelles adnavigasset , avidus cōgnosendi opera ejus , famâ tantùm sibi cogniti , continuò officinam petit. Aberat ipse , sed tabulam amplæ magnitudinis in machinâ aptatam picturæ , anus una custodiebat. Hæc Protogenem foris esse respondit , interrogavitque , « a quo quæsitum diceret » . « Ab hoc » , inquit Apelles : arreptoque penicillo lineam ex colore duxit summæ tenuitatis per tabulam. Reverso Protogeni , quæ gesta erant , anus indicavit. Ferunt artificem protinus contemplatum subtilitatem , dixisse « Apellem venisse : non » enim cadere in alium tam absolutum » opus ». Ipsumque alio colore tenuiorem lineam in illâ ipsâ duxisse , præcepisseque abeuntem , « si redisset ille , ostenderet , adjiceretque hunc esse quem quæreret » : atque ita evenit. Revertitur enim Apelles , sed vinci erubescens , tertio colore lineas secuit , nullum relinquens amplius subtilitati locum. At Protogenes victum se confessus , in portum devolavit , hospitem quærens. Placuitque sic eam tabulam posteris tradi , omnium quidem , sed artificum præcipuo miraculo. Consumptam eam priore incendio domûs Cæsaris in Palatio audio : spectatam olim tanto spatio nihil aliud continentem , quàm lineas visum effugientes , inter egregia multorum opera inani similem.

lem, & eo ipso allicientem, omnique opere nobiliorem.

Apelli fuit alioqui perpetua consuetudo, numquam tam occupatam diem agendi, ut non lineam ducendo exerceret artem: quod ab eo in proverbium venit. Idem perfecta opera proponebat in pergulâ transeuntibus, atque post ipsam tabulam latens, vitia quæ notarentur auscultabat, vulgum diligentiorum judicem, quàm se præferens. Feruntque a futore reprehensum, quodd in crepidis unâ pauciores intus fecisset ansas: eodem postero die, superbo emendatione pristinæ admonitionis, cavillante circa crus, indignatum prospexisse, denuntiantem, « ne supra crepidam judicaret », quod & ipsum in proverbium venit. Fuit enim & comitas illi; propter quam gratior Alexandro Magno erat, frequenter in officinam ventitanti: nam, ut diximus, ab alio pingi se, venterat edicto. Sed & in officinâ imperitè multa differenti silentium comiter suadebat, « rideri eum dicens a pueris qui colores tererent ». Tantum erat auctoritati juris in regem, alioqui iracundum: quamquam Alexander honorem ei clarissimo perhibuit exemplo. Namque cùm dilectam sibi ex pallacis suis præcipuè, nomine Campaspen, nudam pingi ob admirationem formæ ab Apelle jussisset, eum-

que, dum paret, captum amore sensisset, dono eam dedit: magnus animo, major imperio sui: nec minor hoc facto, quam victoriâ aliquâ. Quippe se vicit, nec totum tantum suum, sed etiam affectum donavit artifici: ne dilectæ quidem respectu motus, ut quæ modò regis fuisset, modò pictoris esset. Sunt qui Venerem Anadyomenen illo pictam exemplari putant.

Apelles & in æmulis benignus. Protogeni dignationem primus Rhodi constituit. Sordebat suis, ut plerumque domestica: percunctantique « quanti liceret opera esse facta », parvum nescio quid dixerat: at ille quinquagenis talentis poposcit: famamque dispersit, « se emere, ut pro suis venderet ». Ea res concitavit Rhodios ad intelligendum artificem: nec nisi augentibus pretium, cessit.

Imaginem adeò similitudinis indiscretæ pinxit, ut (incredibile dictu) Apion grammaticus scriptum reliquerit, quemdam ex facie hominum addivinantem (quos metoposcopos vocant) ex iis dixisse aut futuræ mortis annos, aut præteritæ. Non fuerat ei gratia in comitatu Alexandri cum Ptolemæo: quo regnante, Alexandriam vi tempestatis expulsus, subornato fraude æmulorum plano regio, invitatus ad cenam venit: indignantique Ptolemæo, & vocatores suos ostendenti, ut diceret a

quo eorum invitatus esset, arrepto carbone extincto e foculo, imaginem in pariete delineavit, adgnoscente vultum plani rege, ex inchoato protinus. Pinxit & Antigoni regis imaginem altero lumine orbam, prius excogitatâ ratione vitia condendi: obliquam namque fecit, ut quod corpori deerat, picturæ potius deesse videretur: tantumque eam, partem e facie ostendit, quam totam poterat ostendere. Sunt inter opera ejus & expirantium imagines. Quæ autem nobilissima sint, non est facile dictu.

Venerem exeuntem e mari divus Augustus dicavit in delubro patris Cæsaris, quæ Anadyomene vocatur, versibus Græcis tali opere, dum laudatur, victo, sed illustrato. Hujus inferiorem partem corruptam qui reficeret, non potuit reperiri. Verum ipsa injuria cessit in gloriam artificis. Consenuit hæc tabula carie: aliamque pro eâ Nero principatu substituit suo, Dorothei manu. Apelles inchoaverat aliam Venerem Cois, superaturus etiam suam illam priorem. Invidit mors peractâ parte: nec qui succederet operi ad scripta lineamenta inventus est. Pinxit & Alexandrum Magnum, fulmen tenentem, in templo Ephesiæ Dianæ, viginti talentis auri. Digni eminere videntur, & fulmen extra tabulam esse. Legentes meminerint omnia ea

quatuor coloribus facta. Immane tabulæ pretium, accepit aureos mensurâ, non numero.

Pinxit & Megabyzi, sacerdotis Dianæ Ephesiæ, pompam: Clitum equo ad bellum festinantem: galeam poscenti armigerum porrigentem. Alexandrum & Philippum quoties pinxerit, enumerare super vacuum est. Mirantur ejus Abronem Samii, & Menandrum regem Cariæ Rhodii. Item Ancæum: Alexandriæ Gorgosthenem tragœdum: Romæ Castorem & Pollucem, cum Victoriâ & Alexandro Magno: item belli imaginem, restrictis ad terga manibus, Alexandro in curru triumphante. Quas utrasque tabulas divus Augustus in Fori sui partibus celeberrimis dicaverat simplicitate moderatâ. Divus Claudius pluris existimavit, utrisque excisâ facie Alexandri, divi Augusti imaginem subdere. Ejusdem arbitrantur manu esse & in Antoniæ templo Herculem aversum: ut, quod est difficillimum, faciem ejus ostendat veriùs pictura, quàm promittat. Pinxit & heroa nudum: eâque picturâ naturam ipsam provocavit.

Est & equus ejus, sive fuit, pictus in certamine: quod judicium ad mutas quadrupedes provocavit ab hominibus. Namque ambitu æmulos prævalere sentiens, singulorum picturas inductis equis osten-

dit: Apellis tantum equo adhinnivere, idque & postea semper illius experimentum artis ostentatur. Fecit & Neoptoleum, ex equo adversus Persas, Archelaum cum uxore & filiâ, Antigonum thoracatum cum equo incedentem. Peritiores artis præferant omnibus ejus operibus eundem regem sedentem in equo: Dianam sacrificantium virginum choro mixtam: quibus vicisse Homeri versus videtur idipsum describentis. Pinxit & quæ pingi non possunt, tonitrua, fulgura, fulgetraque: Bronten, Astrapen, Ceraünobolian appellant.

Inventa ejus & ceteris profuere in arte. Unum imitari nemo potuit, quod absoluta opera atramento illinebat ita tenui, ut idipsum percussu claritates colorum excitaret, custodiretque a pulvere & sordibus, ad manum intuenti demum appareret. Sed & tum ratione magnâ: ne colorum claritas oculorum aciem offenderet, veluti per lapidem specularem intuentibus e longinquo: & eadem res nimis floridis coloribus austeritatem occultè daret.

Æqualis ejus fuit Aristides Thebanus. Is omnium primus animum pinxit, & sensus hominis expressit, quæ vocant Græci ethe: item perturbationes: durior paulo in coloribus. Hujus pictura est, oppido capto ad matris, morientis e vulnere,

mammam adrepens infans : intelligiturque sentire mater & timere , ne emortuo lacte sanguinem lambat. Quam tabulam Alexander Magnus transtulerat Pellam in patriam suam. Idem pinxit prælium cum Persis , centum homines eâ tabulâ complexus , pactusque in singulos mnas denas a tyranno Elatensium Mnafone. Pinxit & currentes quadrigas , & supplicantem pæne cum voce : & venatores cum capturâ : & Leontionem pictorem : & Anapavomenen , propter fratris amorem. Item Liberum patrem , & Ariadnen , spectatos Romæ in æde Cereris : tragœdum , & puerum , in Apollinis : cujus tabulæ gratia interiiit pictoris inscitiâ , cui tergendam eam mandaverat M. Junius prætor sub die ludorum Apollinarium. Spectata est & in æde Fidei in Capitolio imago senis cum lyrâ puerum docentis. Pinxit & ægrum sine fine laudatum. Quâ in arte tantum valuit , ut Attalus rex unam tabulam ejus centum talentis emisse tradatur.

Simul , ut dictum est , & Protogenes floruit. Patria ei Caunus , gentis Rhodiis subiectæ. Summa paupertas initio , artisque summa intentio , & ideo minor fertilitas. Quis eum docuerit , non putant constare. Quidam & naves pinxisse usque ad annum quinquagesimum : argumentum esse , quod cum Athenis celeberrimo loco Mi-

nervæ delubri propylæon pingeret, ubi fecit nobilem Paralum, & Hammoniada, quam quidam Nausicaam vocant, adjece- rit parvulas naves longas in iis, quæ pi- ctiores parerga appellant: ut adpareret a quibus initiis ad arcem ostentationis ope- ra sua pervenissent. Palmam habet tabu- larum ejus Ialysus, qui est Romæ, di- catus in templo Pacis: quem cùm pinge- ret, traditur madidis lupinis vixisse, quo- niam simul famem sustinerent & sitim, ne sensus nimîâ dulcedine obstrueret. Huic picturæ quater colorem induxit, subsidia injuriæ & vetustatis, ut decedente supe- riore inferior succederet. Est in eâ canis mirè factus, ut quem pariter casus pinxe- rit. Non judicabat se exprimere in eo spu- mam anhelantis, cùm in reliquâ omni parte (quod difficillimum erat) sibi ipse satis fecisset. Displicebat autem ars ipsa, nec minui poterat, & videbatur nimia, ac longiùs a veritate discedere, spumaque illa pingi, non ex ore nasci; anxio animi cru- ciatu, cùm in picturâ verum esse, non ve- risimile vellet: absteraserat sæpius, muta- veratque penicillum, nullo modo sibi ad- probans. Postremò iratus arti, quòd intel- ligeretur, spongiam eam impegit inviso lo- co tabulæ, & illa reposuit ablatos colo- res, qualiter cura optaverat: fecitque in picturâ fortuna naturam. Hoc exemplo,

eius similis & Nealcem successus in spumâ equi, similiter spongiâ impactâ, secutus dicitur, cum pingeret poppyzonta retinentem equum. Canem ita Protogenes monstravit, & fortuna. Propter hunc Ialysum, ne cremaret tabulas Demetrius rex, cum ab eâ parte solâ posset Rhodum capere, non incendit: parcentemque picturæ fugit occasio victoriæ. Erat tunc Protogenes in suburbano hortulo suo, hoc est, Demetrii castris. Neque interpellatus præliis inchoata opera intermisit omnino: nisi aditus a rege interrogatusque, « Quâ finem duciâ extra muros ageret », respondit, « Scire se cum Rhodiis illi bellum esse, » non cum artibus ». Disposuit ergo rex in tutelam ejus stationes, gaudens quod posset manus servare, quibus jam pepercerat: & ne sæpius avocaret, ultro ad eum venit hostis, relictisque victoriæ suæ votis, inter arma & murorum ictus spectavit artificem. Sequiturque tabulam illius temporis hæc fama, quod eam Protogenes sub gladio pinxerit. Satyrus hic est, quem Anapavomenon vocant, ne quid desit temporis ejus securitati, tenentem tibias. Fecit & Cydippen, Tlepolemon, Philiscum tragœdiarum scriptorem meditantem, & athletam, & Antigonom regem, & imaginem matris Aristotelis philosophi: qui ei suadebat ut Alexandri Magni

opera pingeret, propter æternitatem rerum. Impetus animi & quædam artis libido in hæc potius eum tulere. Novissimè pinxit Alexandrum, ac Pana: fecit & signa ex ære, ut diximus.

Eâdem ætate fuit Asclepiodorus, quem in symmetriâ mirabatur Apelles. Huic Mnason tyrannus pro duodecim diis dedit in singulos mnas tricenâs: idemque Theomnesto in singulos heroas mnas vicenas.

His adnumerari debet Nicomachus, Aristodemi filius ac discipulus. Pinxit hic raptum Proserpinæ, quæ tabula fuit in Capitolio in Minervæ delubro super ædiculam Juventatis. Et in eodem Capitolio alia, quam Plancus imperator posuerat, victoria quadrigam in sublime rapiens. Hic primus Ulyssi addidit pileum. Pinxit & Apollinem & Dianam, deûmque matrem in leone sedentem: item nobiles Bacchas adreptantibus Satyris: Scyllamque, quæ nunc est Romæ in templo Pacis. Nec fuit alius in eâ arte velocior. Tradunt namque conduxisse pingendum ab Aristrato Sicyoniorum tyranno, quod is faciebat Telesti poetæ, monumentum, præfinito die, intra quem perageretur: nec multò antè venisse, tyranno in pœnam accenso: paucisque diebus absolvisse, celeritate & arte mirâ. Discipulos habuit Aristidem fratrem,

& Aristoclem filium, & Philoxenum Eretrium, cujus tabula nullis postferenda, Casfandro regi picta, continuit Alexandri prælium cum Dario. Idem pinxit lasciviam, in quâ tres Sileni comessantur. Hic celebritatem præceptoris secutus, breviores etiamnum quasdam picturæ compendiaras invenit.

Adnumeratur his & Nicophanes elegans & concinnus, ita ut venustate ei pauci comparentur. Cothurnus ei & gravitas artis. Multum a Zeuxide & Apelle abest Apellis discipulus Perseus, ad quem de hac arte scripsit. Hujus fuerat ætatis Aristides Thebani discipulus. Fuerunt & filii, Niceros, & Ariston, cujus est Satyrus cum scypho coronatus. Discipuli, Antorides & Euphranor, de quibus mox dicemus.

XXXVII. Namque subtexi par est minoris picturæ celebres in penicillo, e quibus fuit Pyreicus, arte paucis postferendus: proposito, nescio an destruxerit se: quoniam humilia quidem secutus, humilitatis tamen summam adeptus est gloriam. Tonstrinas, futrinasque pinxit, & asellos, & obsonia, ac similia: ob hoc cognominatus Rhyparographos, in iis consummata voluptatis. Quippe eæ pluris venire, quàm maximæ mutorum. E diverso Mæniana, inquit Varro omnia operiebat Serapionis tabula sub Veteribus. Hic

scenas optimè pinxit, sed hominem pingere non potuit. Contrà Dionysius nihil aliud, quàm homines pinxit, ob id Anthropographos cognominatus. Parva & Callicles fecit: item Calates comicis tabellis: utraque Antiphilus. Nam & Hesionam nobilem pinxit, & Alexandrum ac Philippum cum Minervâ, qui sunt in Scholâ in Octaviæ porticibus: & in Philippi, Liberum patrem, Alexandrum puerum, Hippolytum tauro emisso expavescentem: in Pompeiâ verò Cadmum, & Europen. Idem jocoso nomine Gryllum deridiculi habitûs pinxit. Unde hoc genus picturæ grylli vocantur. Ipse in Ægypto natus didicit a Cresidemo.

Decet non sileri & Ardeatis templi pictorem, præsertim civitate donatum ibi, & carmine, quod est in ipsâ picturâ his versibus:

Dignis digna loco picturis condecoravit,

Reginæ Junonis supremi conjugis templum

Marcus Ludius Helotas Ætoliâ oriundus,

Quem nunc & post semper ob artem hanc Ardea laudat.

Eaque sunt scripta antiquis literis Latinis: non fraudando & Ludio, divi Augusti ætate, qui primus instituit amœnissimam parietum picturam, villas & porticus, ac topiaria opera, lucos, nemora, colles

piscinas, euripos, amnes, litora, qualia quis optaret, varias ibi obambulantium species, aut navigantium, terrâque villas ad-euntium asellis aut vehiculis. Jam piscantes, aucupantesque, aut venantes, aut etiam viademiantes sunt in ejus exemplaribus: nobiles, palustri accessu villæ, succollatis sponsione mulieribus, labantes trepidisque feruntur: plurimæ præterea tales argutiæ facetissimi salis. Idemque subdi- libus maritimas urbes pingere instituit, blandissimo aspectu, minimoque impendio.

Sed nulla gloria artificum est, nisi eorum qui tabulas pinxere: eoque venerabilior antiquitatis prudentia adparet. Non enim parietes excolebant dominis tantum, nec domos uno in loco mansuras, quæ ex incendiis rapi non possent. Casulâ Pro- togenes contentus erat in hortulo suo. Nul- la in Apellis testoriis pictura erat. Non- dum libebat parietes totos pingere. Om- nium eorum ars urbibus excubabat: pictor- que res communis terrarum erat. Fuit & Arellius Romæ celebrer paulo ante divum Augustum: nisi flagitio insigni corrupisset artem, semper alicujus feminæ amore fla- grans, & ob id deas pingens, sed dile- ctarum imagine. Itaque in picturâ ejus scor- ta numerabantur. Fuit & nuper gravis ac severus, idemque floridus, humilis rei pi- ctor Amulius. Hujus erat Minerva, spe-

stantem spectans, quacumque aspiceretur. Paucis diei horis pingebat, id quoque cum gravitate, quod semper togatus, quamquam in machinis. Carcer ejus artis domus aurea fuit: & ideo non exstant exempla alia magnopere. Post eum fuere in auctoritate Cornelius Pinus, & Accius Priscus, qui Honoris & Virtutis ædes imperatori Vespasiano Augusto restituenti pinxerunt: sed Priscus antiquis similior.

XXXVIII. 11. Non est omittenda in picturæ mentione celebris circa Lepidum fabula. Siquidem in triumviratu quodam loco deductus a magistratibus in nemosum hospitium, minaciter cum iis postero die exposulavit, somnum ademptum sibi volucrum concentu. At illi draconem in longissimâ membranâ depictum circumdedere loca: eoque terrore aves tum siluisse narrantur, & postea cognitum est ita posse compesci.

XXXIX. Ceris pingere, ac picturam inurere qui primus excogitaverit, non constat. Quidam Aristidis inventum putant, postea consummatum a Praxitele. Sed aliquantò vetustiores encausticæ picturæ exstiterē, ut Polygnoti, & Nicanoris, & Arcesilai Pariorum. Lysippus quoque Æginæ picturæ suæ inscripsit ἐνέκαυσεν, quod profectò non fecisset, nisi encausticâ inventâ.

XL. Pamphilus quoque Apellis præceptor non pinxisse tantum encausta, sed etiam docuisse traditur Pausian Sicyonium primum in hoc genere nobilem. Brietis filius hic fuit, ejusdemque primò discipulus. Pinxit & ipse penicillo parietes Thebis, cum reficerentur quondam a Polygnoto picti: multumque comparatione superatus existimabatur, quoniam non suo genere certasset. Idem & lacunaria primus pingere instituit: nec cameras ante eum taliter adornari mos fuit. Parvas pingebat tabellas; maximèque pueros. Hoc æmuli eum interpretabantur facere, quoniam tarda picturæ ratio esset illa. Quamobrem arti daturus & celeritatis famam, absolvit uno die tabellam, quæ vocata est Hemeresios, puero picto. Amavit in juventâ Glyceram municipem suam, inventricem coronarum, certandoque imitatione ejus, ad numerosissimam florum varietatem perduxit artem illam. Postremò pinxit ipsam sedentem cum coronâ, quæ e nobilissimis tabula appellata est Stephaneplocos, ab aliis Stephanopolis, quoniam Glycera venditando coronas sustentaverat paupertatem. Hujus tabulæ exemplar, quod apographon vocant, L. Lucullus duobus talentis emit Dionysiis Athenis.

Pausias autem fecit & grandes tabulas, sicut spectatam in Pompeii porticibus boum

immolationem. Eam enim picturam primus invenit, quam postea imitati sunt multi, æquavit nemo. Ante omnia cum longitudinem bovis ostendere vellet, ad-
versum eum pinxit, non transversum: & abundè intelligitur amplitudo. Dein cum omnes, quæ volunt eminentia videri, candicantia faciant, coloremque condant nigro: hic totum bovem atri coloris fecit, umbræque corpus ex ipso dedit, magnâ prorsus arte in æquo exstantia ostendens, & in confractis solida omnia. Sicyone & hic vitam egit, diuque fuit illa patria picturæ. Tabulas inde e publico omnes propter æs alienum civitatis addictas, Scauri ædilitas Romam transtulit.

Post eum eminuît longè ante omnes Euphranor Isthmius, Olympiade centesimâ quartâ, idem qui inter fictores dictus est a nobis. Fecit & colossos: & marmora, ac scyphos scalpsit: docilis ac laboriosus ante omnes, & in quocumque genere excellens, ac sibi æqualis. Hic primus videtur expressisse dignitates heroum, & usurpasse symmetriam. Sed fuit universitate corporum exilior, capitibus articulisque grandior. Volumina quoque composuit de symmetriâ & coloribus. Opera ejus sunt, equestre prælium, duodecim dii, Theseus, in quo dixit, « eundem » apud Parrhasium rosâ pastum esse, suum

» verò carne ». Nobiles ejus tabulæ Ephesi, Ulysses simulatâ vesaniâ bovem cum equo jungens : & palliati cogitantes : dux gladium condens.

Eodem tempore fuit & Cydias, cujus tabulam Argonautas H-S. CXLIV. Hortensius Orator mercatus est, eique ædem fecit in Tusculano suo.

Euphranoris autem discipulus fuit Antidotus. Hujus est clypeo dimicans Athenis, & luctator, tibicenque inter pauca laudatus.

Ipse diligentior, quàm numerosior, & in coloribus severior, maximè inclaruit discipulo Niciâ Atheniensi, qui diligentissimè mulieres pinxit. Lumen & umbras custodivit, atque ut eminerent e tabulis picturæ, maximè curavit. Opera ejus, Nemea advecta ex Asiâ Romam a Silano, quam in Curiâ diximus positam : item Liber pater in æde Concordiæ : Hyacinthus, quem Cæsar Augustus delectatus eo secum deportavit Alexandriâ captâ : & ob id Tiberius Cæsar in templo ejus dicavit hanc tabulam : & Diana. Ephesi verò est Megabyzi sacerdotis Ephesiæ Dianæ sepulcrum : Athenis Necromantia Homeri. Hanc vendere noluit Attalo regi talentis sexaginta, potiùsque patriæ suæ donavit, abundans opibus. Fecit & grandes picturas, in quibus sunt Calypso, & Io, &

Andromeda: Alexander quoque in Pompeii porticibus præcellens, & Calypso fedens. Huic quidem adscribuntur quadrupedes. Prosperrimè canes expressit. Hic est Nicias, de quo dicebat Praxiteles interrogatus, quæ maximè opera sua probaret in marmoribus: « Quibus Nicias » manum admovisset » : tantum circumlitioni ejus tribuebat. Non satis discernitur, alium eodem nomine, an hunc eundem quidam faciant Olympiade centesimâ duodecimâ.

Niciæ comparatur, & aliquantò præfertur Athenion Maronites, Glaucionis Corinthii discipulus, & austerior colore, & in austeritate jucundior, ut in ipsâ picturâ eruditio eluceat. Pinxit in templo Eleusine Phylarchum; & Athenis frequentiam, quam vocavere syngenicon. Item Achillem virginis habitu occultatum, Ulysse deprehendente. Et in unâ tabulâ insigni, quâque maximè inclaruit, agasinem cum equo. Quod nisi in juventâ obiisset, nemo ei compararetur.

Est nomen & Heraclidi Macedoni. Initio naves pinxit: captoque rege Perseo Athenas commigravit, ubi eodem tempore erat Metrodorus pictor, idemque philosophus, magnæ in utrâque scientiâ auctoritatis. Itaque cum L. Paulus devicto Perseo petisset ab Atheniensibus, ut sibi

quàm probatissimum philosophum mitterent ad erudiendos liberos, itemque pictorem ad triumphum excolendum, Athenienses Metrodorum elegerunt, professum eundem in utroque desiderio præstantissimum: quod ita Paulus quoque judicavit.

Timomachus Byzantius Cæsaris dictatoris ætate Ajacem, & Medeam pinxit, ab eo in Veneris Genetricis æde positas, octoginta talentis venumdatas. Talentum Atticum X. VI. M. taxat M. Varro. Timomachi æquè laudantur Orestes, Iphigenia in Tauris, Lecythion agilitatis exercitator, cognatio nobilium: palliati, quos dicturos pinxit, alterum stantem, alterum sedentem. Præcipuè tamen ars ei fuisse in Gorgone visa est.

Pausiæ filius & discipulus Aristolaus e severissimis pictoribus fuit: cujus sunt, Epaminondas, Pericles, Medea, Virtus, Theseus: imago Atticæ plebis, boum immolatio. Sunt quibus & Mechopanes ejusdem Pausiæ discipulus placeat diligentiam, quam intelligant soli artifices, aliàs durus in coloribus, & sile multus. Nam Socrates jure omnibus placet; talesque sunt ejus, cum Æsculapio filiæ, Hygia, Ægle, Panacea, Iaso; & piger, qui appellatur Ocnos, spartum torquens, quod asellus adrodit.

Hactenus indicatis in genere utroque proceribus, non silebuntur & primis pro-

ximi. Aristoclides, qui pinxit ædem Apollinis Delphis. Antiphilus puero ignem conflante laudatus, ac pukrâ aliàs domo splendescente, ipsiusque pueri ore: item lanificio, in quo properant omnium mulierum pensa: Ptolemæo venante. Sed nobilissimo Satyro cum pelle pantherinâ, quem Aposcopevonta appellant. Aristophon Ancæo vulnerato ab apro, cum sociâ doloris Aftypale: numerosâque tabulâ, in quâ sunt Priamus, Helena, Credulitas, Ulysses, Deiphobus, Dolus. Androbius pinxit Scyllin ancoras præcidentem Persicæ classis. Artemon Danaen, mirantibus eam prædonibus: reginam Stratonicen, Herculem & Deianiram: nobilissimas autem, quæ sunt in Oëstaviæ operibus: Herculem ab Oetâ monte Doridos exutâ mortalitate consensu deorum in cælum euntem: Laomedontis circa Herculem & Neptunum historiam. Alcimachus Dioxippum, qui pancratio Olympia citra pulveris tactum (quod vocant aconiti) vicit. Cœnus, stemmata.

Ctesilochus Apellis discipulus petulanti picturâ innotuit, Jove Liberum parturiente depicto mitrato, & muliebriter ingemifcente inter obstetricia dearum. Cleon, Cadmo: Ctesidemus, Oechaliæ expugnatione, & Laodamiâ. Clesides, reginæ Stratonices injuriâ. Nullo enim honore ex-

ceptus ab eâ, pinxit voluptantem cum piscatore, quem reginam amare sermo erat: eamque tabulam in portu Ephesi proposuit: ipse velis raptus est. Regina tolli vetuit, utriusque similitudine mirè expressâ. Cratinus comædos Athenis in Pompeo pinxit.

Eutyichidis bigam regit Victoria. Eudorus scenâ spectatur: idem & ex ære signa fecit.

Hippias, Neptuno & Victoriâ. Habron Amicitiam & Concordiam pinxit, & deorum simulacra.

Leontiscus, Aratum victorem cum tro-pæo: psaltriam. Leon, Sappho.

Nicearchus, Venerem inter Gratias & Cupidines: Herculem tristem insanix pœnitentiâ. Nealces Venerem, ingeniosus & sollers in arte. Siquidem cùm prælium navale Ægyptiorum & Persarum pinxisset, quod in Nilo, cujus aqua est mari similis, factum volebat intelligi, argumento declaravit, quod arte non poterat. Asellum enim in litore bibentem pinxit, & crocodilum insidiantem ei.

Oenias, syngenicon.

Philiscus, officinam pictoris, ignem conflante puero. Phalerion, Scyllam.

Simonides, Agatharchum, & Mnemosynen. Simus, juvenem requiescentem: officinam fullonis Quinquatrus celebrantem: idemque Nemesis egregiam.

Theodorus & inungentem : idem ab Oreste matrem & Ægisthum interfici : bellumque Iliacum pluribus tabulis : quod est Romæ in Philippi porticibus : & Castandram, quæ est in Concordiæ delubro. Leontium Epicuri cogitantem : Demetrium regem. Theon, Orestis infaniam, Thamyram citharædum. Tauriscus, discobolum, Clytæmnestram, Paniscum, Polynicen regnum repetentem, & Capanea.

Non omittetur inter hos insigne exemplum. Namque Erigonus tritor colorum Nealcæ pictoris in tantum ipse profecit, ut celebrem etiam discipulum reliquerit Pasiam, fratrem Æginetæ fictoris. Illud verò perquam rarum ac memoriâ dignum, etiam suprema opera artificum imperfectasque tabulas, sicut Irin Aristidis, Tyn-
daridas Nicomachi, Medeam Timomachi, & quam diximus Venerem Apellis, in majori admiratione esse, quam perfecta. Quippe in iis lineamenta reliqua, ipsæque cogitationes artificum spectantur : atque in lenocinio commendationis dolor est : manus, cum id agerent, extinctæ considerantur.

Sunt etiam nunc non ignobiles quidem ; in transcurso tamen dicendi : Aristonides, Anaxander, Aristobulus Syrus, Arcesilaus Tisicratis filius, Corybas Nicomachi discipulus, Carmanides Euphranoris, Dio-

nysiodorus Colophonius, Diogenes qui cum Demetrio rege vixit, Euthymedes, Heraclides Macedo, Mydon Soleus Philomachi statuarii discipulus, Mnesitheus Sicyonius, Mnasitimus Aristonidæ filius & discipulus, Nessus Habronis filius, Polemon Alexandrinus, Theodorus Samius, & Stadiæus, Nicosthenis discipuli; Xenon Neoclis discipulus Sicyonius.

Pinxere & mulieres, Timarete Miconis filia, Dianam in tabulâ, quæ Ephesi est in antiquissimis picturæ. Irene Cratini pictoris filia & discipula, puellam quæ est Eleusine: Calypso, senem & præstigiatores Theodorum: Alcisthene, saltatorem: Aristarete Nearchi filia, & discipula, Æsculapium. Lala Cyzicena perpetua virgo, Marci Varronis juventâ, Romæ & penicillo pinxit, & cestro in ebore, imagines mulierum maximè, & Neapoli anum in grandi tabulâ: suam quoque imaginem ad speculum. Nec ullius velocior in picturâ manus fuit: artis verò tantum, ut multum manipretio antecederet celeberrimos eâdem ætate imaginum pictores, Sopolin & Dionysium, quorum tabulæ pinacothecas implent. Pinxit & quædam Olympias: de quâ hoc solum memoratur, discipulum ejus fuisse Autobulum.

XLI. Encausto pingendi duo fuisse antiquitus genera constat, cerâ, & in ebo-

re, cestro, id est, viriculo, donec classes pingi cœpere. Hoc tertium adcessit, resolutis igni ceris penicillo utendi, quæ pictura in navibus nec Sole, nec sale, ventisque corrumpitur.

Pingunt & vestes in Ægypto inter paucam mirabili genere, candida vela postquam adtrivere illinentes non coloribus, sed colorem sorbentibus medicamentis. Hoc cum fecere, non adparet in velis: sed in cortinam pigmenti ferventis mersa, post momentum extrahuntur picta. Mirumque, cum sit unus in cortinâ colos, ex illo alius atque alius fit in veste], accipientis medicamenti qualitate mutatus. Nec postea ablui potest: ita cortina non dubiè confusura colores, si pictos acciperet, digerit ex uno, pingitque dum coquit. Et adustæ vestes firmiores fiunt, quàm si non urerentur.

XLIII. 12. De picturâ satis superque: contexuisse his & plasticen conveniat. Ejusdem opere terræ fingere ex argillâ similitudines, Dibutades Sicyonius figulus primus invenit Corinthi, filia operâ: quæ capta amore juvenis, illo abeunte peregre, umbram ex facie ejus ad lucernam in pariete lineis circumscripsit: quibus pater ejus impressâ argillâ typum fecit, & cum ceteris fictilibus induratum igni proposuit: eumque servatum in Nymphæo, donec Corinthum Mummius everteret,

tradunt. Sunt qui in Samo primos omnium plasticen invenisse Rhœcum & Theodorum tradant, multò ante Bacchiadas Corintho pulsos. Demaratum verò ex eadem urbe profugum, qui in Etruriâ Tarquinium Priscum regem populi Romani genuit, comitatos fictores Euchira & Eu grammum: ab iis Italiæ traditam plasticen. Dibutadis inventum est, rubricam addere, aut ex rubrâ cretâ fingere. Primusque personas tegularum extremis imbricibus imposuit, quæ inter initia prostypa vocavit. Postea idem ectypa fecit. Hinc & fastigia templorum orta: propter hunc plastæ appellati.

XLIV. Hominis autem imaginem gypso e facie ipsâ primus omnium expressit, ceteraque in eam formam gypsi infusâ emendare instituit Lysistratus Sicyonius, frater Lysippi, de quo diximus. Hic & similitudinem reddere instituit: ante eum, quàm pulcherrimas facere studebant. Idem & de signis effigiem exprimere invenit. Crevitque res in tantum, ut nulla signa, statuæve, sine argillâ fierent. Quo adparet antiquiorem hanc fuisse scientiam, quàm fundendi æris.

XLV. Plastæ laudatissimi fuere Damophilus & Gorgasus, iidemque pictores: qui Cereris ædem Romæ ad Circum maximum utroque genere artis suæ excoluerunt,

runt, versibus inscriptis Græcè, quibus significarunt a dextrâ opera Damophili esse, ab lævâ Gorgasi. Ante hanc ædem Tuscanica omnia in ædibus fuisse, auctor est M. Varro. Ex hac cùm reficeretur, crustas parietum excisas tabulis marginatis inclusas esse: item signa ex fastigiis dispersa. Fecit & Chalcoſthenes cruda opera Athenis, qui locus ab officinâ ejus Ceramicos appellatur. M. Varro tradit sibi cognitum Romæ Posim nomine, a quo facta poma & uvas, item pisces, quos aspectu discernere a veris vix posses. Idem magnificat Arcesilaum, Lucii Luculli familiarem, cujus proplasmata pluris venire solita artificibus ipsis, quàm aliorum opera. Ab hoc factam Venerem Genetricem in Foro Cæsaris, & priusquam absolveretur, festinatione dedicandi positam. Deinde eidem a Lucullo H-S. LX. signum. Felicitatis locatum, cui mors utriusque inviderit. Octavio equiti Romano cratera facere volenti, exemplar a gypso factum talento. Laudat & Pasitelem, qui « plastin cen matrem cælaturæ, & statuariæ, sculpturæque » dixit: & cùm esset in omnibus his summus, nihil umquam fecit, antequam finxit. Præterea elaboratam hanc artem Italiæ, & maximè Etruriæ: adiectum a Fregellis, cui locaret Tarquinius Priscus effigiem Jovis in Capitolio dicant.

dam. Fictilem eum fuisse, & ideo miniari solitum: fictiles in fastigio templi ejus quadrigas, de quibus sæpe diximus. Ab hoc eodem factum Herculem, qui hodieque materiæ nomen in Urbe retinet. Hæ enim tum effigies deûm erant laudatissimæ. Nec pœnitet nos illorum, qui tales deos coluere. Aurum enim & argentum ne diis quidem conficiebant.

XLVI. Durant etiam nunc plerisque in locis talia simulacra. Fastigia quidem templorum etiam in Urbe crebra, & municipiis, mirâ cælaturâ, & arte ævique firmitate sanctiora auro, certè innocentiora. In sacris quidem etiam inter has opes hodie, non murrhinis crySTALLINISVE, sed fictilibus prolibatur simpuviis. Inenarrabili terræ benignitate, si quis singula æstimet: etiam ut omittantur in frugum, vini, pomorum, herbarum, fruticum, medicamentorum, metallorum generibus, beneficia ejus, quæ adhuc diximus: vel adsiduitate satiant figlinarum opera, imbricibus, doctis ad vina excogitatis, ad aquas tubulis, ad balineas mammatis, ad tecta coctilibus laterculis frontatisque: ob quæ Numa rex septimum collegium figulorum instituit. Quin & defunctos sese multi fictilibus foliis condi maluere: sicut M. Varro, Pythagoreo modo, in myrti & oleæ atque populi nigræ foliis. Major quoque pars

hominum terrenis utitur vasis. Samia etiamnum in esculentis laudantur. Retinet hanc nobilitatem & Arretium in Italiâ : & calycum tantum, Surrentum, Aſta, Pollentia : in Hispaniâ Saguntum, in Asiâ Pergamum. Habent & Tralles opera ſua, Mutina in Italiâ : quoniam & ſic gentes nobilitantur. Hæc quoque per maria terrasque ultro citroque portantur, inſignibus rotæ officinis. Erythris in templo hodieque oſtenduntur amphoræ duæ propter tenuitatem conſecratæ, diſcipuli magiſtri-que certamine, uter tenuiorem humum duceret. Cois laus maxima, Adrianis firmitas : nonnullis circa hoc quoque ſeveritatis exemplis. Q. Coponium invenimus ambitus damnatum, quia vini amphoram dediffet dono ei, cui ſuffragii latio erat. Atque ut luxu quoque aliqua contingat auctoritas figlinis, tripatinum, inquit Feneſtella, appellabatur ſumma cenarum lautitia. Una erat murænarum, altera luporum, tertia myxonis piſcis, inclinatis jam ſcilicet moribus, ut tamen eos præferre Græciæ etiam philoſophis poſſimus. Siquidem in Ariſtotelis heredum auctione LXX. patinas veniſſe traditur. Nam nos cum unam Æſopi tragœdiarum hiſtrionis in naturâ avium diceremus ſeſtertiis centum ſtetiſſe, non dubito indignatos legentes. At hercules, Vitellius in principatu ſuo X. H. S.

condidit patinam, cui faciendæ fornax in campis exædificata erat: quoniam eò per- venit luxuria, ut etiam fictilia pluris con- stent, quàm murrhina. Propter hanc Mu- cianus altero consulatu suo, in conquisi- tione, exprobravit patinarum paludes Vi- tellii memoriæ: non illâ fœdiore, cujus veneno Asprenati reo Cassius Severus accusator objiciebat, interisse cxxx. con- vivas. Nobilitantur iis oppida quoque, ut Rhegium, & Cumæ. Samiâ testâ Matris deûm sacerdotes, qui Galli vocantur, vi- rilitem amputare, nec aliter citra per- niciem, M. Cælio credamus: qui linguam sic amputandam objecit gravi probro, tamquam & ipse jam tunc eidem Vitellio malediceret. Quid non excogitavit ars? fractis etiam testis utendo sic, ut firmiùs durent tuis calce additâ, quæ vocant Si- gnina. Quo genere etiam pavimenta ex- cogitavit.

XLVII. 13. Verùm & ipsius terræ sunt alia commenta. Quis enim satis miretur pessimam ejus partem, ideoque pulve- rem appellatum in Puteolanis collibus, opponi maris fluctibus: mersumque pro- tinus fieri lapidem unum inexpugnabilem undis, & fortiozem quotidie, utique si Cumano misceatur cæmento?

Eadem est terræ natura & in Cyzice- nâ regione: sed ibi non pulvis, verùm ipsa

terra qualibet magnitudine excisa, & demersa in mare, lapidea extrahitur. Hoc idem circa Cassandriam produnt fieri: & in fonte Gnidio dulci, intra octo menses terram lapidescere. Ab Oropo quidem Aulida usque quidquid terræ attingitur mari mutatur in saxa. Non multum a pulvere Puteolano distat e Nilo arena tenuissimâ sui parte, non ad sustinenda maria fluctusque frangendos, sed ad debellanda corpora palæstræ studiis. Inde certè Patrobio, Neronis principis liberto, advehebatur. Quin & Leonnato, & Cratero, ac Meleagro Alexandri Magni ducibus fabulum hoc portari cum reliquis militaribus commerciis reperio. Plura de hac parte non sum dicturus, non hercules magis, quàm de terræ usu in ceromatis, quibus exercendo juvenus nostra corpora, vires animorum perdidit.

XLVIII. 14. Quid? non & in Africâ Hispaniâque ex terrâ parietes, quos appellant formaceos, quoniam in formâ circumdatis utrimque duabus tabulis inferciuntur veriùs, quàm instruuntur, ævis durant, incorrupti imbribus, ventis, ignibus, omnique cæmento firmiores? Spectat etiam nunc speculas Annibalis Hispania, terrenasque turres jugis montium impositas. Hinc & cespitem natura, castrorum vallis adcommodata, contra fluminum

impetus aggeribus. Illini quidem crates parietum luto, & lateribus crudis extrui, quis ignorat?

XLIX. Lateres non sunt e fabuloso, neque arenoso, multoque minus calculoso ducendi solo, sed e cretoso & albicante, aut ex rubricâ: vel si jam ex fabuloso, e masculo certè. Finguntur optimè vere: nam solstitio rimosi fiunt. Ædificiis non nisi bimos probant. Quin & intritam ipsam eorum, prius quàm fingantur, macerari oportet. Genera eorum tria: Lydion, quo utimur, longum sesquipede, latum pede: alterum tetradoron, tertium pentadoron. Græci enim antiqui doron palmum vocabant, & ideo dora munera, quia manu darentur. Ergo a quatuor & quinque palmis, prout sunt, nominantur. Eadem est latitudo. Minore in privatis operibus, majore in publicis utuntur in Græciâ. Piranæ in Asiâ, & in ulteriore Hispaniâ, civitatibus Maxiluâ & Callento, fiunt lateres, qui siccati non merguntur in aquâ. Sunt enim e terrâ pumicosâ, cùm subigi potest, utilissimâ. Græci, præterquam ubi e silice fieri poterat structura, parietes lateritios prætulere. Sunt enim æterni, si ad perpendicularum fiant. De eo & publica opera & regias domos struxere: murum Athenis, qui ad montem Hymettum spectat: Patris, ædes Jovis & Her-

culis, quamvis lapideas columnas & epistylia circumdarent: domum Trallibus regiam Attali: item Sardibus Crœsi, quam gerusian fecere: Halicarnassi, Mausoli: quæ etiam nunc durant. Lacedæmone quidem excisum lateritiis parietibus opus testorium, propter excellentiam picturæ, ligneis formis inclusum, Romam deportavere in ædilitate, ad Comitium exornandum, Muræna & Varro. Cum opus per se mirum esset, translatum tamen magis mirabantur. In Italiâ quoque lateritius murus Arretii & Mevaniæ est. Romæ non fiunt talia ædificia, quia sesquipedalis paries non plus quàm unam contignationem tolerat. Cautumque est, ne communis crassior fiat, nec intergerivorum ratio patitur.

L. 15. Hæc sint dicta de lateribus. In terræ autem reliquis generibus vel maxime mira natura est sulphuris, quo plurima domantur. Nascitur in insulis Æoliis inter Siciliam & Italiam, quas ardere diximus. Sed nobilissimum in Melo insulâ. In Italiâ quoque invenitur, in Neapolitano Campanoque agro, collibus qui vocantur Leucogæi. Ibi e cuniculis effossum, perficitur igni. Genera quatuor: vivum, quod Græci apyron vocant, nascitur solidum, hoc est, glebâ: quo solum ex omnibus generibus medici utuntur: cetera

enim liquore constant, & conficiuntur oleo incocta. Vivum effoditur, translucetque, & viret. Alterum genus appellant glebam, fullonum tantum officinis familiare. Tertio quoque generi unus tantum est usus ad suffiendas lanas, quoniam candorem tantum molliemque confert. Egula vocatur hoc genus. Quarto autem ad ellychnia maximè conficienda. Ceterò tanta vis est, ut morbos comitiales deprehendat nidore, impositum igni. Lusit & Anaxilaus eo, candens in calyce vini prunâque subditâ circumferens, exardescens percussu pallorem dirum velut defunctorum offundente conviviis. Natura ejus calfacit, concoquit: sed & discutit collectiones corporum: ob hoc talibus emplastris malagmatisque miscetur. Renibus quoque & lumbis in dolore cum adipe, mirè prodest impositum. Aufert & lichenas a facie cum terebinthi resinâ, & lepras. Harpacticon vocatur a celeritate avellendi: avelli enim subinde debet. Prodest & suspiriosis linctum. Purulenta quoque extussientibus: & contra scorpionum ictus. Vitilignes vivum nitro mixtum, atque ex aceto tritum & illitum tollit: item lentes in palpebris, aceto sandaracato admixto. Habet & in religionibus locum, ad expiandas suffitu domos. Sentitur vis ejus & in aquis ferventibus. Neque alia res faciliùs accenditur: quo adparet ignium

vim magnam etiam ei inesse. Fulmina & fulgura quoque sulphuris odorem habent: ac lux ipsa eorum sulphurea est.

LI. Et bituminis vicina est natura, alibi limus, alibi terra: limus e Judææ lacu, ut diximus, emergens: terra in Syriâ circa Sidonem oppidum maritimum. Spissantur hæc utraque, & in densitatem coeunt. Est verò liquidum bitumen, sicut Zacynthium, & quod a Babylone invehitur. Ibi quidem & candidum gignitur. Liquidum est & Apolloniaticum: quæ omnia Græci pissasphalton appellant, ex argumento picis & bituminis. Gignitur etiam pingue, liquorisque oleacei, in Siciliâ Agragantino fonte inficiens rivum. Incolæ id arundinum paniculis colligunt, citissimè sic adhærescens. Utuntur eo ad lucernarum lumina olei vice: item ad scabiem jumentorum. Sunt qui & naphtham, de quâ in secundo diximus volumine, bituminis generi adscribant. Verùm ardens ejus vis ignium naturæ cognata, procul ab omni usu abest.

Bituminis probatio, ut quàm maximè splendeat, sitque ponderosum ac grave: læve autem modicè, quoniam adulteratur pice. Vis quæ sulphuris: sistit, discutit, contrahit, glutinat. Serpentes nidore fugat accensum. Ad suffusiones oculorum & albugines Babylonium efficax traditur: item

ad lepras, lichenas, pruritusque corporum. Illinitur & podagris. Omnia autem ejus genera incommodos oculorum pilos replicant. Dentium doloribus medentur simul cum nitro illita. Tussim veterem & anhelitus cum vino potum emendat. Dysentericis etiam datur eodem modo, sistitque alvum. Cum aceto verò potum discutit concretum sanguinem, & detrahit. Mitigat lumborum dolores, item articulorum. Cum farinâ hordeaceâ impositum, emplastrum peculiare facit sui nominis. Sanguinem sistit. Vulnera colligat. Glutinat nervos. Utuntur etiam ad quartanas bituminis drachmâ, & hedyosmi pari pondere cum myrrhæ obolo subacti. Comitiales morbos ustum deprehendit. Vulvarum strangulationes olfactum discutit cum vino & castoreo. Procidentes suffitu reprimat. Purgationes feminarum in vino potum elicit. In reliquo usu æramenti illinitur, firmatque ea contra ignes. Diximus & tingui solitas ex eo statuas, & ilini. Calcis quoque usum præbuit, ita feruminatis Babylonis muris. Placet & ferrariis fabrorum officinis tinguendo ferro, clavorumque capitibus, & multis aliis usibus.

LII. Nec minor, aut ab eo dissimilis est aluminis opera, quod intelligitur sal-fugo terræ. Plura & ejus genera. In Cy-

pro candidum, & nigrum, exiguâ coloris differentiâ, cùm sit usûs magna: quoniam inficiendis claro colore lanis, candidum liquidumque utilissimum est: contrâque fuscis aut obscuris, nigrum. Et aurum nigro purgatur. Fit autem omne ex aquâ limoque, hoc est, terræ exsudantis naturâ. Corrivatum hieme, æstivis Solibus maturatur. Quod fuerit ex eo præcox, candidius fit. Gignitur autem in Hispaniâ, Ægypto, Armeniâ, Macedoniâ, Ponto, Africâ: insulis Sardiniâ, Melo, Liparâ, Strongyle. Laudatissimum in Ægypto, proximum in Melo. Hujus quoque duæ species, liquidum, spissumque. Liquidi probatio, ut sit limpidum, lacteumque, sine offensis fricantium, cum quodam igniculo caloris. Hoc phorimon vocant. An sit adulteratum, deprehenditur succo Punici mali. Sincerum enim mixturâ eâ nigrescit. Alterum genus est pallidi & scabri, & quod inficiatur gallâ. Ideoque hoc vocant paraphoron. Vis liquidi aluminis adstringere, indurare, rodere. Melle admixto sanat oris ulcera, papulas, pruritusque. Hæc curatio fit in balineis duabus mellis partibus, tertiâ aluminis. Virus alarum sudoresque sedat. Sumitur pilulis contra lienis vitia, pellendumque per urinam sanguinem. Emendat & scabiem nitro ac melanthio admixtis.

Concreti aluminis unum genus schiston appellant Græci, in capillamenta quædam canescentia dehiscens. Unde quidam trichitin potius appellavere. Hoc fit e lapide, ex quo & chalcitin vocant: ut sit sudor quidam ejus lapidis in spumam coagulatus. Hoc genus aluminis minùs sistit humorem inutilem corporis. Sed auribus magnopere prædest infusum, vel illitum; vel oris ulceribus, dentibusque, si saliva cum eo contineatur. Et oculorum medicamentis inseritur aptè, verendisque utriusque sexûs. Coquitur in patinis, donec liquari desinat.

Interioris est alterum generis, quod strongylen vocant. Duæ ejus species, fungosum atque omni humore dilui facile: quod in totum damnatur. Melius pumicosum, & foraminum fistulis spongiæ simile, rotundumque naturâ, candido propius: cum quadam pinguitudine, sine arenis, friabile, nec inficiens nigritiâ. Hoc coquitur per se carbonibus puris, donec cinis fiat. Optimum ex omnibus quod Melinum vocant ab insulâ Melo, ut diximus. Nulli vis major neque adstringendi, neque denigrandi, neque indurandi. Nullum spissius. Oculorum scabritias extenuat: combustum utilius epiphoris inhibendis. Sic & ad pruritus corporis. Sanguinem quoque sistit in totum, foris illitum. Vulsis pilis

ex aceto illitum, renascentem mollit lanuginem. Summa omnium generum vis in adstringendo: unde nomen Græcis. Ob id oculorum vitiis aptissima sunt. Sanguinis fluxiones inhibet cum adipe. Sic & infantium ulcera. Putrescentia ulcerum compescit cum adipe, & hydropicorum eruptiones siccatur. Et aurium vitia cum succo Punici mali: & unguium scabritias, cicatricumque duritias, & pterygia, ac perniones. Phagedænas ulcerum ex aceto, aut cum gallâ, pari pondere crematâ: lepras cum succo olerum: cum salis verò duabus partibus, vitia quæ serpunt: lendes & alia capillorum animalia, permixtum aquæ. Sic & ambustis prodest, & furfuribus corporum cum sero picis. Infunditur & dysentericis. Uvam quoque in ore comprimit, ac tonsillas. Ad omnia, quæ in ceteris generibus diximus, efficacius intelligitur ex Melo advectum. Nam ad reliquos usus vitæ in coriis lanisque perficiendis, quanti sit momenti significatum est.

LIII. 16. Ab his pæne omnia ad medicinas pertinentia terræ genera tractabimus. Samiæ duæ sunt, quæ collyrium, & quæ aster appellantur. Prioris laus, ut recens sit & lenissima, linguæque glutinosa. Altera glebosior, candida. Utraque uritur, ac lavatur. Sunt qui præferant prio-

rem. Profunt sanguinem exspuentibus. Emplastrisque quæ siccandi causâ componuntur, oculorum quoque medicamentis miscentur.

LIV. Eretria totidem differentias habet. Namque & alba est, & cinerea, quæ præfertur in medicinâ. Probatur mollitie: & quòd si ære perducatur, violaceum reddit colorem. Vis & ratio ejus in medendo dicta est inter pigmenta.

LV. Lavatur omnis terra (in hoc enim loco dicemus) perfusa aquâ siccataque Solibus, iterum ex aquâ trita ac reposita, donec considat, & digeri possit in pastillos. Coquitur in calycibus crebrò concussis.

LVI. Est in medicaminibus & Chia terra candicans, effectûs ejusdem, qui Samiæ. Usus ad mulierum maximè cutem. Idem & Selinusæ. Lactei coloris hæc, & aquâ dilui celerrima. Eâdemque lacte dilutâ, & tectoriorum albaria interpolantur. Pnigitis Eretriæ simillima est, grandioribus tantum glebis, & glutinosa: cui effectus idem qui Cimoliæ, infirmior tamen. Bitumini simillima est ampelitis. Experimentum ejus, si ceræ modo accepto oleo lique scat, & si nigricans colos maneat tostæ. Usus ad molliendum discutendumque. Ad hæc medicamentis additur, præcipuèque in calliblepharis, & inficiendis capillis.

LVII. Cretæ plura genera. Ex iis Cimoliæ duo ad medicos pertinentia, candidum, & ad purpurissum inclinans. Vis utrique ad discutiendos tumores, & sistendas fluxiones aceto adsumpto. Panos quoque & parotidas cohibet: & lichenas illita, pusulasque. Si verò aphronitrum & cyprus adjiciatur & acetum, & pedum tumores: ita ut in Sole curatio hæc fiat, & post sex horas aquâ falsâ abluatur. Testium tumoribus Cypro & cerâ additâ prodest. Et refrigerandi quoque natura cretæ est: sudoresque immodicos sistit illita. Atque ita papulas cohibet ex vino adsumpta in balineis. Laudatur maximè Thessalica. Nascitur & in Lyciâ circa Bubonem. Est & alius Cimoliæ usus in vestibus. Nam Sarda, quæ adfertur e Sardiniâ, candidis tantùm adsumitur, inutilis versicoloribus: & est vilissima omnium Cimoliæ generum: pretiosior Umblica, & quam vocant faxum. Proprietas faxi, quòd crescit in macerando: atque pondere emitur; illa, mensurâ. Umblica non nisi poliendis vestibus adsumitur. Neque enim pigebit hanc quoque partem adtingere, cùm lex Metilia exstet fulionibus dicta, quam C. Flaminius, L. Æmilius censores dedere ad populum ferendam. Adeò omnia majoribus curæ fuere. Ergo ordo hic est. Primum abluatur ve-

stis Sardâ, dein sulphure suffitur: mox desquamatur Cimoliâ, quæ est coloris veri. Fucatus enimprehenditur, nigrescitque, & funditur sulphure. Veros autem & pretiosos colores emollit Cimolia, & quodam nitore exhilarat contristatos sulphure. Candidis vestibus saxum utilius a sulphure, inimicum coloribus. Græcia pro Cimoliâ Tymphaico utitur gypso.

LVIII. Alia creta argentaria appellatur, nitorem argento reddens. Est & vilissima, quâ Circum præducere ad victoriæ notam, pedesque venalium trans mare advectorum denotare instituerunt majores. Talemque Publium Lucilium mimicæ scenæ conditorem, & astrologiæ consobrinum ejus Manilium Antiochum, item grammaticæ Staberium Erotem, eâdem nave advectos vidêre proavi.

18. Sed quid hos refero aliquo literarum honore commendatos. Talem in castâ vidêre Chrysogonum Sullæ, Amphionem Q. Catuli, Heronem L. Luculli, Demetrium Pompeii, Augenque Demetrii, quamquam & ipsa Pompeii credita est: Hipparchum M. Antonii, Menam & Menecratem Sex. Pompeii, aliosque deinceps, quos enumerare jam non est, e sanguine Quiritium & proscriptionum licentiâ ditatos. Hoc est insigne venalitiis gregibus, opprobriumque insolentis fortunæ:

quod & nos adeò potiri rerum vidimus, ut prætoria quoque ornamenta decerni a senatu, jubente Agrippinâ Cl. Cæsaris, viderimus libertis: tantùmque non cum laureatis fascibus remitti illò, unde cretatis pedibus advenissent.

LIX. 19. Præterea sunt genera terræ proprietatis suæ, de quibus jam diximus: sed & hoc loco reddenda natura. Ex Galatâ insulâ, & circa Clupeam Africæ scorpiones necat: Balearis & Ebusitana serpentes.





LIBER XXXVI.

Lapidum natura.

I. I. **L**APIDUM natura restat, hoc est ; præcipua morum insania , etiam ut gemmæ cum succinis , atque crySTALLINIS , murrhinisque sileantur. Omnia namque , quæ usque ad hoc volumen tractavimus , hominum causâ genita videri possunt. Montes natura sibi fecerat ad quasdam compages telluris visceribus densandas , simul ad impetus fluminum domandos , fluctusque frangendos , ac minimè quietas partes coercendas durissimâ sui materiâ. Cædimus hos , trahimusque , nullâ aliâ , quàm deliciarum , causâ , quos transcendisse quoque mirum fuit. In portento propè majores habuere Alpes ab Annibale exsuperatas , & postea a Cimbris : nunc ipsæ cæduntur in mille genera marmorum : promontoria aperiuntur mari , & rerum natura agitur in planum. Evehimus ea , quæ separandis gentibus pro terminis constituta erant : navesque marmorum causâ fiunt , ac per fluctus , sævissimam rerum naturæ

partem, huc illuc portantur juga, majore etiamnum veniâ, quàm cum ad frigidos potus vas petitur in nubila, cæloque proximæ rupes cavantur, ut bibatur glacie. Secum quisque cogitet, cum pretia horum audiat, cum vehi trahique moles videat, quàm sine his fuerit beator vita: ad quàm multorum necesse sit necesse ista facere, veriùs pati mortales. Quos ob usus, quasve ad voluptates alias, nisi ut inter maculas lapidum jaceant? ceu verò non tenebris noctium dimidiæ parti vitæ cujusque gaudia hæc auferentibus.

II. 2. Ingens ista reputantem subit etiam antiquitatis rubor. Exstant censoriæ leges, glandia in cenis, gliresque, & alia dictu minora adponi vetantes. Marmora invehi, & maria hujus rei causâ transiri, quæ vetaret, lex nulla lata est. Dicat fortassis aliquis: non enim invehebantur. Id quidem falsò. Trecentas LX. columnas M. Scauri ædilitate ad scenam theatri temporarii, & vix uno mense futuri in usu, viderunt portari silentio legum. Sed publicis nimirum indulgentes voluptatibus. Id ipsum cur? aut quâ magis viâ irrepunt vitia, quàm publicâ? Quo enim alio modo in privatos usus illa venêre, eboræ, aurum, gemmæ? aut quid omnino diis relinquimus? Verùm esto, indulserint publicis voluptatibus: etiamne tacuerunt ma-

ximas earum, atque adeò duodequadrage-
nùm pedum, Lucullei marmoris in atrio
Scauri collocari? nec clam illud occulté-
que factum est. Satisfdari sibi damni infe-
cti coegit redemptor cloacarum, cùm in
Palatium extraherentur. Non ergo in tam
malo exemplo moribus cavere utilius fue-
rat? Tacuere tantas moles in privatam do-
mum trahi præter fictilia deorum fastigia.

III. 3. Nec potest videri Scaurus rudi
& hujus mali improvidæ civitati obrep-
sisse quodam vitii rudimento. Jam L. Cra-
sum oratorem illum, qui primus peregrini
marmoris columnas habuit in eodem Pala-
tio, Hymettias tamen nec plures sex, aut
longiores duodenùm pedum, M. Brutus in
jurgiis ob id « Venerem Palatinam » appel-
laverat. Nimirum ista omisere, moribus
victis : frustra que interdicta quæ vetue-
rant cernentes, nullas potius, quàm irri-
tas, esse leges maluerunt. Hæc & quæ se-
quentur, meliores esse nos probabunt.
Quis enim tantarum hodie columnarum
atrium habet? Sed prius, quàm de mar-
moribus dicamus, hominum in iis profe-
renda judicamus pretia. Antè igitur arti-
fices percensebimus.

IV. 4. Marmore scalpando primi om-
nium inclaruerunt Dipœnus & Scylis, ge-
niti in Cretâ insulâ, etiamnum Medis
imperantibus, priusque quàm Cyrus in

Persis regnare inciperet, hoc est, Olympiade circiter L. Ii Sicyonem se contulere, quæ diu fuit officinarum omnium metallorum patria. Deorum quorundam simulacra publicè locaverant Sicyonii, quæ priùs quàm absolverentur, artifices injuriam quæsti abierunt in Ætolos. Protinus Sicyonem fames invasit ac sterilitas, mærorque dirus. Remedium petentibus, Apollo Pythius respondit, « Si Dipœnus & Scylis deorum simulacra perfecissent ». Quod magnis mercedibus obsequiisque impetratum est. Fuere autem simulacra ea Apollinis, Dianæ, Herculis, Minervæ, quod e cælo postea tactum est.

5. Cùm ii essent, jam fuerat in Chio insulâ Malas sculptor: dein filius ejus Micciades, ac deinde nepos Archermus, cujus filii Bupalus & Athenis clarissimi in eâ scientiâ fuere, Hipponactis poetæ ætate, quem certum est LX. Olympiade fuisse. Quòd si quis horum familiam ad proavum usque retro agat, inveniet artis ejus originem cum Olympiadum origine cœpisse. Hipponacti notabilis fœditas vultûs erat: quamobrem imaginem ejus lasciviâ jocorum ii proposuere ridentium circulis. Quod Hipponax indignatus, amaritudinem carminum destrinxit in tantum, ut credatur aliquibus ad laqueum eos compulisse: quod falsum est. Complura enim in finitimis in-

fulis simulacra postea fecere, sicut in Deo, quibus subjecerunt carmen, « Non vobis tantum cenferi Chium, sed & operibus Archermi filiorum ». Ostendunt & Iasii Dianam manibus eorum factam. Et in ipsâ Chio narrata est operis eorum Dianæ facies in sublimi posita, cujus vultum intrantes tristem, exeuntes hilaratum putant. Romæ signa eorum sunt in Palatinâ æde, Apollinis in fastigio, & in omnibus fere quæ divus Augustus fecit. Patris quoque eorum & Deli fuere opera, & in Lesbo insulâ. Dipœni quidem Ambracia, Argos, Cleonæ operibus refertæ fuere. Omnes autem tantum candido marmore usi sunt e Paro insulâ, quem lapidem cœpere lychniten appellare, quoniam ad lucernas in cuniculis cæderetur, ut auctor est Varro, multis postea candidioribus repertis, nuper etiam in Lunensium lapicidinis. Sed in Pariorum mirabile proditur, glebâ lapidis unius cuneis dividendium solutâ imaginem Sileni exstitisse.

Non omittendum, hanc artem tantò vetustiore fuisse, quàm picturam, aut statuariam, quarum utraque cum Phidiâ cœpit, LXXXII. Olympiade, post annos circiter trecentos triginta duos. Et ipsum Phidiam tradunt scalpsisse marmora, Veneremque ejus esse Romæ in Octaviæ operibus eximiæ pulcritudinis. Alcamenem

Atheniensem (quod certum est) docuit in primis nobilem , cujus sunt opera Athenis complura in ædibus sacris , præclaraque Venus extra muros , quæ appellatur Aphrodite ἐν Κήποις . Huic summam manum ipse Phidias imposuisse dicitur . Ejusdem discipulus fuit Agoracritus Parius , & ætate gratus . Itaque e suis operibus pleraque nomini ejus donasse fertur . Certavere autem inter se ambo discipuli Venere faciendâ . Vicitque Alcamenes non opere , sed civitatis suffragiis , contra peregrinum suo faventis . Quare Agoracritus eâ lege signum suum vendidisse traditur « Ne Athenis esset , & appellasse Nemesein » . Id positum est Rhamnunte pago Atticæ , quod M. Varro omnibus signis prætulit . Est & in Matris Magnæ delubro in eâdem civitate Agoracriti opus .

Phidiam clarissimum esse per omnes gentes , quæ Jovis Olympii famam intelligunt , nemo dubitat : sed ut meritò laudari sciant , etiam qui opera ejus non viderunt , proferemus argumenta parva , & ingenii tantum . Neque ad hoc Jovis Olympii pulcritudine utemur , non Minervæ Athenis factæ amplitudine , cùm sit ea cubitorum viginti sex ; ebore hæc & auro constat : sed scuto ejus , in quo Amazonum prælium cælavit intumescente ambitu palmæ : ejusdem concavâ parte deos

rum & gigantum dimicationem : in soleis
verò Lapitharum & Centaurorum : adeò
momenta omnia capacia artis illi fuere. In
basi autem quod cælatum est, Pandoras
genesin appellavit : ibi dii sunt **xx.** nume-
ro nascentes, Victoriâ præcipuè mirabili.
Periti mirantur & serpentem, ac sub ipsâ
cuspide æream sphingem. Hæc sunt obi-
ter dicta de artifice numquam satis lau-
dato : simul ut noscatur illam magnificen-
tiam æqualem fuisse & in parvis.

Praxitelis ætatem inter statuarios dixi-
mus, qui marmoris gloriâ superavit etiam
semet. Opera ejus sunt Athenis in Cera-
mico : sed ante omnia, & non solum Pra-
xitelis, verum & in toto orbe terrarum,
Venus, quam ut viderent multi, naviga-
verunt Gnidum. Duas fecerat, simulque
vendebat, alteram velatâ specie, quam
ob id quidem prætulerunt, quorum con-
ditio erat, Coi, cùm alteram etiam eo-
dem pretio detulisset, severum id ac pu-
dicum arbitantes : rejectam Gnidi eme-
runt, immensâ differentiâ famæ. Voluit
etiam postea a Gnidiis mercari rex Nico-
medes, totum æs civitatis alienum, quod
erat ingens, dissoluturum se promittens.
Omnia perpeti maluere, nec immeritò :
illo enim signo Praxiteles nobilitavit Gni-
dum. Ædícula ejus tota aperitur, ut con-
spici possit undique effigies deæ, favente
ipsâ,

ipsâ, ut creditur factô. Nec minor ex quacumque parte admiratio est. Ferunt amore captum quemdam, cùm delituisset noctu, simulacro cohæsisse, ejusque cupiditatis esse indicem maculam. Sunt in Gnido & alia signa marmorea illustrium artificum: Liber pater Bryaxidis: & alter Scopæ, & Minerva: nec majus aliud Veneris Praxitelis specimen, quàm quodd inter hæc sola memoratur. Ejusdem est & Cupido objectus a Cicerone Verri, ille propter quem Thespiæ visebantur, nunc in Octaviæ scholis positus. Ejusdem & alter nudus in Pario coloniâ Propontidis, par Veneri Gnidiæ nobilitate, & injuriâ. Adamavit enim eum Alchidas Rhodius, atque in eo quoque simile amoris vestigium reliquit. Romæ Praxitelis opera sunt, Flora, Triptolemus, Ceres in hortis Servilii: Boni Eventûs, & Bonæ Fortunæ simulacra in Capitolio: item & Mænades, & quas Thyadas vocant, & Caryatidas: & Sileni, in Pollionis Asinii monumentis, & Apollo, & Neptunus.

Praxitelis filius Cephissodorus & artis heres fuit. Cujus laudatum est Pergami symplegma, signum nobile, digitis corpori veriùs, quàm marmori, impressis. Romæ ejus opera sunt: Latona in Palatii delubro: Venus in Pollionis Asinii monumentis: & intra Octaviæ porticus in

Junonis æde Æsculapius, ac Diana.

Scopæ laus cum his certat. Is fecit Venerem, & Pothon, & Phaethontem, qui Samothrace sanctissimis cærimoniis coluntur. Item Apollinem Palatinum, Vestam sedentem laudatam in Servilianis hortis, duasque chametæras circa eam, quarum pares in Asinii monumentis sunt, ubi & Canephoros ejusdem. Sed in maximâ dignatione delubro Cn. Domitii in Circo Flaminio Neptunus ipse, & Thetis, atque Achilles, Nereides supra delphinos & cete & hippocampos sedentes. Item Tritones, chorusque Phorci, & priestes, ac multa alia marina, omnia ejusdem manûs, præclarum opus, etiam si totius vitæ fuisset. Nunc verò præter suprâ dicta, quæque nescimus, Mars est etiamnum sedens colosseus ejusdem, in templo Bruti Callaici apud Circum eundem. Præterea Venus in eodem loco nuda Praxiteliâ illam antecedens, & quemcumque alium locum nobilitatura.

Romæ quidem magnitudo operum eam obliterat, ac magni officiorum negotiorumque acervi omnes a contemplatione talium abducunt, quoniam otiosorum & in magno loci silentio apta admiratio talis est. Quâ de causâ ignoratur artifex ejus quoque Veneris, quam Vespasianus imperator in operibus Pacis suæ dicavit, an-

ti quorum dignam famâ. Par hæsitatio est in templo Apollinis Sosiani, Nioben cum liberis morientem, Scopas an Praxiteles fecerit: item Janus pater in suo templo dicatus ab Augusto, ex Ægypto advectus, utrius manûs sit, jam quidem & auro occultatur. Similiter in Curiâ Octaviæ quaeritur de Cupidine fulmen tenente. Id demum adfirmatur, Alcibiadem esse principem formâ in eâ ætate.

Multa in eâdem scholâ sine auctoribus placent. Satyri quatuor: ex quibus unus Liberum patrem pallâ velatum Veneris præfert, alter Liberam similiter: tertius ploratum infantis cohibet: quartus cratere alterius sitim sedat: duæque Auræ velificantes suâ veste. Nec minor quæstio est in Septis, Olympum & Pana, Chironemque cum Achille, qui fecerint: præsertim cum capitali satisfatione fama judicet dignos.

Scopas habuit æmulos eâdem ætate, Bryaxin, & Timotheum, & Leocharem, de quibus simul dicendum est, quoniam pariter cælavere, Mausolo Cariæ regulo, qui obiit Olympiadis centesimæ anno secundo. Opus id ut esset inter septem miracula, ii maximè artifices fecere. Patet ab austro & septemtrione sexagenos ternos pedes, brevius a frontibus, toto circuitu pedes quadringentos undecim: ad-

tollitur in altitudinem viginti quinque cūbitis: cingitur columnis triginta sex. Pteron vocavere. Ab oriente cælavit Scopas, a septemtrione Bryaxis, a meridie Timotheus, ab occasu Leochares. Priusque quàm peragerent, regina Artemisia, quæ mariti memoriæ id opus exstrui iusserat, obiit. Non tamen recesserunt nisi absoluto jam, id gloriæ ipsorum artisque monumentum judicantes: hodieque certant manus. Adcessit & quintus artifex. Namque supra pteron, pyramis altitudine inferiore æquavit, vigintiquatuor gradibus in metæ cacumen se contrahens. In summo est quadriga marmorea, quam fecit Pythis. Hæc adjecta centum quadraginta pedum altitudine totum opus includit.

Timothei manu Diana Romæ est in Palatio, Apollinis delubro, cui signo caput reposuit Aulanius Evander. In magnâ admiratione est & Hercules Menestrati: & Hecate Ephesi in templo Dianæ post ædem, in cujus contemplatione admonent æditui parcere oculis, tanta marmoris radiatio est. Non postferuntur & Charites in propylæo Atheniensium, quas Socrates fecit, alius ille quàm pictor, idem ut aliqui putant. Nam Myronis illius, qui in ære laudatur, anus ebria est Smyrnæ in primis inclyta. Pollio Asinius, ut fuit acris vehementiæ, sic quoque spectari mo-

numenta sua voluit. In iis sunt Centauri Nymphas gerentes Archesitæ, Thespiades Cleomenis, Oceanus & Jupiter Entochi, Hippiades Stephani, Hermerotes Taurisci, non cælatoris illius, sed Tralliani. Jupiter hospitalis Pamphili Praxitelis discipuli. Zethus & Amphion ac Dirce & taurus, vinculumque, ex eodem lapide, Rhodo advecta opera Apollonii & Taurisci. Parentum ii certamen de se fecere: Menecratem videri professi, sed esse naturalem Artemidorum. Eodem loco Liber pater Eutyichidis laudatur. Ad Octaviæ verò porticum Apollo Philisci Rhodii in delubro suo. Item Latona & Diana, & Musæ novem, & alter Apollo nudus. Eum, qui citharam in eodem templo tenet, Timarchides fecit. Intra Octaviæ verò porticus, in æde Junonis, ipsam deam Dionysius, & Polycles aliam: Venerem eodem loco Philiscus: cetera signa Praxiteles. Timarchidis filii Jovem, qui est in proximâ æde, fecerunt. Pana & Olympum luctantes, eodem loco Heliodorus, quod est alterum in terris symplegma nobile. Venerem lavantem sese: Dædalum stantem Polycharmus. Ex honore apparet in magnâ auctoritate habitum Lysiæ opus, quod in Palatio super arcum divus Augustus honori Octavii patris sui dicavit, in ædiculâ columnis ad-

ornatâ. Id est quadriga currusque, & Apollo ac Diana ex uno lapide. In hortis Servilianis reperiô laudatos, Calamidis Apollinem illius cælatoris, Dercylidis pyctas, Amphistrati Callisthenem historiarum scriptorem.

Nec multò plurium fama est, quorundam claritati in operibus eximiis obstante numero artificum, quoniam nec unus occupat gloriam, nec plures pariter nuncupari possunt, sicut in Laocoonte, qui est in Titi imperatoris domo, opus omnibus & picturæ & statuariæ artis præponendum. Ex uno lapide eum & liberos draconumque mirabiles nexus de consilii sententiâ fecere summi artifices, Agesander & Polydorus & Athenodorus Rhodii. Similiter Palatinas domos Cæsarum replevere probatissimis signis Craterus cum Pythodoro, Polydectes cum Hermolao, Pythodorus alius cum Artemone, & singularis Aphrodisius Trallianus. Agrippæ Pantheum decoravit Diogenes Atheniensis: & Caryatides in columnis templi ejus probantur inter pauca operum: sicut in fastigio posita signa, sed propter altitudinem loci minùs celebrata.

Inhonorus est, nec in templo ullo Hercules, ad quem Pœni omnibus annis humanâ sacrificaverunt victimâ, humi stans, ante aditum porticûs ad Nationes. Sitæ

fuere & Thespiades ad ædem Felicitatis; quarum unam adamavit eques Romanus Junius Pisciculus, ut tradit Varro: admiratur & Pasiteles, qui & quinque volumina scripsit nobilium operum in toto orbe. Natus hic in Græciâ Italiæ orâ, & civitate Romanâ donatus cum iis oppidis, Jovem fecit eboreum in Metelli æde, quâ Campus petitur. Accidit ei, cùm in navalibus, ubi feræ Africanæ erant, per caveam intuens leonem cælaret, ut ex aliâ caveâ panthera erumperet, non levi periculo diligentissimi artificis. Fecisse opera complura dicitur: sed quæ fecerit, nominatim non refertur.

Arcesilaum quoque magnificat Varro, cujus se marmoream habuisse lænam tradit, aligerosque ludentes cum eâ Cupidines, quorum alii religatam tenerent, alii e cornu cogerent bibere, alii calcearent foccis, omnes ex uno lapide. Idem & a Coponio XIV. nationes, quæ sunt circa Pompeii theatrum, factas auctor est.

Invenio & Canachum laudatum inter statuarios, fecisse marmorea. Nec Sauram atque Batrachum obliterari convenit, qui fecere templa Octaviæ porticibus inclusa, natione ipsi Lacones. Quidam & opibus præpotentes fuisse eos putant, ac suâ impensâ construxisse, inscriptionem sperantes. Quâ negatâ, hoc tamen alio modo

usurpasse. Sunt etiamnum in columnarum spiris insculpta nomina eorum argumenta, lacerta atque rana. In Jovis æde existisse picturam, cultusque reliquos omnes femineis argumentis constat. Etenim factâ Junonis æde cum inferrentur signa, permutasse geruli traduntur: & id religionæ custoditum, velut ipsis diis sedem ita partitis. Ergo & in Junonis æde cultus est, qui Jovis esse debuit.

Sunt & in parvis marmoreis famam consecuti, Myrmecides, cujus quadrigam cum agitatore cooperuit alis musca: & Callicrates, cujus formicarum pedes atque alia membra pervidere non est.

V. 6. Hæc sint dicta de marmorum sculptoribus, summâque claritate artificum: quo in tractatu subit mentem non fuisse tum auctoritatem maculoso marmori. Fecere e Thasio Cycladum insularum, æquè & e Lesbio: lividius hoc paulo. Versicolores quidem maculas, & in totum marmorum apparatus Menander etiam diligentissimus luxuriæ interpretes, primus & rarè adtigit. Columnis demum utebantur in templis, nec lautitiæ causâ (non dum enim ista intelligebantur) sed quia firmiores aliter statui non poterant. Sic est inchoatum Athenis templum Jovis Olympii, ex quo Sulla Capitolinis ædibus adyexerat columnas. Fuit tamen inter lapi-

dem atque marmor differentia jam & apud Homerum. Dicit enim « marmoreo saxo percussum » : sed haftenus. Regias quoque domos cùm laudatissimè præter æs, aurum, electrum, argentum, ebore tantum adornans. Primum (ut arbitror) versicolores istas maculas Chiorum lapicidinæ ostenderunt, cùm exstruerent muros, faceto in id M. Ciceronis sale : omnibus enim ostentabant, ut magnificum. « Multo, inquit, magis mirarer, si Tiburtino lapide fecissetis ». Et hercules, non fuisset picturæ honos ullus, non modò tantus, in aliquâ marmorum auctoritate.

VI. Secandi marmor in crustas nescio an Cariæ fuerit inventum. Antiquissima, quodequidem inveniam, Halicarnassi Mausoli domus Proconnesio marmore exculta est, lateritiis parietibus. Is obiit Olympiadis c. anno secundo, Urbis Romæ anno CCCLXXV.

VII. Primum Romæ parietes crustâ marmoris operuisse totius domûs suæ in Cælio monte Cornelius Nepos tradidit Mamurram Formiis natum, equitem Romanum, præfectum fabrûm C. Cæsaris in Galliâ. Neque indignatio sit tali auctore inventâ re. Hic namque est Mamurra Catulli Veronensis carminibus proscissus, quem, ut res est, domus ipsius clariùs, quàm Catullus, dixit habere, quidquid ha-

buiſſet Comata Gallia. Namque adjecit idem Nepos, eum primum totis ædibus nullam niſi e marmore columnam habuiſſe, omnes ſolidas e Caryſtio aut Lunenſi.

VIII. M. Lepidus Catuli in conſulatu collega, primus omnium limina ex Numidico marmore in domo poſuit magnâ reprehensione. Is fuit conſul anno Urbis DCLXXVI. Hoc primum inveſti Numidici marmoris veſtigium invenio, non in columnis tamen, cruſtiſve: ut ſuprà Caryſtii: ſed in maſſâ ac viliffimo liminum uſu. Poſt hunc Lepidum ferme quadrienſio L. Lucullus conſul fuit, qui nomen (ut adparet ex re) Luculleo marmori dedit, admodum delectatus illo: primuſque Romam invexit, atrum alioqui, cùm cetera maculis aut coloribus commendentur. Naſcitur autem in Chio inſulâ, ſolumque pæne horum marmorum ab amatore nomen accepit. Inter hos primùm, ut arbitror, marmoreos parietes habuit ſcena M. Scauri, non facilè dixerim ſectos, an ſolidis glebis poſitos, ſicuti eſt hodie Jovis Tonantis ædes in Capitolio. Nondum enim ſecti marmoris veſtigia invenio in Italiâ.

IX. Sed quiſquis primùm invenit ſecare, luxuriamque dividere, importuni ingenii fuit. Arenâ hoc fit, & ferro videtur fieri, ferrâ in prætenui lineâ pre-

mente arenas, versandoque, tractu ipso secante. *Æthiopica* ad hæc maximè probatur. Nam id quoque adcessit, ut ad *Æthiopas* usque peteretur, quod faceret marmora: immo verò in *Indos*, quò margaritas quoque peti severis moribus indignum erat. Hæc proximè laudatur. Mollior tamen, quæ *Æthiopica*. Illa nullâ scabritie secat. *Indica* non æquè lævigat: sed eâ combustâ polientes marmora fricare jubentur. Simile & *Naxiæ* vitium est, & *Coptidi*, quæ vocatur *Ægyptia*. Hæc fuerant antiqua genera marmoribus secandis. Postea reperta est arena non minùs probanda, ex quodam *Adriatici* maris vado, æstu nudante, observatione non facili. Jam quidem quacumque arenâ secare e fluviiis omnibus fraus artificum ausa est: quod dispendium admodum pauci intelligunt. Crassior enim arena laxioribus segmentis terit, & plus erodit marmoris, majusque opus scabritia polituræ relinquit. Ita sectæ adtenuantur crustæ. Rursusque *Thebaica* polituris adcommodatur, & quæ fit e poro lapide, aut e pumice.

X. 7. Signis e marmore poliendis, gemmisque etiam scalpendis, atque limandis, *Naxium* diu placuit ante alia: ita vocantur cotes in *Cypro* insulâ genitæ. Vicere postea ex *Armeniâ* vectæ.

XI. Marmorum genera & colores non
I vj.

attinet dicere in tantâ notitiâ : nec facile est enumerare in tantâ multitudine. Quotocuique enim loco non suum marmor invenitur ? Et tamen celeberrimi generis dicta sunt in ambitu terrarum cum gentibus suis. Non omnia tamen in lapicidinis gignuntur, sed multa & sub terrâ sparsa. Pretiosissimi quædam generis, sicuti Lacedæmonium viride, cunctisque hilarius. Sic & Augusteum, ac deinde Tiberianum, in Ægypto Augusti ac Tiberii primum principatu reperta. Differentiaque eorum est ab ophite, cum sit illud serpentium maculis simile, unde & nomen accepit: quodd hæc maculas diverso modo colligunt, Augusteum undatim crispum in vertices, Tiberianum sparsâ, non convolutâ canitie.

Neque ex ophite columnæ, nisi parvæ admodum, inveniuntur. Duo ejus genera: molle candidum, nigricans durum. Dicuntur ambo capitis dolores sedare adalligati, & serpentium ictus. Quidam phreneticis ac lethargicis adalligari jubent candicantem. Contra serpentes autem a quibusdam laudatur præcipuè ex his, quem tephriam appellant, a colore cineris. Vocatur & Memphites a loco, gemmantis naturæ. Hujus usus conteri, & iis, quæ urenda sint aut secanda, ex aceto illini. Obstupescit ita corpus, nec sentit cruciatum.

Rubet porphyrites in eâdem Ægypto: ex eo candidis intervenientibus punctis Leptopsephos vocatur. Quantislibet molibus cædendis sufficiunt lapicidinæ. Statuas ex eo Claudio Cæsari procurator ejus in Urbem ex Ægypto advexit Vitrasius Pollio, non admodum probatâ novitate. Nemo certè postea imitatus est. Invenit eadem Ægyptus in Æthiopiâ, quem vocant basalten, ferrei coloris atque duritiæ. Unde & nomen ei dedit. Numquam hic major repertus est, quàm in templo Pacis ab imperatore Vespasiano Augusto dicatus: argumento Nili, XVI. liberis circà ludentibus, per quos totidem cubita summi incrementi augentis se amnis intelliguntur. Non absimilis illi narratur in Thebis delubro Serapis, ut putant, Memnonis statuæ dicatus: quem quotidiano Solis ortu contactum radiis crepare dicunt.

XII. Onychem etiam tum in Arabiæ montibus, nec usquam aliubi, nasci putavere nostri veteres: Sudines in Carmaniâ. Potoriis primùm vasis inde factis, dein pedibus lectorum sellisque: Nepos Cornelius tradit magno fuisse miraculo, cùm P. Lentulus Spinter amphoras ex eo Chiorum magnitudine cadorum ostendisset: post quinquennium deinde triginta duorum pedum longitudine columnas vidisse se. Variatum in hoc lapide postea est.

Namque pro miraculo insigni, quatuor modicas in Theatro suo Cornelius Balbus posuit. Nos ampliores triginta vidimus in cenatione, quam Callistus Cæsaris Claudii libertorum potentiâ notus sibi exædificaverat.

8. Hunc aliqui lapidem alabastriten vocant, quem cavant ad vasa unguentaria, quoniam optimè servare incorrupta dicitur. Idem exustus emplastris convenit. Nascitur circa Thebas Ægyptias, & Damascus Syriæ. Hic ceteris candidior: probatissimus verò in Carmaniâ, mox in Indiâ: jam quidem & in Syriâ Asiâque. Vilissimus autem & sine ullo nitore in Capadociâ. Probantur quàm maximè mellei coloris, in vertices maculosi, atque non translucidi. Vitia in iis, corneus color aut candidus, & quidquid simile vitro est.

XIII. Paulum distare ab eo in unguentorum fide multi existimant Lygdinos in Paro repertos: amplitudine, quâ lances craterasque non excedant, antea ex Arabiâ tantum advehi solitos, candoris eximii.

Magnus & duobus contrariæ inter se naturæ honos: Corallitico in Asiâ reperto, mensuræ non ultra bina cubita, candore proximo ebori, & quadam similitudine. E diverso niger est Alabandicus terræ suæ nomine, quamquam & Miletî nascens, ad purpuram tamen magis aspe-

ſu declinante. Idemque liquatur igni, ac funditur ad uſum vitri.

Thebaicus interſtinctus aureis guttis, invenitur in Africæ parte Ægypto adſcriptæ, coticulis ad terenda collyria quadam utilitate naturali conveniens.

Circa Syenen verò Thebaidis Syenites, quem antè pyrrhopœcilon vocabant.

XIV. Trabes ex eo fecere reges quodam certamine, obeliſcos vocantes, Solis numini ſacratos. Radiorum ejus argumentum in effigie eſt, & ita ſignificatur nomine Ægyptio.

Primus omnium id inſtituit Meſtres, qui in Solis urbe regnabat, ſomnio juſſus: hoc ipſum inſcriptum in eo: etenim ſculpturæ illæ effigiesque, quas videmus, Ægyptiæ ſunt literæ.

Poſtea & alii regum in ſuprà dictâ urbe, Sochis quatuor numero, quadragenûm octonûm cubitorum longitudine: Ramiſes autem is, quo regnante Ilium captum eſt, quadraginta cubitorum. Idem digreſſus inde, ubi fuit Mnevidis regia, poſuit alium, longitudine undecentenis pedibus, per latera cubitis quatuor.

Opus id feciſſe dicuntur CXX. M. hominum. Ipſe rex, cùm ſubrecturus eſſet, verereturque ne machinæ ponderi non ſufficerent, quò majus periculum curæ artificum denuntiaret, filium ſuum adalliga-

vit cacumini, ut salus ejus apud molientes prodesset & lapidi. Hac admiratione operis effectum est, ut cùm oppidum id expugnaret Cambyfes rex, ventumque esset incendio ad crepidines obelisci, extinguere ignem juberet molis reverentiâ, qui urbis nullam habuerat.

Sunt & alii duo, unus a Zmarre positus, alter a Raphio, sine notis, quadragenûm octonûm cubitorum. Alexandriae statuit unum octoginta cubitorum Ptolemæus Philadelphus. Exciderat eum Necthebis rex purum: majusque opus in devehendo statuendove multò fuit, quàm in excidendo. A Satyro architecto aliqui devectum tradunt rate: Callixenus a Phœnice, fossâ perductâ usque ad jacentem obeliscum e Nilo; navesque duas in latitudinem patulas, pedalibus ex eodem lapide ad rationem geminati per duplicem mensuram ponderis oneratas, ita ut subirent obeliscum pendentem extremitatibus suis in ripis utrimque: postea egestis laterculis adlevatas naves excepisse onus. Statutum autem in sex talis e monte eodem, & artificem donatum talentis quinquaginta. Hic fuit in Arsinoeo positus ab rege suprâ dicto, munus amoris in conjugem, eandemque sororem Arsinoen. Inde eum navalibus incommodum Maximus quidam præfectus Ægypti transtulit in forum, re-

ciso cacumine, dum vult fastigium addere auratum, quod postea omisit.

Et alii duo sunt Alexandriae ad portum, in Cæsaris templo, quos excidit Mestres rex quadragenum binum cubitorum. Super omnia adcessit difficultas mari Romam devehendi, spectatis admodum navibus. Divus Augustus priorem advexerat, miraculique gratia Puteolis navalibus perpetuis dicaverat: sed incendio consumpta est. Divus Claudius aliquot per annos adservatam, quam Caius Cæsar importaverat, omnibus quæ umquam in mari visæ sunt, mirabiliorem, turribus Puteolano ex pulvere exædificatis, perductam Ostiam, portus gratia mersit: alia ex hoc curam navium, quæ Tiberi subveherent. Quo experimento palam fit, non minus aquarum huic anni esse, quam Nilo.

Is autem obeliscus, quem divus Augustus in Circo magno statuit, excisus est a rege Semneserteo, quo regnante Pythagoras in Ægypto fuit, LXXXII. pedum, & dodrantis, præter basim ejusdem lapidis: is verò, qui est in Campo Martio, novem pedibus minor, a Sesostride. Inscripti ambo rerum naturæ interpretationem Ægyptiorum philosophia continent.

XV. 10. Ei, qui est in Campo, divus Augustus addidit mirabilem usum, adprehendendas Solis umbras, dierumque ac

noctium ita magnitudines, strato lapide ad magnitudinem obelisci, cui par fieret umbra, brumæ confectæ die, sextâ horâ; paulatimque per regulas (quæ sunt ex ære inclusæ) singulis diebus decresceret, ac rursus augesceret: digna cognitu res & ingenio fecundo. Manilius mathematicus apici auratam pilam addidit, cujus umbra vertice colligeretur in se ipsâ, aliàs enormiter jaculante apice, ratione (ut ferunt) a capite hominis intellectâ. Hæc observatio triginta jam fere annis non congruit, sive Solis ipsius dissono cursu, & cæli aliquâ ratione mutato, sive universâ tellure a centro suo aliquid emotâ, ut deprehendi & in aliis locis accipio: sive Urbis tremoribus, ibi tantum gnomone intorto, sive inundationibus Tiberis sedimento molis facto: quamquam ad altitudinem impositi oneris in terram quoque dicantur acta fundamenta.

11. Tertius Romæ in Vaticano Caii & Neronis principum Circo, ex omnibus unus omnino factus est imitatione ejus, quem fecerat Sesostridis filius Nuncoreus. Ejusdem remanet & alius centum cubitorum, quem post cæcitatem visu reddito, ex oraculo Soli sacravit.

XVI. 12. Dicantur obiter & pyramides in eâdem Ægypto, regum pecuniæ otiosa ac stulta ostentatio. Quippe cum fa-

ciendi eas causa a plerisque tradatur, ne pecuniam successoribus aut æmulis insidian-
tibus præberent, aut ne plebs esset otiosa. Multa circa hoc vanitas illorum hominum
fuit: vestigia complurium inchoatarum ex-
stant. Una est in Arsinoite nomo, duæ in
Memphite, non procul labyrintho, de quo
& ipso dicemus. Totidem, ubi fuit Mœri-
dis lacus, hoc est, fossa grandis. Sed Ægy-
ptus inter mira ac memoranda narrat harum
cacumina extrema, quæ eminere dicuntur.
Reliquæ tres, quæ orbem terrarum imple-
vere famâ, sanè conspicuæ undique adna-
vigantibus, sitæ sunt in parte Africæ,
monte saxeo sterilique, inter Memphim
oppidum, & quod appellari diximus Del-
ta, a Nilo minùs quatuor millia passuum,
a Memphi VII. M. D. vico adposito, quem
vocant Busirin, in quo sunt adsueti scan-
dere illas.

XVII. Ante has est sphinx, vel magis nar-
randa, quasi silvestre numen adcolentium.
Amasin regem putant in eâ conditum, &
volunt invecam videri. Est autem saxo
naturaliter elaborata, & lubrica. Capitis mon-
stri ambitus per frontem centum duos pe-
des colligit, longitudo pedum CXLIII. est,
altitudo a ventre ad summam apsidem in
capite, LXII.

Pyramis amplissima ex Arabicis lapi-
cidinis constat, Trecenta LX. hominum

millia annis **XX.** eam construxisse produntur. Tres verò factæ annis **LXXVIII.** & mensibus **IV.** Qui de iis scripserint, sunt Herodotus, Euhemerus, Duris Samius, Aristagoras, Dionysius, Artemidorus, Alexander polyhistor, Butorides, Antisthenes, Demetrius, Demoteles, Apion. Inter omnes eos non constat a quibus factæ sint, iustissimo casu oblitteratis tantæ vanitatis auctoribus. Aliqui ex his proderunt, in raphanos, & allium, ac cæpas, mille sexcenta talenta erogata. Amplissima octo jugera obtinet soli, quatuor angulorum paribus intervallis, per septingentos octoginta tres pedes singulorum laterum, altitudo a cacumine, pedes **XV.** s. Alterius intervalla singula per quatuor angulos pares, **DCCXXXVII.** comprehendunt. Tertia minor quidem prædictis, sed multò spectatior, Æthiopicis lapidibus, adfurgit **CCCLXIII.** pedibus inter angulos. Vestigia ædificationum nulla exstant. Arena latè pura circum, lentis similitudine, qualis in majori parte Africæ. Quæstionum summa est, quam ratione in tantam altitudinem subvecta sint cæmenta. Alii enim nitro ac sale adaggeratis cum crescente opere, ac peracto fluminis irrigatione dilutis: alii lateribus e luto factis, in privatas domos distributis. Nilum enim non putant rigare potuisse, multò

humiliorem. In pyramide maximâ est intus puteus octoginta sex cubitorum, flumen illo admissum arbitrantur. Mensuram altitudinis earum omniumque similium deprehendere invenit Thales Milesius, umbram metiendo, quâ horâ par esse corpori solet. Hæc sunt pyramidum miracula: supremumque illud, ne quis regum opus, miretur minimam ex his, sed laudatissimam, a Rhodope meretriculâ factam. Æsopi fabularum philosophi conserva quondam & contubernalis hæc fuit, majore miraculo tantas opes meretricio esse conquisitas quæstu.

XVIII. Magnificatur & alia turris a rege facta in insulâ Pharo, portum obtinente Alexandriæ, quam constitisse octingentis talentis tradunt: magno animo, ne quid omittamus, Ptolemæi regis, quod in eâ permiserit Sostrati Gnidi architecti structuræ ipsius nomen inscribi. Usus ejus, nocturno navium cursu ignes ostendere, ad prænuntianda vada, portûsque introitum: quales jam compluribus locis flagent, ut Ostiæ, ac Ravennæ. Periculum in continuatione ignium ne sidus existimetur, quoniam e longinquo similis flammæ aspectus est. Hic idem architectus primus omnium pensilem ambulationem Gnidi fecisse traditur.

XIX. 13. Dicamus & labyrinthos, vel

portentosissimum humani impendii opus, sed non, ut existimari potest, falsum.

Durat etiam nunc in Ægypto in Heracleopolite nomo, qui primus factus est ante annos, ut tradunt, ter mille sexcentos, a Petesucco rege, sive Tithoe. Quamquam Herodotus totum opus regum esse dicit, novissimique Psammetichi. Causam faciendi variè interpretantur. Demoteles regiam Motherudis fuisse, Lyceas sepulcrum Mœridis: plures Soli sacrum id exstructum, quod maximè creditur.

Hinc utique sumpsisse Dædalum exemplar ejus labyrinthi, quem fecit in Cretâ, non est dubium, sed centesimam tantum portionem ejus imitatum, quæ itinerum ambages, occursumque, ac recursus inexplicabiles continet: non (ut in pavimentis, puerorumve ludicris campestribus videmus) brevi laciniâ millia passuum plura ambulationis continentem: sed crebris foribus inditis, ad fallendos occursum, redeundumque in errores eosdem. Secundus hic fuit ab Ægyptio labyrinthus: tertius in Lemno: quartus in Italiâ. Omnes lapide polito fornicibus tecti: Ægyptius (quod miror equidem) introitu, lapide e Pario columnis: reliquis e Syenite molibus compositis, quas dissolvere ne sæcula quidem possint: adjuvantibus Heracleopolitis, qui id opus invisum mirè

infestavere. Positionem operis ejus singulasque partes enarrare non est, cum sit in regiones divisum, atque in præfecturas (quas vocavi nomos) sedecim nominibus earum, totidem vastis domibus adtributis: præterea templa omnium Ægypti deorum contineat, superque Nemeses quindecim ædiculis incluserit, pyramides complures quadragenarum ulnarum, fenas radicum oras obtinentes. Fessi jam eundo perveniunt ad viarum illum inexplicabilem errorem. Quin & cenacula clivis excelsa, porticus quoque descenduntur nonagenis gradibus: intus columnæ de porphyrite lapide, deorum simulacra, regum statuæ, monstriferæ effigies. Quarumdam autem domorum talis est situs, ut adaperientibus fores, tonitruum intus terribile existat. Majore autem in parte transitus est per tenebras. Aliæ rursus extra murum labyrinthi ædificiorum moles: itron appellant. Inde aliæ perfossis cuniculis subterraneæ domus. Fecit unus omnino pauca ibi Circummon spado Necthebis regis, ante Alexandrum Magnum annis quinquagenis. Id quoque traditur, fulsisse trabibus spinæ oleo incoctæ, dum fornices quadrati lapidis adsurgerent. De Ægyptio & Cretico labyrinthis, satis dictum est.

Lemnius similis illis, columnis tantum centum quinquaginta memorabilior fuit:

quarum in officinâ turbines ita librati penderunt, ut puero circumagente tornarentur. Architecti illum fecere Zmilus & Rholus, & Theodorus indigena. Exstantque adhuc reliquiae ejus, cum Cretici Italique nulla vestigia exstent.

Namque & Italicum dici convenit, quem fecit sibi Porsena rex Etruriae sepulcri causâ, simul ut externorum regum vanitas quoque ab Italis superetur. Sed cum excedat omnia fabulositas, utemur ipsius M. Varronis in expositione ejus verbis : « Sepultus est, inquit, sub urbe » Clusio : in quo loco monumentum re- » liquit lapide quadrato quadratum : sin- » gula latera pedum trecenûm, alta quin- » quagenûm : inque basi quadratâ intus » labyrinthum inextricabilem : quo si quis » impropere sine glomere lini, exitum » invenire nequeat. Supra id quadratum » pyramides stant quinque, quatuor in an- » gulis, in medio una : in imo latæ pe- » dum quinûm septuagenûm, altæ cen- » tum quinquagenûm : ita fastigatæ, ut in » summo orbis æneus & petasus unus » omnibus sit impositus, ex quo pen- » deant exapta catenis tintinnabula, quæ » vento agitata, longè sonitus referant, » ut Dodonæ olim factum. Supra quem » orbem quatuor pyramides insuper, sin- » gulæ exstant altæ pedum centenûm »

Supra

Supra quas uno solo quinque pyramides, quarum altitudinem Varronem puduit ad-
jicere. Fabulæ Etruscæ tradunt eamdem
fuisse, quàm totius operis : adeò vesana
dementia quæsisse gloriam impendio nul-
li profuturo. Præterea fatigasse regni vi-
res, ut tamen laus major artificis esset.

XX. Legitur & pensilis hortus, immo
verò totum oppidum Ægyptiæ Thebæ,
exercitus armatos subter educere solitis re-
gibus, nullo oppidanorum sentiente. Etiam-
num hoc minùs mirum, quàm quòd flu-
mine medium oppidum interfluente. Quæ
si fuissent, non dubium est Homerum di-
cturum fuisse, cùm centum portas ibi præ-
dicaret.

XXI. 14. Magnificentiæ vera admira-
tio exstat templum Ephesiæ Dianæ du-
centis viginti annis factum a totâ Asiâ. In
solo id palustri fecere, ne terræ motus
fentiret, aut hiatus timeret. Rursus ne in
lubrico atque instabili fundamenta tantæ
molis locarentur, calcatis ea substravere
carbonibus, dein velleribus lanæ. Univer-
so templo longitudo est ccccxxv. pedum,
latitudo ducentorum viginti, columnæ cen-
tum viginti septem a singulis regibus fa-
ctæ, lx. pedum altitudine : ex iis xxxvi.
cælatae, una a Scopâ. Operi præfuit Cher-
siphron architectus. Summa miracula, epi-
styliæ tantæ molis adtolli potuisse. Id con-

secutus est ille æronibus arenâ plenis, molli clivo super capita columnarum exaggerato, paulatim exinaniens imos, ut sensim opus in cubili sederet. Difficillimè hoc contigit in limine ipso quod foribus imponebat. Etenim ea maxima moles fuit: nec sedit in cubili, anxio artifice, mortis destinatione supremâ. Tradunt in eâ cogitatione fessum nocturno tempore in quiete vidisse præsentem deam, cui templum fiebat, hortantem ut viveret: se composuisse lapidem, atque ita postero die apparuit, & pondere ipso correctus videbatur. Cetera ejus operis ornamenta plurium librorum instar obtinent, nihil ad speciem naturæ pertinentia.

XXII. 15. Durat & Cyzici delubrum; in quo filum aureum commissuris omnibus polito lapidis subjecit artifex, eboreum Jovem dicaturus intus, coronante eum marmoreo Apolline. Translucet ergo pictura tenuissimis capillamentis, lenique adflatu simulacra refovente, præter ingenium artificis, ipsa materia, quamvis occulta, in pretio operis intelligitur.

XXIII. Eodem in oppido est lapis, fugitivus appellatus: Argonautæ eo pro ancorâ usi, ibi reliquerant. Hunc e Prytaneo (ita vocatur locus) sæpe profugum vinxere plumbo. Eâdem in urbe juxta portam, quæ Thracia vocatur, turres septem

acceptas voces numerosiore percussu multiplicant : nomenque huic miraculo Echo est a Græcis datum. Hoc quidem naturâ locorum evenit, & plerumque convallium : ibi casu accidit. Olympiæ autem arte, mirabili modo, in porticu, quam ob id heptaphonon appellant, quoniam septies eadem vox redditur. Cyzici & buleuterion vocant ædificium amplum, sine ferreo clavo, ita dispositâ contignatione, ut eximantur trabes sine fulturis, ac reponantur. Quod item Romæ in ponte Sublicio religiosum est, posteaquam Concilite Horatio defendente ægre revulsus est.

XXIV. Verum & ad Urbis nostræ miracula transire conveniat, ostingentorumque annorum dociles scrutari vires, & sic quoque terrarum orbem victum ostendere : quod accidisse toties pæne, quot referentur miracula, apparebit : universitate verò acervatâ, & in quemdam unum cumulum conjectâ, non alia magnitudo exsurgit, quàm si mundus alius quidam in uno loco narraretur.

Nam ut Circum maximum a Cæsare dictatore exstructum longitudine stadiorum trium, latitudine unitus, sed cum ædificiis jugerum quaternum, ad sedem CCL. millium, inter magna opera dicamus : nonne inter magnifica basilicam Pauli columnis e Phrygibus mirabilem, forumque di-

vi Augusti, & templum Pacis Vespasiani imperatoris Augusti, pulcherrima operum, quæ umquam: Pantheon Jovi Ultori ab Agrippâ factum, cùm theatrum antè texerit Romæ Valerius Ostiensis architectus ludis Libonis?

Pyramidas regum miramur, cùm solum tantum foro exstruendo H-s. millies Cæsar dictator emerit: & si quidem impensæ movent captos avaritiâ animos, P. Clodius, quem Milo occidit, H-s. centies & quadragies octies domo emptâ habitaverit: quod equidem non secus, ac regum insaniam, miror. Itaque & ipsum Milonem sestertium septingenties æris alieni debuisse, inter prodigia animi humani duco. Sed tunc senes aggeris vastum spatium, & substructiones insanas Capitolii mirabantur: præterea cloacas: operum omnium dictu maximum, suffossis montibus, atque (ut paulo antè retulimus) urbe pensili, subterque navigatâ.

A. M. Agrippâ in ædilitate post consulatum, per meatus corrivati septem amnes, cursuque præcipiti torrentium modo rapere atque auferre omnia coacti, insuper mole imbrium concitati, vada ac latera quatiunt: aliquando Tiberis retro infusi recipiunt fluctus, pugnantque diversi aquarum impetus intus: & tamen obnixa firmitas resistit. Trahuntur moles internæ.

tantæ, non succumbentibus causis operis: pulsan-
 t ruinae sponte præcipites, aut im-
 pactæ incendiis: quatitur solum terræ mo-
 tibus: durant tamen a Tarquinio Prisco
 annis propè septingentis inexpugnabiles:
 non omitendo memorabili exemplo, vel
 eò magis, quoniam celeberrimis rerum
 conditoribus omissum est: cùm id opus
 Tarquinius Priscus plebis manibus faceret,
 essetque labor incertum longior an peri-
 culosior, passim conscitâ nece, Quiritibus
 tædium fugientibus, novum & inexcogi-
 tatum antè posteaque remedium invenit
 ille rex, ut omnium ita defunctorum fi-
 geret crucibus corpora spectanda civibus, si-
 mul & feris volucrisque laceranda. Quam-
 obrem pudor Rom. nominis proprius,
 qui sæpe res perditas servavit in præliis,
 tunc quoque subvenit: sed illo tempore
 imposuit, jam erubescens, cùm puderet
 vivos, tamquam puditurum esset extin-
 ctos. Amplitudinem cavis eam fecisse pro-
 ditur, ut vehem feni largè onustam trans-
 mitteret.

Parva sunt cuncta, quæ diximus, &
 omnia uni comparanda miraculo, ante-
 quam nova adtingam. M. Lepido, Q. Ca-
 tulo coss. ut constat inter diligentissimos
 auctores, domus pulcrior non fuit Romæ
 quàm Lepidi ipsius. At hercule intra an-
 nos XXXV. eadem centesimum locum non

obtinuit. Computet in hac æstimatione, qui volet, marmorum molem, opera pictorum, impendia regalia, & cum pulcherrimâ laudatissimâque certantes centum domos: posteaque eas ab innumerabilibus aliis in hunc diem victas. Profectò incendia puniunt luxum: nec tamen effici potest, ut mores aliquid ipso homine mortalius intelligant.

Sed eas omnes duæ domus vicerunt. Bis vidimus urbem totam cingi domibus principum Caii & Neronis, & hujus quidem (ne quid deesset) aureâ. Nimirum sic habitant illi, qui hoc imperium fecere, tantas ad vincendas gentes triumphosque referendos ab aratro aut foco exeuntes, quorum agri quoque minorem modum obtinere, quàm sellaria istorum.

Subit verò cogitatio, quota portio harum fuerint areæ illæ, quas invictis imperatoribus decernebant publicè ad ædificandas domos: summusque illarum honos erat, sicut in P. Valerio Publicolâ, qui primus consul fuit cum L. Bruto, post tot merita, & fratre ejus, qui bis in eodem magistratu Sabinos devicerat, adjici decreto, « ut domus eorum fores extrâ aperirentur, & janua in publicum rejiceretur ». Hoc erat clarissimum insigne inter triumphales quoque domos.

Non patiemur duos Caios, vel duos

Nerones, ne hac quidem gloriâ famæ frui: docebimusque etiam insaniam eorum vitam privatis operibus M. Scauri, cujus nescio an ædilitas maximè prostraverit mores civiles, majusque sit Sullæ malum, tanta privigni potentia, quàm proscriptio tot millium. Hic fecit in ædilitate suâ opus maximum omnium, quæ umquam fuere humanâ manu facta, non temporariâ morâ, verùm etiam æternitatis destinatione. Theatrum hoc fuit. Scena ei triplex in altitudinem CCCLX. columnarum, in eâ civitate, quæ sex Hymettias non tulerat sine probro civis amplissimi. Ima pars scenæ e marmore fuit: media e vitro, inaudito etiam postea genere luxuriæ: summa, e tabulis inauratis. Columnæ, ut diximus, imæ duodequadragenûm pedum. Signa ærea inter columnas, ut indicavimus, fuerunt tria millia numero. Cavea ipsa cepit hominum LXXX. millia: cùm Pompeiani theatri toties multiplicatâ Urbe, tantoque majore populo, sufficiat largè quadraginta millibus. Sed & reliquus apparatus, tantus Attalicâ veste, tabulis pictis, ceteroque choragio fuit, ut in Tusculanam villam reportatis quæ superfluebant quotidiani usûs deliciis, incensa villa ab iratis servis, concremaretur H-s. millies.

Aufert animum, & a destinato itinere
K iv

digredi cogit contemplatio tam prodigæ mentis, aliamque connecti majorem insaniam e ligno. C. Curio, qui bello civili in Cæsarianis partibus obiit, funebri patris munere, cùm opibus apparatuque non posset superare Scaurum, (unde enim illi vitricus Sulla, & Metella mater proscriptionum sectrix? unde M. Scaurus pater, toties princeps civitatis, & Marianis sodalitiis rapinarum provincialium sinus?) cùm jam ne ipse quidem Scaurus comparari sibi posset, quando hoc certè incendii illius præmium habuit, convectis ex orbe terrarum rebus, ut nemo postea par esset insanix illi. Ingenio ergo utendum fuit: operæ pretium est scire quid invenerit, & gaudere moribus nostris, ac nostro modo nos vocare majores. Theatra duo juxta fecit amplissima e ligno, cardinum singulorum versatili suspensa libramento, in quibus utrisque antemeridiano ludorum spectaculo edito inter sese aversis, ne invicem obstreperent scenæ: repente circumactis ut contrà starent, postremo jam die discedentibus tabulis, & cornibus in se coeuntibus faciebat amphitheatrum, & gladiatorum spectacula edebat, ipsum magis auctoratum populum Rom. circumferens. Quid enim miretur quisque in hoc primum? inventorem, an inventum? artificem, an auctorem? ausum aliquem hoc

excogitare, an suscipere? parere, an jubere? Super omnia erit populi furor, sedere ausi tam infidâ instabilique sede. En hic est ille terrarum victor, & totius dormitor orbis, qui gentes & regna diribet, jura externis mittit, deorum quædam immortalium generi humano portio, in machinâ pendens, & ad periculum suum plaudens. Quæ vilitas animarum ista? aut quæ querela de Cannis? quantum mali potuit accidere? Hauriri urbes terræ hiatibus, publicus mortalium dolor est. Ecce populus Romanus universus velut duobus navigiis impositus, binis cardinibus sustinetur, & se ipsum depugnantem spectat, periturus momento aliquo luxatis machinis: & per hoc quæritur in tribuniciis concionibus gratia, ut pensiles tribus faceret. Qualis hic in Rostris? Quid non ausurus apud eos, quibus hoc persuaferit? Vera namque contentibus populus Romanus funebri munere ad tumulum patris ejus depugnavit universus. Variavit hanc suam magnificentiam fessis turbatisque cardinibus, & amphitheatri formâ custoditâ, novissimo die diversis duabus per medium scenis athletas edidit, raptisque e contrario repente pulpitis eodem die victores e gladiatoribus suis produxit. Nec fuit rex Curio, aut gentium imperator, non opibus insignis, ut qui nihil in censu habuerit, præter discordiam principum.

Sed dicantur verâ æstimatione invicta miracula, quæ Q. Marcius Rex fecit. Is jussus a senatu aquarum, Appiæ, Anienis, Tepulæ, ductus reficere, novam a nomine suo appellatam cuniculis per montes actis intra præturæ suæ tempus adduxit. Agrippa verò in ædilitate suâ, adjecit Virgine aquâ, ceteris corrivatis atque emendatis, lacus septingentos fecit: præterea salientes centum sex: castella centum triginta, complura etiam cultu magnifica: operibus iis signa trecenta ærea aut marmorea imposuit, columnas ex marmore quadringentas, eaque omnia annuo spatio. Adjicit ipse in ædilitatis suæ commemoratione, & ludos undesexaginta diebus factos, & gratuita præbita balinea centum septuaginta, nunc Romæ ad infinitum auxere numerum.

Vicit antecedentes aquarum ductus novissimum impendium operis inchoati a Caio Cæsare, & peracti a Claudio. Quippe a lapide quadragesimo ad eam excelsum, ut in omnes Urbis montes leverentur, influxere Curtius atque Cæruleus fontes, & Anio novus. Erogatum in id opus sestertium $\overline{\text{LV. D.}}$. Quod si quis diligentius æstimaverit aquarum abundantiam in publico, balineis, piscinis, domibus, euripis, hortis, suburbanis, villis, spatioque advenientis exstructos arcus, montes perfossos, convalles æquatas, fatebitur n-

hil magis mirandum fuisse in toto orbe terrarum.

Ejusdem Claudii inter maximè memoranda equidem duxerim, quamvis destitutum successoris odio, montem perfossum ad lacum Fucinum emittendum, inenarrabili profectò impendio, & operarum multitudine per tot annos: cùm aut corripiatio aquarum, quà terrenus mons erat, egeretur in vertice machinis, aut silex caderetur, omniaque intus in tenebris fierent, quæ neque concipi animo, nisi ab iis qui vidēre, neque humano sermone enarrari possunt.

Nam portus Ostiensis opus prætereo: item vias inter montes excisas: mare Tyrrenum a Lucrino molibus seclusum: tot pontes tantis impendiis factos. Et inter plurima alia Italiæ miracula, ipsa marmota in lapidinis crescere auctor est Papirius Fabianus, naturæ rerum peritissimus: exemptores quoque adfirmant compleri sponte illa montium ulcera. Quæ si vera sunt, spes est numquam defuturam luxuriam.

XXV. 16. A marmoribus digredienti ad reliquorum lapidum insignes naturas, quis dubitet in primis magnetem occurrere? quid enim mirabilius? aut quâ in parte naturæ major improbitas? Dederat vocem saxi, ut diximus, respondentem homini, immo verò & obloquentem. Quid lapidis rigo-

re pigrius? Ecce sensus manusque tribuit illi. Quid ferri duritiâ pugnacius? Sed cedit, & patitur mores: trahitur a magnete lapide, domitrixque illa rerum omnium materia ad inane nescio quid currit: atque ut propius venit, adsistit, tenetur, complexuque hæret. Sideritin ob id alio nomine appellant, quidam Heracleon. Magnes appellatus est ab inventore (ut auctor est Nicander) in Idâ repertus. Namque & passim invenitur, ut in Hispaniâ quoque. Invenisse autem fertur, clavis crepidarum & baculi cuspide hærentibus, cum armenta pasceret. Quinque genera magnetis Sotacus demonstrat: Æthiopicum: e Magnesiâ Macedoniæ conterminâ, Bœbeida lacum petentibus dextrâ: tertium in Hyrietico Bœotiæ: quartum circa Alexandriam Troadem: quintum in Magnesiâ Asiæ. Differentia prima, mas sit an femina: proxima in colore. Nam qui in Magnesiâ Macedonicâ reperiuntur, rufi nigrique sunt. Bœotius verò rufi coloris plus habet, quàm nigri. Is qui in Troade invenitur, niger est & feminei sexûs, ideoque sine viribus. Deterrimus autem in Magnesiâ Asiæ, candidus neque adtrahens ferrum, similisque pumici. Compertum tantò meliores esse, quantò sunt magis cærulei. Æthiopico laus summa datur, pondusque argento rependitur. Invenitur

hic in *Æthiopiæ* *Zimiri*: ita vocatur regio arenosa. Ibi & hæmatites magnes sanguinei coloris, sanguinemque reddens, si teratur, sed & crocum. In adtrahendo ferro non eadem hæmatitæ natura, quæ magneti. *Æthiopici* argumentum est, quodd magnetem quoque alium ad se trahit. Omnes autem ii oculorum medicamentis profunt, ad suam quisque portionem: maximæque epiphoras sistunt. Sanant & adusta cremati tritique. Alius rursus in eadem *Æthiopiâ* non procul mons gignit lapidem theameden, qui ferrum omne abigit, respuitque. De utrâque naturâ sæpius diximus.

XXVI. Lapidem e *Scyro* insulâ integrum fluctuare tradunt, eundem comminutum mergi.

XXVII. 17. In *Asso* *Troadis* sarcophagus lapis fissili venâ scinditur. Corpora defunctorum condita in eo, absumi constat intra XL. diem, exceptis dentibus. *Mucianus* specula quoque, & strigiles, & vestes, & calciamenta illata mortuis lapidea fieri, auctor est. Ejus generis & in *Lyçiâ* saxa sunt, & in *Oriente*, quæ viventibus quoque adalligata, erodunt corpora.

XXVIII. Mitior est autem servandis corporibus, nec absumendis chernites, ebori simillimus, in quo *Darium* conditum ferunt: *Pario*que similis candore & duritiâ, minùs tamen ponderosus, qui porus vo-

catur. Theophrastus auctor est & translu-
 cidi lapidis in Ægypto, quem Chio simi-
 lem ait : quod fortassis tunc fuerit, quo-
 niam & ii desinunt, & novi reperiuntur.
 Assius gustu falsus podagras lenit, pedi-
 bus in vase ex eo cavato inditis. Præter-
 ea omnia crurum vitia in iis lapicidinis sa-
 nantur, cum in metallis omnibus crura vi-
 tiantur. Eiusdem lapidis flos appellatur, in
 farinam mollis, ad quædam perinde efficax.
 Est autem similis pumici rufo. Admixtus æri
 Cyprio, mammarum vitia emendat : pici
 autem resinæve, strumas & panos discutit.
 Prodest & phthisicis linctu. Cum melle vete-
 ra ulcera ad cicatricem perducit: excrescen-
 tia erodit. Et ad bestiarum morsus utilis. Re-
 pugnantia curationi, ac suppurata siccatur.
 Fit & cataplasma ex eo podagricis, mixto
 fabæ lomento.

XXIX. 18. Idem Theophrastus & Mu-
 cianus esse aliquos lapides qui pariant, cre-
 dunt. Theophrastus auctor est & ebur fos-
 sile, candido & nigro colore inveniri, &
 ossa e terrâ nasci, inveniri que lapides os-
 seos. Palmati circa Mundam in Hispaniâ,
 ubi Cæsar dictator Pompeium vicit, re-
 periuntur; idque, quoties fregeris. Sunt
 & nigri, quorum auctoritas venit in mar-
 mora, sicut Tænarius. Varro nigros ex
 Africâ firmiores esse tradit, quàm in Ita-
 liâ. E diverso albos tornis duriores, quàm

Parios. Idem Lunensem silicem ferrâ secari: at Tusculanum dissilire igni. Sabinum fuscum addito oleo etiam lucere. Item molas versatiles Volsiniis inventas, aliquas & sponte motas invenimus in prodigiis.

XXX. Nusquam hic utilior, quàm in Italiâ, gignitur: lapisque, non saxum, est. In quibusdam verò provinciis omnino non invenitur. Sunt quidam in eo genere molliores, qui & cote lævigantur, ut procul intuentibus ophitæ videri possint. Neque est alius firmior: quando & lapidis natura, ut lignum, similiter imbres Solesque aut hiemes non patitur, in aliis atque aliis generibus. Sunt qui & Lunam non tolerant, & qui vetustate rubiginem trahant, coloremve candidum oleo mutant.

19. Molarem quidam pyriten vocant, quoniam sit plurimus ignis illi: sed est alius etiamnum pyrites similitudine æris. In Cypro eum reperiri volunt, & in metallis, quæ sunt circa Acarnaniam, unum argenteo colore, alterum aureo. Coquuntur variè: ab aliis iterum tertioque in melle, donec consumatur liquor: ab aliis primum prius, dein melle, & postea lavantur, ut æs. Usus eorum in medicinâ excalfacere, siccare, discutere, humorem extenuare, duritias nimias mollire. Utuntur & crudis tusisque ad strumas atque furunculos. Pyritarum etiamnum aliqui genus unum

faciunt, plurimùm habens ignis, quos vivos appellamus, & ponderosissimi sunt. Hi exploratoribus castrorum maximè necessarii, qui clavo vel altero lapide percussi, scintillas edunt: quæ exceptæ sulphure aut fungis aridis, vel foliis, dicto celerius ignem trahunt.

XXXI. Ostracitæ similitudinem testæ habent. Usus eorum pro pumice ad lævigandam cutem. Poti sanguinem sistunt: & illiti cum melle ulcera, doloresque mammarum sanant.

Amiantus alumini similis, nihil igni perdit. Hic beneficiis resistit omnibus, privatim magorum.

XXXII. Geoden ex argumento appellant, quoniam complexus est terram, oculorum medicamentis utilissimum: item mammarum ac testium vitiis.

XXXIII. Melitites lapis succum remittit dulcem mellitumque. Tusus & ceræ mixtus, eruptionibus pituitæ, maculisque corporis medetur, & faucium exulcerationi. Epinyctidas tollit, & vulvarum dolores impositus velleri.

XXXIV. Gagates lapis nomen habet loci & amnis Gagis Lyciæ. Aiunt & in Leu collâ expelli mari, atque intra XII. stadia colligi. Niger est, planus, pumicosus, non multum a ligno differens, levis, fragilis: odore, si teratur, gravis. Fictilia ex eo

inscripta non delentur. Cùm uritur, odorem sulphureum reddit. Mirumque, accenditur aquâ, oleo restinguitur. Fugat serpentes ita, recreatque vulvæ strangulationes. Deprehendit fonticum morbum, & virginitatem suffitus. Idem ex vino decoctus, dentibus medetur, strumisque ceræ permixtus. Hoc dicuntur uti magi in eâ, quam vocant axinomantiam: & peruri negant, si eventurum sit, quod aliquis optet.

XXXV. Spongiæ lapides inveniuntur in spongiis, & sunt nativi. Quidam eos tecolithos vocant, quoniam vesicæ medentur: calculos rumpunt in vino poti.

XXXVI. Phrygius lapis gentis nomen habet. Est autem gleba pumicosa. Uritur antè vino perfusus, flaturque follibus, donec rubescat, ac rursus dulci vino extinguitur, & hoc ternis vicibus, tinguendis vestibus tantùm utilis.

XXXVII. 20. Schistos & hæmatites cognitionem habent. Hæmatites invenitur in metallis: ustus minii colorem imitatur: Uritur, ut Phrygius, sed non restinguitur vino. Adulteratum schisto hæmatiten discernunt venæ rubentes, & friabilis natura. Oculis cruore suffusis mirè convenit. Sistit profluvium mulierum potus. Bibunt eum & qui sanguinem rejecerunt, cum succo Punici mali. Et in vesicæ vi-

tiis efficax. Bibitur & in vino contra serpentium ictus. Infirmior ad omnia hæc eadem est, quem schiston appellant. Sed in iis commodior croco similis, peculiariter splendet. Proficit oculorum lacrimis in lacte muliebri: procidentesque oculos præclarè cohibet. Hæc est sententia eorum, qui nuperimè scripsere.

XXXVIII. Sotacus e vetustissimis auctoribus quinque genera hæmatitarum tradit, præter magnetem. Principatum dat ex iis Æthiopico, oculorum medicamentis utilissimo, & iis quæ panchresta appellant: item ambustis. Alterum androdamanta dicit vocari, colore nigro, pondere ac duritiâ insignem, & inde nomen traxisse, præcipuèque in Africâ repertum. Trahere autem in se argentum, æs, ferrum. Experimentum ejus esse in cote ex lapide basanite. Reddere enim succum sanguineum, & esse ad jocineris vitia præcipui remedii. Tertium genus Arabici facit, simili duritie, vix reddentis succum ad cotem aquariam, aliquando croco similem. Quarti generis elatiten vocari, quamdiu crudus sit: coctum verò miltiten, utilem ambustis, ad omnia utiliore rubricâ. Quinti generis schiston, hæmorrhoidas reprimentem. In totum autem hæmatitas omnes tritos in oleo trium drachmarum pondere a jejunis sumendos, ad vitia san-

guinis. Idem auctor, schiston alterius generis quàm hæmatiten tradit, quem vocant anthraciten. Nasci in Africâ nigrum, adtritum aquariis cotibus reddere ab eâ parte, quæ fuerit ab radice, nigrum colorem: ab alterâ, croci. Ipsum utilem esse oculorum medicamentis.

XXXIX. 21. Aetitæ lapides ex argumento nominis magnam famam habent. Reperiuntur in nidis aquilarum, sicut in decimo volumine diximus. Aiunt binos inveniri, marem & feminam. Nec sine iis parere, quas diximus, aquilas: & ideo binos tantum. Genera eorum quatuor. In Africâ nascentem pusillum ac mollem, intra se & velut in alvo habentem argillam suavem, candidam: ipsum friabilem, quem feminei sexûs putant. Marem autem, qui in Arabiâ nascitur, durum, gallæ similem, aut subrutilum, in alvo habentem durum lapidem. Tertius in Cypro invenitur, colore illis in Africâ nascentibus similis, amplior tamen atque dilatatus: ceteris enim globosa facies. Habet in alvo arenam jucundam & lapillos: ipse tam mollis, ut etiam digitis frietur. Quarti generis Taphiusius appellatur, nascens juxta Leucadem, ubi est mons Taphius, qui locatus est dextrâ navigantibus ad Leucadem. Invenitur in fluminibus candidus & rotundus. Huic est in alvo lapis, qui vo-

catur callimus, nec quidquam tenerius. Aetitæ omnes gravidis adalligati mulieribus, vel quadrupedibus, in pelliculis, sacrificatorum animalium, continent partus, non, nisi parturiant, removendi: alioqui vulvæ excidium fit. Sed nisi parturientibus auferantur, omnino non pariunt.

XL. Est lapis Samius in eâdem insulâ, ubi terram laudavimus, poliendo auro utilis. Utilis & in medicinâ oculorum ulceribus cum lacte, quo suprâ dictum est modo, contra veteres lacrimationes. Prodest & contra vitia stomachi potus: vertigines sedat: mentes commotas restituit. Quidam & morbis comitialibus utiliter dari putant, & ad urinæ difficultates. Acopis etiam miscetur. Probatum gravitate & candore. Vulvas & partus contineri adalligato eo tradunt.

XLI. Arabus lapis ebori similis, dentificiis adcommodatur crematus. Privatim hæmorrhoidas sanat cum lanugine linteorum, linteolis insuper impositis.

XLII. Non prætermittenda est & pumicum natura. Appellantur quidem ita & erosa saxa, in ædificiis, quæ musea vocant, dependentia, ad imaginem specûs arte reddendam: sed & ii pumices, qui sunt in usu corporum lævigandorum feminis, jam quidem & viris, atque (ut ait Catullus) libris, laudatissimi sunt in Melo, Nisyro,

& Æoliis insulis. Probatio in candore minimoque pondere, & ut quàm maximè spongiosi aridique sint, ac teri faciles, nec arenosi in fricando. Vis eorum in medicinâ, extenuare, siccare, tertiâ uſtione, ita ut torreantur carbone puro, ac toties vino reſtinguantur albo. Lavantur deinde, ut cadmia, & siccati conduntur, quàm minimè uliginoso loco. Uſus farinæ ejus oculorum maximè medicamentis: ulcera purgat eorum leniter, expletque cicatrices, & emendat. Quidam tertiâ uſtione refrigeratos potius, quàm reſtinctos, terere malunt ex vino. Adduntur etiam ad malagmata, caput verendorumque ulceribus. Utilissima fiunt ex his dentifricia. Theophrastus auctor est potiores in certamine bibendi præſumere farinam eam, sed nisi immenso potu impleantur, periclitari: tantamque refrigerandi naturam eſſe, ut muſta fervere deſinant pumice addito.

XLIII. 22. Auctoribus curæ fuere lapides mortariorum quoque, nec medicinalium tantum, aut ad pigmenta pertinentium. Etesium lapidem in iis prætulere ceteris, mox & Thebaicum, quem pyrrhopæcilon appellavimus: aliqui pſaronium vocant. Tertium ex chalazio chryſiten. Medici autem & baſaniten. Hic enim lapis nihil ex ſeſe remittit. li autem

lapides, qui succum reddunt, oculorum medicamentis utiles existimantur: ideoque Æthiopici maximè ad ea probantur. Tannarium verò lapidem & Pœnicum, & hæmatiten iis medicamentis prodesse tradunt, quæ ex croco componantur: ex alio Tannario, qui niger est, & ex Pario lapide, non æquè medicis utilem: potiore ex alabastrite Ægyptio, vel ex ophite albo. Est enim hoc genus ophitis, ex quo vasa etiam & cados faciunt.

XLIV. In Siphno lapis est, qui cavatur, tornaturque in vasa coquendis cibis utilia, vel ad esculentorum usus: quod in Comensi Italiæ lapide viridi accidere scimus. Sed in Siphnio singulare, quòd excafactus oleo nigrescit, durescitque, naturâ mollissimus. Tanta qualitatum differentia est. Nam mollitiæ & trans Alpes præcipua sunt exempla. In Belgicâ provinciâ candidum lapidem ferrâ, quâ lignum, faciliusque etiam, secant, ad tegularum & imbricum vicem: vel si libeat, ad quæ vocant pavonacea tegendi genera: & hi quidem feciles sunt.

XLV. Specularis verò (quoniam & hic lapis nomen obtinet) faciliore multò naturâ finditur in quamlibet tenues crustas. Hispania hunc olim citerior tantum dabat, nec tota, sed intra centum millia passuum circa Segobricam urbem: jam & Cypros,

& Cappadocia, & Sicilia, & nuper inventum Africa: postferendos omnes tamen Hispaniæ, & Cappadociæ, mollissimis & amplissimæ magnitudinis, sed obscuris. Sunt & in Bononiensi Italiæ parte breves, maculosi, complexu silicis alligati, quorum tamen appareat natura similis eis, qui in Hispaniâ puteis effodiuntur profundâ altitudine. Necnon & saxo inclusus sub terrâ invenitur, extrahiturque, aut exciditur. Sed majori parte fossilî naturâ, absolutus segmenti modo, nunquam adhuc quinque pedum longitudine amplior. Humorem hunc terræ quidam autumant crySTALLI modo glaciari. Et in lapidem concrefcere manifestò apparet, quòd cum feræ decidere in puteos tales, medullæ in ossibus earum post unam hiemem in eandem lapidis naturam figurantur. Invenitur & niger aliquando. Sed candido natura mira, cum sit mollitia nota, perpetiendi Soles rigoresque: nec senescit, si modò injuriâ, non arsit, cum hoc etiam in cæmentis multorum generum accidat. Invenere & alium usum in ramentis quoque, Circum maximum ludis Circensibus sternendi, ut sit in commendatione candor.

XLVI. Nerone principe in Cappadociâ repertus est lapis duritiâ marmoris, candidus atque translucens, etiam quâ par-

te fulvæ inciderant venæ, ex argumento phengites appellatus. Hoc construxerat ædem Fortunæ, quam Sejam appellant, a Servio rege sacratam, aureâ domo complexus. Quare etiam foribus opertis interdiu claritas ibi diurna erat, alio quàm specularium modo, tamquam inclusâ luce, non transmissâ.

In Arabiâ quoque esse lapidem vitri modo translucidum, quo utuntur pro specularibus, Juba auctor est.

XLVII. Nunc ad operarios lapides transisse conveniat, primûmque cotes ferro acuendo. Multa earum genera: Creticæ diu maximam laudem habuere: secundam Laconicæ ex Taygeto monte, utræque oleo indigentes. Inter aquarias Naxiæ laus maxima fuit, mox Armeniacæ, de quibus diximus. Ex oleo & aquâ Ciliciæ polent, ex aquâ Arsinoeticæ. Repertæ sunt & in Italiâ aquâ trahentes aciem acerrimo effectû. Necnon & trans Alpes, quas passernices vocant. Quarta ratio est salivâ hominis proficientium, in tonstrinarum officinis, inutilis fragili mollitiâ. Flaminitanæ ex Hispaniâ citeriore in eo genere præcipuè.

XLVIII. E reliquâ multitudine lapidum, topus ædificiis inutilis est mortalitate molitiæ. Quædam tamen loca non alium habent, sicut Carthago in Africâ. Exercetur
halitu

halitu maris, fricatur vento, & verberatur imbri. Sed curâ tuentur picando parietes, quoniam & tectorii calce roditur. Scitèque dictum est, « ad tecta eos pice, » ad vina calce uti », quoniam sic musta condiunt. Alia mollitia circa Romam Fidenati, & Albano. In Liguriâ quoque, Umbriâ & Venetiâ, albus lapis dentatâ ferrâ secatur. Hi tractabiles in opere, laborem quoque tolerant, sub tecto dumtaxat. Aspergine & gelu pruinisque rumpuntur in testas: nec contra humores & auram maris robusti. Tiburtini ad reliqua fortes, vapore dissiliunt.

XLIX. Nigri silices optimi: quibusdam in locis & rubentes. Nonnusquam verò & albi, sicut in Tarquiniensi Anicianis lapidinis circa lacum Volsiniensem. Et in Statoniensi sunt, quibus ne ignis quidem nocet. Idem & in monumentis scalpti, contra vetustatem quoque incorrupti permanent. Ex iis formæ fiunt, in quibus æra funduntur. Est & viridis silex, vehementer igni resistens, sed nusquam copiosus: & ubi invenitur, lapis, non saxum, est. E reliquis pallidus in cæmento rarò utilis. Globosus, contra injurias fortis, sed ad structuram infidelis, nisi multâ suffrenatione devinctus. Nec certior fluviatilis, semper veluti madens.

L. Remedium est in lapide rubro, æsta-

Tomus VI,

L

te eum eximere, nec ante biennium eum inferere tecto, domitum tempestatibus. Quæ ex eo læsa fuerint, in subterraneâ structurâ aptantur utilius. Quæ restiterint, tutum est vel cælo committere.

LI. Græci e lapide duro, aut silice æquato construunt veluti lateritios parietes. Cùm ita fecerint, isodomon vocant genus structuræ. At cùm inæquali crassitudine structa sunt, pseudisodomon. Tertium est emplecton, tantummodo frontibus politis: reliqua fortuitò collocant. Alternas coagmentationes fieri, ut commissuras antecedentium medii lapides obtineant, necessarium est in medio quoque pariete, si res patitur: si minùs, utique a lateribus. Medios parietes farcire fractis cæmentis, diamicton vocant. Reticulata structura, quâ frequentissimè Romæ struunt, rimis opportuna est. Structuram ad normam & libellam fieri, & ad perpendicularum respondere oportet.

LII. 23. Et cisternas arenæ puræ & asperæ quinque partibus, calcis quàm vehementissimæ duabus construi convenit, fragmentis silicis non excedentibus libras. Ita ferratis vectibus calcari solum, parietesque similiter. Utilius geminas esse, ut in priore vitia considant aquæ, atque per colum in proximam transeat maximè pura aqua.

LIII. Calcem e vario lapide Cato censorius improbat. Ex albo melior. Quæ ex duro, structuræ utilior: quæ ex fistuloso, tectoriis. Ad utrumque damnatur ex sili-ce. Utilior eadem ex effosso lapide, quàm ex ripis fluminum collecto. Utilior e mo-lari, quia est quædam pinguior natura ejus. Mirum, aliquid, postquam arserit, accendi aquis.

LIV. Arenæ tria genera. Fossitia, cui quarta pars calcis addi debet: fluviatili aut marinæ, tertia. Si & testæ tufæ ter-tia pars addatur, melior materia erit. Ab Apennino ad Padum non invenitur fossi-tia, nec trans maria.

LV. Ruinarum Urbis ea maximè causa, quòd furto calcis sine ferrumine suo cæ-menta componuntur. Intrita quoque quò vetustior, eò melior. In antiquarum ædium legibus invenitur, « ne recentiore trimâ » uteretur redemptor ». Ideo nulla tecto-ria eorum rimæ scèdare. Tectorium qui-dem, nisi ter arenato, & bis marmorato inductum est, non satis splendoris habet. Uliginosa, & ubi falsugo vitiat, testaceo sublini utilius. In Græciâ tectoriis etiam arenatum, quod inducturi sunt, prius in mortario ligneis vectibus subigunt. Expe-rimentum marmorati est in subigendo, donec rutro non cohæreat. Contra in al-bario opere, ut macerata calx ceu glut-

num hæreat. Macerari non nisi ex glebâ oportet. In Elide, ædes est Minervæ, in quâ frater Phidiæ Panæus tectorium induxit lacte & croco subactum, ut ferunt: ideoque si teratur in eâ hodieque saliva pollice, odorem croci saporemque reddit.

LVI. Columnæ in æde densius positæ crassiores videntur. Genera earum quatuor. Quæ sextam partem altitudinis in crassitudine imâ habent, Doricæ vocantur: quæ nonam, Ionicæ: quæ septimam, Tuscanicæ. Corinthiis eadem ratio, quæ Ionicis. Et differentia, quoniam capitulis Corinthiarum eadem est altitudo, quæ colligitur crassitudine imâ: ideoque graciliores videntur: Ionici enim capituli altitudo, tertia pars est crassitudinis. Antiqua ratio erat columnarum altitudinis, tertia pars latitudinum delubri. In Ephesiæ Dianæ æde, de quâ prius fuit sermo, primùm columnis spiræ subditæ, & capitula addita. Placuitque altitudinis octava pars in crassitudine, & ut spiræ haberent crassitudinis dimidium, septimæque partes detraherentur summæ crassitudini. Præter has sunt, quæ vocantur Atticæ columnæ, quaternis angulis, pari laterum intervallo.

LVII. 24. Calcis & in medicinâ magnus usus. Eligitur recens, nec adspersa aquis: urit, discutit, extrahit, incipientesque serpere ulcerum impetus coercet. Aceto &

rosaceo temperata perducit ad cicatricem. Luxatis quoque cum adipe suillo, aut li-
quidâ resinâ ex melle medetur: eâdem
compositione & strumis.

LVIII. Maltha e calce fit recenti. Gle-
ba vino restinguitur: mox tunditur cum
adipe suillo & ficu, duplici liniamento: quæ
res omnium tenacissima, & duritiam lapi-
dis antecedens. Quod malthatur, oleo
perfricatur antè.

LIX. Cognata calci res gypsum est. Pla-
ra ejus genera. Nam & e lapide coquitur;
ut in Syriâ ac Thuriis: & e terrâ foditur,
ut in Cýpro, ac Perrhæbis: e summâ tel-
lure & Tymphaicum est. Qui coquitur
lapis, non dissimilis alabastritæ esse de-
bet, aut marmoroso. In Syriâ durissimos
ad id eligunt, coquantque fimo bubulo,
ut celerius urantur. Omnium autem opti-
mum fieri compertum est e lapide specu-
lari, squamamve talem habente. Gypso
madido statim utendum est, quoniam ce-
lerrimè coit: tamen rursus tundi & in fa-
rinam resolvi patitur. Usus gypsi in alba-
riis, sigillis ædificiorum & coronis gratis-
simus. Exemplum illustre, C. Proculeium
Augusti Cæsaris familiaritate subnixum in
maximo stomachi dolore gypso poto,
conscivisse sibi mortem.

LX. 25. Pavimenta originem apud Græ-
cos habent elaborata arte, picturæ ratio-

ne, donec lithostrota expulere eam. Celeberrimus fuit in hoc genere Sosus, qui Pergami stravit quem vocant asaroton œcon, quoniam purgamenta cenæ in pavimento, quæque verri solent, velut relicta, fecerat parvis e tessèrulis tinctisque in varios colores. Mirabilis ibi columba bibens, & aquam umbrâ capitis infuscans. Apricantur aliæ scabentes sese in canthari labro.

LXI. Pavimenta credo primùm facta; quæ nunc vocamus barbarica, atque subtegulanea, in Italiâ fistucis pavita: hoc certè ex nomine ipso intelligi potest. Romæ scalpturatum in Jovis Capitolini æde primum factum est post tertium Punicum bellum initum. Frequentata verò pavimenta ante Cimbricum magnâ gratiâ animorum, indicio est Lucilianus ille versus:

Arte pavimento, atque emblemate vermiculato.

LXII. Subdialia Græci invenere, talibus domos contegentes tractu tepente: sed fallax, ubicumque imbres gelant. Necessarium binas per diversum coassationes substerni, capita earum præfigi ne torqueantur, & ruderi novo tertiam partem testæ tufæ addi: deinde rudus, in quo duæ quintæ calcis misceantur, pedali crassitudine fistucari. Tunc nucleo crasso sex digitos induci, & ex tessèrâ grandi non

minùs altâ duos digitos strui. Fastigium
verò servari in pedes denos fescunciæ :
ac diligenter cote despumare : quernisque
tabulis contabulare. Quæ torquentur , inu-
tilia putant : immo & filicem aut paleam
absterni melius esse , quò minor vis cal-
oris perveniat. Necessarium & globosum
lapidem subjici. Similiter fiunt spicata te-
stacea.

LXIII. Non negligendum est etiam nunc
genus Græcanici. Solo fistucato in-
struitur rudus aut testaceum pavementum :
in spissè calcatis carbonibus inducitur ,
strigulo , calce , ac favillâ mixtis : materia
crassitudine semipedali ad regulam & li-
nellam exigitur , & est forma terrena. Si
verò cote politum est , nigri pavimenti vi-
sum obtinet.

LXIV. Lithostrota acceptavere jam sub
Sullâ : parvulis certè crustis exstat hodie-
que , quod in Fortunæ delubro Præneste
fecit. Pulsa deinde ex humo pavimenta
in cameras transiere , e vitro : novitium
& hoc inventum. Agrippa certè in Ther-
mis , quas Romæ fecit , figlinum opus en-
causto pinxit : in reliquis albaria adorna-
vit : non dubiè vitreas factururus cameras ,
si priùs inventum id fuisset , aut a parie-
tibus scenæ , ut diximus , Scauri , perve-
nisset in cameras. Quamobrem & vitri na-
tura indicanda est.

LXV. 26. Pars est Syriæ, quæ Phœnice vocatur, finitima Judææ, intra montis Carmeli radices paludem habens, quæ vocatur Cendevia. Ex eâ creditur nasci Belus amnis, quinque M. passuum spatio in mare perfluens, juxta Ptolemaidem coloniam. Lentus hic currit, insalubri potu, sed cærimoniis sacer, limosus, vado profundus. Non nisi refuso mari arenas fatetur: fluctibus enim volutatæ nitescent, detritis sordibus. Tunc & marino creduntur adstringi morso, non prius utiles. Quingentorum est passuum non ampliùs litoris spatium, idque tantum multa per sæcula gignendo fuit vitro. Fama est, adpulsâ nave mercatorum nitri, cum sparsi per litus epulas pararent, nec esset cortinis adtollendis lapidum occasio, glebas nitri e nave subdidisse. Quibus accensis permixtâ arenâ litoris, translucens novum liquoris fluxisse rivos, & hanc fuisse originem vitri.

LXVI. Mox, ut est ingeniosa sollertia, non fuit contenta nitrum miscuisse: cœptus addi & magnes lapis: quoniam in se liquorem vitri quoque, ut ferrum, trahere creditur. Simili modo & calculi splendentes multifariam cœpti uri: deinde conchæ, & fossiles arenæ. Auctores sunt, in Indiâ e crystallo fractâ fieri, & ob id nullum comparari Indico. Levibus autem ari-

disque lignis coquitur, addito Cyprio, ac nitro, maximè Ophirio. Continuis fornacibus, ut æs, liquatur, massæque fiunt colore pingui nigricantes. Acies tanta est quacumque, ut citra ullum sensum ad ossa confecet, quidquid adflaverit corporis. Ex massis rursus funditur in officinis, tingiturque. Et aliud flatu figuratur, aliud torno teritur, aliud argenti modo cælatur, Sidone quondam iis officinis nobili: siquidem etiam specula excogitaverat. Hæc fuit antiqua ratio vitri. Jam verò & in Vulturino, mari Italiæ, arena alba nascens, sex M. passuum litore, inter Cumas atque Litternum, quæ mollissima est, pilâ molâque teritur. Dein miscetur tribus partibus nitri pondere vel mensurâ, ac liquata in alias fornaces transfunditur. Ibi fit massa, quæ vocatur ammonitrum: atque hæc recoquitur, & fit vitrum purum, ac massa vitri candidi. Jam verò per Gallias Hispaniasque simili modo arenæ temperantur. Ferunt, Tiberio principe, excogitato vitri temperamento, ut flexibile esset, totam officinam artificis ejus abolitam, ne æris, argenti, auri metallis pretia detraherentur: eaque fama crebrior diu, quàm certior fuit. Sed quid refert? Neronis principatu repertâ vitri arte, quæ modicos calyces duos, quos appellabant pterotos, H. S. sex millibus venderet.

LXVII. In genere vitri & Obsidianæ numerantur, ad similitudinem lapidis, quem in Æthiopiâ invenit Obsidius, nigerriimi coloris, aliquando & translucidi, crassiore visu, atque in speculis parietum pro imagine umbras reddente. Gemmas multi ex eo faciunt: vidimusque & solidas imagines divi Augusti, capti materiæ hujus crassitudine: dicavitque ipse pro miraculo in templo Concordiæ Obsidianos quatuor elephantos. Remisit & Tiberius Cæsar Heliopolitarum cærimoniis repectam ibi in hereditate ejus qui præfuerat Ægypto, Obsidianam imaginem Menelai. Ex quo apparet antiquior materiæ origo, nunc vitri similitudine interpolata. Xenocrates Obsidianum lapidem in Indiâ & in Samnio Italiæ, & ad Oceanum in Hispaniâ nasci tradit. Fit & tincturæ genere Obsidianum, ad escaria vasa, & totum rubens vitrum, atque non translucens, hæmatinon appellatum. Fit & album, & murrhinum, aut hyacinthos saphirosque imitatum, & omnibus aliis coloribus. Nec est alia nunc materia sequacior, aut etiam picturæ accommodatior. Maximus tamen honos candido translucentibus, quàm proximâ crysalli similitudine. Usus verò ad potandum argenti metalla & auri pepulit. Est autem caloris impatiens, ni præcedat frigidus liquor:

cùm additâ aquâ vitreæ pilæ Sole ad-
verso , in tantum excandescant , ut ve-
stes exurant. Fragmenta teporata adgluti-
nantur tantùm : rursus tota fundi non
queunt, præterquam abrupta sibimet. Tin-
guit ars, veluti cùm calculi fiunt, quos
quidam abaculos appellant, aliquos etiam
pluribus modis versicolores. Vitrum sul-
phuri concoctum feruminatur in lapidem.

LXVIII. 27. At peractis omnibus, quæ
constant ingenio , artem naturâ faciente,
succurrit mirari, nihil pæne non igne per-
fici. Ignis accipit arenas, ex quibus alibi
vitrum, alibi argentum, alibi minium,
alibi plumbi genera, alibi pigmenta, alibi
medicamenta fundit. Igne lapides in æs
solvuntur, igne ferrum gignitur, ac do-
matur, igne cremato lapide cæmenta in
tectis ligantur. Alia sæpius uri prodest.
Eademque materia aliud gignit primis igni-
bus, aliud secundis, aliud tertiis. Quan-
do ipse carbo vires habere incipit restin-
ctus, atque interiisse creditus, majoris fit
virtutis. Immensa & improba rerum na-
turæ portio : & in quâ dubium sit plura
absumat, an pariat.

LXIX. Est & ipsis ignibus medica vis.
Pestilentia, quæ Solis obscuratione con-
trahitur, ignis suffitu multiformiter auxi-
liari certum est. Empedocles & Hippo-
crates id demonstravere diversis locis. Ad

convulsa viscera, aut contusa, ut M. Varro: ipsis enim verbis ejus utar: « Lix cinis est, inquit, foci. Inde enim cinis lixivius potus medetur: ut licet videre gladiatores cum deluserunt, hac juvari positione ». Quin & carbunculum genus morbi, quo duos consulares nuper absumptos indicavimus, querneus carbo tritus cum melle sanat. Adeò in rebus damnatis quoque, ac jam nullis, sunt aliqua remedia, ut in carbone ecce & cinere.

LXX. Non præteribo & unum foci exemplum, Romanis literis clarum. Tarquinio Prisco regnante tradunt repentè in foco ejus comparuisse genitale e cinere masculini sexûs, eamque, quæ infederat ibi, Tanaquilis reginæ ancillam Ocrisiam captivam, consurrexisse gravidam. Ita Servium Tullium natum, qui regno successit. Inde & in regiâ cubanti puero caput arsisse visum, creditumque Laris familiaris filium. Ob id Compitalia & ludos Laribus primum instituisse.





LIBER XXXVII.

Gemmæ.

UT nihil instituto operi desit, gemmæ supersunt, & in arctum coacta rerum naturæ majestas, multis nullâ sui parte mirabilior. Tantum tribuunt varietati, coloribus, materiæ, decori, violari etiam signis gemmas nefas ducentes. Aliquas verò extra pretia ulla, taxationemque humanarum opum arbitantes, ut plerisque ad summam absolutamque rerum naturæ contemplationem satis sit una aliqua gemma. Quæ fuerit origo gemmarum, & quibus initiis in tantum admiratio hæc exarserit, diximus quadamtenus in mentione auri anulorumque. Fabulæ primordium a rupe Caucaseâ tradunt: Promethei vinculorum interpretatione fatali: primumque saxi hujus fragmentum inclusum ferro, ac digito circumdatum, hoc fuisse anulum, & hoc gemmam.

II. 1. His initiis cœpit auctoritas in tantum amorem elata, ut Polycrati Samio, severo insularum ac litorum tyranno, fe-

licitatis suæ, quam nimiam fatebatur etiam ipse, satis piamenti in unius gemmæ voluntario damno videretur, si cum fortunæ volubilitate paria faceret: planéque ab invidiâ ejus abundè se redimi putaret, si hoc unum doluisset. Adsiduo ergo gaudio lassus, profectus navigio in altum, anulum mersit. At illum piscis eximiâ magnitudine regi natus, escæ vice raptum, ut faceret ostentum, in culinam domini rursus Fortunæ insidiantis manu reddidit. Sardonychem eam gemmam fuisse constat: ostenduntque Romæ, si credimus, in Concordiæ delubro, cornu aureo Augusti dono inclusam, & novissimum propè locum, tot prælatis, obtinentem.

III. Post hunc anulum regia fama est gemmæ Pyrrhi illius, qui adversus Romanos bellum gessit. Namque habuisse traditur achaten, in quâ novem Musæ & Apollo citharam tenens spectarentur, non arte, sed sponte naturæ ita discurrentibus maculis, ut Musis quoque singulis redderentur insignia. Nec deinde alia, quæ tradatur, magnopere gemmarum claritas existat apud auctores: præterquam Ismeniam choraulem, multis fulgentibusque uti solitum, comitante fabulâ vanitatem ejus, indicante in Cypro rege aureos denarios c. pro smaragdo, in quo fuerat sculpta Amygone, jussisse numerari: & cùm duo

relati essent, imminuto pretio, malè hercules curatum, dixisse: multum enim detractum gemmæ dignitati. Hic videtur instituisse, ut omnes musicæ artis hac quoque ostentatione censerentur, veluti Dionysodorus æqualis ejus & æmulus, ut sic quoque par videretur. Tertius, qui eodem tempore fuit inter musicos, Nicomachus, multas gemmas habuisse traditur, sed nullâ peritiâ electas: sorte quadam his exemplis initio voluminis oblatis adversus istos, qui sibi hanc ostentationem adrogant, ut palam sit eos tibicinum gloriâ tumere.

IV. Polycratis gemma, quæ demonstratur, illibata intactaque est. Ismenix ætate multos post annos, apparet scalpi etiam smaragdos solitos. Confirmat hanc eandem opinionem edictum Alexandri Magni quo vetuit in gemmâ se ab alio scalpi, quàm a Pyrgotele, non dubiè clarissimo artis ejus. Post eum Apollonides & Cronius in gloriâ fuere: quique divi Augusti imaginem similem expressit, quâ postea principes signant, Dioscorides. Sulla dictator traditione Jugurthæ semper signavit. Est apud auctores, & Intercatiensem illum, cujus patrem Scipio Æmilianus ex provocatione interfecerat, pugnx ejus effigie signasse: vulgato Stilonis Præconini sale, « quidnam fuisse acturum eum, si Scipio a patre ejus interemptus esset ». Di-

vus Augustus inter initia Sphinge signavit. Duas in matris anulis, indiscretæ similitudinis, invenerat. Alterâ per bella civilia, absente eo, amici signavere epistolas & edicta, quæ ratio temporum nomine ejus reddi postulabat, non infaceto lepore accipientium, « ænigmata adferre eam » sphingem ». Quinetiam Mæcenatis rana, per collationem pecuniarum in magno terrore erat. Augustus postea ad evitanda convicia sphingis, Alexandri Magni imagine signavit.

V. Gemmas plures, quod peregrino appellant nomine dactyliotheam, primus omnium habuit Romæ privignus Sullæ Scaurus. Diuque nulla alia fuit, donec Pompeius Magnus eam quæ Mithridatis regis fuerat, inter dona in Capitolio dicaret, ut M. Varro aliique ejusdem ætatis auctores confirmant, multum prælatam Scauri. Hoc exemplo Cæsar dictator sex dactyliotheas in æde Veneris Genetricis consecravit: Marcellus, Octaviâ genitus, in Palatinâ Apollinis cellâ unam.

VI. 2. Victoria tamen illa Pompeii primum ad margaritas gemmasque mores inclinavit: sicut L. Scipionis, & Cn. Manlii ad cælatum argentum, & vestes Attalicas, & triclinia ærata: sicut L. Mummi, ad Corinthia & tabulas pictas. Id uti planius noscatur, verba ex ipsis Pom-

peii triumphorum actis subjiciam. Ergo tertio triumpho, quem de piratis, Asiâ, Ponto, gentibusque & regibus in septimo operis hujus volumine indicatis, M. Pisoni, M. Messalâ consulibus, pridie Kalend. Octob. die natalis sui egit, transtulit alveum cum tesseriis lusorium e gemmis duabus latum pedes tres, longum pedes quatuor: (& ne quis de eâ re dubitet, nullâ gemmarum magnitudine hodie propè ad hanc amplitudinem accedente, in eâ fuit Luna aurea pondo xxx.) lectos tricliniarios tres: vasa ex auro & gemmis abacorum novem: signa aurea tria, Minervæ, Martis, & Apollinis: coronas ex margaritis triginta tres: montem aureum quadratum cum cervis & leonibus, & pomis omnis generis, circumdatâ vite aureâ: museum ex margaritis, in cujus fastigio horologium erat; ut & imago Cn. Pompeii e margaritis: illa regio honore grata, illius probi oris venerandique per cunctas gentes, illa, inquam, ex margaritis, severitate victâ, & veriore luxuriâ, quàm triumpho. Profectò inter molles viros durasset cognomen Magni, si primâ victoriâ sic triumphasset. E margaritis, Magne, tam prodigâ re, & feminis repertâ, quam genere te fas non sit, hinc fieri tuos vultus? sic te pretiosum videri? Nonne illa similior tui est imago, quam Pyrenæi jugis

imposuisti? Grave profectò fœdumque probrum erat, ni verius iræ deorum ostentum credi oporteret, claréque intelligi posset, jam tum illud caput, Orientis opibus sine reliquo corpore ostentatum. Cetera triumphî ejusdem quàm virilia! Reipublicæ & quæstoribus, qui oram maris defendissent datum mille talentum: militibus singulis sena millia sestertiûm. Tolerabiliorem tamen fecit causam Caii principis, qui super omnia muliebria, focculos induebat e margaritis: & Neronis principis, qui sceptrâ personis histrionum, & cubilia amatoria unionibus construebat. Quin immo etiam jus videmur perdidisse corripiendi gemmata potoria, & varia supellectilis genera, anulos transeuntes. Quæ enim non luxuria innocentior existimari possit?

VII. Eadem victoria primùm in Urbem murrhina invexit: primusque Pompeius lapides & pocula ex eo triumpho Capitolino Jovi dicavit: quæ protinus ad hominum usum transiere, abacis etiam escariisque vasis inde expetitis. Excrescitque in dies ejus rei luxus, murrhino LXX. talentis empto, capaci planè ad sextarios tres calyce. Potavit ex eo ante hos annos consularis, ob amorem abroso ejus margine, ut tamen injuria illa pretium augeret: neque est hodie murrhini alterius

præstantior indicatura. Idem in reliquis generis ejus quantum voraverit, licet existimare ex multitudine, quæ tanta fuit, ut auferente liberis ejus Nerone Domitio, theatrum peculiare trans Tiberim hortis exposita occuparent: quod a populo impleri canente se, dum Pompeiano præludit, etiam Neroni satis erat. Vidi tunc adnumerari unius scyphi fracta membra, quæ in dolorem, credo, sæculi, invidiamque fortunæ, tamquam Alexandri Magni corpus, in conditorio servari, ut ostentarentur, placebat. T. Petronius consularis moriturus, invidiâ Neronis principis, ut mensam ejus exheredaret, trullam murrhinam trecentis talentis emptam fregit. Sed Nero, ut par erat principem, vicit omnes, c. talentis capidem unam parando. Memoranda res tanti imperatorem patremque patriæ bibisse.

VIII. Oriens murrhina mittit. Inveniuntur enim ibi in pluribus locis, nec insignibus, maximè Parthici regni: præcipua tamen in Carmaniâ. Humorem putant sub terrâ calore densari. Amplitudine nusquam parvos excedunt abacos: crassitudine raro, quantâ dictum est vasi pоторio. Splendor his sine viribus, nitorque veriùs, quàm splendor. Sed in pretio varietas colorum subinde circumagentibus se maculis in purpuram candoremque, & tertium ex utro-

que, ignescente, veluti per transitum coloris, purpurâ, aut rubescente lacteo. Sunt qui maximè in iis laudent extremitates, & quosdam colorum percussus, quales in cælesti arcu spectantur. His maculæ pingues placent: translucere quidquam, aut pallere, vitium est. Item sales, verrucæque non eminentes, sed ut in corpore etiam plerumque sessiles. Aliqua & in odore commendatio est.

IX. Contraria huic causa crystallum facit, gelu vehementiore concreto. Non aliubi certè reperitur, quàm ubi maximè hibernæ nives rigent: glaciemque esse certum est; unde & nomen Græci dedêre. Oriens & hanc mittit, quoniam Indicæ nulla præfertur. Nascitur & in Asiâ, vilissima circa Alabanda, & Orthosiam, finitimisque montibus, item in Cypro: sed laudata in Europæ Alpium jugis. Juba auctor est, & in quadam insulâ Rubri maris ante Arabiam sitâ nasci, quæ Necron vocetur, & in eâ, quæ juxtâ gemmam topazion ferat, cubitalemque effossam a Pythagorâ Ptolemæi regis præfecto. Cornelius Bocchus & in Lusitaniâ nasci perquam mirandi ponderis Ammaensibus jugis, depressis ad libramentum aquæ puteis. Mirum & quod Xenocrates tradit Ephesius, aratro in Asiâ & Cypro excitari. Non enim inveniri in terreno, nec

nisi inter cautes creditum fuerat. Similius vero est, quod idem Xenocrates tradit, torrentibus sæpe deportari. Sudines verò negat nisi ad meridiem spectantibus locis nasci: quod certum est: non enim reperitur in aquosis, quamquam in regione prægelidâ, vel si ad vada usque glacientur amnes. Cælesti humore, parvâque nive id fieri necesse est: ideo caloris impatiens, non nisi frigido potui addicitur. Quare sexangulis nascatur lateribus, non facile ratio inveniri potest: eò magis quòd neque mucronis eadem species est, & ita absolutus est laterum lævor, ut nullâ id arte possit æquari.

X. Magnitudo amplissima adhuc visa nobis erat, quam in Capitolio Livia Augusta dicaverat, librarum circiter quinquaginta. Xenocrates auctor est, vas amphorale visum: & aliqui, ex Indiâ crystalum sextariorum quatuor. Nos liquidò adfirmare possumus, in cautibus Alpium nasci, atque adedò inviis, ut plerumque fune pendentes eam extrahant. Peritis signa & indicia nota sunt. Infestantur plurimis vitis: scabro ferrumine, maculosâ nube; occultâ aliquâ vomicâ, præduro fragilique centro: item sale appellato. Est & rufa aliquibus rubigo: aliis capillamentum rimæ simile. Hoc artifices cælaturâ occultant. Quæ verò sine vitio sunt, pura esse ma-

lunt, acenteta appellantes, nec spumæ colore, sed limpidæ aquæ. Postremò auctoritas in pondere est. Invenio medicos, quæ sunt urenda corporum, non aliter utiliùs id fieri putare, quàm crySTALLINÀ PILÀ adversis positâ Solis radiis. Alius hic furor, H-S. CL. M. trullam unam non ante multos annos mercatam a matre familias, nec divite. Idem Nero amissarum rerum nuntio accepto, duos calyces crySTALLINOS in supremâ irâ fregit illisos. Hæc fuit ratio sæculum suum punientis, ne quis alius ex his biberet. Fragmenta sarciri nullo modo queunt. Mirè ad similitudinem adcessere vitrea, sed prodigii modo, ut suum pretium auxerint crySTALLI, non diminuerint.

XI. Proximum locum in deliciis, feminarum tamen adhuc tantùm, succina obtinent: eamdemque omnia hæc, quam gemmæ, auctoritatem, sanè majorem aliquibus de causis crySTALLINA & murrhina, rigidi potùs utraque. In succinis causam ne deliciæ quidem adhuc excogitaverunt. Occasio est vanitas Græcorum diligentia. Legentes modò æquè perpetiantur me de ortu eorum, cùm hoc quoque intersit vitæ, scire posteros quidquid illi prodidere mirandum. Phaethontis fulmine isti fores fletu mutatas in arbores populos, lacrimis electrum omnibus annis fundere

juxta Eridanum amnem, quem Padum vocamus: & electrum appellatum, quoniam Sol vocitatus sit Elector, plurimi poetæ dixere, primique ut arbitror, Æschylus, Philoxenus, Nicander, Euripides, Satyrus. Quod esse falsum, Italiæ testimonio patet. Diligentiores eorum, Electridas insulas in mari Adriatico esse dixerunt, ad quas dilaberetur Padus. Quâ appellatione nullas umquam ibi fuisse, certum est: nec verò ullas ibi adpositas esse, in quas quidquam cursu Padi devehi possit. Nam quod Æschylus in Iberiâ, hoc est, in Hispaniâ, Eridanum esse dixit, eundemque appellari Rhodanum, Euripides rursus, & Apollonius in Adriatico litore confluere Rhodanum & Padum, faciliorem veniam facit ignorati succini, in tantâ orbis ignorantia. Modestiores, sed æquè falsum prodidere, in extremis Adriatici sinûs rupibus inviis arbores stare, quæ Canis ortu hanc effunderent gummim. Theophrastus in Liguriâ effodi dixit. Chares verò Phaethontem in Æthiopiâ Hammonis obiisse, ob id delubrum ibi esse atque oraculum, electrumque gigni. Philemon fossile esse, & in Scythiâ erui duobus locis: candidum atque cerei coloris, quod vocaretur electrum: in alio loco fulvum, quod appellaretur subalternicum. Demonstratus lyncurion id vocat, & fieri ex uri-

nâ lyncum bestiarum, e maribus fulvum & igneum, e feminis languidius atque candidum. Alii dixere langurium, & esse in Italiâ bestias langurias. Zenothemis langas vocat easdem, & circa Padum iis vitam adsignat. Sudines arborem quæ gignat in Liguriâ. In eâdem sententiâ & Metrodorus fuit. Sotacus credidit in Britannîâ petris effluere, quas electridas vocat. Pytheas Guttonibus, Germaniæ genti, adcoli æstuarium Oceani, Mentonomon nomine, spatio stadiorum sex millium: ab hoc diei navigatione insulam abesse Abalum: illuc vere fluctibus advehi, & esse concreti maris purgamentum: incolas pro ligno ad ignem uti eo, proximisque Teutonis vendere. Huic & Timæus credidit, sed insulam Basiliam vocavit. Philemon ait flammam ab electro reddi. Nicias Solis radiorum succum intelligi voluit. Hos circa occasum credit vehementiores interram actos, pinguem sudorem in eâ parte Oceani relinquere, deinde æstatibus in Germanorum litora ejici. Et in Ægypto nasci simili modo, & vocari Sacal: item in Indiâ, gratiusque thure esse Indis. In Syriâ quoque feminas verticillos inde facere: & vocare harpaga, quia folia & paleas, vestiumque fimbrias rapiat. Theochrestus Oceano id exæstuante ad Pyrenæi promontoria ejici: quod & Xenocra-

tes credidit, qui de iis nuperrimè scripsit. Vivit adhuc Afarubas, qui tradidit juxta Atlanticum mare esse lacum Cephisiada, quem Mauri vocant Electrum. Hunc Sole excoactum e limo dare electrum fluitans. Mnaseas Africæ locum Sicyonem appellat, & Crathin amnem in Oceanum effluentem e lacu, in quo aves, quas Meleagridas & penelopas vocat: & vere ibi nasci, ratione eadem, quâ suprâ dictum est de Electride lacu. Theomenes, juxta Syrtim magnam hortum Hesperidum esse, ex quo in stagnum cadat, colligi verò a virginibus Hesperidum. Ctesias Indis flumen esse Hypobarum, quo vocabulo significetur omnia in se ferre bona: fluere a Septemtrione in exortivum Oceanum juxta montem silvestrem, arboribus electrum ferentibus. Arbores eas siptachoras vocari, quâ appellatione significetur prædulcis suavitas. Mithridates in Germaniæ litoribus esse insulam, vocarique eam Oserictam, cedri genere silvosam: inde defluere in petras. Xenocrates non succinum tantum in Italiâ, verum etiam thyon vocari, a Scythis verò sacrium, quoniam & ibi nascatur. Alios putare in Numidiâ gigni. Super omnes est Sophocles tragicus poeta, quod equidem miror tantâ gravitate cothurni, & præterea vitæ famâ, aliàs principe loco genitus Athenis, rebus

gestis, exercitu ducto. Hic ultra Indiam fieri dixit e lacrimis Meleagridum avium Meleagrum deflentium. Quod & credidisse eum, vel sperasse aliis persuaderi posse, quis non miretur? quamve pueritiam tam imperitam posse reperiri, quæ avium ploratus annuos credat, lacrimasve tam grandes, avesque e Græciâ, ubi Meleager periit, ploratum isse in Indos? Quid ergo? non multa æquè fabulosa produnt poetæ? Sed hoc eâ in re, quæ quotidie inveniatur atque abundet, & hoc mendacium coarguat, seridè quemquam dixisse, summa hominum contemptio est, & intoleranda mendaciorum impunitas.

3. Certum est gigni in insulis Septentrionalis Oceani, & a Germanis appellari glessum: itaque & a nostris unam insularum ob id Glessariam appellatam, Germanico Cæsare ibi classibus rem gerente, Austraviam a barbaris dictam. Nascitur autem defluente medullâ pinei generis arboribus, ut gummi in cerasis, resinâ pinis. Erumpit humoris abundantia: densatur rigore vel tepore autumnali. Cùm intumescens æstus rapuit ex insulis, certè in litora expellitur, ita volubile, ut pendere videatur, atque considerare in vado. Arboris succum esse prisca nostri credere, ob id succinum appellantes. Pineæ autem arboris esse indicio est pineus in

adtritū odor, & quòd accensum tēdæ modo ac nidore flagret. Adfirmatur a Germanis ideo maximè adpetitam provinciam: & inde Veneti primū, quos Græci Enetos vocabant, famam rei fecere proximæ Pannoniæ, id accipientes circa mare Adriaticum. Pado verò adnexæ fabulæ videtur causa, hodieque Transpadanorum agrestibus feminis, monilium vice succina gestantibus, maximè decoris gratiâ, sed & medicinæ: quando tonsillis creditur resistere, & faucium vitiis, vario genere aquarum juxtâ infestante guttura ac vicinas carnes. Sexcentis fere M. pass. a Carnunto Pannoniæ abest litus id Germaniæ, ex quo invehitur, percognitum nuper. Vidit enim eques Romanus, missus ad id comparandum a Juliano curantē gladiatorium munus Neronis principis, qui hæc commercia & litora peragravit, tantâ copiâ invectâ, ut retia arcendis feris podium protegentia succino nodarentur: arma verò, & libitina, totusque unius diei apparatus esset e succino. Maximum pondus is glebæ adtulit XIII. librarum. Nasci & in Indiâ certum est. Archelaus, qui regnavit in Cappadociâ, illinc pineo cortice inhærente tradit advehi rude, polirique adipe suis lactentis incoctum. Liquidum primò destillare, argumento sunt quædam intus translucentia, ut formicæ, aut

culices, lacertæque, quas adhæsisse musteo non est dubium, & inclusas indurescenti.

XII. Genera ejus plura. Candida odoris præstantissimi. Sed nec his, nec cereis pretium. Fulvis major auctoritas. Ex iis etiamnum amplior translucentibus, præterquam si nimio ardore flagrent: imaginemque igneam inesse, non ignem, placet. Summa laus Falernis a vini colore dictis, molli fulgore perspicuis. Sunt & in quibus decocti mellis lenitas placeat. Verum hoc quoque notum fieri oportet, quocumque libeat, tingui, hœdorum sevo, & anchusæ radice: quippe etiam conchylio inficiuntur. Ceterum adritu digitorum acceptâ caloris animâ trahunt in se paleas ac folia arida, quæ levia sunt; ut magnes lapis, ferrum. Ramenta quoque succini oleo addita flagent dilucidius diutiùsque, quàm lini medulla. Taxatio in deliciis tanta, ut hominis quamvis parva effigies, vivorum hominum vigentiumque pretia superet, prorsus ut castigatio una non sit satis. In Corinthiis æs placet auro argentoque mixtum, in cælatis ars & ingenia. Murrhinorum & crySTALLINORUM diximus gratiam: uniones, quòd capite circumferuntur, gemmæ digitis: in omnibus denique aliis vitiis ostentatio aut usus placet: in succinis

deliciarum tantum conscientia. Domitius Nero in ceteris vitæ suæ portentis, capillos quoque conjugis suæ Poppææ in hoc nomen adoptaverat, quodam etiam carmine succinos appellando. Et quoniam nullis vitiis defunt pretiosa nomina, ex eo tertius quidam hic colos cœpit expecti a matronis. Usus tamen succinorum invenitur aliquis in medicinâ: sed non ob hoc feminis placent. Infantibus adalligari amuleti ratione prodest. Callistratus & cuicumque ætati contra lymphationes prodesse tradit, & urinæ difficultatibus potum, adalligatumque. Hic & differentiam novam adtulit appellando chryselectrum, quasi coloris aurei, & matutinò gratissimi aspectûs, rapacissimum ignium, & si juxtâ fuerint, celerrimè ardescens. Hoc collo adalligatum, mederi febribus & morbis: tritum cum melle ac rosaceo, aurium vitiis: & si cum melle Attico conteratur, oculorum quoque obscuritatibus. Stomachi etiam vitiis vel per se farina ejus sumpta, vel cum mastiche ex aquâ pota. Succina etiam gemmis, quæ sunt translucentæ, adulterandis magnum habent locum, maximè amethystis, cum omni, ut diximus, colore tinguntur.

XIII. De lyncurio proximè dici cogit auctorum pertinacia. Quippe etiam, si non electrum id esset, lyncurium tamen gem-

mam esse contendunt. Fieri autem ex urina quidem lyncis, sed egestam terrâ protinus bestiam operiente eam, quoniam invideat hominum usui. Esse autem qualem in igneis succinis, colorem, scalpique. Nec folia tantum aut stramenta ad se rapere, sed æris etiam ac ferri laminas, quod Dioctes quidem & Theophrastus credit. Ego falsum id totum arbitror, nec visum in ævo nostro gemmam ullam eâ appellatione, & quod de medicinâ simul proditur, calculos vesicæ eo poto elidi, & morbo regio occurrere, si ex vino bibatur, aut si portetur etiam.

XIV. Nunc gemmarum confessa genera dicemus, a laudatissimis orsi. Nec verò id solum agemus, sed ad majorem utilitatem vitæ obiter coarguetur magorum infanda vanitas, quando illi vel plurima prodidere de gemmis, medicinæ ex his blandâ specie prodigia transgressi.

XV. 4. Maximum in rebus humanis, non solum inter gemmas, pretium habet adamas, diu non nisi regibus & iis admodum paucis cognitus, auri modo in metallis repertus, perquam rarò: comes auri, nec nisi in auro nasci videbatur. Veteres eum in Æthiopum tantum metallis inveniri existimavere, inter delubrum Mercurii, atque insulam Meroen: dixeruntque non ampliorem cucumis semine, aut co-

lore dissimilem inveniri. Nunc genera ejus sex noscuntur : Indici , non in auro nascentis , sed quadam crystalli cognatione. Siquidem & colore translucido non differt , & laterum sexangulo lævore turbatus in mucronem : aut duabus contrariis partibus , ut si duo turbines latissimis suis partibus jungantur : magnitudine verò etiam avellanæ nuclei. Similis est huic quidem Arabicus , minor tantum , similiter & nascens : ceteris pallor argenti , & in auro non nisi excellentissimo , natalis. Incudibus hi deprehenduntur , ita respuentes ictum , ut ferrum utrimque disfuldet , incudesque etiam ipsæ dissiliant. Quippe duritia inenarrabilis est , simulque ignium victrix natura , & numquam incallescens. Unde & nomen indomita vis Græcâ interpretatione accepit. Unum ex iis vocant cenchron , quod est milii magnitudine. Alterum Macedonicum in Philipico auro repertum : & hic est cucumis femini par. Post hos Cyprius vocatur in Cypro repertus , vergens in aerium colorem , sed in medicinâ , ut dicemus , efficacissimus. Post hunc est siderites ferrei splendoris , pondere ante ceteros , sed naturâ dissimilis. Nam & ictibus frangitur , & alio adamante perforari potest : quod & Cyprio evenit : breviterque , ut degeneres , nominis tantum auctoritatem

habent. Idque, quod totis voluminibus his docere & mandare conati sumus, de discordiâ rerum concordîâque, quam antipathiam ac sympathiam appellavere Græci, non aliter clariùs intelligi potest. Si quidem illa invicta vis duarum violentissimarum naturæ rerum ferri ignisque contemptrix, hircino rumpitur sanguine, neque aliter quàm recenti calidoque macerata, & sic quoque multis ictibus: tunc etiam, præterquam eximias, incudes maleosque frangens. Cujus hoc ingenio inventum? quove casu repertum? aut quæ fuit conjectura experiendi rem immensi secreti, & in fœdissimo animalium? Numinum profectò muneris talis inventio omnis est. Nec quærenda in ullâ parte naturæ ratio, sed voluntas. Et cùm feliciter rumpere contigit, in tam parvas frangitur crustas, ut cerni vix possint. Expetuntur a sculptoribus, ferroque includuntur, nullam non duritiam ex facili cavantes. Adamas dissidet cum magnete lapide in tantum, ut juxtâ positus ferrum non patiatur abstrahi: aut si admotus magnes adprehenderit, rapiat, atque auferat. Adamas & venena irrita facit, & lymphationes abigit, metusque vanos expellit a mente: & ob id quidam eunaciten vocavere. Metrodorus Scepsius, in eâdem Germaniâ & Basiliâ insulâ nasci, in

quâ & succinum, quod equidem legerim, solus dicit: & præfert Arabicis: quod falsum esse quis dubitet?

XVI. Proximum apud nos Indicis Arabicisque margaritis pretium est, de quibus in nono diximus volumine inter res marinas.

5. Tertia auctoritas smaragdis perhibetur pluribus de causis. Nullius coloris aspectus jucundior est. Nam herbas quoque virentes frondesque avidè spectamus: smaragdos verò tantò libentiùs, quoniam nihil omnino viridius comparatum illis vi-
ret. Præterea soli gemmarum contuitu oculos implent, nec satiant. Quin & ab intentione aliâ obscurata, aspectu smaragdi recreatur acies. Scalpentibusque gemmas non alia gratior oculorum refectio est: ita viridi lenitate lassitudinem mulcent. Præterea longinquo amplificantur visu, inficientes circa se repercussum aera: non Sole mutati, non umbrâ, non lucernis, semperque sensim radiantes, & visum admittentes, ad crassitudinem sui facilitate translucidâ: quod etiam in aquis nos juvat. Iidem plerumque & concavi, ut visum colligant. Quapropter decreto hominum iis parcitur, scalpi vetitis. Quamquam Scythicorum Ægyptiorumque duritia tanta est, ut nequeant vulnerari. Quorum verò corpus extensum est, eâdem,

M v

quâ specula, ratione supini imagines rerum reddunt. Nero princeps gladiatorum pugnas spectabat smaragdo.

XVII. Genera eorum duodecim: nobilissimi Scythici, ab eâ gente, in quâ reperiuntur, appellati. Nullis major austeritas, nec minùs vitii. Et quantum smaragdi a gemmis distant, tantum Scythicia ceteris smaragdis. Proximam laudem habent, sicut & sedem, Bactriani, quos in commissuris saxorum colligere dicuntur Etesiis flantibus. Tunc enim, tellure tersâ, nitent, quia iis ventis maximè arenæ moventur. Sed hos minores multò Scythicis esse tradunt. Tertium locum Ægyptii habent, qui eruuntur circa Copton oppidum Thebaidis in collibus, ex cautibus. Reliqua genera in metallis ærariis inveniuntur. Quapropter principatum ex iis Cyprii obtinent: dosque eorum est nec in colore liquido, nec diluto, verum ex humido pingui, quâque perspicitur, imitante translucidum maris: pariterque translucen-tem colorem expellit, & aciem reficit. Ferunt in eâ insulâ tumulo reguli Hermiæ, juxta cetarias, marmoreo leoni fuisse inditos oculos ex smaragdis, ita radiantibus etiam in gurgitem, ut territi refugerent thynni, diu mirantibus novitatem piscatoribus, donec mutavere oculis gemmas.

XVIII. Sed & vitia demonstrari oportet.

tet in tam proclivi erratu. Sunt quidem omnium eadem. Quædam tamen nationum peculiaria, sicut in homine. Ergo Cyprii variè glauci, magisque ac minùs in eodem smaragdo aliis partibus tenorem illum Scythicæ austeritatis non semper custodiunt. Ab hoc quibusdam intercurrit umbra, surdusque fit colos, qui improbat, etiam dilutior. Hinc genera distinguuntur. Sunt aliqui obscuri, quos vocant cæcos: alii densi, nec e liquido translucidi: quidam variâ nubeculâ improbat. Aliud est hoc, quàm umbra, de quâ diximus. Nubecula enim albicantis est vitium, cùm viridis non pertransit aspectus, sed aut intus occurrit, aut excipit in fine visum candor. Hæc coloris vitia: illa corporis, capillamentum, sal, plumago. Ab iis Æthiopici laudantur à Copto dierum trium itinere, ut auctor est Juba, alacriter virides, sed non facilè puri aut concolores. Democritus in hoc genere ponit Hermeos, & Persicos: illos extumescentes: Persicos verò non translucidos, sed jucundi tenoris, visum implere, quem non admittant, felium pantherarumque oculis similes: namque & illos radiare, nec perspici. Eosdem in Sole hebetari: in umbrâ refulgere, & longiùs, quàm ceteros, nitere. Omnium horum etiamnum vitium, quòd fellis colorem, aut æris habet.

In Sole dilucidi quidem ac liquidi, sed non virides. Hæc vitia & Atticis maximè sentiuntur, in argentariis metallis repertis, in loco qui Thoricos vocatur; semper minùs pingues, & e longinquo speciosiores. Frequens & iis plumbago, hoc est, ut in solo plumbei videantur. Illud peculiare, quod quidam ex iis senescunt, paulatim viriditate evanidâ, & Sole læduntur. Post hos Medici plurimùm varietatis habent, interdum & e sapphiro. Ii sunt fluctuosi, ac rerum imagines complexi, ut verbi gratiâ papaverum, aut avium, pinnarumque vel capillorum, aut similium. Qui non omnino virides nascuntur, vino & oleo meliores fiunt, neque est aliorum magnitudo amplior.

Calchedonii nescio an in totum exoleverint, postquam metalla æris ibi defecerunt: & semper tamen viles fuere minimique. Iidem fragiles, sed colore incerti, & virentium in caudis pavonum columbarumque collo plumis similes, ad inclinationem magis aut minùs lucidi, venosi quidem squamosique. Peculiare erat in his vitium sarcion appellatum: hoc est, quædam gemmæ caro. Mons juxta Calchedonem, in quo legebantur, Smaragdites vocatus est. Juba est auctor, smaragdum, quem cholan vocant, in Arabiâ ædificiorum ornamentis includi, & lapi-

dem quem alabastriten *Ægyptii* vocant. Complures verò e proximo, *Laconicos* in *Taygeto* monte erui, *Medicis* similes, & alios in *Siciliâ*.

XIX. Inferitur *smaragdis* & quæ vocatur *tanos*, e *Persis* veniens *gemma*, ingratè *viridis*, atque intus *sordida*. Item *chalcosmaragdos* e *Cypro*, turbida *æreis* venis. *Theophrastus* tradit in *Ægyptiorum* commentariis reperiri, regi eorum a rege *Babylonio* missum *smaragdum* munere *iv. cubitorum* longitudine, & trium latitudine. Et fuisse apud eos in *Jovis* delubro *obeliscum* e *iv. smaragdis*, *xl. cubitorum* longitudine, latitudine verò in parte quatuor, in parte duorum. Se autem scribente, esse in *Tyro* *Herculis* templo stantem pilam e *smaragdo*, nisi potius *pseudosmaragdus* sit. Nam & hoc genus reperiri, & in *Cypro* inventum ex dimidiâ parte *smaragdum*, ex dimidiâ *iaspidem*, nondum humore in totum transfigurato. *Apion* cognominatus *Plistonices*, paulo antè scriptum reliquit, esse etiam nunc in labyrintho *Ægypti* colosseum *Serapin* e *smaragdo* novem cubitorum.

XX. Eamdem multis naturam aut certè similem habere *berylli* videntur. *India* eos gignit, rarò alibi repertos. Poliuntur omnes *sexangulâ figurâ* artificum ingeniis, quoniam hebescent, ni color *surdus* re-percussu *angulorum* excitetur. Aliter enim

278 *C. PLINII NATUR.*

politi non habent fulgorem eundem. Probatissimi sunt ex iis, qui viriditatem puri maris imitantur. Proximi, qui vocantur chrysoberylli, & sunt paulo pallidiores, sed in aureum colorem exeunte fulgore. Vicinum genus huic est pallidius, & a quibusdam proprii generis existimatur, vocaturque chrysoprasus. Quarto loco numerantur hyacinthizontes. Quinto, quos aeroides vocant. Post eos autem cerini: ac deinde oleagini, hoc est, colore olei. Postremi crystallis fere similes. Hi capillamenta habent, sordesque: alioqui evanidi: quæ sunt omnium vitia. Indi mirè gaudent longitudine eorum, solosque gemmarum esse prædicant, qui carere auro malint: ob id perforatos elephantorum setis religant. Aliis convenit non oportere perforari, quorum sit absoluta bonitas, umbilicis tantum ex auro capita comprehendentibus. Ideo cylindros ex iis facere malunt, quàm gemmas, quoniam est summa commendatio in longitudine. Quidam & angulosos putant statim nasci, & perforatos gratiores fieri medullâ candoris exemptâ, additoque auro repercussâ, aut omnino castigatâ, causâ perspicuitatis, crassitudine. Vitia, præter jam dicta, eadem fere, quæ in smaragdis, & pterygia. In nostro orbe aliquando circa Pontum inveniri putantur. Indi & alias quidem gemmas cry:

stallum tinguendo adulterare reppererunt, sed præcipuè beryllos.

XXI. Plurimùm ab iis differunt opali, smaragdis tamen cedentes. India sola & horum est mater. Atque in pretiosissimarum gemmarum gloriâ compositi, maxime inenarrabilem difficultatem dederunt. Est enim in iis carbunculi tenuior ignis, est amethysti fulgens purpura, est smaragdi virens mare, & cuncta pariter incredibili mixturâ lucentia. Alii summo fulgoris augmento, colores pigmentorum æquavere: alii sulphuris ardentem flammam, aut etiam ignis oleo accensi. Magnitudo nucem avellanam æquat, insigni apud nos historiâ. Siquidem exstat hodieque hujus generis gemma, propter quam ab Antonio proscriptus Nonius senator est, filius Strumæ Nonii ejus, quem Q. Catullus poeta in sellâ cûruli visum indignè tulit, avusque Servilii Noniani, quem consulem vidimus: ille proscriptus fugiens, hunc e fortunis suis omnibus anulum abstulit secum, quem certum est sestertiûm viginti millibus æstimatum. Sed mira Antonii feritas atque luxuria, propter gemmam proscribentis: nec minor Nonii contumacia, proscriptionem suam amantis, cùm etiam feræ abrosas partes corporis relinquunt, propter quas se periclitari sciant.

XXII. Vitia opali, si color in florem

herbæ, quæ vocatur heliotropium, exeat, aut cryſtallum, aut grandinem: ſi ſal interveniat aut ſcabritia, aut puncta oculis occuſantia: nullosque magis India ſimilitudine indiſcretâ vitro adulterat. Experimentum in Sole tantum. Falsis enim contra radios libratis, digito ac pollice, unus atque idem tranſlucet colos in ſe conſumptus. Veri fulgor ſubinde variat, & plus huc illucque ſpargit, & fulgor lucis in digitos funditur. Hanc gemmam propter eximiam gratiam plerique appellavere pæderota. Sunt & qui privatum genus ejus faciunt, ſangenonque ab Indis vocari dicunt. Tradunt naſci & in Ægypto, & in Arabiâ, & viliffimum in Ponto: item in Galatiâ, ac Thaſo, & Cypro. Quippe opali gratiam habet: ſed mollius nitet, rarò non ſcaber. Summa coloris ex aere & purpurâ conſtat: viriditas ſmaragdi deeſt. Conſtatque melior ille, cujus fulgor vini colore fuſcatur, quàm qui diluitur aquâ.

XXIII. Haſtenus de principatu convenit, mulierum maximè ſenatusconſulto. Minùs certa ſunt, de quibus & viſi judicant. Singulorum enim libido ſingulis pretia facit, & præcipuè regum. Claudius Cæſar ſmaragdos induebat, & ſardonychas. Primus autem Romanorum ſardonychæ uſus eſt prior Africanus, ut in hiſtoriâ

tradit Demostratus, & inde Romanis hanc gemmam fuisse celeberrimam. Quamobrem proximum ei dabimus locum.

Sardoniches olim, ut ex nomine ipso apparet, intelligebantur candore in sardâ, hoc est, velut carnibus ungue hominis imposito, & utroque translucido. Tales esse Indicas tradunt, Ismenias, Demostratus, Zenothemis, Sotacus: hi quidem duo reliquas omnes, quæ non transluceant, cæcas appellantes, quæ nunc nomen abstulere. Nullo Sardarum vestigio Arabicæ sunt: cœperuntque pluribus hæ gemmæ coloribus intelligi, radice nigrâ, aut cæruleum imitante, & ungue minium, creditum candido pingui, nec sine quadam spe purpuræ candore in minium transfunte. Has Indis non habitas in honore Zenothemis scribit: tantæ aliàs magnitudinis, ut inde capulos facitarent. Etenim constat ibi torrentibus detegi. Et placuisse in nostro orbe initio, quoniam solæ propè gemmarum sculptæ ceram non auferrent. Persuasimus deinde & Indis, ut ipsi quoque iis gauderent. Utiturque perforatis utique vulgus, tantum in collo. Et hoc est nunc Indicarum argumentum. Arabicæ excellunt candore circuli præluendo atque non gracili, neque in recessu gemmæ, aut in dejectu renidente, sed in ipsis umbonibus nitente, præterea substra-

to nigerrimo colore. Et hoc in Indicis cereum aut corneum invenitur, etiam circuli albi : quædam in iis cælestis arcûs anhelatio est. Superficies verò locustarum maris crustis rubentior. Jam melleæ, aut fæculentæ, (hoc enim nomen est vitio) improbantur : & si zona alba fundat se, non colligat. Simili modo, si ex alio colore in se admittat aliquid enormiter. Nihil enim in suâ sede alieno interpellari placet. Sunt & Armeniacæ, ceterò probandæ, sed pallidâ zonâ.

XXIV. Exponenda est & onychis ipsius natura, propter nominis societatem : hoc in gemmam transiit a lapide Carmanîæ. Sudines dicit in gemmâ esse candorem unguis humani similitudine : item chrysolithi colorem, fardæ, & iaspidis. Zenothemis Indicam onychem plures habere varietates, igneam, nigram, corneam, cingentibus candidis venis oculi modo, intervenientibus quarundam & obliquis venis. Sotacus & Arabicam tradit : sed eam a ceteris distare, quòd Indica igniculos habeat, albis cingentibus zonis singulis, pluribusve, aliter quàm in fardonyche Indicâ. Illic enim momentum esse, hîc circum. Arabicas onychas nigras inveniri candidis zonis. Satyrus carnosas esse Indicas, parte carbunculi, parte chrysolithi, & amethysti, totumque id genus abdicat.

Veram autem onychem plurimas variasque cum lacteis zonis habere venas, omnium in transitu colore inenarrabili, & in unum redeunte concentum, suavitate gratâ. Nec sardæ natura differenda est, dividuæ ex eodem nomine: obiterque ardentium gemmarum indicanda.

XXV. 7. Principatum habent carbunculi, a similitudine ignium appellati, cum ipsi non sentiant ignes ob id a quibusdam acausti vocati. Horum genera, Indici, & Garamantici, quos & Carchedonios vocant, propter opulentiam Carthaginis magnæ. Adjiciunt Æthiopicos & Alabandicos, in Orthosiâ caute nascentes, sed qui perficiantur Alabandis. Præterea in omni genere masculi appellati acrius, at feminae languidius refulgentes. In masculis quoque observant liquidioris alios flammæ, nigrioris alios, & quosdam ex alio lucidos, ac magis ceteris in Sole flagrantés. Optimos verò amethystizontas, hoc est, quorum extremus igniculus in amethysti violam exeat: proximos illis, quos vocant sititas, innato fulgore radiantes. Inveniri autem ubicumque, maximè Solis percussu. Satyrus Indicos non esse claros dicit, ac plerumque sordidos ac semper fulgoris horridi: Æthiopicos pingues, lucemque non emittentes, aut fundentes, sed convoluto igne flagrare.

Callistratus fulgorem carbunculi debere candidum esse positi, extremo visu nubilantem: si adtollatur, exardescentem: ob id a plerisque hunc carbunculum candidum vocari. Qui languidiùs ac lividiùs ex Indicis lucent, lithizontas appellari. Carchedonios multò minores esse: Indicos etiam in sextarii unius mensuram cavari. Archelaus, Carchedonios nigrioris aspectus esse, sed igne, vel Sole, & inclinatione acriùs, quàm ceteros, excitari. Eosdem umbrante tecto purpureos videri, sub cælo flammeos, contra radios Solis & scintillare: ceras signantibus his liquefcere, quamvis in opaco. Multi Indicos Carchedoniis candidiores esse, & e diverso inclinatione hebetari scripsere: etiamnum in Carchedoniis maribus stellas intus ardere, feminas fulgorem universum fundere extra se. Alabandicos ceteris nigriores esse scabrosque. Nascuntur & in Thraciâ coloris ejusdem, ignem minimè sentientes. Theophrastus auctor est, & in Orchomeno Arcadiæ inveniri, & in Chio. Illos nigriores, e quibus & specula fieri. Esse & Træzenios varios intervenientibus maculis albis: item Corinthios, & pallidiores, & candidos. Massiliâ quoque importari Bocchus, & in Olisiponensi erui scripsit, magno labore, ob argillam Sole adustis saltibus.

XXVI. Nec est aliud difficilius, quàm discernere hæc genera: tanta est in eis occasio artis, subditis per quæ translucere cogantur. Aiunt ab Æthiopibus hebetiores in aceto maceratos quatuordecim diebus nitescere, totidem mensibus durante fulgore. Adulterantur vitro simillimè, sed cote deprehenduntur, sicut aliæ gemmæ factitiæ: mollior enim materia, & fragilis: & centrosâ scobe deprehenduntur, & pondere, quod minus est vitreis: aliquando & pustulis argenti modo relucen-
tibus.

XXVII. Est & anthracitis appellata in Thesprotiâ fossilis, carbonibus similis. Falsum arbitror, quod & in Liguriâ nasci tradiderunt, nisi fortè tunc nascebantur. Esse in iis & præinctæ candidâ venâ traduntur: harum igneus color, ut superiorum est: peculiare quidem, quòd jactatæ in ignem velut intermortuæ extinguuntur, contrà aquis perfusæ exardescunt.

XXVIII. Cognata est huic sandaresus; quam aliqui Garamantiten vocant: nascitur in Indiâ, loco ejusdem nominis. Gignitur & in Arabiâ ad meridiem versâ. Commendatio summa, quòd velut in translucido ignis obtentus, celantesque se transfulgent aureæ guttæ, semper in corpore, numquam in cute. Accedit religio narrata, a siderum cognatione, ab inspectori-

bus, quoniam fere stellarum Hyadum & numero & dispositione stellantur, ob id Chaldæis in cærimoniis habitæ. Et hîc mares austeritas distinguit, quodam vigore adposita tinguens. Indicæ quidem etiam hebetare visus dicuntur. Blandior feminis flamma: alliciens magis, quàm accendens. Sunt qui præferant Arabicas Indicis, fumidoque chrysolitho illas similes dicant. Ismenias verò negat poliri sandareson, propter teneritatem, & ob id in magno errore sunt, qui sandaricas vocent. Inter omnes constat, quantum numero stellarum accedat, tantum & pretio accedere. Adfert errorem aliquando similitudo nominis, sandasel, quod Nicander sandareson vocat, alii sandareson. Quidam verò hanc sandastron, illam sandaresum: in Indiâ nascentem illam quoque, & loci nomen custodientem: mali colore, aut olei viridis, omnibus improbatam.

XXIX. Ex eodem genere ardentium, lychnis appellata a lucernarum accensu, tamen præcipuæ gratiæ. Nascitur circa Orthosiam, totâque Cariâ, ac vicinis locis: sed probatissima in Indis, quam quidam remissiorem carbunculum esse dixerunt. Secunda bonitate similis est Ionia, appellata a prælatis floribus. Et inter has invenio differentiam: unam quæ purpurâ radiat: alteram quæ cocco: a Sole ex-

calfactas, aut digitotum adtritu, paleas, & chartarum folia ad se rapere.

XXX. Hoc idem & Carchedonius facere dicitur, quamquam multò vilior prædictis. Nascitur apud Nasamonas in montibus, ut incolæ putant, imbre divino. Invenitur ad percussum Lunæ, maximè plenæ. Carthaginem quondam deportabatur. Archelaus & in Ægypto circa Thebas nasci tradit, fragiles, venosas, morientibus carbonibus similes. Potoria vasa, & ex hoc lapide, & ex lychnite factitata invenio. Omnia autem hæc genera sculpturæ contumaciter resistunt, partemque ceræ in signo tenent.

XXXI. E diverso ad hoc sarda utilissima, quæ nomen cum sardoniche communicavit. Ipsa gemma vulgaris, & primum Sardibus reperta, sed laudatissima circa Babyloniam, cum lapicidinæ quædam aperirentur, hærens in saxo cordis modo. Hoc metallum apud Persas defecisse traditur. Sed inveniuntur compluribus aliis locis, sicut in Paro, & Asso. In Indiâ trium generum: rubrum, & quod dionium vocant a magnitudine: tertium quod argenteis bracteis sublinitur. Indicæ perlucent: crassiores sunt Arabicæ. Inveniuntur & circa Leucada Epiri, & circa Ægyptum, quæ bracteâ aureâ sublinuntur. Et in his autem mares excitatiùs ful-

gent : feminæ pigriores sunt, & crassiùs nitent. Nec fuit alia gemma apud antiquos usu frequentior. Hac certè apud Menandrum & Philemonem fabulæ superbiunt. Nec ulla est translucens, quæ tardiùs suffuso humore hebetetur, oleoque magis, quàm alio liquore. Damnantur ex iis melleæ, & validiùs testaceæ.

XXXII. 8. Egregia etiamnunc topazio gloria est, suo virenti genere, & cum reperta est, prælatæ omnibus. Id accidit in Arabiæ insulâ, quæ Cytis vocatur : in quâ Trogodytæ prædones, diutiùs fame & tempestate pressi, cum herbas radiceſque effoderent, eruerunt topazion. Hæc Archelai sententia est. Juba Topazon insulam in Rubro mari a continente diei navigatione abesse tradit, nebulosam, & ideo quæsitam sæpe navigantibus, ex eâ causâ nomen accepisse. Topazin enim Trogodytarum linguâ significationem habere querendi. Ex hac primùm importatam Berenicæ reginæ, quæ fuit mater sequentis Ptolemæi, a Philemone præfecto regis, ac mirè placuisse, & inde factam statuatam Arsinoæ Ptolemæi Philadelphi uxori quatuor cubitorum, sacratam in delubro, quod aureum cognominabatur. Recentissimi auctores & circa Thebaidis Alabastrum oppidum nasci dicunt : & duo ejus genera faciunt, prasoidem atque chrysopteron,

ron, similem chrysopraso. Ejus enim tota similitudo ad porri succum dirigitur. Est autem amplissima gemmarum. Eadem sola nobilium limam sentit: ceteræ Naxio & cotibus poliuntur. Hæc & usu adteritur.

XXXIII. Comitatur eam similitudine propior, quàm auctoritate, callais, e viridi pallens. Nascitur post averfa Indiæ, apud incolas Caucasi montis Phycaros, apud Sacas & Dahas, amplitudine conspicua, sed fistulosa ac sordium plena. Sincerior multò præstantiorque in Carmaniâ. Utrobique autem in rupibus inviis & gelidis, oculi figurâ extuberans, leviterque adhærens, nec ut adgnata petris, sed ut adposita. Quamobrem scandere ad eam pigritiâ pedum equestres populos tædet, simul & periculum terret. Ergo fundis e longinquo incessunt, & cum toto musco excutiunt. Hoc vectigal, hoc est gestamen in cervice ac digitis gratissimum. Hic census, hæc gloria a pueritiâ dejectorum numerum prædicantium, in quo varia fortuna. Quidam ictu primo cepere præclaras, multi infectando nullas. Et venatus quidem callaidis talis. Secturâ formantur, aliàs fragiles. Optimus color smaragdi: ut tamen apparet, ex alieno est quòd placeant. Inclusæ decorantur auro, aurumque nullæ magis decent. Quæ sunt earum pulciores, oleo, unguento, & me-

ro colorem deperdunt. Viliores constantius repræsentant : neque est imitabilior alia mendacio vitri. Sunt qui in Arabiâ inveniri eas dicant in nidis avium, quas melancoryphos vocant.

XXXIV. Viridantium & alia plura sunt genera. Vilioris est turbæ prasius : cujus alterum genus sanguineis punctis abhorret : tertium est virgulis tribus distinctum candidis. Præfertur his chrysoprasius, porri succum & ipsa referens, sed hæc paulum declinans a topazio in aurum. Huic & amplitudo ea est, ut cymbia etiam ex eâ fiant : cylindri quidem celerrimè.

XXXV. India & has generat, & Nilion, fulgore hebeti ac brevi, & cùm intueare, fallaci. Sudines dicit & in Syvero Atticæ flumine nasci. Est autem color fumidæ topazii, aut aliquando melleæ. Juba in Æthiopiâ gigni tradit, in litoribus amnis, quem Nilum vocamus, & inde nomen trahere.

XXXVI. Non translucet molochites, spissiùs virens, & crassiùs quàm smaragdus, a colore malvæ nomine accepto, reddendis laudata signis, & infantium custodiâ quadam, innato contra pericula ipsorum medicamine. Nascitur in Arabiâ.

XXXVII. Viret, & sæpe translucet iaspis, etiam si victa a multis, antiquitatis tamen gloriam retinens. Plurimæ ferunt

eam gentes : smaragdo similem Indi : Cypros duram glaucoque pingui : Persæ aeri similem : ob id vocatur aerizusa. Talis & Caspia est : cærulea , circa Thermoodontem amnem : in Phrygiâ , purpurea : in Cappadociâ , ex purpurâ cærulea , atque non refulgens. Amisos Indicæ similem mittit , Calchedon turbidam. Sed minùs refert nationes , quàm bonitates , distinguere. Optima ergo , quæ purpuræ quidquam habet : secunda , quæ rosæ : tertia , quæ smaragdi. Singulis autem Græci nomina ex argumento dedêre. Quarta apud eos vocatur Borea , cælo autumnali matutino similis : & hæc erit illa , quæ vocatur aerizusa. Similis est & Sardæ , imitata & violas. Non minùs multæ species reliquæ , sed omnes in vitio cæruleæ , aut crystallo similes , aut myxis. Item terebinthizusa , improprio (ut arbitror) cognomine , velut e multis ejusdem generis composita gemmis. Quamobrem præstantiores fundâ clauduntur patentes , nec præterquam margines auro amplectente. Vitium est & brevis in iis nitor , & longè splendens , & fal , & omnia quæ in ceteris. Et vitro adulterantur : quod manifestum fit , cùm extrâ fulgorem spargunt , atque non in se continent. Nec diversæ , quas sphragidas vocant , publico gemmarum dominio iis tantùm dato , quoniam optimè signent.

9. Totus verò Oriens pro amuletis traditur gestare eam, quæ ex iis smaragdo similis est, & per transversum lineâ albâ mediâ præcingitur, & *grammatias* vocatur: quæ pluribus, *polygrammos*. Licet obiter vanitatem magicam hîc quoque coarguere, quoniam hanc concionantibus utilem esse prodiderunt. Est & *onychipuncta*, quæ *iasponyx* vocatur: & nubem complexa, & nives in summitate. Est & stellata rutilis punctis: est & *salem imitata*: & veluti fumo infecta, quæ *capnias* vocatur. Magnitudinem *iaspidis* quindecim unciarum vidimus: formatamque inde effigiem *Neronis thoracatam*.

XXXVIII. Reddetur & per se *cyanos*, adcommodatâ gratiâ paulo antè nominato colore cæruleo. Optima *Scythica*, dein *Cypria*, postremò *Ægyptia*. Adulteratur maximè tincturâ, idque in gloriâ regis *Ægypti* adscribitur, qui primus eam tinxit. Dividitur autem & hæc in mares feminasque. Inest ei aliquando & aureus pulvis, non qualis in *sapphirinis*.

XXXIX. In *sapphiris* enim aurum punctis collucet cæruleis. *Sapphirorum*, quæ cum purpurâ, optimæ apud *Medos*: nusquam tamen perlucidæ. Præterea inutiles sculpturæ, intervenientibus *crystallinis* centrîs. Quæ sunt ex iis *cyanei* coloris, *mares* existimantur.

XL. Alius ex hoc ordo purpureis dabitur, & ab illis descendantibus. Principatum amethysti Indicæ tenent. Sed in Arabiæ quoque parte, quæ finitima Syriæ Petræa vocatur, & in Armeniâ minore, & in Ægypto, & in Galatiâ reperiuntur: sordidissimæ autem vilissimæque, in Thaso & Cypro. Causam nominis adferunt, quòd usque ad vini colorem non accedunt: priùs quàm enim degustent, in violam desinit fulgor. Aliqua siquidem in illis purpura, non ex toto in igneum, sed in vini colorem deficiens. Perlucent autem omnes violaceo colore, sculpturis faciles: Indicæ absolutum felicitis purpuræ colorem habent: ad hancque tinguentium officinæ dirigunt vota. Fundunt autem eum aspectu leniter blandum: neque in oculos, ut carbunculi, vibrant. Alterum earum genus descendit ad hyacinthos. Hunc colorem Indi sacon vocant, talemque gemmam sacondion. Dilutior eadem & sape nos vocatur. Eadem & Pharanitis in contermino Arabiæ, gentis nomine. Quartum genus colorem vini habet. Quintum ad viciniam crysalli descendit, albicante purpuræ defectu. Hoc & minimè probatur, quando præcellens debet esse in suspectu, velut ex carbunculo refulgens quidam in purpurâ leviter roseus nitor. Tales aliqui malunt pæderotas vocari, alii

anterotas, multi Veneris gemmam, quod maximè videtur decere & species & colos. Eas gemmas magorum vanitas resistere ebrietati promittit, & inde appellatas. Præterea si Lunæ nomen aut Solis inferatur in iis, atque ita suspendantur collo e capillis cynocephali, vel plumis hirundinis, resistere veneficiis. Jam quoque adesse reges adituris. Grandinem avertere, & locustas, precatione additâ, quam demonstrant. Nam smaragdis quoque similia promissere, si aquilæ scalperentur, aut scarabæi: quæ quidem scripsisse eos non sine contemptu & irrisu generis humani arbitror.

XLI. Multum ab eâ distat hyacinthos; tamen e vicino descendens. Differentia hæc, quòd ille emicans in amethysto fulgor violaceus, dilutus est in hyacintho. Primo quoque aspectu gratus, evanescit antequam satiet, adeoque non implet oculos, ut pæne non attingat, marcescens celerius nominis sui flore.

XLII. Hyacinthos Æthiopia mittit, & chrysolithos, aureo fulgore translucentes. Præferuntur iis Indicæ, & si variæ non sint, Tibaranae. Deterrimæ autem Arabicae, quoniam turbidæ sunt & variæ, & fulgentes interpellatæ nubilo macularum, etiam quæ limpidæ contigere, veluti scobe suâ refertæ. Optimæ verò sunt, quæ

in collatione aurum albicare quadam argenti facie cogunt. Fundâ includuntur perspicuæ. Ceteris subjicitur aurichalcum.

XLIII. Jam etiam expertes gemmarum usu, appellantur aliqui & chryselestri, in colorem electri declinantes, matutino tantum aspectu jucundi. Ponticas deprehendit levitas. Quædam in iis duræ sunt rusticæque, quædam molles & sordidæ. Bocchus auctor est, & in Hispaniâ repertas, quo in loco crySTALLUM dicit ad libramentum aquæ puteis depressis erutam, chrysolithon XII. pondo a se visam.

XLIV. Fiunt & leucochrysi, interveniente candidâ venâ. Sunt in hoc genere capniæ. Sunt & vitreis similes, veluti croco refulgentes. Vitrei verò ut visu discerni non possint, tactus deprehendit, tepidior in vitreis.

XLV. In eodem genere sunt melichrysi, qui veluti per aurum sincero melle translucent. Has India mittit, quamquam in duritiâ fragiles. In eâdem & xanthi, plebeia ibi gemma.

XLVI. Candidarum dux est pæderos: quamquam potest quæri, an in colore numerari debeat, toties jactati per alienas pulcritudines nominis: adeò decoris prærogativa in vocabulo facta est. Est & suum genus exspectatione tantâ dignum. Coeunt intus translucida crySTALLUS, viridis suo mo-

do aer, simulque purpura, & quidam vini ac croci nitor, semper extremus in visu: sed purpurâ coronatus, & his pariter omnibus. Nec gemmarum ulla est liquidior, captis jucundâ vanitate oculis. Laudatissima est in Indis, apud quos sagenon vocatur. Proxima apud Ægyptios, ubi Tenites. Tertia in Arabiâ, verum scabra. Mollius radiat Pontica & Asiatica. Ipsæ verò molliores sunt Galatica, & Thracia, & Cypria. Vitia earum languor, aut alienis turbari coloribus, & quæ ceterarum.

XLVII. Proxima candicantium est Asteria, principatum habens proprietate naturæ, quoddam inclusam lucem pupillæ modo quamdam continet, ac transfundit cum inclinatione, velut intus ambulanti ex alio atque alio loco reddens, eademque contraria Soli regerens candicantes radios, unde nomen invenit, difficilis ad cælandum. Indicæ præfertur in Carmaniâ nata.

XLVIII. Similiter candida est, quæ vocatur astrios, crystallo propinqua, in Indiâ nascens, & in Pallenēs litoribus: intus a centro ceu stella lucet fulgore Lunæ plenæ. Quidam causam nominis reddunt, quoddam astris opposita fulgorem rapiat, ac regerat. Optimam in Carmaniâ gigni, nullique obnoxiam vitio. Cerauniam enim vocari, quæ sit deterior. Pes-simam lucernarum lumini similem.

XLIX. Celebrant & astroiten, mirasque laudes ejus in magicis artibus Zoroastrem cecinisse, qui circa eas diligentes sunt, produnt.

L. Astrobolon Sudines dicit oculis piscium similem esse, & radiare candido, in Sole.

LI. Est inter candidas & quæ ceraunia vocatur, fulgorem siderum rapiens. Ipsa crystallina, splendoris cærulei, in Carmaniâ nascens. Albam esse Zenothemis fatetur, sed habere intus stellam concursantem. Fieri & ceraunias, quas nitro & aceto per aliquot dies maceratas concipere stellam eam, quæ post totidem menses relanguescat. Sotacus & alia duo genera fecit cerauniæ, nigræ rubentisque, ac similes eas esse securibus: iis, quæ nigræ sunt & rotundæ, urbes expugnari & classes, easque betulos vocari: quæ verò longæ sunt, ceraunias. Faciunt & aliam raram admodum, & Parthorum magis quæsitam, quoniam non aliubi inveniatur, quàm in loco fulmine icto.

LII. Proximum cerauniæ nomen apud eos habet, quæ appellatur iris. Effoditur in quadam insulâ Rubri maris, quæ distat a Berenice urbe sexaginta millia pass. ceterâ sui parte crystallus. Itaque quidam radicem crystalli esse dixerunt. Vocatur ex argumento iris, Nam sub tecto

percussa Sole, species & colores arcûs cælestis in proximos parietes ejaculatur, subinde mutans, magnâque varietate admirationem sui augens. Sexangulam esse, ut crystallum, constat. Sed esse aliquas scabris lateribus, & angulis inæqualibus dicunt, in Sole aperto projectas, radios in se cadentes discutere: aliquas verò ante se projecto nitore adjacentia illustrare. Colores verò non nisi ex opaco reddunt, nec ut ipsæ habeant, sed ut re percussu parietum elidant: optimaque, quæ maximos arcus facit, simillimosque cælestibus. Est & alia iris, ceterò similis, at prædura: quam Horus crematam tusamque ad ichneumonum morsus remedio esse, nasci autem in Perside tradit.

LIII. Similis est aspectu, sed non ejusdem effectûs, quæ vocatur zeros, albâ nigraque maculâ in transversum distinguente crystallum.

LIV. Expositis per genera colorum principalium gemmis, reliquas literarum ordine explicabimus.

10. Achates in magnâ fuit auctoritate, nunc in nullâ. Reperta primùm in Sicilia juxta flumen ejusdem nominis: postea plurimis locis, excedens amplitudine, varietatibus numerosa. Multa & cognomina ejus. Vocatur enim iaspachates, cerachates, fardachates, hæmachates, leucachates, den-

drachates, velut arbusculâ insignis: autachates, cùm uritur, myrrham redolens: coralloachates guttis aureis sapphiri modo sparsa, qualis copiosissima in Cretâ, sacra appellata. Putant eam contra araneorum & scorpionum ictus prodesse. Quod in Siculis utique crediderim, quoniam primum ejus provinciæ adflatu scorpionum pestis extinguitur. Et in Indiâ inventæ contra eadem pollent, & aliis magnis miraculis. Reddunt enim species fluminum, nemorum, & jumentorum, etiam esseda, & stacula, & equorum ornamenta. Medici coticulas inde faciunt. Spectasse etiam prodest oculis. Sitim quoque sedant in os additæ. Phrygiæ viridia non habent. Thebis Ægyptiis repertæ carent rubentibus venis & albis. Et hæ quoque contra scorpiones validæ. Eadem auctoritas & Cypriis est. Sunt qui maximè probent vitream perspicuitatem in his. Reperiuntur & in Thraciâ, & circa Oetam, & in Parnasso, & in Lesbo, ac Messene, similes limitum floribus, & in Rhodo. Aliæ apud magos differentiæ. Leoninæ pelli similes, potentiam habere contra scorpiones dicuntur. In Persis verò suffitu earum tempestates averti, & præterea fulmina. Argumentum esse; si in ferventes cortinas additæ refrigerent: sed ut prosint, leoninis jubis alligandas: nam hyænæ pelli simile abomi-

nantur, discordialem domibus. Eam verò, quæ unius coloris sit, invictam athletis esse. Argumentum ejus, quòd in ollâ plenâ olei cocta cum pigmentis, & intra duas horas subfervefacta, unum colorem ex omnibus faciat minii. Acopos nitro similis est, pumicosa, aureis guttis stellata. Cum hac oleum subfervefactum perunctis lassitudinem (si credamus) solvit. Alabastrites nascitur in Alabaistro Ægypti, & in Syriae Damasco, candore interstincto variis coloribus. Hæc cremata cum fossili sale ac trita, gravitates oris & dentium extenuare dicitur. Aleatorias vocant in ventriculis gallinaceorum inventas, crystallinâ specie, magnitudine fabæ: quibus Milonem Crotoniensem usum in certaminibus, invictum fuisse videri volunt. Androdamas argentinorem habet, ut adamas, quadrata, semperque tessellis similis. Magi putant nomen impositum ab eo, quòd impetus hominum, & iracundias domet. Eadem sit, an alia, argyrodamas, auctores non explicant. Antipathes nigra non translucet. Experimentum ejus si toquatur in lacte: facit enim hoc myrrhæ simile immissa. Eam contra effascinationes auxiliari magi volunt. Arabica ebori simillima est, & hoc videretur, nisi abnueret duritia. Putant contra dolores nervorum prodesse habentibus. Aromatites & ipsa in Arabiâ tra-

ditur gigni, sed & in Ægypto circa Philas, ubique lapidosa, & myrrhæ coloris, & odoris, ob hoc reginis frequentata. Asbestos in Arcadiæ montibus nascitur, coloris ferrei. Aspilatin Democritus in Arabiâ gigni tradit, ignei coloris. Eam oportere cameli pilo splenicis alligari: inveniri in nido Arabicarum alitum. Et aliam eodem nomine ibi in Leucopetrâ nasci argentei coloris, radiantem, contra lymphatum habendam. Atizoen in Indiâ & in Perside ac Idâ monte nasci tradit, argenteo nitore fulgentem, magnitudine trium digitorum, ad lenticulæ figuram, odoris jucundi, necessariam magis regem constituentibus. Augites multis alia videtur esse, quàm quæ callais. Aphidnane alio nomine appellatur chrysocolla, in Indiæ parte, ubi formicæ eruunt aurum, in quâ invenitur aureo similis quadratâ figurâ: adfirmaturque natura ejus, quæ magnetis: nisi quòd trahere quoque aurum traditur. Aphrodisiace ex candido rufa est. Aplyctos septenis diebus calorem tenet excalfacta igni, nigra ac ponderosa, distinguentibus eam venis rubentibus. Putant prodesse contra frigora. Ægyptillam Iachus intelligit, per alvum fardâ, nigrâque venis transeuntibus: vulgus autem in nigrâ radice cæruleam facit.

LV. Balanitæ duo genera habent, sub-

virides, & Corinthii æris similitudine. Illa Copto, hæc ex Troglodyticâ veniens, medias secante flammeâ venâ. Batrachitas mittit & Coptos : unam ranæ similem colore : alteram ebeni : tertiam rubentis e nigro. Baptes, mollis, alioquin odore excellens. Beli oculus albicans pupillam cingit nigram, e medio aureo fulgore lucentem. Hæc propter speciem sacratissimo Assyriorum deo dicatur. Aliam autem quam Belum vocant, in Arbelis nasci, Democritus tradit, nucis juglandis magnitudine, vitreâ specie. Baroptenus, sive barippe, nigra, sanguineis & albis nodis : aliis sacra dicitur, velut portentosa. Botryites alia nigra est, alia pinea, incipienti uvæ similis. Zoroastres a crinibus mulierum Bostrychiten vocat. Bucardia bubulo cordi similis, Babylone tantum nascitur. Bron-te e capitibus testudinum tonitribus cadit : putantque eâ restingui fulmine ictum, si credimus. Bolœ inveniuntur glebæ similitudine.

LVI. Cadmitis eadem esset, quam Ostracitin vocant : nisi quodd hanc cæruleæ interdum cingunt bullæ. Callais sapphirum imitatur, candidior, & litoroso mari similis. Capnitis quibusdam videtur suum genus habere, plurimis spiris fumida, ut suo loco diximus. Cappadocia in Phrygiâ nascitur, ebori similis. Callaicam vo-

cant e turbido callaino. Ferunt plures simul inveniri conjunctas. Catochitis Corsicæ lapis est, ceteris major: mirabilis, si vera traduntur, impositam manum veluti gummi retinens. Catopyritis e Cappadociâ provenit. Cepitis, sive cepolatitis, candida est, venarum nodis coeuntibus, candore imaginem regerens. Ceramitis, testæ colorem habet. Cinædiæ inveniuntur in cerebro piscis ejusdem nominis, candidæ & oblongæ, eventuque mirandæ, si modò est fides præfagire eas habitum maris, nubilo colore aut tranquillitate. Ceritis ceræ similis est: circos accipitri: corsoides canitiei hominis: coralloachates corallo aureis guttis distinctæ. Corallis minio similis gignitur in Indiâ & Syene. Craterites inter chrysolithum & electrum colorem habet, præduræ naturæ. Crocallis cerasum repræsentat. Cytis circa Copton nascitur candida, & videtur intus habere petram, quæ sentiat etiam strepitu. Chalcophonos nigra est, sed illius æris tinnitum reddit, tragædis, ut suadent, gestanda. Chelidoniæ duorum sunt generum: hirundinum colore: & alterâ parte purpureæ nigris interpellantibus maculis. Chelonia oculus est Indicæ testudinis, vel portentosissima magorum mendaciis. Melle enim collutam, & linguæ impositam futurorum scientiam præstare

promittunt: quintadecimâ Lunâ, & silente, totâ die: decrefcente verò, ante Solis ortum: ceteris diebus, a primâ in sextam horam. Sunt & chelonitides testudinum similes, ex quibus ad tempestates sedandas multa vaticinantur. Eâ verò, quæ sit aureis guttis, cum scarabæo decoctâ, & dejectâ in aquam ferventem, tempestates moveri. Chloritis herbacei coloris est, quam dicunt magi inveniri in motacillæ avis ventre, congenitam ei: ferroque includi jubent, ad quædam prodigiosa moris sui. Choaspitis a flumine dicta est viridis, fulgoris aurei. Chrysolampis in Æthiopîâ nascitur, pallida die, & in nocte ignea. Chrysopis aurum videtur esse. Ceponides in Æolidis Atarne, nunc pagus, quondam oppido, nascuntur, multis coloribus translucentes, aliàs vitreæ, aliàs crystallinæ, aliàs iaspideæ. Sed & sordidis tantus est nitor, ut imagines reddant, ceu specula.

LVII. Daphniam Zoroastres morbis comitialibus demonstrat. Diadochos beryllo similis est. Diphyes duplex, candida ac nigra, mas ac femina, genitale utriusque sexûs distinguente lineâ. Dionysias nigra ac durâ mixtis rubentibus maculis: ex aquâ trita saporem vini facit, & ebrietati resistere putatur. Dracontites, sive dracontia, e cerebro fit draconum: sed nisi

viventibus absciso numquam gemmescit, invidiâ animalis mori se sentientis. Igitur dormientibus amputant. Sotacus qui visam eam gemmam sibi apud regem scripsit, bigis vehi quærentes tradit: & viso dracone spargere somnifica medicamenta, atque ita præcidere. Esse autem candore translucido, nec postea poliri, aut artem admittere.

LVIII. Encardia cognominatur & aristæ: una, in quâ nigra effigies cordis eminet: altera eodem nomine, viridi colore, cordis speciem repræsentat: tertia cor nigrum ostendit, reliquâ sui parte candida. Enorchis candida est, divisaque fragmentis testium effigiem repræsentat. Exebenum Zoroastres speciosam & candidam tradit, quâ aurifices aurum poliunt. Eristalis cum sit candida, ad inclinationes rubescere videtur. Erotylos, eadem amphicome, & hieromnemon, a Democrito laudatur in argumentis divinationum. Eumeces in Bactris nascitur, silici similis: sed capiti supposita visa nocturna oraculi modo reddit. Eumithren Beli gemmam, sanctissimi deorum sibi, Assyrii appellant, porracei coloris, superstitionibus gratam. Eupetalos quatuor colores habet, cæruleum, igneum, minii, mali. Euneos nucleo olivæ similis est, striata concharum modo, non aded candida. Eurotias situ

videtur operire nigritiam. Eusebes ex eo lapide est, ex quo traditur Tyri in Herculis templo facta sedes, ex quâ dii facillè surgebant. Epimelas fit, cum candidâ gemmâ supernè nigricat colos.

LIX. Galaxiam aliqui galactiten vocant, similem proximè dictis, sed intercurrentibus sanguineis aut candidis venis. Galactitis ex Nilo, colore lactis est. Eamdem dicunt leucogæam, & leucographiam appellant, & synophiten, tritam lactis succo ac sapore notabilem. In educatione nutricibus lactis fecunditatem : infantium quoque alligata collo salivam facere dicitur, in ore autem liquefcere. Eamdem memoriam adimere dicunt. Mittit eam & Achelous amnis. Sunt qui smaragdum albis venis circumligatum galactiten vocent. Gallaica argyrodamanti similis est, paulo fordior : inveniuntur autem binæ vel ternæ. Gasidanem Medi mittunt, coloris orobini, veluti floribus sparsam. Nascitur & in Arbelis. Hæc quoque gemma concipere dicitur, & intra se partum fateri concussa, concipere autem trimestri spatio. Glossopetra linguæ similis humanæ non in terrâ nasci dicitur, sed deficiente Lunâ cælo decidere, memoriæ quoque necessaria. Quod ne credamus, promissi quoque vanitas facit : ventos enim eâ comprimiarrant. Gorgonia nihil aliud est, quàm co-

rallium: nominis causa, quòd in duritiam lapidis mutatur. Emollit maria. Fulminibus & typhoni resistere adfirmant. Goniæam eâdem vanitate inimicorum pœnas efficere promittunt.

LX. Heliotropium nascitur in Æthiopiâ, Africâ, Cyprio, porracei coloris, sanguineis venis distincta. Causa nominis, quoniam dejecta in vas aquæ, fulgorem Solis accendit sanguineo percussu, maxime Æthiopica. Eadem extra aquam speculi modo Solem accipit, deprehenditque defectus, subeuntem Lunam ostendens. Magorum impudentiæ vel manifestissimum hoc quoque exemplum est, quoniam admixtâ herbâ heliotropio, quibusdam quoque additis præcantationibus, gerentem conspici negent. Hephæstitis quoque speculi naturam habet in reddendis imaginibus, quamquam rutilans. Experimentum est, si ferventem aquam addita statim refrigeret: aut si in Sole addita aridam materiam accendat. Nascitur in Coryco. Hermuredion, ex argumento viriditatis in candidâ gemmâ vel nigrâ, & aliquando pallidâ, ambiente circulo aurei coloris, appellatur. Hexecontalithos in parvâ magnitudine multicolor, hoc sibi nomen adoptavit. Reperitur in Troglodyticâ regione. Hieracitis alternat milvinis nigrisque veluti plumis. Hammitis ovis piscium similis

est, & alia velut nitro composita, prædura alioqui. Hammonis cornu inter sacratissimas Æthiopiæ gemmas, aureo colore, arietini cornus effigiem reddens, promittitur prædivina somnia repræsentare. Hormision inter gratissimas aspicitur, ex igneo colore radians auro, portante secum in extremitatibus candidam lucem. Hyæniæ, ex oculis hyænæ, & ob id invasæ, inveniri dicuntur: &, si credimus, linguæ hominis subditæ futura præcinere. Hæmatites in Æthiopiâ quidem principalis, sed & in Arabiâ & Africâ invenitur, sanguineo colore, non omittenda promissis ad coarguendas barbarorum insidias. Zachalias Babylonius in his libris quos scripsit ad regem Mithridatem, humana gemmis adtribuit fata: hanc non contentus oculorum & jocinerum medicinâ decorasse, a rege etiam aliquid petituris dedit, & litibus iudiciisque interposuit: in præliis etiam ex eâ ungi salutare pronuntiavit. Est & alia ejusdem generis, quæ vocatur menui ab Indis, xanthos appellata Græcis, e fulvo candicans.

LXI. Idæi dactyli in Cretâ, ferreo colore pollicem humanum exprimunt. Icterias aliti lurido similis, ideo existimatur salubris contra regiones morbos. Est & alia eodem nomine liquidior. Tertia folio viridi similis, latior prioribus, pæne sine

pondere, venis luridis. Quartum genus in eodem colore nigris venis discurrentibus. Jovis gemma candida est, non ponderosa, tenera. Indica gentium suarum habet nomen, subrufo colore, in adtritu sudorem purpureum manat. Alia eodem nomine candida, pulvereo aspectu. Ion apud Indos violacea est, sed rarò, ut saturo colore luceat.

LXII. *Lepidotis* squamas piscium variis coloribus imitatur. *Lesbias* Lesbi patriæ nomen habens: invenitur & in Indiâ. *Leucophthalmos* rutila aliàs, oculi speciem candidam, nigramque continet. *Leucopœcilos* candorem lineis ex auro distinguit. *Libanochrus* thuris similitudinem ostendit, sed succum mellis. *Limoniatis* eadem videtur, quæ *smaragdus*. De *lipare* hoc tantum traditur, suffitâ eâ omnes bestias evocari. *Lysimachos* Rhodio marmori similis est aureis venis: politur ex marmore, amplitudine in angustias coeunte, ut inutilia exterantur. *Leucochrysos* sicut *crystallus* albicat.

LXIII. *Memnonia* qualis sit, non traditur. *Medea* nigra est, a *Medeâ* illa fabulosè inventa: habet venas aurei coloris: sudorem reddit croci, saporem autem vini. *Meconites* papaver exprimit. *Mithrax* a Persis accepta est, & Rubri maris montibus: multicolor, contra Solem variè re-

fulgens. Morochites porracea, lacte sudat. Morio in Indiâ, quæ nigerrimo colore translucet, vocatur Pramnion: in quâ miscetur & carbunculi colos, Alexandrinum: ubi sardæ, Cyprium. Nascitur, & in Tyro, & in Galatiâ. Xenocrates & sub Alpibus nasci tradit. Hæ sunt gemmæ, quæ ad ectypas sculpturas aptantur. Myrrhites myrrhæ colorem habet, facie minima gemma: odorem adtrita, etiam nardi. Myrmecias nigra habet eminentias similes verrucis. Myrsinites melleum colorem habet, myrti odorem. Mesoleucos est, mediam gemmam candidâ distinguente lineâ. Mesomelas, nigrâ venâ quemlibet colorem secante per medium.

LXIV. Nasamonitis est sanguinea, nigris venis. Nebritis Libero patri sacra, nomen traxit a nebridum ejus similitudine. Sunt & aliæ nigræ generis ejusdem. Nympharena urbis & gentis Persicæ nomen habet, similis hippopotami dentibus.

LXV. Olca barbari nominis, e nigro fulvoque, & candido placet. Ombria, quam aliqui notiam vocant, sicut ceraunia & brontia, cadere cum imbribus & fulminibus dicitur: eundemque effectum habere, quem brontia, narratur. Præterea in aras additâ eâ, libamenta non amburi. Oritis globosâ specie, a quibusdam & sideritis vocatur, ignem non sentiens.

Ostracias, sive Ostracitis, est testaceâ durior: altera achataë similis, nisi quodd achates politurâ pinguescit: duriori tanta inest vis, ut aliæ gemmæ scalpantur fragmentis ejus. Ostracitidi ostrea nomen & similitudinem dedêre. Ophicardelon barbari vocant, nigrum colorem binis lineis albis includentibus. De Obsidiano lapide diximus superiore libro. Inveniuntur & gemmæ eodem nomine ac colore, non solum in Æthiopîâ Indiâque, sed etiam in Samnio, ut aliqui putant, & in litoribus Hispaniensis Oceani.

LXVI. Panchrus fere ex omnibus coloribus constat. Pangonius non longior digito, ne crySTALLUS videatur, numero plurimum angulorum cavet. Paneros qualis sit, a Metrodoro non dicitur: sed carmen Timaridis reginæ in eâdem dicatum Veneri non inelegans ponit, ex quo intelligitur additam ei fecunditatem. Quidam hanc pansebaston vocant. Ponticarum plura sunt genera. Est stellata nunc sanguineis, nunc auratis guttis, quæ inter sacras habetur. Alia pro stellis ejusdem coloris lineas habet, alia montium convalliumque effigies. Phloginos, quem & chrysiten vocant, ochræ Atticæ adsimulata, invenitur in Ægypto. Phœnicitis ex balani similitudine appellatur. Phycitis, algæ. Perileucos, sit ab orâ gemmæ ad radicem usque can-

dido descendente. Pæantides, quas quidam gemonidas vocant, prægnantes fieri & parere dicuntur, mederique parturientibus. Nam tales in Macedoniâ juxta monumentum Tiresiæ inveniuntur, specie aquæ glaciatae.

LXVII. Solis gemma candida est, & ad speciem sideris in orbem fulgentes spargit radios. Sagdam Chaldæi adhærescentem navibus inveniunt, prasini coloris. Samothracia insula ejusdem nominis gemmam dat nigram, ac sine pondere, ligno similem. Sauritin in ventre viridis lacerati arundine dissecti tradunt inveniri. Sarcitis bubulas carnes repræsentat. Selenitis ex candido tranflucet melleo fulgore, imaginem Lunæ continens, redditque eam in dies singulos, crescentis minuentisque numeris: nascitur in Arabiâ. Sideritis ferro similis, litigio illata discordias facit: quæque nascitur in Æthiopiâ Sideropæcillos, ex eâ fit, variantibus guttis. Spongitis spongiæ nomen repræsentat. Synodontitis e cerebro piscium est, qui synodontes vocantur. Syrtides in litore Syrtium, jam quidem & in Lucaniâ inveniuntur, e melleo colore croco refulgentes: intus autem stellas continent languidas. Syringitis stipulæ internodio similis, perpetuâ fistulâ cavatur.

LXVIII. Trichrus ex Africâ nigra est; sed

sed tres succos reddit, a radice nitrum, medio sanguinem, summo ochram. Telirrhizos cinerei coloris aut rufi, candidis radicibus spectatur. Telicardios colore cordis. Persas, apud quos gignitur, magnopere delectat: muchulam appellant. Thracia trium generum est, viridis, aut pallidior, tertia sanguineis guttis. Tephritis novæ Lunæ speciem habet curvatæ in cornua, quamvis cinerei coloris. Tecolithos oleæ nucleus videtur: neque est ei gemmæ honos, sed unguentum calculos frangit pellitque.

LXIX. Veneris crinis nigerrimi nitoris continet speciem rufi crinis. Veientanæ Italica gemma est, Veiis reperta, nigram materiam distinguente limite albo.

LXX. Zanthem in Mediâ nasci Democritus tradit, electri colore, & si quis terat in vino palmeo, & croco, ceræ modo lentescere, odore magnæ suavitatis. Zmilampis in Euphrate nascitur, Proconnesio marmori similis, medio colore glauco. Zoranisceos in Indo flumine nascitur: magorum gemma esse narratur: neque aliud amplius de eâ.

LXXI. II. Est etiamnum alia distinctio, quam equidem fecerim, subinde variatâ expositione. Siquidem a membris corporum habent nomina: hepatitis a jocinere: steatitis singulorum animalium adipe

numerosa. Adadunephros, ejusdem oculus, ac digitus dei: & hic colitur a Syris. Triophthalmos cum onyche nascitur, tres hominis oculos simul exprimens.

LXXII. Ab animalibus cognominantur, carcinias marini cancri colore, echitis viperæ, scorpitis scorpionis aut colore, aut effigie, scaritis scari piscis, triglitis mulli, ægophthalmos caprino oculo: item alia suillo: & a gruis collo geranitis, hieracitis accipitris. Aetitis a colore aquilæ candicante caudâ. Myrmecitis innatam repentis formicæ effigiem habet, scarabæorum cantharias. Lycophthalmos quatuor est colorum, ex rutilo sanguinea: in medio nigrum candido cingitur, ut luporum oculi, illis per omnia similis. Taos pavoni est similis, item aspidi quam vocari chelidoniam invenio.

LXXIII. Arenarum similitudo est in hammochryso, velut auro arenis mixto. Cenchritis milii granis velut sparsis. Dryitis e truncis arborum: hæc & ligni modo ardet. Cissitis in candido perlucet ederæ foliis, quæ totam tenent. Narcissitis venis & odore distincta. Cyamea nigra est, sed fracta ex se fabæ similitudinem parit. Pyren ab olivæ nucleo dicta est: huic aliquando inesse piscium spinæ videntur. Chalazias grandinum & candorem & figuram habet, adamantinæ duritiæ. Nar-

rant etiam in ignem additæ manere suum frigus: Pyritis nigra quidem, sed adtritu digitos adurit. Polyzonos nigra multis zonis candicat. Astrapiæ in nigro aut cyaneo, discurrent e medio fulminis radii. In phlogitide intus ardere quædam videtur flamma, quæ non exeat. In anthracitide scintillæ discurrere aliquando videntur. Enhydros semper rotunditatis absolutæ, in candore est lævis, sed ad motum fluctuat intus in eâ veluti in ovis liquor. Polytrichos in viridi capillatur, sed defluvia comarum facere dicitur. Sunt & a leonis pelle & pantheræ nominatæ, leontios, pardalios. Colos appellavit chrysolithum aureus, chrysoprasum herbaceus, melleus melichrota: quamvis plura ejus genera sint. Melichloros est geminus, parte flavus, partemelleus: Crocia, croci: Polia, canitiem quamdam sparti indicat: eandem duriolem, nigra spartopolios. Rhoditis a rosâ est. Melitis, mali coloris. Chalcitis, æris. Sycitis, fici. Ratio nominum non est in Borsycite, in nigro ramosâ, candidis aut sanguineis frondibus: nec gemite, velut in petrâ candidis manibus inter se complexis. Ananchitide in hydromantiâ dicunt evocari imagines deorum: Synochitide umbras inferorum evocatas teneri: Dendritide albâ defossâ sub arbore, quæ cædatur, securis aciem non

hebetari. Et sunt multò plures, magisque monstrificæ, quibus barbari dedere nomina, confessi lapides esse. Nobis satis erit in his coarguisse dira mendacia.

LXXIV. 12. *Gemmæ nascuntur & repente novæ, ac sine nominibus : ut Lampfaci in metallis aurariis una inventa, quæ propter pulcritudinem Alexandro regi missa fuit, ut auctor est Theophrastus. Cochlides quoque nunc vulgatissimæ, fiunt veriùs, quàm nascuntur : in Arabiâ repertis ingentibus glebis, melle excoqui tradunt septenis diebus noctibusque sine intermissione : ita omni terreno, vitiosoque decusso, purgatam puramque glebam, artificum ingenio variè distribui in venas, ductusque macularum, quàm maxime vendibili ratione sectantium : quondamque tantæ magnitudinis fecere, ut equis regum in Oriente frontalia, atque pro phaleris pensilia facerent. Et aliàs omnes gemmæ mellis decoctu nitescunt, præcipuè Corsici : in omni alio usu acrimoniam abhorrentes. Quæ variæ sunt, & ad novitatem accedere calliditate ingeniorum contigit, ut nomen usitatum non habeant, phýses appellant, velut ipsius naturæ admirationem in iis venditantes, cùm finis nominum non sit, quæ persequi non equidem cogito, innumera ex Græcâ vanitate conficta. Indicatis nobi-*

libus gemmis ; etiam plebeiis rariorum generum , dictu dignas distinxisse satis erat. Illud modò meminisse conveniet , incrementibus variè maculis ac verrucis , linearumque interveniente multiplici ductu & colore , mutata sæpius nomina in eâdem plerumque materiâ.

LXXV. Nunc communiter ad omnium gemmarum observationem pertinentia dicemus , opiniones secuti auctorum. Cavæ aut extuberantes viliores videntur æqualibus. Figura oblonga maximè probatur : deinde quæ vocatur lenticula : postea cycloides & rotunda : angulosis autem minima gratia. Veras a falsis discernendi magna difficultas : quippe cùm inventum sit , ex veris gemmis in alterius generis falsas traducere. Sardonyches e ternis glutinantur gemmis , ita ut deprehendi ars non possit : aliunde nigro , aliunde candido , aliunde minio , sumptis omnibus in suo genere probatissimis. Quinimmo etiam exstant commentarii auctorum , quos non equidem demonstrarim , quibus modis ex crystallo tinguntur smaragdî , aliæque translucentes , sardonyx e sardâ , item ceteræ ex aliis. Neque est ulla fraus vitæ lucrosior.

LXXVI. 13. Nos contrà rationem deprehendendi falsas demonstrabimus , (quando etiam luxuriam adversus fraudes mu-

niri decet:) præter illa, quæ in principalibus quibusque generibus privatim diximus. Translucentes matutinò probari censeant: aut si necesse est, in quartam horam, postea vetant. Experimenta pluribus modis constant. Primum pondere, si graviores sentiuntur: post hæc, corpore. Fictitiis pufulæ in profundo apparent, scabritia in cute, in capillamento fulgoris inconstantia, & prius quàm ad oculos perveniat, desinens nitor. Decussi fragmenti paulum, quod in laminâ ferreâ teratur, efficacissimum experimento excusant mangones gemmarum. Recusant similiter & limæ probationem. Obsidianæ fragmenta veras gemmas non scarificant. Fictitiæ, scarificationes candicantium fugiunt. Tantaque differentia est, ut aliæ ferro scalpi non possint, aliæ non nisi retuso, verum omnes adamante. Plurimum verò in his terebrarum proficit fervor. Gemmiferi amnes sunt Acesines & Ganges: terrarum autem omnium maxime India.

LXXVII. Et jam peractis omnibus naturæ operibus, discrimen quoddam rerum ipsarum atque terrarum facere conveniat. Ergo in toto orbe & quacumque cæli convexitas vergit, pulcherrima est omnium, rebusque meritò principatum naturæ obtinens, Italia, rectrix parensque mundi

altera, viris, feminis, ducibus, militibus, servitiis, artium præstantiâ, ingeniorum claritatibus, jam situ ac salubritate cæli atque temperie, accessu cunctarum gentium facili, litoribus portuosis, benigno ventorum adflatu, (etenim contingit procurrentis positio in partem utilissimam, & inter ortus occasusque mediam) aquarum copiâ, nemorum salubritate, montium articulis, ferorum animalium innocentia, soli fertilitate, pabuli ubertate. Quidquid est, quo carere vita non debeat, nusquam est præstantius: fruges, vinum, olea, vellera, lina, vestes, juvenci. Ne equos quidem in trigariis præferri ullos vernaculis animadverto. Metallis auri, argenti, æris, ferri, quamdiu libuit exercere, nullis cessit: & iis nunc in se gravida pro omni dote varios succos, & frugum pomorumque sapes fundit. Ab eâ, exceptis Indiæ fabulosis, proximè quidem duxerim Hispaniam, quacumque ambitur mari.



NOTÆ

IN LIBRUM XXXIII.

PRÆF. 1. *Parietum digitorumque pigmenta.* Inaurabantur parietes, digitique gemmis nitebant.

2. *Haberetque nonnisi quod secum est.* Bene Mss. Reg. 2. & 3.

3. *Auri etiam sanies.* Chryfocolla illa Plinii, ut & priscorum, differt multum a nostrâ chryfocollâ, *le Borax*. Pliniana, species est spati viridis, *le Spath verd*, quod in auri, æris, aliorumque metallorum fodinis reperitur. Vide Cl. Hill, *Traité des Pierres de Théophraste*, pag. 100.

4. *O prodiga ingenia.* Ms. Reg. 3. & editio princeps.

5. *Et aurum argentumque calando carius fecimus.* Ms. Reg. 3. & editio princeps.

6. *Libidines celebraverunt, ac per obscenitates bibère.* Ita Mss. Reg. editio princeps & Cl. Rezonius. Huc autem spectat Juvenalis, Satyr. II, 95.

Vitreo bibit ille Priapo.

CAP. I. 1. *Abdicari auri sacra fames.* Ms. Reg. 3. & editio princeps.

2. *Proscissum est conviciis.* Ms. Reg. 3.

3. *Homero credi.* Homer. Iliad. η. vers. 472.

4. *Centum boum.* Homer. Iliad. ζ. vers. 234.

5. *Multa legum antiquarum.* Multatio, pænave. Quâ de re Festus. *Ovibus duabus multabantur apud antiquos in minoribus criminibus, in majoribus autem, bubus: nec extra hunc numerum excedebat multatio.*

6. *Mida quidem anulum.* Vel Plinius, vel ejus librarii erravere. Gygæ est anulus, ut videre est apud Platonem, & Ciceronem, de Officiis, III, 38.

7. *Quarum in more ferreum.* Mss. Reg. 2. 3. & editio princeps. Frustra in recentioribus emendatum, *quarum mere ferreum.*

8. *In prætextæ annis.* Ante annum quintumdecimum. Anno enim quartodecimo completo, bulla suspendebatur Laribus.

9. *Ungulum vocabant.* Ungulus, Oscorum lingua, anulus; ut docet Festus ex Pacuvio.

10. *Æquâ fortunâ triumphantis.* Bene Ms. Reg. 3. Mox quoque editio princeps, & *servi coronam.*

11. *Ante tertium consulatum.* Marius fuit tertium consul anno Urbis conditæ DCLI.

12. *Nec Iliacis temporibus.* Multò ante Iliaca tempora, Hebræi anulos habuere, ut videre est in Genesi XXXVIII, 18. & 25. In picturis quoque Herculanensibus anulum habet Theseus. Vide *Pitture antiche d'Ercolano*, Tom. I. Tab. V. & Tom. III. Tab. XIV. not. 6.

13. *Conditas arcis.* Homer. Odyss. θ. vers. 424.

14. *Vasa aurea.* Homer. Ibid. vers. 443. & 447.

15. *Non anulis.* Postea enim sortes anulo obsignatæ; ut videre est apud Suetonium in Tiber. Cap. 63.

16. *Lævis manibus, latentibusque.* In lævâ anulum habet Theseus, sed non latet.

17. *Apud eundem Homerum.* Homer. Iliad. ρ. vers. 52.

18. *M. Crassum*. Bene Mf. Reg. 3. Perperam hæc nomina omisit eruditus Harduinus in alterâ suâ editione.

19. *Duo millia auri rapuisse*. In Mff. Reg. *repperisse*. Rectè emendatum, *rapuisse*. Malè emendavit eruditus Harduinus, *perisse*. Duo millia pondo auri sunt Gallicæ monetæ libræ 1,890,000.

20. *Suo & Pompeii secundo consulatu*. Malè Mff. Reg. 3. editio princeps, & eruditus Harduinus in alterâ suâ editione, *tertio consulatu*. Id contigit Crassi & Pompeii secundo consulatu anno Urbis conditæ DCLXXXIX.

21. *Statim expirasse*. Hausto, quod sub gemmâ erat, veneno.

22. *Cn. Fulvium*. Ita libri scripti & editi. Melius tamen Livius in fine Libri IX. *Cn. filium*. Annii enim fuit familiæ nomen, non prænomen.

23. *Diebus fastis*. Fasti dies dicebantur, quibus sine piaculo prætoribus licebat tria verba fari, *do, dico, addico*. Nefasti verò, quibus non licebat fari. Vide Ovidium, Fast. Libr. 1.

24. *Anulos ab eo abjectos*. In publico læstu deponerentur, abjiciebanturve, anuli. Vide & Livium in fine Libri IX.

25. *Adjectum hoc quoque*. Hoc quoque adjectum in antiquissimis Annalibus & phaleram positam esse; unde postea ab aliis adjectum est equitum nomen, quod phalera eorum esset insigne.

26. *P. Sempronio, P. Sulpicio consulibus*. Bene Mf. Reg. 2. P. Sulpicius Saverrio & P. Sempronius Sophus consules fuere anno Urbis conditæ CCCCL. Malè eruditus Harduinus in alte-

ra suâ editione, *P. Sempronio longo, L. Sulpicio.*

27. *Ducentis quatuor annis.* Capitolina ædes dedicata fuerat ab Horatio Pulvillo iterum consule, anno Urbis conditæ CCXLVII. Ergo ab Horatio Pulvillo ad P. Sempronium & P. Sulpicium consules interjecti sunt anni CCIV. Malè itaque Mss. Reg. editio princeps & eruditus Harduinus in alterâ suâ editione, CCCIV. *annis.* Observa autem Flavium in suâ Inscriptione secutum esse calculos Varronianos. Contrâ verò Plinius sequitur Verrianos calculos, cùm mox numerat annum CCCCXIX.

28. *Ita CCCCXIX. a conditâ Urbe.* Bene Mss. Reg. consentientibus & Fastis. In editione principe aliisque CCCXLVIII. quas immeritò sequitur Harduinus in alterâ suâ editione.

29. *In ferreo consenuerint.* Mss. Reg. & ed. pr.

30. *De vitâ suâ scripsit.* Mss. Reg. & editio princeps, *scribit.* De Scauri vitâ satis dixi ad Tacitum, Vit. Agric. Cap. I.

31. *Literis contenta Solis.* Viget adhuc mos ille Constantinopoli, & in toto Oriente. Non cælatis figuris, sed literis signant.

32. *Medio dicuntur usæ.* Bene Mss. Reg. editio princeps & Cl. Durand.

33. *Ab anulis senatum.* Bene Mss. Reg. & editio princeps & Cl. Durand.

CAP. II. I. *Anno Urbis conditæ DCCLXXV.* Verrianos calculos & hic sequitur Plinius; ut jam monui paulo suprâ.

2. *C. Sulpicius Galba.* Imperatoris hic frater fuit, & ædilis. Vide Suetonium in Galbâ, Cap.

3. Ejus officium erat popinas ganeasque inhibere, pœnasque ab iis qui eas exercerent exigere.

3. *Sestertia cccc.* Sunt Gallicæ monetæ libræ 77, 812.

4. *Lege theatri in XIV ordinibus.* De hac lege & in quatuordecim ordinibus sedendi jure multa dixi ad Tacitum, Annal. XV, 32.

5. *Instituere Gracci.* Ita Mss. Reg. & nummi veteres.

6. *Quis primum donatus sit.* Mss. Reg. & editio princeps.

7. *Equidem quis primus donaverit.* Mss. Voss. & Reg. 3. In Ms. Reg. 2. & editione princeps legitur quoque, *equidem.*

8. *A. Postumius dictator.* Dictator fuit anno Urbis conditæ CCCXXIII.

CAP. III. 1. *Et in secreto margaritarum saculi.* Ita Mss. Reg. 1. 3. & editio princeps. Frustra eruditus Harduinus in alterâ suâ editione emendavit, & *inserta margaritarum pondera.* In secreto, id est in secretioribus ædibus dormitoriisque.

2. *In collo dominarum aurea.* Mss. Reg. & editio princeps.

3. *Inter stolam plebemque.* Matronæ stolâ in pedes demissâ utebantur. Brevior plebeiarum seminarum amictus. Libertinæ, altiùs quoque succinctæ, pedes circulis aureis nitentes ostentabant, mediumque quemdam, ac veluti equestrem, seminarum ordinem faciebant.

4. *Pædagogiis id damus.* Pædagogia, pueri sunt unguentarii. Aureo suo cultu, minùs ad balineas publicas, quàm ad principum domos pertinere videbantur.

5. *Insolens his.* Mss. Reg. Dalecamp. & editio princeps. Frustra emendatum in recentioribus editionibus, *in solis his.*

6. *Quibus admissionem.* Admissiones illas nos quoque dicimus *les Entrées*.

7. *Magnâ criminum occasione.* Tum adversus eos, qui imaginem principis Claudii, non dato jure, ferrent, tum, vel dato jure, qui ferrent sine debitâ principi reverentiâ. In recensendis his criminibus frequens est Tacitus.

8. *Æqualiter publicando principem.* Dato omnibus jure ferendi imaginem principis, eumque adeundi.

9. *Ante Pyrrhum regem devictum.* Anno Urbis conditæ CCCCLXXIX.

10. *CX. M. assium fuit.* Cùm librales tunc essent asses, centum decem millia assium efficiebant Gallicæ nostræ monetæ libras 57,750.

11. *Q. Ogulnio, C. Fabio coff.* Bene Mss. Reg. Malè eruditus Harduinus in alterâ suâ editione, *C. Fabio consule.*

12. *Placuit denarium.* Denarius fuit Gallicæ nostræ monetæ assium $15\frac{1}{2}$, & paulo amplius. Valor ille denarii Romani pro decem libris æris in multis antiquis denariis expressus est notâ X.

13. *Quinarium.* Quinarus fuit Gallicæ nostræ monetæ assium $7\frac{3}{4}$, & paulo ampliùs. Nota V. vel Q. in quinariis vulgò signata.

14. *Sestertium.* Sestertius fuit Gallicæ monetæ assium $3\frac{1}{4}$ & paulo ampliùs. Ejus nota IIS.

15. *Bello Punico primo.* Quod cœpit anno Urbis conditæ CCCCX.

16. *Sextantario pondere.* Tunc ergo as non fuit librale, seu duodecim unciarum: sed tantum fuit sextantarium, seu duarum unciarum. Inde manifestum est factas fuisse a republicâ quinque partes lucri, dissolutumque æs alienum.

17. *Janus geminus*. Janus bifrons. Tales adhuc multi existant nummi ærei.

18. *Annibale urgente Marcum Minucium*. Vide Livium xxii, 18. & 24. Malè in editione principe omissa nomina *Marcum Minucium*; quod secutus est eruditus Harduinus in alterâ suâ editione.

19. *Asses unciales facti*. Tunc in libra æris fuere duodecim asses. As ille uncialis valuit Gallicæ monetæ assem $1\frac{1}{2}$. & paulo ampliùs. Ex sextantariis asses cùm facti essent unciales, res publica dimidium lucrata est.

20. *In militari tamen stipendio semper denarius pro decem assibus datus*. Cùm denarius valeret asses sedecim, dabatur tamen militibus in stipendio pro decem assibus: unde milites lucrabantur sex asses. Postea sub initiis Tiberii Principis, non denarius, sed deni asses Pannonicis legionibus dati sunt. Tumultuatæ sunt illæ legiones, quod in diurno stipendio senis assibus fraudarentur. Quâ de re satis dixi ad Tacitum, Annal. I, 17.

21. *Lege Papiriâ*. Ita Mss. Reg. Voss. & editio princeps. Malè eruditus Harduinus in alterâ suâ editione, *lege Papirianâ*. Papirius ille creditur fuisse Papirius Turdus, qui tribunatum plebis gessit anno Urbis conditæ DLXXXVI.

22. *Nota argenti bigæ atque quadrigæ*. Ita Mss. Reg. & editio princeps. Plurimi nummi familiarum Romanarum notati bigis atque quadrigis adhuc existant.

23. *Livius Drusus*. Tribunus fuit plebis anno Urbis conditæ DCXXIX. Alius fuit tribunus quoque plebis anno V. C. DCLXIII.

24. *Lege Clodiâ.* Est Clodius Pulcher, tribunus plebis, qui Ciceronem in exilium egit anno U. C. DCXCVI. Victoriati ita dicti a Victoriæ signo. Idem autem valor fuit, ac quinarîi; eademque nota Q.

25. *Post annum LXII. percussus est.* Percussus est aureus nummus anno U. C. DXLVII.

26. *Scripulum valeret sestertiis vicenis.* In librâ Romanâ erant scripula 288. Scripulum valebat sestertios vicenos, Gallicæ nostræ monetæ libras 3, cum assibus $17\frac{3}{4}$. & paulo ampliùs. Tales adhuc exstant aurei nummuli, qui notam habent XX. qua significantur sestertii viceni. In Mss. Reg. & editione principe, *sestertius vicenus*: unde fortè legendum, *sestertios vicenos*. Sic & Varro accusativo usus est.

27. *Quod effecit... sestertios DCCCC.* Ita libri omnes scripti & editi. Unde explicat eruditus Harduinus rempublicam in singulas auri libras sestertios DCCCC, quales erant anno DXLVII. esse lucratam.

28. *Placuit X. XL. signari.* Placuit denarios quadragenos signari in singulis auri libris. Denarius ille valuit Gallicæ nostræ monetæ libras 23. cum assibus aliquot.

29. *Minutissimè Nero ad XLV.* Id est quadragenos quinos denarios. Tunc denarius ille aureus valuit Gallicæ nostræ monetæ libras 21.

30. *Nec paulatim exarsit.* Ita Mss. Reg. 2. & 3.

31. *Plumboque in os addito.* Cùm Gracchi caput auro effet rependendum, plumbum in ejus os addidit Septimuleius, ita ut caput pependit libras $17\frac{3}{4}$. *ἑπτακαίδεκα λίτρας καὶ διμοί-*

ρογ. Plutarch. In Gracch. pag. 842. Itaque Optimio rependendum fuit caput Gallicæ nostræ monetæ libris 16,685. Sic parricidio suo Septimuleius rempublicam etiam circumscripsit; id est, fraude decepit.

32. *Aureis usum vasis.* Bene Mss. Reg. editio princeps & Cl. Durand.

33. *XII. M. pondo annua.* Optimè hunc locum eruditus Gronovius ex Appiano & Livio restituit. Argenti duodecim millia pondo sunt Gallicæ nostræ monetæ libræ 784,350.

34. *XXXIV. M. invenerat.* Auri xxxiv. millia pondo sunt Gallicæ monetæ libræ 32,130,000.

35. *Quinquaginta millia talentorum.* Sunt talenta Ægyptia, quæ efficiunt Gallicæ nostræ monetæ libras 2,614,500.

36. *Terram virginem nactus.* Terram intactam, & nondum effossam. Talem terram virginem nuper reperere Hispani in Americâ. Campos leucarum 14. auriferos in Americâ, [provincia Sonora, invenerunt anno 1771.

37. *In Suanorum gente.* De Suanis vide supra Libr. VI. sect. 4.

38. *Velleribus aureis inclyto regno.* Hoc est vellus aureum fabulis celebratum in Colchide, *la Mingrelie.*

39. *Columnæ atque parastaticæ.* Adhuc ex Orientis usu, Constantinopoli solium Imperatoris Turcici columnas habet aureas; hujusque solii pedes nitent smaragdis. Parastaticæ autem sunt pilæ quadratæ, *des pilastres.*

40. *Sesostri Ægypti rege.* Mss. Reg. & ed. pr.

41. *Argenteis hastis.* Bene Ms. Dalecamp. & eruditus Gronovius.

42. *Scenâ argenteâ.* Scena illa, *la Décoration du Théâtre*, quæ tota fuit argentea.

43. *Pondo cxxiv. M.* Ita quidem emendavit Cl. Durand. Quod nimium est. At Mss. & editi libri habent tantum, *pondo cxxiv.* Quod quoque minimum est. Fortè scripserat Plinius, *pondo M. cxxiv.* Certè aliquid portentosum exhibuit insanus Caligula.

44. *vii. M. pondo habere.* Ita adhuc Cl. Durand. Pessimè certè scripti & editi libri, *vii. pondo.* Immo Ms. Reg. 2. *vi. pondo.* At librarii, ut passim occurrit in Mss. Plinii codicibus, omisere millesimi aut centenarii numeri notas. Crediderim tamen Plinium non scripsisse *vii. M. pondo*, sed *vii. c. pondo.* Jam multò antè legati Philippi regis, de victoriâ gratulantes, in æde Jovis Capitolini *centum pondo coronam auream* posuerant, ut videre est apud Livium xxxvi, 35. *Legati quoque ab rege Attalo coronam auream ccxlv. pondo in Capitolio posuere*, teste eodem Livio, xxxii, 27.

43. *ix. c. quam Gallia Comata.* Cl. Durand, *ix. M.*

44. *Aureæ domûs ambientis urbem.* Tanta erat aureæ domûs, quam Nero exstruxit amplitudo, ut urbs potius, quàm domus videretur. De hac domo differui ad Tacitum, Annal. XV, 42.

45. *L. Aurelio cass.* Anno U. C. dxcvii.

46. *xvi. M. dcccx.* Auri pondo xvi. M. dcccx. sunt Gallicæ monetæ libræ 15,885,450.

47. *Argenti xxii. M. lxx.* Argenti pondo xxii. M. lxx. sunt Gallicæ monetæ libræ 1,442,550.

48. *In numerato lxxii. lxxxv. M. cccc.* In

numeratâ pecuniâ sexagies bis centena octoginta quinque millia sestertiûm, & quadringenti, efficiunt Gallicæ monetæ libras 1,222,896.

49. *L. Marcio coff.* Anno Urbis conditæ DCLXIII.

50. *Auri pondo XVI. XX. M. DCCCXXIX.* Auri pondo sedecies centena viginti millia octingenta viginti novem sunt Gallicæ monetæ libras 1,512,783,405.

51. *Civili bello suo.* Mss. Reg. Id contigit anno Urbis conditæ DCCV.

52. *Laterum aureorum XV. M.* Mss. Reg. 2. & 3. Quod fuerit laterum illorum aureorum, des *Lingots d'or*, pondus, quæ magnitudo incompertum.

53. *Argenteorum XXXV. M.* Mss. Reg. & editio princeps.

54. *H-s. CCCC.* Quadringenties centena millia sestertiûm sunt Gallicæ monetæ libras 7,782,010. Cùm aliàs locupletior non fuerit res publica, aureorum argenteorum laterum pondus æquavit circiter 2,000,000,000. Qua de re plura dixi ad Tacitum, Annal. XIII, 29.

55. *Perseo rege victo.* Mss. Reg. & editio princeps. Perseus ab Æmilio Paulo victus est anno DLXXXV.

56. *H-s. MM. CCC.* Bis millies trecenties centena millia sestertiûm sunt Gallicæ monetæ libras 44,746,557.

57. *Censurâ L. Mummi.* Anno Urbis conditæ DCXII.

58. *De Catulo.* Qui capitolium dedicavit, ut dictum est suprâ Libr. XIX. sect. 6.

59. *Septimo volumine.* Libr. VII. sect. 57.

60. *Cedat per utrumque plumbo.* Hæc inco-
gitanter scripsit Plinius. Aurum nec pondere .
nec facilitate materiæ plumbo cedit. Pes cubi-
cus auri pendet libras 1326. Plumbi verò, li-
bras 828. De facilitate materiæ satis comper-
tum est, & mox dicetur. Immo ipse Plinius pau-
lo infrà ait nihil auro laxiùs dilatari.

61. *In septingenas & quinquagenas.* Nostri brac-
tearii inauratores adhuc exercitatiores unam au-
ri unciam in 2750. bracteas spargunt; & si in
longitudinem extendant, filum argenteum inau-
rant longum pedes 1,440,000.

62. *Auri parvulas massas.* Massæ illæ, *l'Or
en paillettes, la Poudre d'or.* Detecto novo ter-
rarum orbe non parvulæ tantum, sed magnæ re-
periuntur massæ. Teste Francisco Oviedo, in
Hispaniolâ, *l'Isle S. Domingue*, reperta massa
auri 3600. *Reales* ponderantem. Recenter Hispa-
ni in provinciâ *Cinaloa*, fodinâque Yecorato, au-
ri massam invenere octo libras Hispanicas pon-
derantem & ampliùs.

63. *Agrippinam Claudii principis.* Agrippinam
uxorem Claudii principis. Illam non paludamen-
to, sed chlamyde auratâ, indutam dixit Tac-
tus, *Annal.* XII, 56.

64. *Sine aliâ materiâ.* Mss. Reg. & editio
princeps.

65. *Attalidis verò.* De iis dictum suprâ Libr.
VIII. sect. 74.

66. *Suo loco docebimus.* Infrâ Libr. XXXV.
sect. 17.

67. *Ut dicemus.* Infrâ sect. 32. & 41.

68. *Exarenatur.* Desquamatur, tollunturque
arenæ.

69. *Vim habet, qualem.* Mss. Reg. & editio princeps.

CAP. IV. 1. *A formicis.* Vide suprà Libr. XI. sect. 36.

2. *Apud Scythas gryphis.* De gryphis jam dictum suprà Libr. VII. sect. 2. Et formicæ & dracones fodiendo terram aurum fortè monstrarunt; tunc id crevit in fabulam antiquis scriptoribus, Herodoto maximè, celebratam.

3. *Segullum tollunt.* Segullum illud nos dicimus *la Manne*. At Hispanis manet antiquum nomen *Seguillo*. Plinianam auri effodiendi rationem adhuc sequimur.

4. *Conjectura capitur.* Quantum sit auri conicitur & æstimatur.

5. *Gummi inventum est.* Ita quidem scripti & editi libri. At, ut opinor, vocula excidit, & legendum: *Si gummi inventum est.* Gummi illud est ipsa telluris concretæ crusta, metalli nuntia.

6. *Talutatum.* Ita Mss. Reg. 2. 3. & Voss. In Mf. Reg. 5. *alutationem.* In recentioribus editionibus, *alutatum.*

7. *Puteis foditur.* Rotundi putei, *les Puits*, a Romanis effossi visuntur adhuc in multis Hispaniæ locis, ut *Riotento*, &c. Vide Cl. Bowles, *Introduction à l'Histoire naturelle d'Espagne*, pag. 37.

8. *Atque Thebaico.* Thebaico lapide, de quo infrà Libr. XXXVI. sect. 13. Tale marmor auro scintillans videre est in regiis ædibus Lupa-
ræ, *le Louvre*.

9. *Pilis cuditur.* Bene Mf. Reg. 3.

10. *Ex tasconio.* Manet adhuc Hispanis nomen *tasco*, expurgatio. Nobis, *le Creuset*.

11. *Alia flatum.* Mss. Reg. & editio princeps.

12. *Eadem mensura vigiliarum est.* Quantum tempus infumitur cavandis montibus, tanta est mensura vigiliarum. Semper enim ibi nox; numquam dies.

13. *Arrugias.* Manet quoque id nomen Hispanis, apud quos *arrugia* dicitur fodina metallica profundissima.

14. *Vapor & fumus.* Aceti ignisque vapor & fumus.

15. *Lineas itineri præducunt.* Lineis signant quid in rupe cædendum, quâ parte corrivandi torrentes. Nulla sunt hominis vestigia, cum e funibus pendeat.

16. *Manus trahunt.* Ita hunc locum desperatissimum emendavit eruditus Harduinus: nec infeliciter. Mallem tamen *manu trahunt*. Nam cum per funes eundum sit, & plenis sportis graves ascendant, manibus superiora funium apprehendunt, & se suaque onera trahunt. In Mss. Reg. & editione principe, *manes*.

17. *Agangas vocant.* Mss. Reg. & editio princeps.

18. *Jam promovit Hispania.* Hispania propius mari puteos suos fossasque & canales admovit.

19. *In priore genere.* Cum per puteos aurum quaeritur, ut dictum est paulo supra.

20. *Palacas Hispani vocant, alii palacurnas.* Ita Mss. Reg. 2. & 3.

21. *Vicena millia pondo.* Auri vicena millia pondo efficiunt Gallicæ monetæ libr. 18,900,000.

22. *Interdicto patrum diximus.* Suprà Libr. III, sect. 24.

22. *Idimulorum aurifodina*. Idimuli, vicus fuit prope Vercellas, *Verceil dans le Piémont*. Ibi aurifodinæ, quas memorat & Strabo Libr. V. pag. 218.

23. *Ex auripigmento*. Auripigmentum, *l'Orpin, l'Orpiment, l'Arsenic jaune*.

24. *Libra x. iv. permutarentur*. Auripigmenti libræ permutabantur denariis quatuor, Gallicæ nostræ monetæ libris 3. cum assibus aliquot.

25. *Vario pondere, alibi nonâ*. Mss. Reg. & editio princeps.

26. *Albucrarense*. Ita Ms. Reg. 2. & editio princeps. Sine auctoritate in recentioribus editionibus, *Albicratense*. Ditissimæ Galliarum aurifodinæ fuerunt in Tarbellis, *le Béarn*; ut videre est apud Strabonem, Libr. IV. pag. 490. Mihi videtur ibi fuisse aurum Albucrarense. Fuere quoque aurifodinæ, in Cemmeno monte, ubi confluunt Isara & Rhodanus, *l'Isere & le Rhône*. Vide & Strabonem, Libr. III. pag. 146. & Libr. IV. pag. 128.

27. *Electrum vocatur*. Tale electrum videre est in multis nummis, ac maximè Carthaginensibus.

28. *Homero teste*. Odyss. δ'. vers. 73.

29. *Geminâ ratione*. Cælestibus nempe arcubus & igneo stridore.

30. *Holosphyraton*. Id est, plenum ac solidum, *ὀλοσφύρατον*.

31. *Significavimus*. Suprà Libr. V. sect. 20.

32. *Antonii Parthicis rebus*. Anno Urbis conditæ DCCXVIII.

33. *Triplici miscos*. Misy, *le Misy*, lapis est vitriolicus.

34. *Schiston vocant.* Schistus lapis, *le Schiste.*

35. *Lomento.* Lomentum farina est fabacea.

CAP. V. 1. *Chryfocolla.* Chryfocolla, *le Verd de montagne*, quæ non confundenda est cum nostra chryfocollâ, *le Borax.*

2. *Puteis, quos diximus.* Suprà sect. 21.

3. *Quàm vena putris.* Rectè dictum. Est enim æris metallum, quod resolvitur, & veluti putrescit.

4. *Quam lutum appellant.* Herba illa lutum est luteola herba salicis folio, C. B. *la Gaude.*

5. *Scytanum.* In Ms. Reg. 5. *Schytanum.*

6. *Servatur in lomentum.* In pulverem.

7. *Colorem in herbâ segetis.* Talem colorem egregiè reddit orobitis Sinensis; ut videre est in picturâ quæ penes me est. Hunc colorem dicimus, *le Verd d'Emeraude.*

8. *Arenam Circi chryfocollâ sterni.* Juxta Cl. Targioni Tozzetti, *Viaggi*, Tom. II. pag. 439. illa chryfocolla est, *le Talc couleur d'or.*

9. *Denariis VII.* Denarius, ut jam sæpe dixi est, Gallicæ assium ferme 16.

10. *Paratonio.* Parætonium, *le Blanc d'Egypte, le Blanc gras & fin*, ita dictum a Parætonio urbe portuque Marmaricæ, ubi reperiēbatur. Vide & infra Libr. XXXV. sect. 12.

11. *Acesin vocant.* Id est, medicinalem; ab ἄκεσιν, curatio. Non est orobitis, quæ tinctoria est, ut dictum superiore sectione.

12. *Adglutinando auro.* Loco Chryfocollæ adglutinando auro nunc adhibetur borax, *le Borax*; & priscorum chryfocollâ meliùs adglutinat.

13. *Ad supradiçta additis.* Ad supradiçta, id est, ad æruginem Cypriam, urinamque pueri impubis, & nitrum, *le Natron.*

CAP. VI. 1. *Quæ sequens infania.* Argentum est altera post aurum infania.

2. *Nullâque sui spe nascitur.* Nunc novimus argentum nativum, *l'Argent vierge*, *l'Argent natif*.

3. *Terra est alia rufa.* Hæc terra rufa, *la Mine d'argent rouge*. Cinerea, *la Mine d'argent grise*.

4. *Galenam vocant.* Galena nomen retinet, *la Galène*.

5. *Unde metalla Græci.* Nempe quod μετ' ἄλλων, cum aliis; vel μετ' ἄλλα, post alia, reperiuntur.

6. *Bebulo appellatur.* Cùm Annibal uxorem duxisset Castulone, nunc *Caçlona*, haud procul urbe *Linares*, videntur ibi fuisse Annibalis putei. Quàm multi verò ibi fuerint aperti vide apud Cl. Bowles, *Introduction à l'Histoire naturelle d'Espagne*, pag. 411.

7. *ccc. pondo.* Argenti ccc. pondo sunt Gallicæ nostræ monetæ libræ 19,608. Ergo in annum puteus ille Bebulo subministrabat Gallicæ nostræ monetæ libras 7,156,920.

8. *Aquitani stantes.* Ita Mss. Reg. & editio princeps. Sine auctoritate in recentioribus editionibus emendatum; *Accitani*. Cur Aquitani non essent operati in Hispanicis fodinis, cùm hodieque fodinas minii, quæ sunt in vico *Almaden*, operentur Germani?

9. *Crudaria appellatur.* Crudaria, *la Veine crue*.

10. *Odor ex argenti fodinis inimicus.* Verè quidem ob arsenicum, *l'Arseñic*.

11. *Cujus vomica.* Vomit liquorem æternum. Liquorem illum non esse æternum, sed & ip-

sum

Am gelascere & malleo extendi nuper docuere Petropolitana experimenta.

12. *Argentum vivum*. Nobis quoque *le Vis-argent*, *le Mercure*.

13. *Alutis injectis*. Ita emendavit Pintianus. Emendationi favent Mss. Reg. 5. *ita vitiis abjectis*. Paulo audacior Harduini emendatio, *vestibus injectis*. Aluta autem illa, seu talutia, de quibus jam supra dictum sect. 21. sunt auri sordes.

14. *Sublitum bracteis*. Bracteis aureis.

15. *Suo dicemus loco*. Infra sect. 41.

16. *Stimmi appellant*. Stimmi, stibiumve, *l'Antimoine*.

17. *Platyophthalmon*. Ita dictum, quod dilatat oculos, *πλατυόφθαλμον*. Arabibus nunc dicitur *al Ka-hol*. Feminæ adhuc eo pingunt oculos: qui mos antiquissimus est, teste Jeremiâ IV, 30. Cl. Shaw vidit pulverem illum sibi & lævem arundinem quâ utebantur prisca, ut inter pupillam oculi & palpebras stibium inducerent, & sic oculos dilatarent, reperta in sepulchris deserti, quod Arabes vocant *Sakara*. Shaw, *Voyages*, Tom. I. pag. 382.

18. *Vocant helcysma*. Scoriam argenti Græci vocant *τὸ ἑλκυσμα* ab *ἑλκω*, traho, quod scoria argenti ita lenta sit, ut instar visci trahatur.

19. *Molybdæna*, de quâ dicemus. Infra Libr. XXXIV. sect. 53.

20. *Quæ vocant liparas*. Vide supra Libr. XXIII. sect. 81.

21. *Spuma argenti*. Spuma illa argenti, *la Licharge*. Fit ea spuma ex solo plumbo quod cum

Tomus VI.

P

alijs metallis, ac præcipuè cum argento, adfaciliorem fusionem purificationemque miscetur. Fervente mixturâ, plumbum violentiâ ignis extenuatum levitatem acquirit, argento supernatat, & fit spuma.

22. *Lythrida*. Ita Mss. Reg. 2. & 3.

23. *Donec purgentur*. Donec triticum & hordeum disrumpantur ac dehiscant, & ita calyce suo purgentur. Vide Dioscorid. V, 102.

24. *Lanam non denigret*. Ms. Reg. 3. & editio princeps.

25. *Myrtoque*. Myrteo oleo.

CAP. VII. 1. *Minium quoque*. Minium, le Cinabre.

2. *cccxlx. annum*. Bene emendavit Hermolaus Barbarus. Malè Mss. Reg. editio princeps, & eruditus Harduinus in alterâ suâ editione, *ccxlx*.

3. *Homero ieste*. Iliad. 6'. vers. 637.

4. *Milton vocant*. Milton Græcorum non est minium, le Cinabre; sed est ochra rubra, l'Ochre rouge. Vide Cl. Hill, *Traité de Théophraste sur les pierres*, pag. 177.

5. *Minium quidam, cinnabari*. Ita vocabant, quia minium ejusdem est coloris, ac cinnabari.

6. *Indico cinnabaris nomine*. Cinnabaris Indica non est, ut fabulati sunt prisca, sanies draconis a serpente elisi, sed concreta resina arboris Indicæ, quæ a Clusio appellatur draco arbor. Illa cinnabaris Indica, le Sang-dragon. Vide adhuc infra Libr. XXXV. sect. 32.

7. *Ut diximus*. Suprà Libr. VIII. sect. 12.

8. *Medicamentisque utilissima*. Et nos utimur cinnabari Indicâ, cum inter præstantissima sit

remedia, quæ extrinsecus & intus adstringant.

9. *Venenum esse paulo mox docebimus.* Infra sect. 41. Nos quoque minio naturali rarò utimur inter remedia, quòd nonnumquam partes vitriolicas vel arsenicales contineat.

10. *Idcirco transiere.* Mss. Reg. 2. & 3.

11. *Suis locis dicam.* Infra Libr. XXXV. sect. 13. & 14.

12. *Nummi quinquaginta.* Gallicæ monetæ libræ sunt 9.

13. *Celeberrimum ex Sisaponensi regione.* Existat adhuc in Bæticâ, l'*Andalousie*, fodina illa minii, & dicitur *la Mine de cinabre d'Almaden*; cujus descriptionem curiosissimam edidit Cl. Bowles, pag. 39. & seqq. De eâ quoque diligenter scripserat Cl. de Jussieu, *Mémoires de l'Académie Royale des Sciences*, an. 1719.

14. *Romam defertur.* Mss. Reg. 2. & 3.

15. *H-s. LXX.* Sestertii septuaginta sunt Gallicæ monetæ libræ 13.

16. *Præda societati.* Societati publicanorum, *les Fermiers, la Compagnie.*

17. *Argentum vivum appellavimus.* Suprà sect. 32.

18. *Naturales illas arenas.* Minii Sisaponensis, Cilbianive.

19. *Suo loco dicemus.* Infra Libr. XXXV. sect. 24.

20. *Si non sit aurum.* Si desit aurum, probatur ferreâ laminâ candente.

21. *Setis inducatur.* Setas illas dicimus, *le Pinceau, la Brosse.* Idem autem docet Vitruvius, VII, 9. Tales repertæ sunt ceratæ picturæ in Herculanensibus picturis. At cum inconsultè ignis fuisset picturis illis admotus, evanuerunt.

22. *Marmora nitefcunt.* Marmorea figna; ut habet Vitruvius, loc. cit.

23. *Candelis fubigatur.* Candelæ illæ videntur fuiffe cylindri cerei, ut funt candelæ noſtræ cereæ, *les Bougies*. Vidimus ſuprà Libr. XIII. ſect. 27. repertos eſſe Numæ libros candelis vinctos.

24. *Minium in voluminibus.* Minium illud paſſim occurrit in vetuſtiſſimis codicibus Mſſ. Minii adhuc multus Conſtantinopoli uſus in episto- lis, libris, ſepulchris.

CAP. VIII. 1. *Ex ſecundario.* Ex ſecundario minio, de quo dictum paulò ſuprà.

2. *Hydrargyrum in vicem argenti vivi.* Minia duo diſtinguit Plinius. Alterum, quod reperitur in argentariis metallis, & optimum. Alterum, & in omnibus fere argentariis & plumbariis invenitur, ſed multò inferius. Diſtinguit quoque argentum vivum & hydrargyrum. Illud reperitur in argenti fodinis, purum, ſine mixturâ, & fluidum, *le Mercure vierge*. Hoc autem fit ex minio in pulverem redactò, & ignis vi ſeparatur, *le Mercure factice*. De utroque vide Cl. Hill, loc. cit. pag. 196.

3. *Venenum eſſe conveniat.* Hydrargyrum quidem diu inter venena habitum. Nunc nobis in præſtantiffima & vulgatiffima remedia ceſſit. Immo in Oriente feminas Græcas, ut pingueſcant, hydrargyrum haurire nos docuit Cl. Galland, *Voyage Mſ. du Levant*.

4. *Viliorem excogitavit materiam.* Liquorem ovi candidum, ut dictum ſuprà ſect. 32.

5. *Lapis, quem coticulam appellant.* Coticula, ſive lapis Lydius, *la Pierre de touche*.

6. *Quod a Sole fuit.* Pars quæ fuit obversa Soli, & est durior.

CAP. IX. 1. *Specula fieri.* Tale speculum videre est in picturis Herculanensibus. *Pitture antiche d'Ercolano*, Tom. III. Tab. XXVI.

2. *Tertiæ æris.* Tertia pars æris.

3. *Vicatim tota statuas.* Ita Mss. Reg. 2. &

3. In editione principe aliisque, *totas.*

CAP. X. 1. *Sestertium* \overline{MM} . Bis millies centena millia sestertiūm efficiunt Gallicæ monetæ libras 38,910,050.

2. *Marcio Censorino coff.* Anno Urbis conditæ DCCXLVI.

3. *H-s. DC.* Sexcenties centena millia sestertiūm sunt Gallicæ monetæ libræ 11,673,015.

4. *H-s. XI.* Undecies centena millia sestertiūm sunt Gallicæ monetæ libræ 213,984.

5. *Pythii Bithyni.* Non Bithynum, sed Lydum dicit Herodotus VII, 27. & 28. ubi miræ de ejus opibus.

6. *In delectu senectutis suæ.* Mss. Reg. 2. & 3.

7. *Q. Marcio coff.* Anno Urbis conditæ DLXVIII.

8. *Sextantes æris.* Duas uncias æris, id est, Gallicæ nostræ monetæ assem $1\frac{1}{2}$. Is est Menenius Agrippa, qui anno CCLXI. pacem inter plebem & patricios conciliavit.

CAP. XI. 1. *Anaglypta.* Anaglypta, vel ἀνάγλυφα, des Ciselures.

2. *Et mensas repositoriis.* In hac luxûs infantiâ Romani tabernas mensis adoptaverant, & mensas repositoriis imponebant. De his repositoriis multa habet Petronius in Satyric.

3. *Quatuor millia ccclxxx. pondo.* Ita Mss. Reg. editio princeps & Cl. Durand.

4. *x. vii. dedit.* Denarii septem sunt Gallicæ monetæ libræ 5.

5. *In tribunatu plebis, x.* Argenti decem mille pondo.

6. *Paternaque gente pellitum.* Dignitatis insigne erat vestis pellita, *la Fourure.*

7. *Furit vita.* Perperam Mss. Reg. *fuerit*, vel *fuerat*: recentiores editiones, *furuit*. Melius *furit*.

8. *Quinis millibus sestertium.* Gallicæ monetæ libris 972.

9. *Sestertiis c.* Sestertia centum sunt Gallicæ monetæ libræ 19,453.

10. *Sestertium vi. millibus.* Gallicæ monetæ libris 1,167.

CAP. XIII. 1. *H-3. xii. astimatis.* Duodecim sestertiis, Gallicæ monetæ libris 2,334.

2. *Duæ uncia x. venierunt.* Ita Mss. Reg. 2. & 3. In Ms. Voss. & editione principe, *duæ uncia xx. venierunt.* Sestertia decem sunt Gallicæ monetæ libræ 1945. Duas autem uncias intellige pedis Romani uncias duas, vel, ut vulgò loquimur, duos pollices. Nempe diameter emblematis fuit duarum unciarum. Ulysses & Diomedes Palladium subripientes sæpe occurrunt in antiquis gemmis.

3. *Magiriscia.* Ita appellatos a μάγειρος, coquus.

4. *Sil propriè limus.* Sil, *l'Ochre jaune.*

5. *Atticum vocatur.* Cl. Hill, pag. 192. vult sil Atticum Romanorum esse *le Cinabre factice*, quod a cinnabari nostro factitio prorsus diver-

sum est. At hic apud Plinium, ut apud Vitruvium VII, 14. Sil Atticum est, *l'Ochre Attique*.

10. X. XI. Denarii bini sunt Gallicæ nostræ monetæ libra 1. cum assibus 11.

11. *Est pressum*. Sil pressum, *l'Ochre d'un jaune brun*.

12. H-s. bini. Sestertii bini sunt Gallicæ monetæ asses 7 $\frac{3}{4}$.

13. *Dupondiis verò detractis*. Dupondiis, id est, assibus duobus detractis sil Gallicum, *l'Ochre de Berri*, veniit ferme assibus 6. Gallicæ nostræ monetæ.

14. *Ad abacos*. Abaci illi, *les Compartimens*.

15. *Quod nunc omittunt*. Bene editio princeps. In Mss. Reg. *omittunt*. Sine auctoritate in recentioribus editionibus, *obmutuit*.

CAP. XIII. 1. *Cæruleum arena est*. Cæruleum illud, *le Verd azur*.

2. *In suâ coquitur herbâ*. Herba illa sanè est glastum seu isatis, *le Pastel*, de quâ dictum supra Libr. XXII. sect. 2.

3. *Quæ chrysocolle*. De eâ dictum supra sect. 26.

4. *Vocatur lomentum*. Cærulei illius ita loti & triti partes tenuissimæ sunt; & hoc est, *l'Azur raffiné*.

5. *Pretium ejus x. xi*. Denarii undecim sunt Gallicæ monetæ libræ 8. cum assibus 11. Nota denarii abest a Mss. Reg. & editione princeps; at est supplenda. Malè recentiores editiones, x. 1.

6. *Vocant cyanon*. Bene emendavit Cl. Durand. In Mss. Reg. *Cyllon*. In recentioribus editionibus *calon*.

7. *Cretam Eretriam.* Eretria dicta ab urbe Eretriâ in Eubœâ.

8. *A totâ seplasiâ.* Seplasia forum fuit Capuæ, in quo unguentarii negotiabantur. Seplasia verò, de quâ nunc agitur, fuit Romæ, nomine a Capuanâ ducto. Apud Cl. Gori, Inscript. antiq. Tom. I. pag. 398. EVTYCHI. SEPLASIAR. NEGOTIANTIS. id est Seplasiarii negotiantis, *Négociant droguiste.*

IN LIBRUM XXXIV.

CAP. I. 1. *Ut diximus.* Suprà Libr. XXXIII. sect. 13. & 48.

2. *Vocant cadmiam.* Lapis ille ærofus, *la Calamine, la Cadmie fossile.*

CAP. II. 1. *Quod est Cordubense.* Prope Cordubam sunt montes *Sierra-Morena.* Ibi duæ fodinæ æris; altera cærulei, altera viridis.

2. *In sestertiis dupondiarisq̃ue.* Ita scripti & editi libri. Fueruntne sestertii ærei: nullos certè novimus nisi argenteos. At, ut opinor, per sestertios hic intelligendi sunt quadruffles, qui idem valebant ac sestertii. Quadrussis enim & sestertius valent Gallicæ nostræ monetæ asses 3, cum denariis 11. Dupondarius aut dupondius valet ferme monetæ nostræ asses 2.

3. *Proscriptum esse ab Antonio.* Mf. Torrent. In editione principe, *proscriptum eum esse.*

4. *Olympiadis clyviii. anno tertio.* Malè Mff. Reg. editio princeps, & eruditus Harduinus in alterâ suâ editione, *clyi.* Annus Urbis conditæ DCVIII. quo capta est Corinthus incidit in annum tertium Olympiadis *elviii.*

5. *Nullo munditiarum despectu.* Bene Mff. Reg. & editio princeps. Frustra emendatum despectu.

CAP. III. 1. *Tribunorum militarium salariis.* Ex Appiano II. Bell. Civil. pag. 491. conjicitur annua tribunorum militarium salaria fuisse denariorum MCCCCLX. Gallicæ monetæ librarum 1,128.

2. *Sestertiis quinquaginta.* Quinquaginta sestertiorum millia sunt Gallicæ monetæ libræ 9726.

3. *Navalem triumphum egit.* Anno Urbis conditæ DLXXXVI.

4. *Porticum duplicem.* Duplici columnarum ordine instructam.

5. *Syracusana superficie.* Syracusano ære.

CAP. IV. 1. *Romanum fuerit inventum.* Mff. Reg. & editio princeps.

CAP. V. 1. *Lupercorum habitu.* Lupercorum habitus fuit caprina pellis; ceterò erant nudi.

2. *Quo deditus est.* Mancinus, improbato a senatu fœdere, quod cum Numantinis percuferat, nudus vinctisque post tergum manibus, iis deditus est.

3. *Celestas tantum.* Statuas equestres, ita distas a κέλῆς, equus.

4. *Nonnisi a divo Augusto sejuges.* Longè antè, anno Urbis conditæ DLXVI. *Sejuges in Capitolio aurati a P. Cornelio positi;* ut docet Livius, XXXVIII, 35.

5. *P. Minucio.* Suprà Libr. XVIII. sect. 4. dictus est. L. Minucius. Sic quoque appellatur ab aliis scriptoribus. Vide Livium IV, 12.

6. *Unciariâ stipe.* Stips unciaria æquabat ferme Gallicæ nostræ monetæ assem 1.

CAP. VI. 1. *Q. Marci Tremuli*. Anno Urbis conditæ ccccxlviij. de Hernicis triumphavit Q. Marcius Tremulus.

2. *Cn. Octavium*. C. Popilius Antiochum regem olim circumscripserat, ut habet Livius XLV, 12. Cn. Octavius ad nepotem Antiochi regis postea missus est, & Laodiceæ est interfectus; ideoque ei a Senatu posita statua, ut videre est apud Ciceronem, Philippic. IX, 4. Num quoque Cn. Octavius Antiochum circumscripsit? An duo distincta temporibus conjunxit Plinius?

3. *Bello Samniti*. Anno Urbis conditæ ccccxix.

4. *cccclx. statuere*. Hinc manifestum est annum Græcorum fuisse dierum 360, & menses dierum 30. Tertio quoque anno quindecim dies intercalabant; ut videre est apud Herodotum II, 4.

5. *Gratidiano tribus, ut diximus*. Suprà Libr. XXXIII. sect. 46.

6. *Annius fetialis*. Penes fetiales erat jus belli, pacisque faciendæ, & fœderis feriundi.

7. *C. Popilio II. coff.* Anno Urbis conditæ dxcvi.

8. *Qui Thurinos*. Thurii, vel Thurini, olim fuere dicti Sybaritæ, quorum urbs Sybaris a Crotoniatis everfa.

CAP. VII. 1. *Trecentorum quinquaginta quinque dierum*. Ita & bene Mf. Reg. 3. & eruditus Harduinus in alterâ suâ editione. Temporibus enim Numæ annus fuit tantum dierum ccclv. In Mss. Reg. 2. 5. & editione principe, ccc-lxv. dierum. Sed hoc ex recentiore usu a librariis repositum, quod annum noverant esse

dierum CCCLXV. Sic quoque Romæ figurabantur Jani, cùm Romæ annus decem diebus crevit. Vide Macrobius, Saturnal. I, 9. Antiquitus cùm annus esset tantum dierum CCCLV. ita in Jani manu figurati mihi videntur ejus digiti, ut tres postremi curvati exprimerent dies CCC; elatus index, dies I. curvatus pollex, dies V. Hæc digitorum figura naturalis est: alia quævis contorta.

2. *Per significationem anni.* Ita quidem Mss. Reg. & editio princeps. Redundare tamen hæc mihi videntur, ut & visum erudito Torrentio; & aberant ab ejus antiquissimo Ms. codice.

3. *Plasticen Græci vocant.* Plastice, *l'Art de modeler en argile.*

4. *Temporario theatro.* Et vix per unum mensem duraturo; de quo plura vide infra Libr. XXXVI. sect. 2.

5. *Multa & Luculli.* Lucius & Marcus, fratres. Ille, Mithridatico bello; Macedonico hic triumpho nobilis.

6. *DCX. opera.* Ita Ms. Reg. 5. Sic quoque additum in margine Mss. Reg. 2. & 3. Editio princeps, & Mss. Reg. 2. & 3. *M. D. opera.*

7. *A Vitellianis incensum.* Anno Urbis conditæ DCCCXXII.

8. *Quingentis talentis factus.* Gallicæ nostræ monetæ libris 2,284,375.

9. *CCC. talentis.* Gallicæ monetæ libris I, 370, 625.

10. *Ære mirabiliorem.* Ergo non in operis tantum pulcritudine, sed & in ipsâ æris mixturâ fuit mirabilis ille Apollo Tuscanicus.

11. *A Latari Jove.* Corruptè Mss. Reg. & P vj

editio princeps, a *latere Jovis*. In recentioribus editionibus, a *Latiario Jove*. Melius fuit emendandum, *Latiari*. *Latiarem* dixit Lactantius, de Falsâ religione 1, 21. Hic est de quo Lucanus I, 198.

Et residens celsâ Latialis Jupiter Albâ.

In Albano monte erat collocatus. Huc olim XLVII. civitates Latinorum conveniebant, ut cum Romanis communia sacra Jovi facerent. Unde dictæ Latinae feriæ.

12. H-s. cccc. *manipretio*. Ita Mss. Reg. & editio princeps. Perperam eruditus Harduinus numeris lineam superposuit, cccc. quod immanem summam efficit. Nam H-s. cccc. id est quadringenties centena millia sestertiûm efficiunt Gallicæ monetæ libras 7,782,010. Sed H-s. cccc. id est quadringenta millia sestertiûm efficiunt tantum Gallicæ nostræ monetæ libras 77,812. Quod quoque minimum est manipretium pro tantâ statuæ amplitudine per annos decem facta. Opinor ergo nihil mutatâ scripturâ legendum, sestertiûm quadringentorum millium manipretio. Tunc quadringeni mille sestertii per decem annos efficiunt Gallicæ monetæ libras 778,120. Quod sufficiens est tantæ statuæ manipretium.

13. *Is postquam*. Bene Mss. Reg. 3. 5. & editio princeps.

14. *Ex argillâ*. Argilla illa, *la Figure, la Modele de terre*.

15. *Ex parvis admodum furculis*. Parvi furculi, *les petits Modeles, les Esquisses*.

CAP. VIII. 1. *Olympiade LXXXIII*. Bene

Mss. Reg. 3. 5. & editio princeps. Annus primus hujus Olympiadis incidit in annum Urbis conditæ cccvi.

2. *Perelius*. Mss. Reg. & editio princeps.

3. *Demeas Clitorium*. Mss. Reg. & editio princeps. Demeas erat e Clitore, mediterranea Arcadiæ oppido, de quo supra Plinius V, 6.

4. *Myron, Lycium*. Myron habuit discipulum Lycium Eleuthereum, ut mox infra dicitur.

5. *Lahippus*. Ita Mss. Reg. 2. 3. & editio princeps.

6. *Quæ est in Parthenone*. Parthenon templum fuit Minervæ in arce Athenarum. In illâ statuâ Phidias Minervam stolatam exhibuerat.

7. *Cliduchum*. Claves tenentem, κληδῦχον.

8. *Ad ædem Fortunæ hujusque diei*. Est Fortuna unius cujusque diei, la Fortune du jour. Ejus ædes fuit in Urbis regione x.

9. *Artem toreuticen*. Ars toreutice, l'Art du Bas-relief. Jam fuerat & multò ante Phidiam toreutice. At eam exquisitiore arte aperuit & demonstravit Phidias. Sic multi exstiterant sculptores, & tamen sculpturæ artem aperuit & demonstravit Michael Angelus.

10. *Diadumenum*. Diademate redimitum, & molliter agentem; ut & puerum doryphorum, id est hastam ferentem, & viriliter se gerentem.

11. *Centum talentis*. Gallicæ monetæ libris 456,875.

12. *Quem canona*. Canon, la Règle.

13. *Destringentem*. Mss. Reg. 2. & 3. In balneo se strigili defricantem.

14. *Talo incessentem*. Ad talorum ludum provocantem.

15. *Astragaliζontes*. Α'στραγαλιζειν, talis ludere. Aglaen & Hilæran ita ludentes videre est in picturis Herculanensibus, *Pitture antiche d'Ercolano*, Tom. I. Tab. 1.

16. *Alexetera*. Alexetera, id est, adiutorem, defensore.

17. *Periphoretos*. Is est, qui lesticâ defertur. Artemon, egregius artifex, sed claudus, lesticâ ad opera deferebatur. Inde dictus περιφόρητος.

18. *Quadrata tamen ea*. Tum placebat magis virilis ætatis robur, quàm juventæ elegantia: inde quadrata illa corpora. Tale autem corpus laudat Celsus, II, 1. *Corpus autem habilissimum quadratum est, neque gracile, (neque obesum. Nam longa statura, ut in juventâ decora est, sic maturâ senectute conficitur. Gracile corpus infirmum: obesum, hebes est.*

19. *Discobolon*. Qui discum jacit. Hanc statuem egregiè commendat Quintilianus, II, 13. Plurimi sunt discoboli in gemmis antiquis.

20. *Et pristæ*. Pristæ, πρίσται, qui serrâ secant, les Scieurs.

21. *Pentathlos pancratiaftas*. Qui Delphis quinque ludis, id est omni certaminum genere vicerant. Quinque illi ludi, cursus, saltus, discus, jaculum, lucta.

22. *Multiplicasse varietatem*. Varietas, nobis quoque dicta, la Variété. Hæc egregiè dicta a Plinio; & artis incrementa optimè illustrant. Modò vidimus omnia Polycletum pæne ad unum exemplum fecisse: nunc Myron varietatem multiplicat. Hæc omnia miscet, turbat, & corrumpit.

pit Cl. Falconet, qui quod semel monuisse satis sit, iniquissimâ & indignâ artifice censurâ hos Plinii libros perstrinxit.

23. *Et Leontinus*. Pythagoras alter, patriâ Leontinus. Leontini, nunc *Lentini*, in Siciliâ.

24. *Stadiodromon*. Qui in stadio cursu certat.

25. *Eodem loco*. Olympiâ.

26. *Qui dicaus*. Qui justus, δίκαιος.

27. *Nervos & venas*. Nervi illi, *les Tendons*.

28. *Duris negat*. Duris negat Chrysippum fuisse cujuspiam discipulum.

29. *Apoxuomenon*. Illum ἀποξυόμενον, destringentem se, esse qui in balneo se strigili defricet jam dixi suprâ.

30. *Athenis Satyrum* : turmam *Alexandri* in quâ amicorum ejus imagines. Bene Mss. Reg. & editio princeps. Perperam eruditus Harduinus, ut Velleii Paterculi auctoritatem infringeret, in alterâ suâ editione emendavit, *Athenis Satyrorum turmam* : *Alexandrum amicorumque ejus imagines*. Egregium illud opus commendat & describit Velleius Paterculus I, 12.

31. *Non habet Latinum nomen Symmetria*. Bene Plinius. Nec enim commensus aut modulatio eandem vim habent.

32. *Argutiæ operum*. Argutias illas dicimus, *l'Élégance, la Finesse de l'ouvrage*.

33. *Lahippum*. Mss. Reg. & editio princeps.

34. *Et Thespiadas*. Thespiades sunt novem Musæ, quæ Thespiis in Bœotiæ oppido colebantur : unde dictæ Thespiades. deæ.

35. *Trophonii ad oraculum*. Illud oraculum fanumve subterraneum fuit in Lebadeâ Bœotiæ regione, ut dictum suprâ Libr. IV, sect. 12.

36. *Equum cum fiscinis.* Talem equum dicimus, un *Cheval muselé.*

37. *Peucestes.* Is est qui in obsidione oppidæ Oxydracarum, ut habet Quintus Curtius, IX, 17. vel Mallorum, ut habent alii scriptores, tribus jaculis confossus, non se tamen scuto, sed regem tuebatur.

38. *Catagufam.* Catagufa, est Ceres raptam Proserpinam reducens.

39. *Peribocton.* Id est celeberrimum & nominatissimum, περιβόητον. Is est Satyrus, de quo magnopere gloriabatur Praxiteles; & cum ei nunciatum esset officinæ suæ incendium, exclamavit: Actum est de meis laboribus, si Satyro & Cupidini flammæ non pepercerunt; ut videre est apud Pausaniam, I, 20.

40. *Stephusam.* Mulierem coronas plectentem. Στέφισσαν.

41. *Spilumenen.* Anum fordidam, σπιλυμένην.

42. *Oenophoron.* Vinum ferentem, οἰνοφόρον.

43. *Sauroctonon.* Lacertam occidentem, σαυροκτόνον. Sauroctonos ille fertur exstare in gemmâ smaragdina e Museo Cl. Vander Marck. Vide Cl. Stosch, *Gemmæ antiquæ celatæ*, Præfat. pag. xviii.

44. *Encrinomenos.* Approbatus & ceteris prælatus, ἐγκρινόμενος.

45. *Iphicratis leæna.* Ita Mss. Reg. & editio princeps. Frustra eruditus Harduinus emendavit *Tisicratis.*

46. *Æsculapium. & Seleucum.* Ingeniosè qui;

dem conjicit Harduinus, *Æsculapium & Salu-*
tem. At & infra inter opera nobilia artificum
 laudatur *Seleucus rex*. Nihil ergo mutandum.

47. *Olympium Periclem*. Pericles, ob mirabi-
 lem in orationibus tonandi vim, Olympius co-
 gnominatus est. Vide Valerium Maximum V, 10.

48. *Philesius cognominatur*. Amabilis, φιλή-
 σιος. Creditur esse l'*Apollon de Florence*.

49. *In Didymæo*. Didymis, ubi oraculum
 Apollinis Didymæi. Vide suprâ Libr. V. sect. 31.

50. *Celetizontas*. Celetizon, qui equum sin-
 gularem regit, quem Græci vocabant κέλητα.
 Celetizontas sæpe videre est in antiquis gemmis.

51. *In gorgone ejus*. Gorgon Medusæ fre-
 quens occurrit in nummis & in gemmis.

52. *Inter fîctores*. Fictor, *Artiste qui travailla*
en argile.

53. *Boni eventûs*. Deus Bonus Eventus vide-
 tur cum insignibus; quæ hic describit Plinius,
 in nummis Titi, Trajani, & Antonini, aliisque.

54. *Cliduchon*. Clavigerum, ut jam dixi
 suprâ.

55. *Artem ipso amne liquidior*. Ingeniosè
 dictum. Videre est illud Eutychidæ opus incisum
 in onyche. Eurotas sedet dextrâ tenens arun-
 dines, sinistrâ urnæ, unde amnis fluit, innixus
 Infrâ ΕΥΩΤΑΚ. *Ficoroni gemma antiqua li-*
tarariæ, Tab. VI. num. 1.

56. *In Pario coloniâ*. Parium, colonia Hel-
 lesponti; de quâ dictum suprâ Libr. V. sect. 40.

57. *Eleuthereus Lycius*. Lycius oriundus Eleu-
 theris, Bœotiæ oppido.

58. *Puerum suffitorem*. Puerum odores adq-
 lentem.

59. *Menæchmi vitulus genu premitur.* Malè vertit Cl. Falconet : *le veau de Ménechmus est appuyé sur un genou, la tête tournée en arrière.* Vertendum erat, quod rarò tamen monuerim, *le veau de Ménechmus est pressé sous le genou.* Quod Menæchmus in vitulo fecit, hoc Michael-Angelus, fortè Menæchmum imitatus, expressit in Goliath, qui Davidis genu premitur, replicatà quoque cervice. Et ne ab antiquitate recedam, sic vitulus, forsitan Menæchmi, premitur genu, & replicatà cervice, morti proximus videtur in Sardà apud Cl. Gori, Inscript. antiq. Tom. I. Tab. VIII. num. 5.

60. *Epitherfen.* Epitherfes pugil fuit eximius, quem Erythræi ob victorias dedicarunt. Vide Pausaniam VI, 15.

61. *Splanchnopte.* Ut mox explicat Plinius splanchnoptes est suffians & torrens exta, ἀπὸ τῆς σπλάγχχνα ὀπλᾶν. De hoc puero ejusque signo jam dictum suprà Libr. XXII. sect. 20.

62. *Epistaten.* Non videtur viri nomen; sed præfectum, ἐπιστάτην, significat, *un Maître d'escrime.*

63. *Strongylian.* Strongylian laudatus a Pausaniâ IX, 30.

64. *Eucnemon.* Nempe a pulcris tibîis dicta; εὐκνημος.

65. *Lavâ tribus digitis.* De his minutissimis operibus vide jam dicta suprà Libr. VII. sect. 21.

66. *Dicata a Vespasiano.* Mss. Reg. & editio princeps.

67. *Peryxiomenon.* Circumradentem se, περιξυόμενον, *un Homme qui se frotte.*

68. *Tyrannicidas*. Harmodium & Aristogitonem, jam suprà dictos in hac sectione.

69. *Doryphorus*. Hastatus miles. Tales doryphori sæpe occurrunt in gemmis antiquis.

70. *Colotes*. Non est hic discipulus Pasitelis, de quo Pausanias V, 20. sed Phidiæ, ut ait ipse Plinius infrà Libr. XXXV. sect. 34. Quod non advertit eruditus Harduinus.

71. *Dahippus paralyomenon*. In Mss. Reg. 2. 3. 5. *perlayomenon* in editione princeps *parlayomenon*. Malè emendatum in recentioribus editionibus *perixyomenon*. Emendandum certè fuit *paralyomenon*, παραλύμενον, un *Homme qui tombe en défaillance*. Inde παράλυσις, la *Paralytic*. Talem, & fortè ipsum Dahippi paralyomenon, in corneolà incisum, vide apud Cl. Borioni, *Collectanea antiquitatum Romanarum*, Tab. 71. Quam gemmam nemo adhuc feliciter explicavit, nec explicare potuit, corrupto hoc Plinii loco.

72. *Eubolidis*. Eubolidis opus est, digitis computans, un *Homme qui compte par ses doigts*.

73. *Clarissimus*, ut dicemus. Infrà Libr. XXXV. sect. 36.

74. *Periclymenus*. Malè Mss. Reg. & editio princeps, *Periclenus*. Est Periclymenus, qui, teste Tatiano in Oratione contra Græcos, fecit mulierem triginta infantes uno partu enixam.

75. *Tam inane exemplum*. Inane quidem & singulare hoc Catonis exemplum. Philosophos enim, quos proavus oderat, diligebat abnepos.

76. *Quamquam auctoris incerti*. Non ita bene Mss. Reg. editio princeps & Cl. Rezzonius, *quamquam auctores incerti*.

77. *Oetao habitu*. Hunc locum optimè emendavit eruditus Turnebus. Malè Mss. Reg. *soleo* vel *fulleo* habitu. Recentiores editiones, *Elleo habitu*. Hac de re morteque Herculis in monte Oetâ scriptæ a Senecâ tragoediæ, *Hercules Oetaus & Hercules furens*.

78. *Ex privato in publicum*. Cùm in privatos usus cessisset hæc statua, eam Sabinus in publicum restituit.

CAP. IX. 1. *Differentias æris & mixturas*. Differentiæ æris, *les différentes Especes d'airain*; mixturæ, *les Alliages*.

2. *Pyropi bractea*. Pyropus, *le Clinquant*.

3. *Frigore magno melius fundi*. Ignis semper acrior hieme quàm æstate; & quò majus frigus, eò ignis acrior; ut constat experimentis Cl. Micheli.

4. *Argentarii vicesima*. Mss. Reg.

CAP. X. 1. *Cadmia vocatur*. Hæc cadmia, *la Calamine*, *la Pierre calaminaire*. Partibus autem æquis æris & cadmiæ fit, *le Laiton*.

2. *Medicinæ inutilis*. Nos ex cadmiâ in *alkool*, sive pulverem tenuissimum redacti, utimur, & inter præcipua remedia siccantia, *les Remedes dessicatifs*, recensemus. Utebatur & Nymphodorus, ut mox dicetur.

3. *Aliamque nominis sui originem*. Tunc dicitur *la Tuthie*. Illam quoque numeramus inter optima & lenissima medicamenta, quæ detergunt & siccant.

4. *Capnitidis*. Fumosa, *καπνίτις*.

5. *Botryitis*. Racemosa, *βοτρυίτις*.

6. *Levior secuturis*. Ita Mss. Reg. & editio princeps. Sine auctoritate in recentioribus edi-

tionibus, *levior porro secuturis*; de quibus mox agit Plinius.

7. *Placitis*. Id est, plana & crustosa. Dioscoridi V, 84. dicitur *πλακώδης*.

8. *Et in ipsâ argumentum planitie*. Bene Ms. Reg. 5. In recentioribus editionibus, & ipsa ab argumento.

9. *Ad cicatrices trahendas*. Ad cicatrices delendas.

10. *Onychis maculis*. Bene Ms. Reg. 5. & editio princeps. *Onyx*, *l'Onyx*.

CAP. XI. 1. *Vocant lepida*. *Lepis*, *λεπίς*, est squama, æris flore crassior, quæ clavis inhærebat. *Squamam æris*, quam *λεπίδα χαλκῆ*, ad dejectionem memorat Celsus II, 12.

2. *In quos panes æris ferruminantur*. Conflandis clavis, panes illi ærei indurabantur.

3. *Vocant stomoma*. Illam quoque spumam æris, quod *σβύωμα* appellant, memorat Celsus VI, 6. inter collyria ad morborum oculos. Id ergo non pertinet ad stomoma ferri, *l'Acier*, ut vult Constantinus, & post eum multi.

4. *Seplasiæ*. De seplasiâ dictum suprâ Libr. XXXIII. sect. ult.

5. *Sic exteritur*. Sic tabidæ officinarum merces, sic fraudes seplasiæ teruntur, & ab ægris absumuntur.

6. *Æruginis*. *Ærugo*, *le Verd-de-gris*.

7. *Et lapide... deraditur*. Ita Mss. Reg. & editio princeps. Frustra emendatum in recentioribus editionibus, & *e lapide*. Sic infrâ sect. 33. *derasam parietibus*, & sect. 45. *deraditur humido ferro & clavis veteribus*.

8. *In cadis super acetum suspensio.* Nos acetum non utimur, sed tantum vinaceis, *le Marc de raisin.*

9. *In batillo ferreo.* Si ferventi batillo ferreo, *une Pelle à feu*, atramentum futorium insperferis, rubescit; mutato quoque colore, rubescunt atramento futorio mixta.

10. *Penicillis calidis.* Ita Mss. Reg. & editio princeps.

CAP. XII. 1. *Quam vocant scoleca.* Α σκώληξ, vermiculus, dicta hæc ærugo scolex, vel vermicularis.

2. *Duæ partes quæ fuere aceti.* Contrà Dioscorides V, 92. tradit miscendas partes duas urinæ cum unâ aceti.

3. *Quâ diximus aurum.* De lanternâ dictum supra Libr. XXXIII. sect. 29.

4. *Chalcitin.* Chalcitis, *le Colchorar fossile.*

5. *Ex subdialibus petris.* Ex petris sub dio expositis.

6. *Dicemus suis locis.* Mox sequentibus sectionibus.

7. *Psoricon dictum.* Quod contra ψώρας; cutisve scabritiem sit utile.

8. *Sory Ægyptium.* Sory, *la Couperose cendrée.*

9. *Ut Misy.* Misy, *la Couperose jaune, le Vitriol Romain.*

10. *Chalcanthum.* Chalcanthum, *le Vitriol, la Couperose.*

11. *Stalagmian vocant.* Illud nomen apud nos manet; sed multò magis diffusum, *les Stalagmites, les Stalactites.*

12. *Probant maximè Cyprium.* Chalcanthum

Cyprium, *le Vitriol bleu, le Vitriol de Chypre.*

CAP. XIII. 1. *Pompholyx.* Pompholyx, *la Fleur de Calamine*, levis est, & ad fornices evolat, quibus bullarum instar adhæret; ducto inde nomine, cum *πομφόλυξ* Græcis sit bulla.

2. *Spodos.* Spodos, *la Cendre de Calamine*, pompholyge ponderosior, non ad fornices ascendit; sed cineris instar, unde nomen, humi decedit.

3. *Antispodon.* Si spodos desit, in ejus locum substituitur antispodos, seu cinis fici, caprifici, myrti, &c.

4. *Psegrma fit.* Malè Mss. Reg. & editio princeps, *smegma*. Optimè vidit Harduinus emendandum, *psegrma*. Dioscorides ipse V, 80. *ψῆγμα* dixit. Est ramentum aut palea æris.

5. *Diphrygem.* Græcis, *δις φρύγεσθαι*, bis torrefieri dicitur.

6. *Deminutionem familiae.* Ms. Reg. 2.

CAP. XIV. 1. *Cum stilo scribere.* Mss. Reg. & editio princeps.

2. *Clavisque caligariis.* Clavi sunt quibus suffixa militaris caliga.

3. *Strictura vocantur.* Hoc omne ferreum metallum, *la Mine de fer*, stricturae vocabantur, nomine imposito a stringendâ acie, *la Trempe*, quâ acies ferri stringitur, ut mox ipse Plinius declarat.

4. *Nucleusque quidem ferri.* Hic est nucleus ferri, qui cum excoctus est & temperatus, dicitur *l'Acier*.

5. *Bilbilin.* Manent Bilbilis rudera in monte *Bambola*, prope urbem *Calatayud*. Aqua ejus temperando ferro celebratissima est annis *Sa-lo*, nunc *Xalon*.

6. *Turiasonem*. Sic & in nummis TVRIASO, nunc *Tarazona*, inter oppida *Casçante* & *Agreda*.

7. *Ex merâ acie*. Meram illam aciem nos dicimus *le Pur acier*.

8. *Mollior complexus*. Mollioris temperaturæ ferrum.

9. *Aliubi factura*. Facturam illam dicimus *la Trempe*. De vi aquæ in stringendâ acie dictum modò suprà: Sulmo, nunc *Solmona*, Ovidii natalibus oppidum celebre.

10. *De magnete lapide*. De magnete, *l'Aimant*, dicetur infrâ Libr. XXXVI. sect. 25.

11. *Sed sparsâ bullatione*. Magnes non ex continuâ caute exciditur, sed sparsum quasi per bullas colligitur.

12. *An vitro fundendo*. Vitro fundendo magnetem addi vide infrâ Libr. XXXVI. sect. 66.

13. *Inficit eâdem vi*. Tunc enim ferrum, ut magnes, attrahendi vi pollet.

14. *Arsinoes templum*. Arsinoe soror & uxor Ptolemæi Philadelphi.

15. *Cantabriæ maritimæ parte*. Vena illa ferri largissima est, *la Mine de Sommorostro dans la Biscaye*, de quâ diligentissimè scripsit Cl. Bowles, *Introduction à l'Histoire Naturelle d'Espagne*, pag. 322.

16. *In ambitu Oceani diximus*. Suprà Libr. IV. sect. 34.

CAP. XV. 1. *Quæ Zeugma*. Urbs Zeugma, nunc *le pont Mangeb*, ad Euphratem.

2. *Carentibus eâ prioribus*. Fuitne priscis inventa ars ita ferrum fundendi aut temperandi, ut rubiginem non sentiret?

3. *Ustione sanantur*. Viget adhuc hæc medicina in nostris provinciis.

4. *Calefit enim ferro candente aqua. Id quo-*
que passim usurpatur.

5. *Et genis.* Et palpebris prodest.

6. *In hygremplastro.* In humido emplastro.

7. *Omne callum.* Ita Mss. Reg. & editio prin-
ceps. Frustra in recentioribus emendatum,
omnem.

8. *Picis oboli sex, Cimolia creta drachma sex.*
Ita emendavit eruditus Harduinus; quod in Mss.
Reg. 2. & Pintian. legatur, *pari obolis & Ci-*
molia creta drachmis sex. Picem quidem non-
nullis in emplastris, non in eo tamen, de quo
nunc Plinius, memorat Celsus V, 19. num. 1.
& 3. Unde fortè melius in Mss. Reg. 5. *Com-*
ponitur hoc modo: obolis ex Cimolia creta duo-
bus, drachmis duabus ex are, totidem e squama
ferri, totidem ferri, totidem cerae, ex oleo sex-
tarius.

CAP. XVI. 1. *Nigrum, atque candidum.* Plum-
bum nigrum, *le Plomb.* Plumbum candidum,
l'Etain.

2. *In insulas Atlantici maris.* In insulas Cas-
siteridas, de quibus dictum supra Libr. IV.
sect. 36.

3. *Quod subsedit.* Ita Mss. Reg. & editio
princeps. In recentioribus, *subsedit.*

4. *Alutia vocant.* Ita Mss. Reg. 5. In editio-
ne principe, *alucia.* In Mss. Reg. 2. & 3. &
recentioribus editionibus, *aluta.*

5. *Cum fiat ex nigro.* Ex plumbo nigro, cum
abundantissima est galena, *la Galene,* fit ex li-
bris centum galenae uncia una cum semisse, vel
duae unciae argenti. Vide Cl. Lehmann, *l'Art*
des mines, Tom. I. pag. 128.

Tomus VI.

Q

6. *Jungi inter se.* Jungere, Souder. Nos quoque jungimus & plumbo albo, l'*Etain*, & resinâ. Posse tamen jungi & plumbo nigro patet. Album quoque nigro jungitur sine oleo.

7. *Teste Homero.* Iliad. λ'. vers. 25. ψ'. vers. 531. & alibi sæpe.

8. *Stannum appellatur.* Si accuratè hæc descripsit Plinius, stannum illud non est quòd dicimus l'*Etain*.

9. *Qui secundus argentum.* Cùm argentum a plumbo secernebant.

10. *Galena.* In hoc nomine a Plinio & priscis adhuc discrepamus. Nobis Galena, la *Galène*, est ipsum plumbi metallum, quod e terrâ eruitur.

11. *Deductis partibus non duabus.* Ita Mss. Reg. & editio princeps. Nescio cur particula negativa in recentioribus editionibus sit omissa. Nobis certè diversa est plumbi fundendi ratio. Cùm purissima est galena, centum pondo reddunt libras plumbi a 60. ad 70. Vide Cl. Lehmann, loc. cit.

CAP. XVII. 1. *Pondus non auget.* Eadem fama viget Constantinopoli & in Oriente. Nec ut apud nos exteruntur vasa ænea, sed optimè & levissimè stanno illinuntur.

2. *Laudatissima, ut diximus.* Suprà Libr. XXXIII. sect. 45.

3. *In libras x. x.* Denarii deni sunt Gallicæ monetæ libræ 7.

4. *Hoc fistula solidantur.* Solidare, aut jungere, Souder.

6. *Qua volunt incoquunt.* Incoquere, Etamer.

7. *In pondo c. LX. x.* In pondo c. nobis par *Quintal*. Sexaginta autem denarii sunt Gallicæ monetæ libræ 46. cum assibus 13.

8. *Plumbatur.* Solidatur & jungitur.

9. *Album incoquitur.* Inventum ergo Galliarum fuit incoquere, *Etamer*, ærea vasa plumbo albo; *l'Etain*.

10. *Argentum incoquere.* Inventum quoque Galliarum argentum incoquere, *Argenter*.

11. *In Alesiâ oppido.* Bene Mss. Reg. & editio princeps. Malè in recentioribus editionibus, *Alexiâ*. Alesia, oppidi Galliarum celeberrimi, rudera exstant in Burgundiâ, prope *Sainte-Reine en Auxois*.

12. *Effeda... & petorita.* Effeda, vehicula, petorita, diversa sunt currum nomina & genera.

13. *Staticula.* Staticula illa, *des Cartouches*.

14. *India neque æs, neque plumbum.* Et æs, & plumbum habet India, sed tunc non effodiebat, cum facilius commodiusque hæc gemmis & margaritis permutaret.

15. *Ad fistulas.* Fistulæ, *les Tuyaux*.

16. *Ovetanum, Caprariense, Oleastrense.* Ovetanum ita dictum ab oppido Oveto, *Oviedo*; Caprariense, ab insulâ Caprariâ, nunc *Cabrera*, prope *Majorque*. Oleastrense, ab oppido Oleastro, de quo suprâ Libr. III. sect. 3.

17. *Santarensi metallo.* Ubi fuerit in Baticâ illa fodina incompertum. Nunc novimus Scababim, *Santarem*; quæ non est in Baticâ, sed in Lusitaniâ, Tago flumini adposita.

18. *x. cc. m.* Ducenta millia denariorum sunt Gallicæ monetæ libræ 155,625.

19. *cçlv. locatum.* Incerti valde sunt hi numeri. In Mss. Reg. 2. 3. & editione princeps, *xxiii. locatum est.* In Ms. Reg. 5. quod fortè verius, *postquam oblitteratum erat, reddit lxxxii.* Octoginta duo millia denariorum sunt Gallicæ monetæ libræ 63,806. Denariorum autem ducenta quinquaginta quinque millia efficiunt Gallicæ monetæ libras 198,421.

20. *Ad pondo cccc. vèdligalis.* Ita editio princeps aliæque. Hæc desunt in Mss. Reg. Intelligendum, pondo cccc. m. *Quatre mille quintaux.* Antonianum autem dictum est metallum ab Antonio, fortè triumviro, fodinæ domino.

21. *Aquâ additâ.* In editione princeps, *mirum aquâ additâ.* Mirum deest in Mss. Reg. & est inutile. In recentioribus editionibus, & *mirum.*

22. *Peruri.* Bene Mss. Reg. 2. 3. & editio princeps. Malè Ms. Reg. 5. & recentiores editiones, *vas peruri.*

CAP. XVIII. 1. *In metallis.* In metallicis fodinis.

2. *Plumbaginem.* Plumbago, *la Mine de plomb;* ni sit plumbago herba, de quâ dictum suprâ Libr. XXV. sect. 97.

3. *Procidentiam eorum.* Teste Celso, VI. 6. *nonnumquam ingens inflammatio tanto impetu erumpit, ut oculos suâ sede propellat.*

4. *Quæ chartis.* De chartarum usu in medicinâ dictum suprâ Libr. XXIV. sect. 51.

5. *Ut in crudo dictum est.* In crudo plumbo, neque usto. De hac loturâ crudi plumbi, cum se ipso teritur, dictum est superiore sectione.

6. *Sine plumbi reliquiis.* Ita ut nihil plum-
bosi remaneat.

7. *Quo ex Cyprio are diximus.* Suprà sect. 34.

8. *Alio loco galenam vocavimus.* Suprà Libr.
XXXIII. sect. 31.

9. *Quæ in Zephyrio fiat.* Zephyrium fuit op-
pidum & promontorium Ciliciæ. Ibi laudatis-
sima est molybdæna fossilis, teste Dioscori-
de, V, 100.

10. *Usus in liparas.* Liparæ sunt emplastra
lenia.

11. *Fovendo calida.* In Mss. Reg. & editio-
ne principe, *fovenda calida.* Quod nec malè est.
Calida enim debet esse, ut foveatur venter.

12. *Psimmythium.* Psimmythium, *la Céruse,*
le Blanc de plomb.

13. *Ad candorem feminarum adhibetur.* Ita Mss.
Reg. 3. & 5. In Ms. Reg. 2. & editione prin-
cipe deest, *adhibetur.*

14. *Sandaracæ.* Ita Mss. Reg. & editio prin-
ceps. Ferme dicta est sandaracæ natura, cum
toties suprà memorata sit in recensendis medi-
camentis. Sandaracæ, *la Sandaraque, l'Arse-
nic rouge.*

15. *Et arrenicum.* Ita Mss. Reg. & sic jam
suprà dictum. In editione principe, *arsenicum.*
Arrenicum, vel arsenicum, *l'Arse-
nic.*

16. *Coloris etiam in auro excellentis.* Ita Mss.
Reg. Pintian. & editio princeps. In Ms. Dale-
camp. *ut in auro excellentis.* Malè emendatum
in recentioribus editionibus, *coloris etiam in*
auro, excellentius. Sic enim nec Latinitas, nec
sensus constant. Emendavit Cl. Durand, *coloris*
etiam, ut auro, excellentis.

IN LIBRUM XXXV.

PRÆF. I. *Nascentiumque in eis.* Bene Mf. Reg. 3. Sic suprâ Plinius Libr. XXXIII. sect. 36. *in auri & argenti metallis nascuntur etiam pigmenta.*

2. *Cælandi fingendique.* Proprietas vocum, quæ sæpe in hoc Libro occurrunt, retinenda. Cælare, *la Ciselure*; fingere, *la Statuaire*, *l'Art de fonder des statues en bronze*; sculptura, *la Sculpture*, *l'Art de faire des statues de marbre*; plastice, *l'Art de modeler.*

3. *Lapidumque genera.* Mf. Reg. 5.

4. *Utilem instituto : hoc modo.* Bene Mff. Reg. 2. & 3.

CAP. I. 1. *Parietes toti operiantur.* Romæ in monte Palatino, inter rudera domûs Cæsarum, vidi plures marmoris albi crustas, quibus parietes fuerant operti.

2. *Interraso marmore vermiculatisque.* Hæc sunt musiva opera, *les Mosaïques*, quæ non Romæ tantum & in Italiâ, sed in toto orbe Romano fuere pervulgata.

3. *Abaci.* Abacos dicit Plinius quadratas aliûve figuræ crustas, quibus flores, animalia, homines, aliaque exprimebant. Abaci illi, *les Compartimens.*

4. *In crustis inferendo.* Mff. Reg. Voss. & editio princeps.

5. *Synnadicus.* In Phrygiâ. De hoc marmore albo, quod ad alabastrum accedebat vido Strabonem Libr. XII. pag. 577.

CAP. II. 1. *Ærei ponuntur clypei.* Aurei quoque & argentei. Argenteus Scipionis clypeus,

in Rhodano repertus, exstat Parisiis in Bibliothecâ Regiâ.

2. *Surdo figurarum discrimine.* Obscuris & confusis figuris.

3. *Pinacothecas.* Pinacothecæ, les Galeries de tableaux.

4. *Furisque detrahat laqueus.* Ita Mss. Reg. 2. & 3. Fortè scripserat Plinius, *furisve.*

5. *Et ceromata sua.* Ceroma, locus fuit gymnasi, in quo athletæ perungebantur. Unguentum autem erat cera oleo subacta.

6. *Natali ejus vicesimâ Lunâ.* Natalis Epicuri, teste Diogene Laertio, X, 18. & ex ipso Epicuri testamento, fuit dies decima mensis Gamelionis. At & singulis mensibus vicesimus dies epulis colebatur, ob ejus & Metrodori memoriam. Vide Ciceronem, Libr. II. de Finibus.

7. *Quas icadas vocant.* Feriæ illæ icades dicebantur, quòd εἰκάς sit dies vicesimus Lunæ, seu mensis.

8. *Li maximè.* Mss. Reg.

9. *Stemmata verò.* Stemmata minores sunt imagines familiæ.

10. *Tablina codicibus.* Tablina dicebantur atria, in quibus magistratus tabulas rationum imperii sui habebant. Manet apud nos nomen, les Tablettes.

11. *Refigere liceret.* Revellere liceret.

12. *Lævinorum.* In nummis Fastisque Capitolinis VALERIUS LAEVINUS.

13. *Salutiones.* Scipio cognominatus erat Pomponianus Salutio, a Salutione mimo, ut dictum est suprâ Libr. VII. sect. 10.

14. *Hoc enim fuerat cognomen.* Mss. Reg. Voss. & editio princeps.

15. *Non traditos vultus.* Ita Mss. Reg. & editio princeps. Frustra emendatum in recentioribus, *non traditi vultus.*

16. *Imaginum amore flagrasse quosdam.* Ita Ms. Dalecamp. In Mss. Reg. editione princeps aliisque, *quondam.* At si retineatur, *quondam,* emendandum est, *amorem.*

17. *Atticus ille Ciceronis.* Est Atticus Pomponius literis & amicitia Ciceronis notissimus: minimè verò Ciceroniani cujusdam libri titulus, ut commentus est eruditus Harduinus.

18. *Benignissimo invento.* Inventum illud fanè fuit ut imagines in Varronianis libris calamo delineatæ viderentur, *des Dessins à la plume.*

19. *Præsentes esse ubique credi possent.* Mss. Reg. & editio princeps.

CAP. III. 1. *M. Æmilius.* M. Æmilius Lepidus, Lepidi triumviri pater, consul fuit anno Urbis conditæ DCLXXVI. De ejus obitu vide suprâ Libr. VII. sect. 36.

2. *Martio exemplo.* Bellico exemplo.

3. *Invenit Marcius.* L. Marcius, de quo jam dictum suprâ Libr. II. sect. 3.

4. *Ægyptii sex millibus annorum.* De inventione picturæ apud Ægyptios dictum suprâ Libr. VII, 36.

5. *Monochromatan.* Ab uno colore pictura illa dicebatur *μονοχρώματος.*

6. *Etiamnum hi colore.* Ita Mss. Reg. editio princeps & Cl. Durand.

7. *Mox docebimus.* Infrâ sect. 43.

8. *In orbitate tecti, veluti recentes.* Id sanè meritò Plinius miratur. Ars autem illa prorsus ignota est nostris pictoribus, quorum colores tam citò deteruntur. At notissima fuit antiquissimis pictoribus: siquidem P. Sicard vidit in Ægypto picturas Ardeatinis picturis multò antiquiores, in eadem tecti orbitate, & splendidissimas. Immo & nota fuit in regionibus nunc barbaris. P. Marquette, cùm anno 1673. fluvium *Mississipi* exploraret, & pervenisset ad altissimas rupes, imminentes fluvio *Pekittanoui*, quì in *Mississipi* infuit, vidit duo grandia monstra, visu horrenda, affabre tamen picta coloribus viridi, rubro & subnigro, in hac ferme inaccessâ rupium altitudine. Fuerene artes ibi excultæ antiquissimis temporibus? Ipse vidi Romæ in Castro prætorio, villæque tyrocinii Societatis Jesu, multa monochromata, sub imperatoribus Romanis, cùm adhuc vigerent artes, eleganter picta: licet tot abhinc sæculis aeris temporumque injuriis obnoxia, adhuc tamen conspicua.

9. *Cominus pictæ.* Pictæ, ut cominus aspiciantur; quod majorem artis diligentiam postulat: quæ magna debuit esse, cùm utraque esset excellentissimâ formâ & distingueretur virgo. Virgo autem fuit Atalanta. Lanuvium, *Civita Lavinia*.

10. *Durant & Cære.* In urbe Etruriæ, quæ nunc dicitur *Cerveteri*.

11. *Cùm Iliacis temporibus.* Picturam fuisse Iliacis temporibus non constat Græcorum libris: at eam multò antiquiorem fuisse constat Ægyptiorum monumentis. Ars ergo non fuit adeò celeriter consummata.

CAP. IV. 1. *Nostræ ætatis e Venetiâ.* Ita Mss. Reg. 2. & 3. & editio princeps.

2. *Cum princeps.* Ex Mss. Reg. 5. & editione principe emendavi, *cum.* Ineleganter in recentioribus editionibus, *qui.* In Mss. Reg. 2. & 3. deest, *cum.* Fortè scripserat Plinius: *is princeps.*

3. *Anno ab Urbe conditâ ccccxc.* Fuit annus ccccxc. computatione Varronianâ.

4. *Æmiliani.* Scipionis Africani junioris.

5. *Consulatum adeptus est.* Anno Urbis conditæ dcix.

6. *Ludis Claudii Pulcri.* Anno U. C. dcliv. Hos ludos memorat Valerius Maximus, II, 4. num. 6.

7. *Rex Attalus distraxisset,* & Mss. Reg. Dalecamp. Gronov. & editio princeps.

8. *x. vi.* Bene eruditus J. F. Gronovius e Mss. Voss. Perperam Harduinus, *vi. sestertium.* Aristidis tabulam Attalus emerat centum talentis, ut dictum est suprâ Libr. VII. sect. 39. At cum talentum Atticum constet sex millibus denariorum, ut habet ipse Plinius infrâ sect. 40. centum talenta efficiunt sexies centena millia denariorum, seu Gallicæ monetæ libras 456,875.

9. *Agentis sub Veteribus.* Sub veteribus tabernis, circa forum positis, ut patet ex Quintiliano, Instit. Orat. VI, 3.

10. *Ajace & Medea.* Vide suprâ Plinium VII, sect. 39. ubi duas illas tabulas a Cæsare dictatore emptas octoginta talentis, seu Gallicæ nostræ monetæ libris 373,500. memorat.

11. *A Cyzicenis x. iii.* Ter centena millia denariorum efficiunt Gallicæ monetæ libras 228,437. Perperam eruditus Harduinus, *x. iii.* id est denariorum tribus millibus,

12. *In Thermarum.* Thermæ sunt Agrippæ, quæ fuerunt in ix. Urbis regione.

13. *In Foro suo.* In Foro Augusti, & viii. Urbis regione.

14. *Belli faciem pictam & triumphum.* Mss. Reg. & editio princeps. Duæ illæ tabulæ erant Apellis, ut infra dicitur sect. 36. De belli autem tabulâ Servius: *In Foro Augusti introeuntibus ad sinistram fuit Bellum pictum, & furor sedens super arma, æneis vinctus, eo habitu quo poeta dixit.* Illam enim tabulam expressit Virgilius, *Æneid.* I, 291.

Diræ ferro & compagibus artibus

Claudentur belli portæ. Furor impius intus

Sæva sedens super arma, & centum vinctus ahenis

Post tergum nodis, fremit horridus ære cruento.

Altera tabula erat Alexander in curru triumphans.

15. *Se inussisse.* Hæc est pictura encaustica, *l'Encaustique*, de quâ plura infra sect. 39.

16. *Quas mox indicabimus.* Infra sect. 40.

CAP. V. 1. *Quibus coloribus singulis.* Cinabari, minio, rubricâ, Sinopide, ut dictum supra Libr. XXXIII. sect. 39.

2. *Monochromatea genera.* Hæc genera nos dicimus *les Camaïeux*.

3. *Et quæ & quibus temporibus.* Bene Mss. Reg. & editio princeps.

4. *Lumen atque umbras.* Nomina retinuimus, *la Lumière, & les Ombres*.

5. *Appellaverunt tonon.* Tonum quoque nos dicimus, *le Ton*.

6. *Harmogen.* Harmoge illa, *l'Harmonie.*

CAP. VI. 1. *Colores austeri, aut floridi.* Colores austeri, *les Couleurs foncées* : floridi, *les Couleurs éclatantes.*

2. *In metallis diximus.* Libro superiore.

3. *Nomen a Sinope urbe.* Bene Mf. Reg. 5. editio princeps & Cl. Durand.

4. *Pretium optimæ, x. ii.* Ita Mff. Voff. & Reg. Denarii binj sunt Gallicæ monetæ libra 1. cum assibus 11. Intelligendum autem in libras. Sinopis, *la Sinope, espece de bol rouge, & rouge brun.*

5. *Oſtoni affes.* Monetæ quoque Gallicæ ferme affes 8.

6. *Cicerculum appellant.* Color cicerculus, *le Gris-brun.*

7. *Celebrata, cum insulâ.* Bene Mff. Reg. editio princeps & Cl. Durand. Rubrica, *la Terre rouge.*

8. *Nec nisi signata.* Imagine capræ signabatur, teste Dioscoride V, 13. Nunc quoque Turcici imperatoris sigillo signatur, & dicitur *la Terre sigillée* ; eâque utuntur medici.

9. *Nascitur autem & in ferrariis metallis ochra : ex eâ fit exustâ rubrica.* Ita & quidem optimè Mff. Reg. 2. & 3. Hermol. Barb. Pintian. Malè autem in Mf. Reg. 5. & editione principe aliisque : *Nascitur autem & in ferrariis metallis ; idque ad rubricam referunt.* Deinde addunt. *Ex eâ fit ochra, exustâ rubricâ.* Quod quidem absurdum est. Ex exustâ ochrâ fit rubrica, quia ferreis abundat partibus, quæ igne rubescunt. At ex rubricâ, non fit ochra. Consentiens ergo est Plinius Dioscoridi & Theophrasto, *de Lapidibus*, qui ex exustâ ochrâ fieri rubricam docent.

10. *Silis lucidi*. De sile lucido dictum suprâ Libr. XXXIII., sect. 56.

11. *Parætonion*. Parætonium, *le Blanc d'Égypte*, ita appellatum a Parætonio in Libyæ maritimis, ut dictum est suprâ Libr. V. sect. 6. Non tam fuit spuma maris, quàm creta candidissima & pinguis, quæ spumâ maris alluebatur; & inde in eâ conchæ minutæ inveniebantur. Nunc utimur Parætonio, quod in Saxoniâ reperitur.

12. *Cretâ Cimoliâ decoctâ*. Ita dicitur a Cimolo insulâ, *Chimoli*, vel *l'Argentiere*. Est creta candida & pinguis, quam quoque appellamus, *la Terre Cimolée*.

13. *In pondo sex, x. i.* In sex libras, denarius unus, seu Gallicæ monetæ asses ferme 16.

14. *Sestertii singuli*. Sestertius unus, Gallicæ nostræ ferme asses 4.

15. *In plumbi metallis diximus*. Suprâ Libr. XXXIV. sect. 54.

16. *Aceto fit, ut diximus*. Nunc omnis cerussa fit ex plumbo & aceto, ut dictum est suprâ Libr. XXXIV. loc. cit.

17. *In libras x. vi.* In singulas libras denarii seni, Gallicæ monetæ libræ 4. cum assibus 13.

18. *Eretria*. Ita dicta ab Eretriâ, Eubœæ oppido, de quo suprâ Libr. IV. sect. 21. Eretria, *la Terre rouge d'Érétrie*.

19. *Ad siccanda utilis: præcipua & capitis doloribus*. Bene Mss. Reg. & editio princeps.

20. *In insulâ Rubri maris Topazo*. Est ante urbem Berenicem insula Topazus, nunc *Zemorgue*.

21. *Quomodo fieret diximus.* Suprà Libr. XXXIV. sect. 35.

22. *Virgilium existimasse.* Virgilius, Eclog. IV, 45. significat agnos esse vestiendos vellere cocino, *d'Ecarlate*. Ideo sandyx vel Virgilio est color, vel si herba, est erythrodanus, *la Garence*, de quâ dictum suprà Libr. XXIV. sect. 56.

23. *Alii duo colores.* Ita Mss. Reg. 2. & 3. In Ms. Reg. 5. & editione principe aliisque deest, *duo*.

24. *Et Syricum.* Syricum & naturale & fastitium memorat Isidorus, Origin. IX, 17. *Syricum rubei coloris pigmentum, ex quo & librorum capita pinguntur. Ipsum est & Phœniceum appellatum ita, eo quòd in Syriâ colligatur, in litoribus maris ubi Phœnices habitant. Est autem inter fastitios. Nam saepe fit sinopide & sandyce mixtis.*

25. *Sublini diximus.* Suprà Libr. XXXIII. sect. 40.

26. *Atramentum.* Atramentum, *le Noir*.

27. *Fit enim e fuligine.* Ita Mss. Reg. Pintian. Dalecamp. & Cl. Durand. Atramentum e fuligine, *le Noir de fumée*, quo adhuc conficitur atramentum typographicum, oleo temperatum. Quam mixturam cum non novissent antiqui, artem typographicam reperire non potuerunt.

28. *E tedis.* Teda, arbor de quâ dictum suprà Libr. XVI. sect. 19.

29. *Tryginon appellant.* A fæce, quæ Græcis dicitur τρυγή.

30. *Adportatur & Indicum, inexplorata.* Bene Mss. Reg. 2. 3. & Pintian. In Ms. Reg. 5. & editione principe aliisque frustra additum

ex Indiâ; quod inutile. Optimi autem atramenti origo ex Indiâ videtur repetenda. Anno 620. ante Christum, rex Coreæ, cùm annum tributum Sinarum imperatori penderet, misit lucidissimas atramenti tabulas factas e fuligine arborum pinearum & glutino cornus cervini. Cùm artem ignorarent Sineses, ut atramentum, quod nunc habent, excogitarent & perficerent, multùm insudavere. Absolutum perfectumque fuit tantùm anno circiter Jesu Christi 900. Vide P. du Halde, *Description de la Chine*, Tom. II. pag. 246.

31. *Purpurissum*. Nobis quoque *le Purpurissum*.

32. *Hysgino inficitur*. De colore hysgino jam dictum suprâ Libr. IX. sect. 65. & Libr. XXI. sect. 97. Rubia autem, *la Garence*.

33. *A Canusio*. In Apuliâ fuit Canusium, nunc *Canosa*.

34. *Ad triginta*. Ad triginta denarios, Gallicæ monetæ libras 23.

35. *Auctoritas Indico*. Indicum, *l'Inde*.

36. *Vel anulariam*. De cretâ anulariâ mox infrâ sect. 30.

37. *Vitro inficiunt*. De vitro, seu ifati herbâ, *le Pastel*, dictum suprâ Libr. XXII. sect. 2.

38. x. x. Denarii deni, sunt Gallicæ monetæ libræ 7. cùm assibus quindecim.

39. *Lapis est hic*. Lapis Armenius, *le Bol d'Arménie*.

40. *Tricenis nummis*. Triceni nummi, sunt Gallicæ monetæ libræ 5. cùm assibus 16.

41. *Ad denarios senos*. Denarii seni, sunt Gallicæ monetæ libræ 4. cùm assibus 13.

42. *Æstimatum sestertiis*. Sestertiis singulis;

seu Gallicæ monetæ assibus ferme 4.

43. *Vitreis gemmis ex vulgi anulis.* Plebs, quæ gemmas emere non poterat, utebatur anulis vitreis ad verarum gemmarum similitudinem expressis. Vitris illis in pulverem redactis, fiebat candidum anulare.

CAP. VII. 1. *Cretulam amant.* Cretulam siccam, *un Enduit sec*, amant, udoque testorio illini recusant. Jam supra de cæruleo dixit Plinius, XXXIII. sect. 57. *Usus in cretâ, calcis impatiens.* Nempe ob calcis udum, *l'humide*.

2. *Quæ inuruntur.* Hæc est pictura encaustica, *l'Encaustique*, quam recentioribus curis revocavit, scriptisque & experimentis illustravit Cl. de Caylus.

3. *Ex silaceis.* Silacei, *les Jaunes*.

4. *Sinopide Ponticâ.* Sinopis Pontica, *la Sinope de Pont*.

5. *Et draconum & elephantorû sanien.* Error est, quem de cinnabari jam vidimus supra in Plinio, XXXIII. sect. 38. Cinnabaris nativa, *le Cinnabre natif*, est e fodinis, & inter mercurialia accensetur. Sanguis verò draconis, *le Sang-de-dragon*, est resina, quæ ex arbore fluit.

6. *Infantiam in picturâ.* Ita Mss. Reg. editio princeps, & Cl. Durand.

7. *Colosseum se pingi.* Æreus Neronis colossus fuit in vestibulo aureæ domûs, centum viginti pedum, quem memorat Suetonius in Nerone, Cap. 31. De eodem colosso dixit supra Plinius Libr. XXXIV. sect. 18. sed longitudine tantum *cx. pedum*, neglectâ fortè basi. Colossus illum picturâ expressum tunc voluit Nero. Idque factum in linteis, quod observatione di-

gnum, & fuerat incognitum ad hoc tempus, cùm antè pictores uterentur ligneis tabulis. Vide Plinium, XVI, 73.

8. *In nemore Dianæ.* Est lucus Dianæ in suburbano Tusculani agri, *Frascati*, colle; de quo dictum suprà Libr. XVI. sect. 91. Vide & Tacitum Annal. XII, 8.

CAP. VIII. 1. *Ampla exsecutio.* Ita Mss. Reg. Dalecamp. & editio princeps.

2. *Velut in transcurso.* Mss. Reg. 5. Dalecamp. editio princeps, & Cl. Durand.

3. *Statuarios ac toreutas.* Toreutæ, *les Graveurs*, *les Ciseleurs*.

4. *Olympiumque.* Periclem Olympium, de quo dictum est suprà Libr. XXXIV. sect. 19.

5. *Elide; Minervæ.* In Elide, ubi fuit ædes Minervæ, in quâ frater Phidiæ Panæus templum induxit; ut dicetur infrâ Libr. XXXVI. sect. 55.

6. *In faciendo Jove Olympio.* Quem fecit Phidias. Vide suprà Libr. XXXIV. sect. 19.

7. *Bularchi pictoris tabulam.* De hac tabulâ jam dictum suprà Libr. VII. sect. 39.

8. *A Candaule rege Lydiæ.* Bene Mss. Reg. & Cl. Durand.

9. *Claritate artis adeò non absolutæ.* In Mss. Reg. & editione principe, *claritate artis adeò absolutiore.* In Mss. Dalecamp. *artis tantùm non absolutæ.* Pessimè emendatum in recentioribus editionibus, *claritate artis atque absolute.* Absurdum est enim, & contra Plinii mentem, infrâ adseverantis multò seriùs artem fuisse absolutam perfectamve. Nostra emendatio & auctoritate Plinii, Cap. 9. & 10. & Mss. codicum fide defenditur.

10. *Hic catagrapha.* Catagrapha, seu obliquæ imagines, *les Têtes, les Figures de profil.*

11. *Respicientes, suspicientes.* Respicerere, suspicere, *despicere, regarder de côté, en haut, en bas.*

12. *Articulis etiam.* Articuli, *les Articulations des membres.*

13. *Ufus increbuerat.* Addunt Mss. Reg. & editiones recentiores, *adeoque ars perfecta erat.* Hæc autem defunt in editione principe, & certè sunt omittenda. Mox enim Plinius sect. 36. de Apollodoro, qui nonagesimâ tertiâ Olympiade refulsit, ait: *Neque ante eum tabula ullius ostenditur, quæ teneat oculos.* Articulis distincta membra, prolatae venæ, in veste rugæ & sinus, probant quidem colorum usum increbuisse, minimè verò artem fuisse perfectam.

14. *Iconicos duces pinxisse.* De iconicis imaginibus, *les Portraits ressemblans*, jam dixit Plinius suprâ Libr. XXXIV. sect. 9. At Marathonium prælium contigit anno tertio Olympiadis LXXII. Anno sequenti mortuus est Miltiades. Vel juvenis ergo pinxit Panæus, vel duces ex aliorum imaginibus expressit.

CAP. IX. 1. *Florente eo.* Florente Panæo.

2. *Ascendentem cum clypeo... an descendentem.* Huic Plinii loco plurimùm conviciatur Cl. Falconet. Cur tamen pingi non potest miles, qui in urbis obsidione murumque superans ambiguum relinquat, adscendatne, an descendat?

3. *Hic Delphis adem pinxit.* Illa ædes Delphis dicebatur Δέσχη, id est confabulationis locus. Ibi excidium Trojanum pinxit Polygnotus. Tabulam eam describit Pausanias, X, 25. &

seqq. Patet ex descriptione in illâ tabulâ non fuisse egregiam artem, *sed propè rudia, ac velut futurae mox artis primordia*, ut loquitur Quintilianus, Instit. Orat. XII, 10.

4. *Porticum, quæ Pæcile*. A varietate picturarum porticus illa dicta ποικίλη.

5. *Unde major huic auctoritas*. Certè illa auctoritas fuit Polygnoto, non Miconi; cùm Polygnotus gratuito pinxisset, & Thasius fuerit non Atheniensis: unde hospitia ei gratuita decreta. Nec quis hæreat, quòd dicatur *huic auctoritas*. Jam bis suprâ occurrit *hic*. Præterea & apud optimos scriptores *hic* ad remotius nonnumquam refertur, ut jam observavi ad Tacitum Hist. II, 77.

6. *De quo suis annis*. Mox infrâ Olympiade xcv.

7. *Omnes hi jam illustres*. Ms. Reg. 5. editio princeps, & Cl. Durand.

8. *Nonagesimâ tertiâ Olympiade*. Ms. Reg. 5. & editio princeps.

9. *Species exprimere*. Species, *la Beauté, le Bel-air des têtes & des figures*.

10. *Zeuxis Heracleotes*. Heracleotes, ab Heracleâ Italiæ, Tarentinorum coloniâ, prope ostium fluvii Aciris, nunc Agri.

11. *Audentemque... ad magnam gloriam perduxit*. Et luminum umbrarumque invenisse rationem traditur. Quintilianus, Instit. Orat. XII, 10. Luminum umbrarumque ratio, *le Clair-obscur*.

12. *In palliorum tesseris*. Aliter Raphael, in tabulis suis, palliorum tesseris nomen suum sæpe inscripsit, RAPHAEL. ΡΑΦΑΗΛ. RAPHELLO.

13. *Incertum ostentaret*. Bene Mss. Reg. & editio princeps.

14. *Agrigentinis*. Mf. Reg. 5. & editio princeps. Agrigentum, urbs Siciliæ, nunc *Girgenti' vecchio*.

15. *Pinxisse mores*. Ita Mf. Reg. 5. & editio princeps. In Mff. Reg. 2. & 3. *amores*; ut volebat Hermolaus Barbarus.

16. *Versum subscriberet*. Plutarchus, Libr. de Gloriâ Athenien. pag. 346. auctorem illius versûs tradit fuisse Apollodorum, de quo modò suprà dictum est.

Μωμήσειαι τις μᾶλλον, ἢ μιμήσειαι.

17. *Grandior in capitis articulisque*. Id nos dicimus *des Têtes, des Articulations trop fortes*. Rationem docet Quintilianus, XII, 10. *Zenxis plus membris corporis dedit, id amplius atque augustius ratus, atque, ut existimant, Homerum secutus, cui validissima quæque forma etiam in feminis placet.*

18. *Ambire enim debet se extremitas*. Egregiè dictum; &, ut videtur, ab ipsis antiquorum libris acceptum.

19. *De picturis scripsere*. Ita Mff. Reg. 2. 3. & Cl. Durand. Teste Diogene Laertio in Chrysippo, pag. 209. περὶ πινάκων scripserat Antigonus.

20. *Pinxit demon Atheniensium*. Pinxit populum Atheniensium. Inde Græcis hæc tabula dicebatur δῆμος Ἀθηναίων. Ingeniosa fuit illa Parrhasii tabula, eo & Socrate Parrhasii amico digna. In tabulâ quoque Raphaelis, quæ Paulum in Areopago concionantem exhibet, multos & diversissimos sensus videre est.

21. *Pinxit Thesea*. Egregia est Thesei tabula in picturis Herculanensibus, *Pitture antiche d'Er-*

colano, Tom. I. Tab. V. quæ fortè ex Parrhasianâ fuit expressa.

22. *Pinxit & Archigallum*. Archigallus fuit antistes Gallorum sacerdotum Cybelis magnæ deorum hominumque matris. Vide Tertullianum in *Apologetic*. Cap. 25. & Minucium Felicem, Cap. 21.

23. *LX. sestertiis*. Gallicæ monetæ libris II, 671.

24. *Cressam nutricem*. Cretensem nutricem.

25. *Liberum patrem*. Egregia fuit tabula, quæ ceterorum omnium, judicio Corinthiorum, tabulas vicit: unde natum proverbium, *τί πρὸς τὸν Διόνυσον*. Vide Suidam. in verbo *Οὐδὲν πρὸς Διόνυσον*.

26. *Hoplites in certamine*. Ita Mss. Reg. ed. pr. & Cl. Durand. In Olympicis aliisque sacris certaminibus, qui armatus currebat, *ὀπλιτίτης*, vel *ἐπλιτοδρομος* dicebatur.

27. *Abrodiatum sc.* Ἀβροδίαγιος, delicatus, mollis. Carmina quæ in suas laudes scripsit Parrhasius, quæque tabulis suis inscribebat, vide apud Athenæum Libr. XII. pag. 543.

28. *Minoribus tabellis libidines*. Pictoribus poetisque vulgare hoc vitium, homine semper indignum. Hujusmodi libidines in suâ villâ non esse pictas sibi gratulatur Sidonius Apollinaris, Epist. II, 2. *Non hîc per nudam pictorum corporum pulcritudinem turpis prostat historia, quæ sicut ornat artem, sic devenustat artificem*.

29. *Patris ipsius vultum velavit*. Vana multa adversus illud velamen effutiere Cll. Voltaire & Falconet, quæ refutare pueret. Quantò melior

judex artifexque Raphael ! Ipse in tabulâ, quâ mulieres Christum mortuum adorantes, expressit, Mariæ caput velavit : sed eâ est veneratione, tali corporis habitu, ut reverentior mæstiorque excogitari minimè possit. Non per invidiam conviciaque antiquorum, sed per eorum laudes & imitationem, ad summam gloriam est via.

30. *In unius hujus operibus.* Bene Mss. Reg. 2. 5. Pintian. Dalecamp. editio princeps, & Cl. Durand. In Ms. Reg. 3. *In unius ejus.* Mæle recentiores editiones, *in omnibus ejus operibus.* Breviter & egregiè picturæ historiam prodidit Plinius. Apollodorus fores aperuit : Zeuxis intravit & colores perfecit : Parrhasius symmetriam argutiasque vultûs, elegantiam capilli, venustatem oris primus dedit : Timanthes ingenium ; Apelles venerem.

31. *Ionicum, Sicyonium.* Primò duo fuere picturæ genera, *deux Genres, deux Ecoles.* Heladicum, seu Græcum, & Asiaticum : deinde tria fuere genera, Ionicum, Sicyonium, & Atticum. Sic nobis sunt, *l'Ecole Romaine, Lombarde, Vénitienne, Flamande, Française.*

32. *Cognatio & prælium ad Phliuntem.* Videntur esse tres tabulæ Pamphili : cognatio, seu societas Phliasiorum cum Achæis, prælium adversus Phliasios, victoria Atheniensium. Phlius, urbs Achaïæ, nunc *Staphlica.*

33. *Minoris talento annuo.* In Mss. Reg. *talentis minoris annuis d.* In editione principe, *talento minoris annis d.* Inde emendatum in recentioribus editionibus, *minoris talento annis decem.* Emendandum fuit, *talento annuo*, ut patet ex sequentibus, *quam mercedem ei Apelles*

& Melanthius dedere. Patet enim ex Plutarcho in Arato, pag. 1032. Apellem dedisse tantum unum talentum, ἐπὶ ταλάνῳ. Talentum autem Atticum efficit Gallicæ monetæ libras 4,668.

34. *Anus Lampadas præferens.* Manifestum est ex hac tabulâ notam fuisse antiquis luminum & umbrarum rationem, *le Clair-obscur*, de quâ jam dixi suprâ.

35. *Protogenis opus immensi laboris.* Hæc fanè est Ialysi tabula, de quâ mox infrâ dicitur: quam ut perficeret, septem annos explevit Protogenes. Eâ visâ, præ admiratione ita obstupuit Apelles, ut vox eum deficeret: deinde dixit ingentem esse laborem & inclytum opus; defici tamen gratiis, ob quas picturæ suæ cælum attingerent. Vide Plutarchum in Demetrio, pag. 898.

36. *Melanthio de dispositione cedebat.* In Mss. Reg. *Miampchio de dispositione cedebat.* Sine auctoritate emendatum in recentioribus editionibus, *cedebat Amphioni.* Amphion ille Plinio ceterisque scriptoribus ignotus. Ut emendarem Melanthio suasere vestigia Mss. codicum, & Quirtilianus, Instit. Orat. XII, 10. *Curâ Protogenes, ratione Pamphilus & Melanthius, facilitate Antiphilus . . . ingenio & gratiâ, quam in se ipse maximè jaçtat, Apelles est præstantissimus.* Dispositio, *l'Ordonnance.*

37. *Officinam petit.* Mss. Reg. & editio princeps.

38. *In machinâ.* Machina, *le Chevalet.*

39. *Lineam ex colore.* Sunt qui velint ab Apelle ductam tantum rectam lineam, quam se-

cuit Protogenes, & deinde iterum secuit Apelles. At cum vir in arte & eruditione summus, Michael - Angelus, existimaverit lineam illam fuisse *un Contour*, ipseque uno impetu talem lineam cum summâ omnium admiratione circumduxerit, ab ejus sententiâ vix licet discedere. Vide quoque Cl. de Piles, *Vies des Peintres*, pag. 116.

40. *Priore incendio domûs Cæsaris*. Quod contigit sub Augusto, ut videre est apud Suetonium in Aug. Cap. 57.

41. *Pauciores fecisset ansas*. Ansæ sunt crepidarum vincula.

42. *Perhibuit exemplo*. Ita Mss. Voss. Reg. 5. & Cl. Durand. Passim quoque Plinius, *perhibuit*, hac significatione usurpavit.

43. *Ex pallacis*. Παλλακή, concubina.

44. *Eumque, dum paret, captum*. Ita Mss. Reg. Vatic. Pintian. editio princeps & Cl. Durand.

45. *Venerem Anadyomenen*. Venerem e mari exeuntem, ἀναδυομένην. Eam videre est in nummis ΑΔΑΝΕΩΝ.

46. *Sordebat suis*. Mss. Reg. & editio princeps.

47. *Quinquagenis talentis*. Quinquaginta talenta sunt Gallicæ monetæ libræ 233,437.

48. *Argentibus pretium, cessit*. Aucto pretio, tabulas Rhodii solverunt Protogeni.

49. *Imaginem adeò*. Imago, *le Portrait*.

50. *Invitatus ad cenam venit*. Bene Mss. Reg. editio princeps, & Cl. Durand.

51. *Prius excogitatâ*. Bene Mss. Reg. 5. & editio princeps. Jam de catagraphis obliquisve imaginibus,

imaginibus, *les Profils*, dictum supra sect. 34. Et in nummis Apelle antiquioribus passim occurrunt obliqui vultus.

52. *Victo, sed illustrato*. Ita quidem libri omnes scripti & editi. At certè emendandum est, *non victo*. Exstant quidem in Anthologiâ, IV, 12. plura epigrammata de hac Venere, quibus illustrata quidem fuit, sed minimè victa.

53. *Viginti talentis auri*. Ita Mss. Reg. 2. 3. & editio princeps. Sunt Gallicæ monetæ libræ 1,350,000.

54. *Immane tabulæ pretium, accepit aureos mensurâ*. Bene Mss. Vatic. & Dalecamp. In editione principe, *immane pretium*. Hæc Alexandri Magni tabula, ejus aureis cooperta, fuit alta pedes circiter sedecim, lata pedes decem. Illam altitudinem latitudinemque implent viginti talenta auri, seu Gallicæ nostræ monetæ libræ 1,350,000. Inde autem patet quàm temere recentiores editores superius omiserint *auri*; cùm nec Apelle, nec Alexandro, nec loco digna fuisset tabula viginti talentorum, Gallicæ monetæ librarum 93,375. quæ auro soluta tabulam obtexissent.

55. *Megabyzi*. Megabyzus est ipse Dianæ Ephesiæ sacerdos.

56. *Galeam poscenti*. Certè hæc tabula a superiore est distincta. Aliter Plinius scripsisset, *eique galeam poscenti*. Id non attendere Cll. Durand & Falconet.

57. *Ejus abronem*. Bene Ms. Reg. 5. & editio princeps. Abronem nos dicimus, *le Somp-tueux*. Sic enim Suidas: "Ἀβρωνος ἑὸς. Ἐπὶ πολυτελεῶν.

58. *Menandrum regem Cariae*. Ita libri scripti
Tomus VI. R

& editi. Quis sit ille Menander rex Cariae ignoratur. Quidam conjiciunt, *Minoem & Idriæ, reges Cariae*: sed frustra, cum nihil tale innuant Mss.

59. *Utrisque excisâ*. Ita Mss. Reg. & editio princeps. Sic hac nostrâ ætate Cl. Liotard, excisâ facie dominæ Guis habitu Græco expressâ, Mariæ Teresiæ Augustæ Austriacæ imaginem subdidit.

56. *Herculem aversum*. Hercules aversus, *Hercule vu par derriere*. Tanta erat ars in tabulâ Herculis aversi, ut faciem non promitteret, sed ostenderet: adeò in aversâ parte intelligebatur antica.

Homeri versus. Odyss. ζ', vers. 102. Virgines illæ ab Homero non dicuntur sacrificantes, sed ludentes, *παίζουσι*. At ludi & venationes sunt quædam sacrificia Dianæ grata.

58. *Quæ pingi non possunt*. Nempe hæc nondum audebat pictura. Nunc Apellis exemplo sunt vulgata.

59. *Tonitrua, fulgura, fulgetraque*. Ita Mss. Reg. Voss. & editio princeps. Fulgur est, cum emittitur e nube; fulgetrum, seu fulmen, cum longo tractu ad terras usque pertingit.

60. *Bronten, Astrapen, Ceraunobolian*. Βροντήν, Ἀστραπήν, Κεραυνοβολίαν, nempe tonitru, fulgur, fulmen.

61. *Atramento illinebat*. Atramentum illud, *un Vernis noir*.

62. *Mnas denas*. Mnæ denæ sunt Gallicæ nostræ monetæ libræ 778. cum assibus aliquot. Tabula autem centum homines complexa, emptæ est mnis mille, Gallicæ monetæ libris 77,812.

63. *Anapavomenen.* Ἀναπαυομένην τῇ βίᾳ, vitā defunctam. Est Biblis illicito Cauni fratris amore mortua, de quā Ovidius, *Metamorphos.* IX, 455. Egregia fratris sororisque statua nuper reperta est in Hadriani villā.

64. *Die ludorum Apollinariū.* Celebrabantur die 3. Julii. In *Kalendario Herwartiano*, III. NON. IVL. LVDI APOLLINARES. Per novem dies edebantur. Inde in eodem *Kalendario*, III. ID. IVL. APOLLINARES, CMXXIII. id est, *Circenses* missus viginti quatuor.

65. *Centum talentis.* Gallicæ monetæ libris 456,875.

66. *Patria cū Caunus.* Caunus fuit in maritimis Cariae, fere ubi nunc *Kaiguez*.

67. *Summa paupertas initio.* Ita *Mss. Reg.* editio princeps & *Cl. Durand*.

68. *Minervæ delubri.* *Mss. Reg.* editio princeps & *Cl. Durand*.

69. *Propylæon.* Porticum, vestibulum.

70. *Paralum & Hammoniada.* Paralus, Hammonias, seu Nausicaa, sunt navium nomina. Paralus dicta a Paralo, de quo dictum suprà *Libr. VII.* fest. 57. Hammonias verò, quòd dona Jovis Hammonis delubro deferret.

71. *Quæ pictores parerga.* Parerga illa dicimus un *Episode*.

72. *Huic picturæ quater colorem induxit.* Ut diutiùs servarentur tabulæ vixit in Oriente multis etiam pòst sæculis ille usus; quem nos docuere repertæ in antiquissimis Christianorum templis pictæ sanctorum imagines tabulæque, eâ arte bis terque repetitæ. Qui eas vidēre, ut accepi ab eorum epistolis, docent inducto testorio

pietam fuisse tabulam : super pietam tabulam indutum fuisse alterum testorium , & iterum pietam fuisse tabulam : sic etiam tertio repetitam. Protogenes autem & quarto. Crediderim canem mirè factum , & casu pietum fuisse tantum in superiore tabulâ.

73. *Subsidia injuriæ & vetustatis.* Malè Mss. Reg. Voss. Gud. & editio princeps, *contra subsidia.* Hermolaus Barbarus emendavit, *subsidio.* Melius, *subsidia.*

74. *Exprimere in eo spumam anhelantis.* Bene Mss. Reg. editio princeps & Cl. Durand. Frustra additum in recentioribus editionibus, *posse.*

75. *Cura optaverat.* Mss. Reg. Dalecamp. editio princeps & Cl. Durand.

76. *Hoc exemplo, ejus similis.* Mss. Reg. Voss. editio princeps & Cl. Durand.

77. *Poppyzonta.* Ποπύζειν, adulari, demulcere. Poppyzon ille indomitum equum adulando, seu demulcendo blandèque attrectando retinebat.

78. *Ne cremaret tabulam.* Bene Mss. Reg. 2. editio princeps, & Cl. Durand.

79. *Inchoata opera.* Plutarchus in Demetrio, pag. 898. ait Protogenem tunc pinxisse suum Ialysum. Quod falsum est ex Plinio & Aulo Gellio XV, 31. Ialysus erat intra urbem Rhodum. Protogenes verò diversabatur in suburbano hortulo suo, & inchoata alia opera ac maximè Satyrum pingebat.

80. *Et murorum ictus.* Ita Mss. Reg. & editio princeps.

81. *Tabulam illius temporis.* Mss. Reg. & editio princeps.

82. *Anapavomenon*. Id est, quiescentem, qui se repose. Celeberrimam hanc tabulam describit & laudat Strabo XIV. pag. 652.

83. *Ex ære, ut diximus*. Suprà Libr. XXXIV. sect. 19.

84. *Mnas tricenæ*. Gallicæ monetæ libras 2334. cum assibus aliquot. Pro duodecim diis datæ sunt Gallicæ nostræ monetæ libræ 24, 900.

85. *Mnas vicens*. Mss. Reg. & editio princeps. Gallicæ monetæ libras 1556. Superiore sæculo celeberrimus Guido Reni, vulgò, *le Guide*, in singulas quæ erant in suis tabulis figuras, centum nummos Romanos accipiebat.

86. *Ædiculam juventatis*. In VIII. Urbis regione fuit ædícula Juventatis, sive Juventæ.

87. *Ulyssi addidit pileum*. De hoc pileo D. Hieronymus, Epist. 128. *Quartum genus est vestimenti, rotundum pileolum, quale pictum in Ulyseo conspicimus, quasi sphaera media sit divisa, & pars una ponatur in capite . . . non habet acumen in summo*. Ulysses ita pileatum vide in nummis Mamiliæ gentis.

88. *Quasdam picturæ compendiaras*. Bene Mss. Reg. & editio princeps. Malè emendatum in recentioribus, *quasdam picturæ vias & compendiaras*. Compendiaria substantivè ab antiquis usurpabatur, ut videre est apud Varronem, Senecam Epist. 27. & Petronium in Satyric. Compendiariæ illæ, ut mihi videtur, *les Grottesques*, quæ ita a nobis appellantur, quod in cavernis, *les Grottes*, repertæ sint, teste Raphaelè Borghini. Earum usum egregiè revocavit Raphael; & antiquis multùm placuere, ut patet ex tot eorum monumentis, quæ supersunt, & picturis Herculaneis.

89. *Rhyparographos*. Humilium sordidorumque pictor, ῥυπαρογράφος. Sic nobis sunt *les Bambochades*, festivum, sed tenue picturæ genus.

90. *Maniana*. Mæniana, *des Balcons*, *des Balustrades*. Teste Festo, *Maniana*, ædificia a Mænio sunt appellata: is enim primus ultra columnas extendit ligna, quò ampliarentur superiora.

91. *Sub veteribus*. Sub veteribus fori tabernis.

92. *Anthropographos*. Mss. Reg. 5. & editio princeps.

93. *Item Calates*. Ita Mss. Reg. Voss. & editio princeps. Frustra emendatum ex conjecturâ Meursii, *Calades*.

94. *Et in Philippi*. In porticu Philippi, de quâ dictum suprâ sect. 36.

95. *In Pompeiâ*. In Pompeianâ porticu, prope Pompeii theatrum in 1x. Urbis regione.

96. *Gryllum deridiculi habitûs*. Gryllos illos dicimus *des Caricatures*. Tales videre est in picturis Herculaneis, *Pitture antice d'Ercolano*, Tom. III. Tab. XXVI.

97. *Ardeatis templi*. Ejus picturas esse urbe Româ antiquiores vidimus suprâ sect. 6.

98. *Dignis digna loco*. Mss. Reg. & editio princeps.

99. *Non fraudando & Ludio*. Antiqui id genus picturæ, *les Paysages*, attigerant, ut videre est apud Vitruvium, VII, 5. At ubi id Romæ pervulgavit Ludius, usus ubique invaluit, ut patet ex quàm plurimis picturis Herculaneis.

100. *Trepidisque feruntur*. Ita Mss. Reg. 2. 5. In Mss. Reg. 3. & editione principe, *trepidèque feruntur*. Pleraque hæc argumenta, quæ Plinius memorat, in Herculaneis picturis tractata videre est.

101. *Antiquitatis prudentia adparet.* Mss. Reg. Dalecamp. editio princeps, & Cl. Durand.

102. *Omnium eorum ars.* Mss. Reg. editio princeps, & Cl. Durand.

103. *Spectantem spectans, quacumque aspicere-
tur.* Ita Mss. Reg. & editio princeps. Id mini-
mè mirabile, licet multi quotidie id adhuc mi-
rentur. Caput enim pictum in æquo, *une sur-
face plane*, spectantem spectat, quacumque aspi-
ciatur: immo spectantes singulos, quacumque
aspiciant, spectat. Id autem contingit, si pictor
in se conversos tenet ejus, quem pingit, oculos.

104. *Quamquam in machinis.* Machinas illas
dicimus *les Echaffauds, les Echelles des Peintres.*

CAP. XI. 1. *Siluisse narrantur.* Bene Mss.
Reg. editio princeps, & Cl. Durand.

2. *Inscripsit ἐνέκασεν.* Inussit. Hæc est
encaustica pictura, *l'Encaustique*, de quâ jam di-
ctum suprâ sect. 41. Hoc sæculo eâ excelluit
Cl. Zombo.

3. *Parietes Thebis.* Ita Mss. Reg. & editio
princeps.

4. *Lacunaria . . . cameras.* Lacunaria, *les Pla-
fonds.* Camerae, *les Apartemens.*

5. *Hemeresios.* Ἡμερήσιος tabella est uno
die picta.

6. *Pinxit ipsam.* Mss. Reg. editio princeps,
& Cl. Durand.

7. *E nobilissimis tabula.* Mss. Reg. editio
princeps, & Cl. Durand.

8. *Stephaneplocos.* Στεφανηπλόκος, textrix
coronarum. Στεφανόπωλις, venditrix coro-
narum.

9. *Apographon*. Ἀπογράφου, exemplar, une Copie.

10. *Duobus talentis*. Gallicæ monetæ libris 9,337.

11. *Dionysiis Athenis*. Dionysia sunt Bacchanalia, quæ ab Atheniensibus magno apparatu celebrabantur.

12. *In æquo exstantia . . . & in confractio solida omnia*. Id nos dicimus, & par un grand art il a montré sur une surface unie le relief, & avec des parties brisées la solidité du tout ensemble.

13. *Scauri ædilitas*. Anno Urbis conditæ DCLXXVIII. De hac ædilitate vide adhuc infra Libr. XXXVI. sect. 24.

14. *Dictus est a nobis*. Suprà Libr. XXXIV. sect. 19.

15. *H-s. CXLIV*. Sestertia centum quadraginta quatuor sunt Gallicæ monetæ libræ 28,012.

16. *In coloribus severior*. Mss. Reg. Pintian. editio princeps, & Cl. Durand.

17. *A Silano*. Est C. Silanus, proconsul Asiæ, de quo vide Tacitum, Annal. III, 66.

18. *Diximus positam*. Suprà sect. 10.

19. *In templo ejus*. In templo Augusti, quod fuit in Foro Romano.

20. *Megabyzi*. De hoc sacerdote Ephesiæ Dianæ jam dictum suprà sect. 36.

21. *Necromantia Homeri*. Est descensus Ulyssis ad inferos, ejusque cum umbris collocutio; de quâ Homerus in Odyss. λ'.

22. *Talentis sexaginta*. Gallicæ monetæ libris 280,125.

23. *Circumlitioni ejus tribuebat*. Circumlitio illa, un Vernis.

24. *Non satis discernitur.* Si idem sit Antidotus, qui floruit Olympiade cxii. & is qui Attalo regi Necromantiam vendere noluit, tunc certè senior fuit. Attalus enim regnum auspica- tus est auno tertio Olympiadis cxxxiv.

25. *Maronites.* Ab urbe Thraciæ Maroneâ.

26. *Phylarchum.* Historiæ scriptorem.

27. *Et Athenis.* Ita Mss. Reg. editio princeps & Cl. Durand.

28. *Syngenicon.* Frequentia illa dicta syngeni- con, une *Assemblée de famille.*

29. *In unâ tabulâ insigni.* Corruptè Mss. Reg. 2. 3. Voss. & editio princeps, *in unâ ta- bulâ ut signa.* In recentioribus editionibus, *sex signa.* Cl. Durand rectè emendavit *insigni.*

30. *Octoginta talentis.* Gallicæ monetæ li- bris 373,500.

31. *Talentum Atticum x. vi. m.* Talentum Atticum taxatur sex millibus denariorum, Gal- licæ monetæ libris 4668 $\frac{3}{4}$.

32. *Pausia filius.* Mss. Reg. editio princeps, & Cl. Durand.

33. *Et sile multus.* De sile, *le Jaune*, sæpe suprâ dictum. Vitium illud appellamus, *don- ner dans le jaune*; quod multis pictoribus vul- gare, fortè ex aliquo oculorum vitio.

34. *Nam Socrates.* De Socrate pictore agi- tur adhuc infrâ Libr. XXXVI. sect. 4.

35. *Talesque sunt ejus.* Ita Ms. Voss. editio princeps & Cl. Durand.

36. *Ocnos.* Ὀκνος, piger. Certè piger est, qui adrodentem asellum sinit, nec avertit.

37. *Aposcopevonta.* Ἀποσκοπέουοντα, alii in-

terpretantur collimantem, intuentem scopum: alii, quod verius crediderim, manum fronti obtendentem, ne nimia lux, Solve, noceat. Joannem Apostolum sic aposcopevonta in admirabili Transfigurationis tabulâ expressit Raphael.

38. *Ancæo vulnerato.* Ancæus, Lycurgi filius, ab apro Calydonio vulneratus: Astypale, Ancæi uxor.

39. *Numerosâque tabulâ.* Hoc pictura poesi præstat, quod brevitate polleat. Unâ enim hac tabulâ Iliada simul & Odyssæa expressit Antiphilus, tantarumque rerum causas, virtutes nempe & vitia. Credulitas Priamum & Helenam perdidit. Dolus Ulyssæ & Deiphobum servavit.

40. *Pracidentem Persicæ classis.* Ita Mss. Reg.

2. 3.

41. *Quod vocant aconiti.* ἈΚΟΝΙΤΙ, sine pulvere.

42. *Cænus, stemmata.* Sic Mss. Reg. 2. 3. 5. & Cl. Durand. In editione principe, *tenus stemmata.* Audacior est Hermolai Barbari emendatio, *coniti Nemæa.* Sic non emendantur, sed pervertuntur scriptores. Ignota etiam Græcis vox *coniti*, ut jam ante nos observavit Cl. le Clerc. *Stemmata, des Alliances.* Sic mox suprâ & infrâ syngenicon, *une Assemblée de famille.*

43. *Voluptuantem cum piscatore.* Ita Mf. Dalecamp. In Mf. Reg. 5. *voluptantem.* Malè Mss. Reg. 2. 3. & recentiores editiones, *volutantem.*

44. *Cratinus.* Ita Mss. Reg. editio princeps, & Cl. Durand. Sine auctoritate in recentioribus editionibus, *Craterus.* Mox etiam infrâ memoratur *Irene Cratini pictoris filia & discipula.*

45. *In Pompeo.* Mss. Reg. 2. 3. & editio

princeps in *Pompæio*; quod fortè meliùs. Πομπειῶν enim Athenis fuit locus, in quo parabantur pompæ. Vide Pollucem IX, 5.

47. *Et crocodilum insidiantem ei.* Sic asellum & insidiantem ei crocodilum videre est in picturis Herculanensibus. *Pitture antiche d'Ercolano*, Tom. I. Tab. XLVIII.

48. *Officinam fullonis Quinquatrus celebrantem.* Bene Mss. Reg. ed. pr. & Cl. Durand.

49. *Ab Oreste matrem & Ægysthum interfici.* Græcè dictum, & elegantius, quàm matrem & Ægysthum, quos Orestes interficit.

50. *Leontium Epicuri cogitantem.* Leontium Epicuri concubina, & philosophiæ magistra; ideoque cogitans pingitur.

51. *Paniscum.* Est parvus Pan. Talibus Paniscis suas inter libidines Græci & Romani delectabantur, ut constat ex veteribus monumentis.

52. *Æginetæ fictoris.* Fictor, un *Modeleur*.

53. *Etiamnunc, non ignobiles.* Mss. Reg. & edito princeps.

54. *Midon Soleus.* A Solis, Ciliciæ oppido.

55. *Philomachi statuarii.* Optimè Ms. Reg. 5. In editione principe, *Pilomachi*. Vide Suidam verbo Πρωσίας.

56. *In antiquissimis pictura.* Ita Ms. Reg. 5. & editio princeps. Timarete fuit filia Miconis minoris, ut dictum est suprâ sect. 35. Ergo ejus tabula non fuit antiquissima: sed servabatur Ephesi in loco, quo antiquissimæ tabulæ erant repositæ.

57. *Pingunt & vestes.* Viget adhuc ars illa, maximè in Indiâ. His repertis, quàm facilis fuit apud Sinas typographiæ inventio!

CAP. XII. 1. *Et plasticen. Plastique, l'Art de modeler en argile.*

2. *Ejusdem opere terræ. In Mss. Reg. & editione princeps, terrâ.*

3. *Multò ante Bacchiadas Corintho pulsos. Bacchiadæ Corinthiorum regnum dominatione tenuere, usque ad annum tertium Olympiadis tricesimæ, ante Christum 658. quo Cypselus tyrannidem Corinthi invasit; ut videre est apud Pausaniam & Herodotum.*

4. *Demaratum verò ex eâdem urbe. Eodem; de quo modò dictum est, tempore id contigit, cùm Demaratus in Italiam navigavit, & Tarquinii, in Etruriæ oppido, confedit. Vide Dionys. Halicarnass. Libr. I.*

5. *Aut ex rubricâ cretâ fingere. Ita Mss. Reg. 2. & 3.*

6. *Prostypa vocavit. Ita Mss. Reg. & editio princeps. Prostypa, anticam personarum partem exprimebant, & stipiti adhærebant, des Modeles de bas-relief. Eéstypa verò, cùm ex iis facti sunt typi, des Moules.*

7. *Plastæ appellati. Plastæ, les Modeleurs.*

8. *Imaginem gypso e facie ipsâ. Gypsum, le Plâtre.*

9. *Lysippi, de quo diximus. Suprà Libr. XXXIV. sect. 19.*

10. *Quàm fundendi æris. Antiquitatem artis non novisse Græcos Romanosque patet ex Sacrà Scripturâ. Sed & exstare multa Ægyptiorum monumenta antiquiora Dibutade constat pluribus signis statuisque ex ære & ex argillâ, quæ ad nos pervenere, & quarum multæ penes me sunt antiquissimæ.*

11. *Cereris adem*. In XI. Urbis regione. Ædem illam voverat A. Postumius dictator anno Urbis conditæ CCLVIII. ante Christum 496. ut jam dixi ad Tacitum, Annal. II, 96.

12. *Utroque genere*. Plastica & picturâ.

13. *Tuscanica omnia*. De Tuscanicis dictum suprâ Libr. XXXIV. sect. 16:

14. *Cùm reficeretur*. Sub Augusto principe. Vide Tacitum, loc. cit.

15. *Ceramicos appellatur*. Ab arte nempe figlinâ, ἀπὸ τῆς κεραμικῆς τέχνης.

16. *Item pisces quos aspectu discernere a veris vix posses*. Bene editio princeps, & Cl. Durand. In Ms. Reg. 5. *item piscis*. Malè Mss. Reg. 2. 3. *item poscis*. Malè quoque emendatum in recentioribus editionibus, ut non posses aspectu discernere a veris. Viget adhuc ille usus maximè apud Sinenses populos. Poma, pisces, aliaque id genus non terrâ tantum, sed & metallis, suisque coloribus egregiè repræsentant. Sed ut propiora laudem, non modò poma & uvas, sed & pisces multâ arte pictos exhibent picturæ Herculenses. *Pitture antiche d'Ercolano*, Tom. I. Tab. XIX. XLV. & seqq.

17. *Proplasmata*. *Proplasmata, des Modeles*.

18. *H-L. LX*. Sexaginta sestertia sunt Gallicæ monetæ libræ 280,125.

19. *Talento*. Gallicæ monetæ libris 4,668.

20. *Matrem calaturæ, & statuariæ, sculpturæque*. Mss. Reg. & editio princeps.

21. *Et maximè Etruriæ: adcitum a Fregellis*. Ita fuit emendandum; nec addendum, *Turianumque a Fregellis accitum*; ut placuit in recentioribus editionibus. Fregellas, nunc Caprano,

præterfluebat fluvius Liris, hodie *Garigliano*. Exstant adhuc multa vasa Tuscanica; &, cum reperiantur in Campaniâ, præcipuæ officinæ videntur fuisse ubi *Nola* prope Vesuvium, *Capua* & *Campana* inter Cumas & Puteolos, *Cumes* & *Pouzzol*. Quâ de re plura vide apud Cl. d'Hancarville, *Antiquités Etrusques, Grecques & Romaines, tirées du Cabinet de M. Hamilton*, Tom. 1. pag. XXI. in Præfat.

22. *Miniari solitum*. Vide suprà Libr. XXXIII. sect. 39.

23. *De quibus sæpe diximus*. Suprà Libr. VIII. sect. 4.

24. *Imbricibus, doliis*. Mss. Reg. 2. 3. & editio princeps. Imbrices, sunt canales fictiles arcuati, quorum adhuc usus viget in testis, & ab Italis dicuntur *Canali, Coppi*. Fictilia quoque habebant dolia, & multa reperta sunt in Herculanensibus cellis.

25. *Ad balineas mammatis*. Hæc ætate suâ prodiisse tradit Seneca, Epist. 90. Tales tubos fictiles vidi Romæ adhuc impressos parietibus Thermarum Antonini Caracallæ, in villâ Collegii Romani. Mammati dicti videntur quòd, ut mammæ lac fundunt, sic illi tubi in angulis positi calorem diffundebant.

26. *Fictilibus foliis*. Solium est sarcophagus, ut videre est apud Florum IV, 11. Quintum Curtium X, 1. & Suetonium in Nerone, Cap. 50.

27. *Pythagoreo modo*. Ita J. F. Gronovius & Cl. Durand ex Ms. Voss. in quo, *Pithagorio*.

28. *Cui suffragii latio erat*. Ms. Voss. & Cl. Durand.

29. *Altera luporum.* De lupis piscibus dictum
suprà Libr. IX. sect. 24.

30. *Mixonis piscis.* De myxone, sive bac-
cho pisce, vide suprà Libr. IX. sect. 28. &
XXXII. sect. 25.

31. *In naturâ avium diceremus.* Suprà Libr.
X. sect. 72.

32. *Ḳ. H-s.* Decies centenis millibus fester-
tiûm, Gallicæ monetæ libris 194,531.

33. *Altero consulatu suo.* Anno Urbis con-
ditæ DCCCXXIII.

34. *Quæ vocant Signina.* Ita dicta a Signiâ,
Volscorum oppido, nunc, *Segni*, ubi ingens
testarum illarum copia, quibus fractis tusisque
additæque calce fiebant firmissima opera. Signi-
no quoque alveo deductas Ravennam aquas do-
cet Cassiodorus, Variar. Epist. V, 38. Nec ab-
similem videmus alveum, quo Julianus Cæsar
aquas a Fonte *Arcueil* ad Thermas suas Lute-
tiam deduxerat.

CAP. XIII. I. *Alia commenta.* Alii usus, aliæ
utilitates.

2. *Pulverem appellatum in Puteolanis collibus.*
Puteolis, *Pouzzol*, in Campaniâ, & in omnî
Baiani sinûs ambitu est pulvis ille Puteolanus,
arenave fossilis, & Italis dicitur *Pozzolana*. Ma-
ximus semper & optimus ejus usus. Volcani-
cis ignibus tostus fuit ille pulvis. Talis quoque
reperitur Romæ in Catacumbis, in Etruriâ, in
Galliâ, & passim ubi exarsere volcanici ignes.

CAP. XIV. I. *Non & in Africâ.* Mss. Reg.
& editio princeps.

2. *Appellant formaceos.* A formis nempe,
quibus figurabantur. Ob eam formam, struiles

aquarum canales Italici adhuc dicuntur *Forme*.

3. *Neque arenoso*. De arenæ generibus vide infra Libr. XXXVI. sect. 54.

4. *E masculo certè*. Sabulum masculum, est fabulum durius: femina, mollius. Crassius autem fabulum, quàm arena.

5. *A quatuor & quinque palmis*. Palmus constabat octo unciiis pedis Romani.

6. *In ulteriore Hispaniâ, civitatibus Maxilua & Callento*. Mss. Reg. 2. & 3. In montibus qui dicuntur *Sierra-Morena*, est locus qui appellatur *Cala*. Ibi videntur fuisse civitas Maxilua & Callentum. Callenses populos vidimus supra Libr. III. sect. 2.

7. *Sunt enim æterni*. Tales adhuc parietes Romæ videre est in Pantheo, in palatio Cæsarum, in templo Pacis, &c. Quâ arte ibi juncti sint lateres explicat eruditus Ciampini, *Vetera monumenta*, Tom. I. pag. 70.

8. *Et epistylia*. Epistylum, *l'Architrave*.

9. *Quam gerusian*. A seniorum collegio, γερυσία dicta.

10. *Quàm unam contignationem*. Una contignatio, *un Etage*. De altitudine domorum Romæ dixi ad Tacitum, Annal. XV, 43.

11. *Intergerivorum*. Intergerivus paries, *le Mur mitoyen*.

CAP. XV. 1. *Quas ardere diximus*. Suprà Libr. III. sect. 14.

2. *In Melo insulâ*. Ibi adhuc semper fumant sulphureæ fodinæ, teste Cl. Galland, *Voyage Mf. du Levant*.

3. *Collibus qui vocantur Leucogai*. Nunc *la Solfatara*. Vide & supra Libr. XVIII. sect. 29.

4. *Vivum, quod Græci apyron.* Sulphur vivum, *le Soufre-vif, le Soufre vierge, le Soufre natif.* Nos autem sulphure vivo, sed loto, in medicinâ utimur.

5. *Cetera enim liquore constant.* Mss. Reg. & editio princeps. Hoc est sulphur fustum, *le Soufre commun, le Soufre en canon.*

6. *Fullonum tantum officinis.* Fullones illi, *les Dégraisseurs.* Frequentes erant eorum officinæ, cum populus Romanus vulgò togis albis uteretur, quæ faciliè maculabantur, & sæpe erant eluendæ.

7. *In calyce vini.* Ita Isidorus, Origin. XVI, 1. In Mss. Reg. 2. 3. 5. *in calice vino.* Idem nos præstamus cum spiritu vini & camphorâ accensis.

8. *Harpælicon vocatur.* Ἀρπακτικόν, quod festinanter eripi oporteat: aliter enim creat ulcera.

9. *A celeritate avellendi.* Avellendi, passivè dictum. Quod jam aliàs observavi ad Tacitum.

10. *Ad expiandas suffitu domos.* Locus insignis, & qui antiquissimum usum sulphuris suffitu domos purificandi docet. Sic Telemachus apud Homerum Odyss. χ'. vers. 481. ait ad nutricem: *Affer sulphur, anus, malorum medelam; affer mihi & ignem, ut fumigem domum.* Sic in insulâ Melo est hiatus terræ, cujus ambitus est ferme decem pedum, qui sulphureum vaporem exhalat, quo pestes multique morbi avertuntur; & si fortè pestis ingruat, hiatus illum paulo altius effodiunt, statim vapor per domos diffunditur, & pestis abigitur. Cl. Galland, *Voyage Ms. du Levant.*

11. *Sentitur vis ejus & in aquis ferventibus.* Vis illa medica sulphuris est utilis nervis, ut dictum suprâ Libr. XXXI. sect. 32. Aluminata aqua, paralyticis.

12. *Est bituminis.* Bitumen, le *Bitume*, l'*Asphalte*.

13. *Limus e Judæa lacu.* Limus ille, le *Bitume de Judée*.

14. *Candidum gignitur.* Hoc optimum est, le *Naphte blanc*. Non Babylone tantum reperitur, sed & in agro Mutinensi, *Modene*.

15. *In secundo volumine diximus.* Suprâ Libr. II. sect. 109.

16. *Naphtham . . . bituminis generi adscribant.* Nec immerito Cl. Rouelle existimabat naphtham purissimam & limpidissimam oriri e succino. Vide Cl. d'Olbac, *Collection Académique*, Tom. IX. pag. 29. in Appendice.

17. *Ab omni usu abest.* Ad suffusiones oculorum & albugines naphtham laudat Dioscorides I, 101.

18. *Facit sui nominis.* Emplastrum illud dicitur δι' ἀσφαλτος.

19. *Hedyosmi.* Ἡδυσσμός, est mentha, la *Mente*.

20. *Procidentes.* Procidentes vulvas.

21. *Ferruminatis Babylonis muris.* Quodque mirum, est exstant adhuc murorum ita ferruminatorum rudera. Exstat & lacus bituminis, cujus circuitus est ferme duorum millium passuum. Hæc accuratè descripsit oculatus testis P. Emmanuel, Carmelita discalceatus, in Epist. Mf.

22. *Aluminis.* Alumen, l'*Alun*.

23. *Liparâ, Strongyle.* Insulæ illæ nunc *Lipari* & *Stromboli*.

24. *Proximum in Melo.* Vide Cl. Tournefort, *Voyage du Levant*, Tom. I. pag. 187. & seqq. Ibi multa & curiosa de bituminis & aluminis origine.

25. *Hoc phorimon.* Alumen liquidum dicitur phorimon, & est facile parabile.

26. *Paraphoron.* Παράφορον est dolosum.

27. *Virus alarum sudoresque.* Cautissimè utendum alumine, aluminosave aquâ ad sedandum virus alarum, aut pedum, sudoresque, ob periculosos effectus, qui sæpe subsequuntur. Vide Cl. Lieutaud, *Précis de la matiere médicale*, Tom. II. pag. 122.

28. *Melanthio.* Melanthium, la Nielle; ut jam dixi suprà.

29. *Unum genus schiston... in capillamenta quædam.* Hoc aluminis genus, l'Alun de plume. Ex Ægypto provenit, teste Dioscoride V, 123. Optimum quoque est in insulâ Melo. Vide Cl. Tournefort, loc. cit. pag. 196.

30. *Chalcitin vocant.* Chalcitis, le Colchatar fossile.

31. *Humorem inutilem corporis.* Mss. Reg. & editio princeps.

32. *Interioris est alterum generis.* In Mss. Reg. 2. 3. & editione principe, *intertioris est.* Interiorius dictum videtur, quod altiùs in terram abditur. Strongyle autem appellatur, id est, alumen rotundum, ob formam.

33. *Optimum ex omnibus quod Melinum.* Hæc omnia illustrat Cl. Tournefort, loc. cit.

34. *Summa omnium generum vis.* Ita Mss. Reg. 2. & 5. In Ms. Reg. 2. editione principe aliisque, *lanuginem summam. Omnium generum vis.*

35. *Unde nomen Græcis.* Alumen Græcis dicitur *συπτηρία*, ob vim stypticam.

CAP. XVI. 1. *Ab his pane omnia.* Bene Mss. Reg. 2. 3. 5. Non ita bene in editione principe aliisque, *ab his per se omnia.* Nec omnes hic recenset medicas terras, Lemniam, Melitensem, Armenam, &c.

2. *Samia duæ sunt.* De Samiâ terrâ vide Cl. Tournefort, loc. cit. pag. 112.

3. *Et lenissima.* Bene Mss. Reg. 2. & 3.

4. *Dicta est inter pigmenta.* Suprà sect. 21.

5. *In calycibus crebrò concussis.* Ita Mss. Reg. 2. 3. & editio princeps.

6. *Chia terra.* E. Chio insulâ, *l'île de Scio.*

7. *Et Selinusia.* Fuit urbs Selinus in Sicilia, de quâ hic agi videtur. Aliæ fuere Selinuntæ, in Ciliciâ & Marmaricâ.

8. *Albaria interpolantur.* Reparantur ac renovantur tectoriorum albaria.

9. *Pnigitis.* Fortè ita dicta, ut vult Agricola, a Pnigeo, Libyæ Mareotidis vico: juxta alios a *πνίγω* appellata, quòd deglutientes suffocet.

10. *Ampelitis.* Itane dicta, quòd in eâ lætè proveniant vites: an quòd vitibus illita vermes, qui eas rodunt vel interimit, vel fugat?

CAP. XVII. 1. *Ex iis Cimolia.* Ab insulâ Cimolo, Græcis *Chimoli*, nobis vulgò, *l'Argenziere*, dicta est creta Cimolia. Differt tantum a cretâ Parisiensi, quòd Cimolia sit pinguior, *plus grasse, plus savonneuse.* Vide Cl. Tournefort, loc. cit. pag. 172.

2. *Aphronitrum & Cyprus.* Ita fuit emendandum e Mss. Reg. & editione principe, in quibus & *Cyprium.* De cypro autem, seu oleo cy-

prino, dictum suprâ Libr. XII. sect. 51. Cyprus autem magis emollit, quàm rosa; ut videre est apud Celsum V, 24.

3. *Circa Bubonem*. Bubon oppidum fuit Lyciæ.

4. *Cimolius usus in vestibus*. Ut jam suprâ observavi, cùm populus Romanus togis candidis uteretur, sæpe erant eluendæ, ut nitidæ viderentur. Sic a candidatis, cùm accederent comitia, dealbabantur vestes; & inde Persius, Satyr. V, 176.

*Jus habet ille sui palpo, quem tollit hiantem
Cretata ambitio.*

5. *L. Æmilius censores*. Anno Urbis conditæ DXXXV.

6. *Saxum utilius*. Creta, quæ saxum appellatur, ut modò suprâ dictum est.

7. *Thymphaico utitur gypso*. Gypsum illud ita dictum a Tymphæis, Ætoliaë populis; de quibus suprâ Libr. IV. sect. 3. Vide & infrâ Libr. XXXVI. sect. 59.

8. *Creta argentaria*. De eâ jam dictum suprâ Libr. XVII. sect. 4.

9. *Circum præducere*. Ut in Circo conspicua foret meta, signabatur cretâ. Unde Seneca, Ep. 108. *Hanc quam nunc in Circo cretam vocamus*. Vide & suprâ Plinium Libr. VIII. sect. 65.

10. *Publium Lucilium*. Ita Mss. Reg. 3. & 5. Hic videtur esse Publius Syrus mimographus, cujus exstant sententiæ.

11. *Manilium Antiochum*. Hujus Manilii Antiochi filius mihi videtur fuisse M. Manilius,

qui carmen scripsit Astronomicum, illudque post Varianam cladem Augusto inscripsit.

12. *Staberium Erotem*. De quo Suetonius, de *illustr. Grammaticis*, Cap. 13.

13. *Eâdem nave advectos*. Circa Sullana tempora; minimè verò bello Punico tertio, ut voluit Harduinus, quem secutus est Bentleius. Sed hæc in nostrâ notarum brevitate fusiùs non licet persequi.

14. *In catastâ*. Catasta, pegma fuit ligneum, in quo servi venales venditioni exponebantur. Teste enim Scholiaste Persii, Satyr. VI, 77. *Apud antiquos venales gladiatores in catastâ ponebantur, ut in eis possent omnia membra inspicere*.

CAP. XVIII. 1. *Prætoria quoque ornamenta...*
CL. *Cæsaris viderimus libertis*. Pallantem Claudii principis libertum prætoriiis ornamentis donatum vide apud Tacitum, Annal. XII, 53. ubi satis superque de eo dixi.

CAP. XIX. 1. *De quibus jam diximus*. De terrâ Galatæ & Clupeæ dictum suprâ Libr. V. sect. 7. De Baleari & Ebusitanâ Libr. III. sect. 11.

IN LIBRUM XXXVI.

CAP. I. 1. *Vas petitur in nubilâ*. Vas crystallinum. Crystallum concrescit intra montium cavernas. Minimè verò est glacies concreta longo annorum spatio, ut voluere antiqui.

2. *Quàm sine his beatior fuerit vita*. Ita fuit emendandum ex Mss. Reg. 2. 3. 5. & editione princeps.

3. *Ad quàm multorum neces.* Mss. Reg. 5. & editio princeps.

4. *Verius pati.* Mss. Reg. & editio princeps.

5. *Quos ob usus.* Mss. Reg. 5.

CAP. II. 1. *Glirifque.* De saginatis gliribus, glireriisque fistilibus dixi Libr. VIII. sect. 82.

2. *M. Scauri adilitate.* De quâ infrâ sect. 24.

3. *Lucullei marmoris.* Vide infrâ sect. 8.

4. *In Palatium.* In Palatinum montem, ubi erat Scauri domus, in x. Urbis regione. Manent adhuc ejus rudera.

5. *Fistilia deorum fastigia.* De his dictum suprâ Libr. XXXV. sect. 43. & 45.

CAP. III. 1. *L. Crassum oratorem.* Jam memoratum suprâ Libr. XVII. sect. 1.

2. *Hac & quæ sequentur.* Mss. Reg. 2. 3. & editio princeps.

CAP. IV. 1. *Et Scylis.* Mss. Reg. 5.

2. *Apollo Pythius respondit.* Mss. Reg. & editio princeps.

CAP. V. 1. *Archermus, cujus filii.* Mss. Reg. 2. 3. & editio princeps.

2. *Bupalus & Athenis.* Bene eruditus Harduinus in priore suâ editione. Malè in alterâ, & *Anthernus.* Id patet ex Scholiaste Aristophanis in Aves, ubi Bupalum & Athenim, καὶ Ἀθήνιν, memorat.

3. *Iasii.* Iasus, urbs Cariæ, de quâ dictum suprâ Libr. V. sect. 29.

4. *In Palatinâ æde.* In æde, quam Apollinî dicaverat Augustus in Palatio, x. Urbis regione. Signum illud Apollinis fuit in ædis fastigio.

5. *Lycnitem.* Λυχνίτην, a lucernâ, λύχνω.

6. *Lunensium lapicidinis*. Nunc adhuc nobilissimæ illæ lapicidinæ, *les Carrieres de marbre de Massa & de Carrare*.

7. *Imaginem Sileni exstitisse*. In his naturæ lusus plus videt plerumque imaginatio, quàm oculi. Nunc in æde Bethleemiticâ, in Judæâ, D. Hieronymi imago ostenditur; Venetiis, in æde D. Georgii, clarior imago Crucifixi. Vide *les Voyages de M. de Breves*, pag. 177.

8. *In Oſtaviæ operibus*. In Oſtaviæ porticibus & scholis. Vide suprà Libr. XXXV. sect. 37. & 40.

9. *Alcamenem*. De eo dictum suprà Libr. XXXIV. sect. 19.

10. *Ἐν Κήποις*. In hortis.

11. *Et ætate gratus*. Ita Mss. Reg. 2. 5. Plures autem fuere adolescentuli Phidiæ grati & dilecti. Vide Arnobium, adversus Gentes, Libr. VI. & Clementem Alexandrinum, in Protrept.

12. *Phidiam clarissimum*. De Phidiâ dictum suprà Libr. XXXIV. sect. 19.

13. *In basi*. Mss. Reg. & editio princeps.

14. *Praxitelis ætatem . . . diximus*. Suprà Libr. XXXIV. sect. 19.

15. *Quorum conditio erat*. Quorum optio erat.

16. *In pario*. Parium, urbs Mysiæ, nunc *Camanar*.

17. *Manades, & quas Thyadas*. Mænades, quasi furentes, Bacchi sacra peragebant. Thyades quoque Bacchi sacrificulæ. Passim eas videre est in veteribus monumentis & picturis Herculaneis.

18. *Symplegma*. Complexus duorum colluctantium;

tium; ut & mox de altero symplegmate Heliodori dicetur.

19. *Et Pothon. Πόθος*, Desiderium.

20. *Duasque chametæras*. Duas socias humi sedentes.

21. *Delubro Cn. Domitii*. Ita Mss. Reg. & editio princeps. In ix. Urbis regione prope theatrum Marcelli fuit *delubrum Cn. Domitii*. P. Victor.

22. *Et hippocampos*. Crediderim ex his similibusve sculpturis expressum esse elegantissimum musivum, quod publicavit eruditus Ciampini, *Vetera monimenta*, Tom. II. pag. 4. Tab. II. Ibi videre est hippocampum, Nereidem, & Thetim hippocampo blandientem. Hæc quoque egregiè descripsit Virgilius, *Æneid.* V, 817. & seqq.

23. *Chorusque Phorci*. Phorcus, Neptuni filius, marinumque numen.

24. *Et pristis*. Jam vidimus suprâ pristim, maximum maris animal.

25. *In templo Bruti Callaici*. In ix. Urbis regione fuit delubrum Bruti Callaici. Exstructum fuerat a Decimo Junio Bruto, Callaico nuncupato, quod Gallæcos Hispaniæ populos devicerat. De eo jam dictum suprâ Libr. IV. sect. 35.

26. *Praxiteliâ illam antecedens*. Scopas floruit, teste Plinio XXXIV, 8. Olympiade LXXXVII. Praxiteles autem Olympiade CIV. Plin. ibid. Scopæ Venus Praxiteliâ Venerem antecessit quidem tempore, at non dignitate. Laudanda tamen valde fuit illa Scopæ Venus, quod cum foret Praxiteliâ antiquior, egregia tamen esset,

& quemcumque alium locum nobilitatura. Pu-
gnantia ergo non loquitur Plinius, ut vult Cl.
Falconet.

27. *In operibus pacis suæ.* Templo Pacis, quod
exstruxerat Vespasianus, bibliotheca aliaque si-
milis opera erant addita.

28. *Apollinis Sosiani.* Cedrinus fuit Apollo
ille Sosianus, e Seleuciâ advectus a C. Sosio;
unde illi cognomen. Vide jam dicta suprâ Libr.
XIII. sect. 11.

29. *Nioben cum liberis morientem.* Exstat ad-
huc pulcherrimum illud antiquitatis monumen-
tum; & in eo videre est summum terroris
exemplum. Opus præcellentissimum ante aliquot
annos Româ e villâ Medicæâ Florentiam trans-
latum est.

30. *Et auro occultatur.* Mss. Reg. 2. 3. &
editio princeps.

31. *In eâdem scholâ.* De porticu Octaviæ di-
ctum suprâ Libr. XXXV. sect. 37. Ibi erat
schola, curia, bibliotheca, templa Junonis &
Apollinis.

32. *In septis.* In Câmpo Martio fuere septa.
Locus fuit, quò conveniebat populus ad fe-
renda in comitiis suffragia, primùm ligneis,
deinde marmoreis cancellis septus. Unde septo-
rum nomen.

33. *Olympum & Pana.* Statuæ illæ, Olym-
pus, Pan, Hercules cum Chirone, expressæ vi-
dentur in Herculanensibus picturis. *Picture an-
tiche d'Ercolano*, Tom. I. Tab. VIII. & IX.

34. *Olympiadis centesimæ anno secundo.* Ita
Mss. Reg. 2. 3. 5. & editio princeps. Vide &
infra sect. 6. Hujus autem Mausolei, inter sep-

tem miracula habiti eruditam descriptionem & ichnographiam dedit Cl. de Caylus, *Mémoires de l'Académie Royale des Inscriptions*, Tom. XXVI. pag. 321.

36. *Socrates fuit, alius ille quàm pictor.* Socrates ille alius, quàm pictor, fuit Sophronisci filius, & hominum sapientissimus habitus, qui Charites non nudas, sed veste amictas fecit. Vide Pausaniam Libr. I. & Suidam in verbo Σωκράτης.

35. *Hercules Menestrati.* Non exstat ille Hercules, qui in magnâ admiratione fuit. At Romæ in palatio Farnesiano visitur Hercules Glyconis Atheniensis, qui & ipse est magnâ admiratione dignus, & inter summa exemplaria, quibus restitutæ sunt artes memorandus. Inventus est in Thermis Antoninianis, sub Paulo III. Pontifice maximo.

37. *Thespiades.* Musæ sunt, quæ Thespiis, in Bœotiæ oppido, colebantur.

38. *Hippiades Stephani.* Hæc desunt in Mss. Reg. & editione principe; nec reperit Pintianus in suis Mss. codicibus. Unde fortè sunt delenda. Hippiades, si fuere, videntur esse statuae equestres feminarum, fortè Amazonum.

39. *Hermerotes.* Sunt junctæ statuæ Mercurii & Cupidinis. Non junctas tantùm duorum triumv deorum statuas habuere antiqui, sed & pantheas. Egregius Mercurius pantheus ex ære elegantissimo fuit in Museo Collegii Ludovici Magni.

40. *Non calatoris illius.* De quo dictum supra Libr. XXXIII. sect. 55. Is fuit Cyzicenus.

41. *Zetus & Amphion ac Dirce.* Visitur adhuc Romæ stupendum illud artis monumentum in

palatio Farnesiano, & dicitur *il Toro Farnese*. Inventum est in Thermis Antoninianis sub Pontifice maximo Paulo III. Cùm multis in locis esset fractum, jussu Cardinalis Farnesii a Joanne Baptistà Blanco, Mediolanensi, instauratum est. Licet illud opus sit magnitudine operis stupendum, non est tamen absolutà artis præstantià.

42. *Ex eodem lapide*. Longum est maximum illud artis monumentum palmos 14. totidem latum: altum palmos 18.

43. *In delubro suo*. In delubro Apollinis, quod fuit inter Octaviæ opera.

44. *In proximâ æde*. Ædes illa Jovis proxima fuit porticui Octaviæ.

45. *Pana & Olympum*. De Pane, Olympo & symplegmate jam dictum suprâ in hac sectione.

46. *Pythas*. Pythas, seu pugiles.

47. *In Laocoonte*. Præstantissimum illud monumentum, in quo maximum est doloris & fortitudinis exemplum, omnibus, teste ipso Plinio, & picturæ & statuariæ artis monumentis præponendum, Romæ adhuc visitur in Pontificiis Vaticanis hortis. Nec fortè ipsum est exemplar, duobus enim constat lapidibus: sed Plinii ætate junctura potuit non apparere. Tanta fuit hujusce monumenti, cui quantum debeant restitutæ artes satis dici non potest, laus & admiratio, ut Julius II. & Leo X. artium æstimatores peritissimi, fautores magnifici, Felicem de Fredis, qui illud reperit, donis & dignitatibus ornarent. Ejus quoque tumulo inscriptum est anno 1528. QVI OB PROPRIAS VIRTUTES ET

REPERTVM LAOCOONTIS QVOD IN VATICANO CERNIS SIMVLACRVMM IMMORTALITATEM MERVIT.

48. *In Titi imperatoris domo.* In eâ quoque domo, cujus ut & Thermarum manent adhuc rudera, inventæ sunt veteres & elegantissimæ picturæ, quas delineavit Petrus Sanctes Bartoli, & publicavit Cl. de Caylus, ut fusiùs dixi in alterâ Taciti editione, Tom. V. pag. 351.

49. *Caryatides in columnis.* Exstat quidem adhuc Pantheon. At illæ Caryatides in columnis, & signa in fastigio posita non jam comparent. Fortè illa rapuere imperatores, qui, collapsis artibus, ex probatissimis antiquitatis monumentis sua condecorabant.

50. *Porticûs ad nationes.* Ita dicta est, quòd Augustus in eâ porticu, quam fecerat, simulacra omnium gentium collocaverat; ut docet Servius ad Virgilium, *Æneid.* VIII, 721.

51. *Thespiades.* Musæ, ut jam dixi suprâ.

52. *In Graciâ Italiæ orâ.* In magnâ Græciâ, quæ est Italiæ ora.

53. *In Metelli ade.* Metelli Macedonici, qui primus omnium ad eam Romæ in marmore molitus, vel magnificentia, vel luxuria princeps fuit. Vel leius Patercul. I, 11.

54. *Quâ Campus petitur.* Campus Martius.

55. *In navalibus.* In XIII. Urbis regione fuit navale.

56. *Arcesilaum.* Jam laudatum suprâ Libr. XXXV. sect. 45.

57. *Quæ sunt circa Pompeii theatrum.* In Mss. Reg. & editione principe, *circa Pompeium.* In

recentioribus, circa Pompeii. Emendandum fuit, *Pompeii theatrum*; ut patet ex Suetonio in Ner. Cap. 46. ubi agit de *simulacris gentium ad Pompeii theatrum dedicatarum*.

58. *In columnarum spiris insculpta*. Cl. Winkelmann, *Monumenti antichi inediti*, Tom. II. pag. 269. exhibet num. 206. capitellum Ionicum columnæ quod adhuc exstat Romæ in templo divi Laurentii extra muros. In ejus volutis videre est ex unâ parte ranam inversam, ex alterâ lacertam. Sic nominum suorum argumenta insculpsere: nam *σαῦρα* est lacerta, & *ῥαχός* est rana. Malè ergo Mf. Reg. 5. editio princeps & Cl. Rezzonicus habent epistylis insculpta. Epistylia enim sunt *les Architraves*, non ipsa columnarum capitella.

CAP. VI. 1. *Marmoreo saxo percussum*. Homer. *Iliad.* π. vers. 735.

2. *Ebore tantum adornans*. Vide suprâ Libr. XXXIII. sect. 23.

3. *Olympiadis c. anno secunda, Urbis Romæ anno CCCLXXV*. Ita emendandum vidimus suprâ sect. 4. ex Mff. Reg. 2. 3. 5. & editione principe. Id quoque postulat Scopæ ætas. Is enim floruit, ut dictum est suprâ Libr. XXXIV. sect. 19. Olympiade LXXXVII. Tunc certè natus erat Scopas annos circiter 30. Si mortuus est Mausolus anno secundo Olympiadis CVI. ut habent recentiores editiones, Scopas habuit annos circiter 100, cùm, defuncto Mausolo, ejus mausoleum cælavit. Pars verò quam cælendam suscepit patebat pedes 36. latitudine, & altitudine 28. Talesne & tam diuturnos labores sustinere potest senectus effœta?

4. *Formiis natum.* Formiæ, nunc Mola.

5. *Præfectum fabrū.* In legionibus Romanis erant fabri, sicut & nobis, *le Corps des Pioniers.*

6. *Catulli Veronensis carminibus.* Carmine 30. in Cæsarem.

7. *Quem, ut res est, domus ipsius.* Ita Mss. Reg. 2. 3. 5. & editio princeps. Malè eruditus Harduinus, *quem & res, & domus ipsius.* Nihil tale habent Mss. quos laudat.

8. *E Carystio.* De Carystio in Eubœâ vide suprâ Libr. IV. sect. 21.

9. *L. Lucullus consul fuit.* Anno Urbis conditæ DCLXXX.

10. *In Chio insulâ.* Malè Mss. Reg. *in Nilo insulâ.* Nulla insula Nilus: nec Nilus Ægyptusve tum fuere dominationis Romanæ. Malè editio princeps, *in Milo insulâ.* Recentiores, *in Nili insulâ.* Emendandum fuit ex Isidoro Origin. XVI, 5. qui hunc locum descripsit, *in Chio insulâ.* Ipse Plinius suprâ Libr. V. sect. 38. memoravit *Chium marmor.*

11. *Vestigia invenio in Italiâ.* Bene Mss. Reg. 2. & 3.

12. *Et Coptidi.* E Copto, urbe Ægypti.

CAP. VII. 1. *Naxium diu placuit.* Cotes illæ genitæ in insulâ Cypri, sed parabantur in urbe Cretæ insulæ Naxo. Inde Naxium dictum est. Vide Suidam *Ναξία λίθος.*

2. *In ambitu terrarum.* Suprà in libris geographicis.

3. *Augusteum.* Mss. Reg. & editio princeps.

4. *Tiberianum.* Ms. Reg. 5. & editio princeps.

5. *Ab ophite.* Ophites, serpentinumve marmor, a nobis quoque dicitur *le Marbre serpentain*. ὄφις, serpens.

6. *Quem tephrian vocant.* Græcis τέφρα est cinis. Cenchrin serpentem, ut marmor illud, maculis pictum describit Lucanus IX, 713.

Pluribus ille notis variatam pingitur alvum,

Quàm parvis tinctus maculis Thebanus ophites.

7. *Leptoséphos.* Ob maculas calculorum magnitudine candicantiaque puncta, λεπτόσφηος dicitur iis interstinctus porphyrites, *le Porphyre*.

8. *Non admodum probatâ novitate.* Et meritò quidem. In his enim statuis summa difficultas, nulla gratia. Et in antiquis porphyreticis statuis, quæ exstant, caput, manus, pedes sunt ex alio marmore, candido, basalte, &c.

9. *Basalten.* Basaltes, *le Basalte*.

10. *Argumento Nili, XVI. liberis circâ ludentibus.* Statua illa nunc non exstat ex basalte: sed antiquum ejus exemplar ex marmore candido, repertum in horto Patrum Dominicanorum ad Minervam, servatur in Pontificiis Vaticanis hortis. Ad ejus similitudinem expressum, quod in regiis hortis, *les Thuilleries*, conspicitur. Egregium illud monumentum, ejusque basis, plena sunt Ægyptiæ naturæ, & plurima Plinii loca illustrent.

11. *Memnonis statua dicatus.* Exstat adhuc Thebis illa statua, quam vide apud Cl. Pococke, *Description of the East*, Tom. I. pag. 102. Tab. XXXVI. & XXXVII. De hac statuâ ejusque inscriptionibus, & vocali sono satis dixi ad Tacitum Annal. II, 60.

12. *Onychen*. Onyx, *l'Albâtre Oriental*, quem quidam dicunt *l'Albâtre-Onix*. Romæ in bibliothecâ Vaticanâ stat egregia columna ex onyche, alta palmos 13. $\frac{1}{2}$. reperta viâ Appiâ, cum linteo ex asbesto, de quo dixi suprâ.

13. *Sudines in Carmaniâ*. Sic emendandum rectè monuit eruditus Salmasius. Malè scripti & editi libri, in *Germaniâ*. Non rarus quidem in Germaniâ lapis alabastrites, *l'Albâtre*; sed onychi multò inferior gratiâ & pretio.

14. *P. Lentulus Spinter*. Ædilis, Cicerone consule, anno Urbis conditæ DCXCI.

15. *Cornelius Balbus posuit*. Anno Urbis conditæ DCCXLI.

CAP. VIII. 1. *Mellei coloris*. Talia adhuc & ejusdem coloris exstant vasa antiqua. Sed de alabastrite lapide eruditissimè differuit Cl. d'Aubenton, *Mémoires de l'Académie Royale des Sciences*, an. 1754. pag. 237. Exstat Parisiis in Museo Regio, *le Cabinet du Roi*, insigne fragmentum antiquum, partim alabastrites, partim marmor.

2. *Corallitico*. Ita Isidorus, Origin. XVI, 5. Sic quoque fuit emendandum ex Mss. Reg. 1. & 2. in Indice.

3. *Pyrrhopæcilon*. Bene Cl. Rezzonicus: nec aliter editio princeps, licet habeat *pyrrhopocilon*. Πυρροπέκιλος dictus ille lapis a πυρρός, fulvus. Nobis nunc dicitur *le Granit rouge*.

4. *In Solis urbe*. Heliopolis, nunc *Ain-el-chams*, id est oculus Solis, nobis vulgò dicta *la Matharée*. Ibi adhuc exstat ille obeliscus, quem exhibet Cl. Shaw, *Voyages*, Tom. II.

pag. 142. P. Sicard qui diligentissimè Ægyptum
lustravit, ibi reperit octodecim obeliscos: nem-
pe Alexandriae 2. Heliopoli 1. Arsinoe 1. The-
bis 10. & in insulâ Phile 4.

5. *Sochis*. Ita Mss. Chiffi. & Cl. Rezzonicus.
In Mss. Reg. 2. 3. & Laurentian. *Efotis*. Alii
& editio princeps, *Ephotis*.

6. *Ramises*. In Mss. Reg. 2. & 3. *Ramisc-
sis*. Idem videtur esse quem Tacitus appellavit
Rhamsen. De eo satis dixi ad Tacitum Annal.
II, 60.

7. *Mnevidis regia*. Bos Mnevis regiam habuit
Heliopoli, ibique colebatur, teste Strabone,
Libr. XVII. pag. 803. Apis verò, Mëmphi.

8. *Undecentenis pedibus*. Malè Mss. Reg. &
editio princeps, *undenis*. Malè quoque recen-
tiores, *undecenis*. Emendandum erat, *undecen-
tenis*, ut rectè vidit Cl. Rezzonicus. Ille obe-
liscus, quem memorat Ammianus Marcellinus
XVII, 3. nunc stat Romæ ante Lateranensem
Basilicam.

CAP. IX. 1. *A Zmarre*. Ita Mss. Reg. Am-
brosian. 1. editio princeps, & Cl. Rezzonicus.
Fortè est Psammis, pater regis Apries, de quo
mox dicam. Vide & Herodotum Libr. II. num.
161.

2. *Alter a Raphio*. Bene Pintianus: nec ali-
ter Mss. Reg. 2. 3. Ambrosian. 2. Raphius ille
mihi videtur esse Pharao Ephree, vel Hophra,
de quo Jeremias, XLIV, 30. Ab Herodoto,
loc. cit. dicitur Apries.

3. *Exciderat eum*. Mss. Reg. 2. 3. & editio
princeps.

4. *Necthebis*. Ita Mss. Reg. 2. 3. Ambrosian. 2. Po-

litian. & Cl. Rezzonicus. A Cornelio Nepote in Chabriâ appellatur *Nestanebus*.

5. *Purum*. Id est, sine notis, inculptisve hieroglyphicis figuris.

6. *Opus in devehendo*. Bene Mss. Reg. editio princeps, & Cl. Rezzonicus.

7. *A Satyro architecto*. Ptolemæi secundi architectus fuit Satyrus, & Philoteram urbem Troglodyticam ædificavit; ut videre est apud Strabonem, Libr. XVI. pag. 769.

8. *Callixenus a Phænice*. Bene Mss. Reg. 5 Vide & Athenæum Libr. V. pag. 203. Malè eruditus Harduinus *Callisthenes*. Callisthenem enim occiderat Alexander Magnus, ut testatur Seneca, Natural. quæst. VI, 23. fateturque ipse Harduinus paulo supra sect. 4. num. 10.

9. *Fossâ perductâ*. Fossæ illius vestigia a lapidinis marmoris Thebaici ad Nilum vidit P. Sicard.

10. *Pedalibus ex eodem lapide*. Ut magis deprimerentur naves, oneratæ sunt pedalibus laterculis marmoris Thebaici, ita ut pedales illi laterculi efficerent geminum pondus obelisci. Sic oneratæ subierunt obeliscum pendentem extremitatibus suis in ripis utrimque. Tunc egesti sunt pedales laterculi; allevatæque naves pondus, sive obeliscum, exceperunt.

11. *Statutum autem in sex talis e monte*. Ita Mss. Reg. 2. 3. 5. Riccardian, Politian. Ambrosian. 2. Aliter recentiores editiones, *excepisse onus statutum. Excisos autem sex tales in monte*. Cl. Rezzonicus, *statutum autem excisis sex talis e monte*.

12. *Talentis quinquaginta*. Talenta Ægyptia
S vj

quingenta sunt Gallicæ monetæ libræ 26r, 450.

13. *In Arsinoeo.* In monumento Arsinoes.

14. *Ab rege.* Mss. Reg. 2. 3. & Riccardian.

15. *Quæ Tiberi subveherent.* Bene Mss. Laurentian. & Dalecamp.

16. *Quo experimento palam fit.* Bene Mss. Reg. 5. Ambrosian. 1. & 2. editio princeps, & Cl. Rezzonicus.

17. *Semneserteo.* Semneserteus successit Amasidi regi, ut colligere est ex Diogene Laertio Libr. VIII, 3. De ætate Pythagoræ dictum supra Libr. XIII. sect. 27.

18. *LXXII. pedum & dodrantis.* Optimè locum hunc restituit Cl. Boscovich, mathematicâ laude celeberrimus. Pedes sunt 82. $\frac{3}{4}$ Quod quadrat cum ejus obelisci altitudine, quam Mercatus & Kircherus aliique produnt esse palmarum Romanorum cx Favebant Mss. Reg. 5. Venet. Riccardian. Politian. in quibus legitur, *xxcv. pedum & dodrantis.* Pessimè in Mss. Reg. 2. 3. & editione principe aliisque, *cxv. pedum & dodrantis.* Nunc stat ille obeliscus, a Sixto V. Pontifice maximo erectus, in aditu portæ Flaminiae, ante ædem S. Mariæ del Popolo.

19. *Præter basim.* Basis altitudinem intelligere est ex Ms. codice Bibliothecæ Vindobonensis, cui titulus *Imperia Cæsarum*, quem edidi in Notis ad Tacitum, Tom. IV. pag. 234. edit. in-4. Ibi enim legitur sub Augusto: *Hoc imp. [imperante] navis Alexandrina prima in portum Romanum introivit, nomine Acatus, quæ attulit frumenti modios. cccc, vectores mce. pi-*

per, linteamen, carta, vitria, & opoliscum [legendum, *chartas, vitrea, & obeliscum*] cum sua sibi base, qui est in Circo maximo, altum pedes LXXXVII. s. Ergo basis hujus obelisci alta fuit pedes 4. $\frac{3}{4}$.

20. *Novem pedibus minor.* Altus ergo fuit pedes 73. $\frac{3}{4}$. Eandem ferme altitudinem habet, & supra laudatam emendationem confirmat P. Victor, de Regionibus Urbis: *Unus in Campo Martio pedum LXXII. s.* Cum in Mss Reg. Ambrosian. I. Riccardian. & Laurentian. sit *novem pedum est*; & in Ms. Voss. *pedum minor*, emendavit Cl. Rezzonicus, *novem pedum minor.*

CAP. X. 1. *Ei qui est in Campo.* In Campo Martio. Celeberrimus ille obeliscus jacebat in fundamentis conductitiarum quarumdam domorum, haud procul S. Laurentii in Lucinâ aede. Erui eum curavit Pontifex maximus Benedictus XIV, & erudito opere illum illustravit Cl. Bandini, *dell' Obelisco di Cesare Augusto. Roma. 1750. in-fol.* Operi additæ sunt eruditæ literæ Cl. Stuart & Boscovich. Fractus ille obeliscus adhuc jacet, mole & sculpturis conspicendus. Cum eum erexit, stylobatæ inscripsit Augustus.

IMP. CAESAR DIVI F

AVGVSTVS

PONTIFEX. MAXIMVS

IMP. XII. COS. XI. TRIB. POT. XIV

AEGVPTO IN POTESTATEM.

POPVLII ROMANII REDACTA

SOLI DONVM DEDIT.

2. *A Sefostride.* In Mss. Reg. 2. & 3. *Sefostide.* Editio princeps, *Sefotide.* Ms. Riccardian. & Cl. Rezzonicus, *Sochide.*

3. *Ad deprehendendas Solis umbras.* Augusto imperiique Romani majestate dignus fuit ille gnomon, *la Méridienne.*

4. *Cui par fieret umbra.* Cui, ut eruditè observavit Cl. Boscovich non refertur ad obeliscum, sed ad stratum lapidem. Die enim brumæ umbra bis & quintâ insuper parte, $2\frac{1}{5}$. longior erat, quàm obeliscus. Vide in laudato suprâ Cl. Bandini opere, epistolam Cl. Boscovich, pag. 16.

5. *Brumæ confectæ die.* Die solstitii hiemalis: tunc enim umbra est totius anni longissima. Mirum, ut Cl. Galliani, ficto Ernesti Freeman nomine, locum hunc Plinii obruit inanibus conjecturis falsisque explicationibus, quas Cl. Boscovich Italicâ ad Cl. Bandini epistolâ confutavit.

5. *Sextâ horâ.* Horâ duodecimâ, *Midi.*

6. *Ingenio secundo Manilius mathematicus apici.* Ita Ms. Reg. 5. & editio princeps; tantum pro *secundo* habent *facundo*. In Mss. Reg. 2. & 3. *ingenio secundi mathematici. Apici.* Emendavit Cl. Bandini, loc. cit. Cap. 13. *ingenio Facundini L. mathematici.* At ignotus ille *Facundinus*, ignotus *libertus*.

7. *Colligeretur in se ipsâ.* Verissimè & accuratissimè dictum. Qui plura de his voluerit, consulat laudatas Cl. Boscovich epistolas.

8. *A centro suo aliquid emotâ.* Ita Mss. Reg. 2. 3. Riccardian. Ambrosian. Politian. & Cl. Rezzonicus.

CAP. XL I. *Tertius Romæ.* Ille obeliscus nunc stat ante templum D. Petri in Vaticano. De eo satis dixi ad Tacitum, in *Anecdosis de Caio principe.*

2. *Cæii & Neronis.* Cæii Caligulæ & Neronis.

3. *Sesostridis.* In Mss. Reg. Vatic. & editione principe, *Sesosidis.*

CAP. XII. I. *Et pyramides.* P. Sicard in Ægypto viginti magnas pyramides invisit, non numeratis, quæ minores sunt. Magnas quinque lustravit, trium interiora descripsit.

2. *Vestigia complurium.* Mss. Reg. & editio princeps.

3. *Et ipso dicemus.* Infra sect. 19.

4. *Totidem, ubi fuit Mæridis lacus.* Teste P. Sicard, unius vestigia adhuc exstant in lacu Mæridis, nunc *le Lac de la Corne*; dictus quoque *le Lac de Caron.*

5. *Harum cacumina extrema.* Ut intelligatur facilius pyramidum altitudo, observandum turres ædis D. Mariæ Parisiis habere tantum 210 pedes altitudinis. Extrema cacumina pyramidum habent altitudinis pedes 466.

6. *Ante has est sphinx.* Exstat adhuc sphinx illa; sed præter caput & collum, cetera sunt arenis abdita. Ejus effigiem & mensuras vide apud Cl. Pococke, *Description of the East*, Tom. I. pag. 46. & Cl. Shaw, *Voyages*, Tom. II. pag. 157..

7. *A ventre ad summam aspidem in capite,* LXII. Nunc eminent tantum caput & collum, quorum altitudinem cum Cl. Pococke quadrante, *le Quart de cercle*, deprehendisset, repe-

rit esse pedum 27. Ergo a Plinii, aut potius auctorum, quos secutus est Plinius, temporibus, aggesti sunt arenæ pedes 35.

8. *Trecenta LX. hominum millia.* Ita Mss. Reg. & editio princeps. Sic & Diodorus Siculus I, 63. Frustra in recentioribus editionibus, *trecenta LXVI. hominum millia.* Herodotus II. num. 124. habet tantum 300,000.

9. *Mille sexcenta talenta.* Mille sexcenta talenta Ægyptia efficiunt Gallicæ monetæ libras 8,466,400.

10. *Octo jugera.* In Mss. Reg. 2. 3. & editione principe, *septem jugera.* Pomponius Melæ I, 9. habet tantum quatuor jugera. Quod non ita recedit ab Herodoto, II. num. 124. *ὀκτὼ πλέθρα*, id est pedes 800. numerante. Jugeri mensura dicta est supra Libr. XVIII. sect. 3.

11 *Per septingentos octoginta tres.* Bene Ms. Reg. 5. Malè Mss. Reg. 2. 3. editio princeps & recentiores, *per octingentos octoginta tres pedes.* Cl. Greaves, in *Pyramidographiâ*, eam mensus est, & reperit pedes Anglicos 693. Cl. le Brun, *Voyages*, Cap. 36. eam fune dimensus reperit pedes Gallicos 704. Si quis nunc attendat differentiam pedum, Romani, Anglici & Gallici, quantumque arenæ a Plinii Herodotique temporibus tempus adgeserit, comperiet mensuras Herodoti & Pomponii Melæ veras esse, & quomodo Plinianæ sint intelligendæ. In Anglico pede sunt pedis Gallici 11. pollices, 3. lineæ, 167. In pede Romano sunt ejusdem pedis Gallici 10. pollices, 10. lineæ, 09.

12. *Altitudo a cacumine pedes XV. s.* Id est, latitudo cacuminis est pedum 15. $\frac{1}{2}$. Et fortè emendandum, *latitudo*. Nihil tamen mutavi ob consensum Mss. codicum, qui habent, *altitudo*. Miror eruditum Harduinum id non accepisse de latitudine cacuminis, sed de altitudine totius pyramidis, & prodidisse eam fuisse quindecim millium pedum cum semisse, quod absurdum est. Latitudinem illius cacuminis mensus est Cl. Greaves, loc. cit. & reperit pedes Anglicos 13.

13. *DCCXXXVII. comprehendunt.* Bene Ms. Reg. & editio princeps. Cl. Pococke, loc. cit. ait se observasse e cacumine majoris pyramidis eandem fere esse utriusque altitudinem.

14. *Alii enim nitro ac sale.* Fabulas esse Ægyptias, adaggeratis nitro saleve, construi potuisse pyramidas rectè monuit Diodorus Siculus, loc. cit. At adaggerari potuere lateres, aliaque id genus, quæ, peracto opere, in privatas domos sunt distributa.

15. *Est intus puteus.* Exstat adhuc, & aditur ille puteus; non rectus, sed obliquus. Immo fertur in Ægypto esse ex illo puteo per subterraneum iter exitum in desertum.

16. *A Rhodope meretriculâ factam.* Id falsò a Græcis jactitatum; & pyramidem hanc a Mycerino, Cheopis filio, Ægypti rege factam ait Herodotus II. num. 134.

17. *Oðingentis talentis.* Si Ægyptia sunt talenta, efficiunt Gallicæ monetæ libras 4,183,200. Si Attica sunt, cum Ptolemæus Philadelphus fuerit Græcâ origine, sunt Gallicæ monetæ libræ 3,655,000. At potiùs crediderim esse Ægyptia.

CAP. XIII. I. *Durat nunc in Ægypto.* Plinius, ut plerique auctores, unum in Ægypto labyrinthum memorat. P. Sicard, Diodorum Siculum secutus, tres labyrinthos reperit & lustravit, primus & antiquissimus, *le Château de Caron*, a rege Mende, Marove¹, ædificatus, exstat adhuc integer in desertis provinciæ *Faioum*. Secundus, quem unum Plinius, ut & alii multi, memorat, a Petesucco rege, ve Psammeticho, exstructus est: magnificum, & verè portentosissimum humani impendii opus. Ingentes & admirabiles ejus ruinæ exstant in *Ahenas-el-Mediné*. Tertius factus a rege Menâ in deserto inter urbem Crocodilopolim & lacum Moeridis, ubi nunc *Havara*.

2. *In Heracleopolite nomo.* Is est, ut modò dixi, cujus ruinæ exstant in *Ahenas-el-Medine*. P. Sicard illum lustravit anno 1718.

3. *Ter mille sexcentos.* In Ms. Reg. 5. *tria millia*; nec habet, *sexcentos*. Ob magnificentiam hujus labyrinthi, crediderim veriore esse Herodoti sententiam, & plurium regum opus esse.

4. *Hinc utique sumpsisse Dædalum.* P. Sicard auctoritate Diodori Siculi I, 97. probat exemplum sumptum a Dædalo, non e labyrintho Petesucci, vel Psammetichi, sed ex antiquissimo Mendetis, sive Mari, labyrintho. Quod verissimum est.

5. *Quem fecit in Cretâ.* Labyrinthum illum Creticum descripsit Cl. Tournefort, *Voyage du Levant*, Tom. I. pag. 176. Vide & *Mémoires de l'Académie Royale des Sciences*, an. 1702. pag. 217.

6. *Ut in pavementis.* Rectè quidem pavementa: quod non intellexere Plinii interpretes.

Nempe mos erat in pavimentis Creticum labyrinthum exprimere. Sic eum videre est musivo opere expressum in pavimento tessellato ædis D. Michaelis Ticini, *Pavie*. Tale quoque est Romæ pavementum in æde D. Mariæ trans Tiberim.

7. *Puerorumve ludicris campestribus*. Quibus labyrinthum imitabantur.

8. *Lapide polito*. Cl. de la Faye, *Recherches sur les préparations que les Romains donnoient à la chaux*, pag. 55. secutus pessimas Plinii editiones, locum hunc adhuc ipse corripit, ut columnas e lapide fictitio fingeret. Satis refutatur auctoritate Plinii, Pomponii Melæ aliorumque antiquorum, & P. Sicard, qui Ægyptium hunc labyrinthum inspexit.

9. *Lapide e Pario columnis*. In Mss. Reg. 2. & 3. *lapidis e Paro columnis*. In editione principe, *lapideis e Paro columnis*. Miratur merito Plinius, cum tot sint marmora in Ægypto, advectum esse marmor Parium.

10. *In regiones divisum atque in præfecturas*. Ut intelligatur illa labyrinthi divisio, necesse est animo concipere villas imperatoris Sinarum. Manifestum est enim idem esse exemplar. Quod indicare nunc sufficit, cum id fusiùs persequi non licet per hanc nostrarum notarum brevitate. P. Sicard docet totum spatium labyrinthi quadratum esse, & patere quadrantem unius leucæ. Hoc in spatio videri triginta colles opertos ruinis, ubi fuere vastæ illæ domus sedecim præfecturarum Ægypti, illa templa omnium Ægypti deorum, quindecim illæ Nemesses, seu quindecim Nemesis ædiculæ, pyramides quarum fenæ oras radicum labyrinthi obtinerent.

11. *Cenacula clivis excelsa*. Bene Mf. Reg. 2.

12. *Porticus quoque*. Ita Mf. Reg. 5. In Mf. Reg. 3. *porticus ejus*.

13. *Descenduntur*. Ita Mff. Reg. & editio princeps. Frustra & sine auctoritate in recentioribus editionibus, *ascenduntur*. Sic sunt gradus in cenaculis & porticibus villarum imperatoris Sinarum.

14. *Nonagenis gradibus*. Ita Mff. Reg. & editio princeps. Frustrà recentiores editiones addidere, *nonagenis gradibus omnes*.

15. *Aliæ rursus*. Mff. Reg. 2. 3. 5.

16. *Itron appellant*. In Mff. Reg. 2. 3. 5. & editione princeps, *iteron appellant*. In recentioribus editionibus emendatum, *pteron appellant*. Quam vocem jam vidimus suprâ in hoc libro, sect. 4. sed *pteron*, de quo ibi agitur est omnino diversum: nec potest ullo modo constare cum labyrinthi structurâ, quam accuratè descripsit Plinius. At cùm *iteron* sit vox nihili, emendandum duxi *itron*. "Ἰτρον autem est imus venter. Sic quoque *itron*, *le bas Labyrinthe*, *le petit labyrinthe*.

17. *Fecit unus omnino*. In Mff. Reg. 2. 3. & editione princeps, *facit*. In Mf. Reg. 5. *fecit*. Sic apud Cl. Gori, Inscript. antiq. Tom. II. pag. 400. FICIT, pro *fecit*. Malè recentiores editiones, *refecit*.

18. *Nesthebis regis*. De eo jam dictum suprâ.

19. *Annis quinquagenis*. Numerus *quinquagenis* in Mff. Reg. omissus est. In editione princeps, *annis d*. Error sanè est pro *annis L*. Minor eruditum Harduinum id non deprehendisse; cùm ipse paulo suprâ sect. 14. num. 3. adno-

tasset. *Nectabis* : qui Eusebio in *Chronic.* *Nectanebis*, cujus *atas Alexandri M. tempora vix XL. annis antecessit.* Fuit ultimus regum Ægypti, Pharaonum nomine. Ejus finem memorat Chronicon Alexandrinum sub Olympiade CI.

20. *Spinæ oleo incoctæ.* Spinæ Ægyptiæ, de quâ dictum suprâ Libr. XXIV. sect. 65.

21. *Memorabilior fuit.* Mss. Reg. & editio princeps.

22. *Cùm Cretici.* Exstant tamen adhuc quædam vestigia Cretici labyrinthi, quem invisit Cl. Tournefort, ut jam dixi suprâ.

23. *Quadrato quadratum.* Mss. Reg. 2. & 3. Monumentum illud fuit in urbe Clusio, nunc *Chiusi*; ad ejus imitationem plures postea facti fuere subterranei labyrinthi, quibus Clusini defunctorum corpora conderent. Illos adiit Cl. Gori, *Inscrip. antiq.* Tom. II. pag. 400.

24. *Pedum trecentum.* Bene Mss. Reg. 2. & 3.

25. *Improperet.* Lustrare properet.

26. *Et petasus unus.* In petaso & tintinnabulis insignia manent antiquitatis monumenta, quæ adhuc videntur in Sinensibus monumentis.

27. *Centum portas ibi prædicaret.* Homer. *Iliad.* 6. vers. 382.

CAP. XIV. 1. *Templum Ephesiæ Dianæ.* De hoc templo ingentibusque ejus substructionibus ac ruderibus vide Cl. Tournefort, *Voyage du Levant*, Tom. III. pag. 393. Magnificentissimi hujus templi frontem videre est in multis Domitiani, Hadriani, Antonini, aliorumque nummis.

2. *Una a Scopâ.* Cùm Scopas floruerit, ut dictum est suprâ, Olympiade LXXXVII. templum verò Ephesinum conditum sit Olympiade CVI.

Cl. Winckelmann, *Monumenti inediti*, Tom. II. pag. 271. emendabat, *uno e scapo*; & ut ipse loquitur, *tutte d'un pezzo*. Ingeniosa quidem est emendatio; non tamen necessaria. Cum columnæ a tot regibus sint datæ, cur unus non dederit columnam antea a Scopâ cælata, & præcipuè laudatam ob artem & artificem?

3. *Epistylia*. Epistylum, *l'Architrave*, ut jam dixi supra.

4. *Tradunt in eâ*. Mss. Reg. & editio princeps.

5. *Ad speciem naturæ*. Ad commendationem naturæ.

CAP. XV. 1. *Cyzici delubrum*. Cyzici, nunc *Artaki*, manent adhuc antiquitatis monumenta, & veteres Inscriptiones.

2. *E prytaneo*. Prytaneum, penetrale fuit urbis Cyzici, ubi publicè, quibus is honos erat datus, vescebantur. Vide Livium XLI, 20.

3. *Quæ Thracia vocatur*. In Mss. Reg. 3. &

5. *Tracia*. In Ms. Reg. 2. *Trachia*. Apud antiquos sæpissimè repetita reperiuntur eadem monumenta. Porro & in urbe Byzantio, *Constantinople*, fuere septem turres, quæ a portis Thraciis ad mare stabant. Si quis in primam portam aut vocem emisisset, aut lapidem iniecisset, statim fiebat echo. Ab unâquaque portâ vox ad sequentem portam penetrabat, similique ordine vox sonusque recantabatur. Quas turres cum diruisset imperator Severus, summo opere indoluere Byzantii, ut videre est apud Dionem Lib. LXXIV. pag. 847. Eadem ratio videtur fuisse in urbe Cyzico ut hæc porta diceretur *Thracia* potius, quàm *Trachia*, id est aspera.

4. *Buleuterion*. Βουλευτήριον, curia.
5. *Oſtingentorumque annorum*. Malè libri scripti & editi habent DCCCC vel nongentorum.
6. *Sedem ccl. millium*. Ita Mss. Reg. & editio princeps.
7. *H-s. millies*. Millies centena millia sestertiū sunt Gallicæ monetæ libræ 19,455,025.
8. *H-s. centies & quadragies octies*. Centies quadragies octies centena millia sestertiū efficiunt Gallicæ monetæ libras 2,879,442.
9. *Sestertium septingenties*. Septingenties centena millia sestertiū sunt Gallicæ monetæ libræ 13,618,517.
10. *Aggeris vastum spatium*. Agger est Tarquinii Superbi, quo Roma ab Oriente clauderetur, ut dictum est suprâ Libr. III. sect. 9.
11. *Cloacas*. Tot abhinc sæculis manent illæ cloacæ. Tanta fuit antiquis operibus firmitas.
12. *Paulo antè retulimus*. De Thebis Ægyptiis suprâ sect. 20.
13. *In adilitate*. Anno Urbis conditæ DCCXXI.
14. *Annis propè septingentis*. Bene Ms. Reg.
5. & eruditus Harduinus in alterâ suâ editione.
15. *Q. Catulo coff.* Anno Urbis conditæ DCLXXVI. De his consulibus jam dictum suprâ sect. 8.
16. *Domibus principum Caii & Neronis*. De his domibus Caligulæ & Neronis fatis dixi ad Tacitum in Supplemento Annal. VIII, 52. & ad Annal. XV, 42.
17. *Quàm sellaria istorum*. Sellaria sunt loca sedesque arcanarum libidinum; ut videre est apud Tacitum, Annal. VI, 1. & Suetonium in Tiber. Cap. 43.

18. *Tanta privigni potentia.* Metella, uxor M. Æmilii Scauri, principis senatûs, mater M. Scauri ædilis, qui ædilitate suâ civiles mores prostravit, fuit deinde uxor Sullæ. Vide Plutarchum in Sullâ, pag. 473. Inde M. Scaurus ædilis, privignus Sullæ.

19. *Scena ei triplex.* Triplex fuit ille ordo scenæ sursum versûs; & in quâque scenâ fuere CXX. columnæ.

20. *Civis amplissimi.* L. Crassi, de quo dictum suprâ sect. 3. Vide & Librum XVII. sect. 1.

21. *Imæ duodequadragenûm pedum.* De his columnis jam dictum suprâ sect. 2. Ex earum diametris æstimari potest theatri magnitudo. Binæ enim diametri adsignantur inter columnas.

22. *Ceteroque choragio,* Cetero scenico apparatu.

23. *H s. millies.* Bene Mss. Reg. 2. & 3. Sunt autem Gallicæ monetæ libræ, ut paulo suprâ dixi, 19,455,025.

24. *Marianis sodalitiis.* Sodalitia, quæ Marri partes foverant.

25. *Nos vocare majores.* Vocare nos majores, nec Curione tantum, sed & ejus ætatis populo Romano severiores.

26. *Et ad periculum suum.* Bene Mss. Reg. & editio princeps.

27. *De cannis.* De Cannensi clade.

28. *Ut pensiles tribus faceret.* In Mss. Reg. & editione principe omissum, *faceret.* Néc nobis placet. Crediderim Plinium scripsisse, *ut pensiles sint tribus.* Cl. Capperonnier, qui hunc Plinii locum recensuit, ut Cl. de Caylus Curionis theatrum

theatrum illustraret, emendavit, *apud pensiles tribus*. Quæ emendatio paulo audacior est, nec satis accurata. Vide *Mémoires de l'Académie Royale des Inscriptions*, Tom. XXIII. pag. 378.

29. *Diversis duabus, per medium scenis*. Bene Mss. Reg. & editio princeps. Malè omissum in recentioribus editionibus, *diversis*; quod meritò quoque revocaverat Cl. Capperonnier.

30. *Raptisque e contrario repente pulpitis*. Pulpitum, locus erat editus ante scenam, ubi histriones agebant, comœdiæque recitabantur. Insanum sanè fuit munus illud funebre a C. Curione, ob mortem patris sui defuncti anno Urbis conditæ DCCI, editum: fatendum tamen in eo fuisse stupendum artis mechanicæ monumentum. Ad illum C. Curionem scriptæ exstant multæ Ciceronis epistolæ.

31. *Q. Marcius Rex fecit*. Anno Urbis conditæ DCX.

32. *Novam a nomine suo*. Aquam Marciam, de quâ dictum suprâ Libr. XXXI. sect. 24.

33. *In adilitate suâ*. Anno Urbis conditæ DCCXXI.

34. *Lacus septingentos*. Lacus, des *Abreuvoirs*. Postea Romæ fuere *Lacus M. cccliii*. teste P. Victore.

35. *Salientes*. Salientes aquæ, des *Fontaines*.

36. *Centum sex*. Ita Mss. Reg. 2. 3. 5.

37. *Eaque omnia annuo spatio*. En quod Romanum est. Numquam lenta ibi fuere publica opera, sed perniciosissima.

38. *Balinea centum septuaginta*. Postea fuere Romæ balinea DCCCLVI. teste P. Victore.

39. *Peracli a Claudio.* De his operibus Cail Caligulæ & Claudii dixi ad Tacitum in Supplemento Annal. VII, 41.

40. *Curtius atque cæruleus fontes, & Anio novus.* Voces illæ, & *Anio novus*, hætenus omiffæ sunt, quòd nemo potuerit explicare quid significarent in Mss. Reg. & *aut novos*: in editione principe, & *ante novos*. Manifestum est hic significari Anionem novum, ut passim videre est apud Frontinum, *de Aquæduclibus*, & apud Gruterum, *Inscript. antiq.* pag. CLXXVI. Sed de his dixi ad Tacitum, loc. cit. Curtius autem atque cæruleus fontes ducti sunt ab Sublaqueo, nunc *Subiaço*. Anio novus, nunc *Teyerone*.

41. *Sestertium LV. D.* Quinquagies quinquies, & quingenties centena millia sestertiûm sunt Gallicæ monetæ libræ 10,797,624.

42. *Spatioque advenientis.* Toto illo spatio, quo aqua advenit in Urbem, exstructi arcus, aut aquæductus.

43. *Ad lacum Fucinum emittendum.* Lacus Fucinus, *le lac de Celano dans l'Abruzze ultérieure.* De ejus emissario fusè dixi ad Tacitum Annal. XII, 56.

44. *Portus Ostiensis.* Portus Ostiensis, nunc *Porto*; de quo dixi ad Tacitum in Supplemento Annal. IX, 31. Illum postea ampliavit & ornavit Trajanus, ut in optimi principis rebus dixi in alterâ meâ Taciti editione, Tom. V. pag. 181. & 385.

45. *A Lucrino.* Lacus Lucrinus, *lago Lucrino*; de quo suprâ Libr. III. sect. 9.

CAP. XVI. 1. *Ut diximus.* Suprà sect. 23.

2. *Patitur mores.* Se regi patitur.

3. *Trahitur a magnete lapide.* Mss. Reg. 2. & 3.

4. *Tenetur, complexuque.* Mss. Reg. 2. & 3.

5. *Sideritin ob id.* Mss. Reg. 2. 3. & editio princeps.

6. *Candidus neque attrahens ferrum.* Antiquitus lapis ille propriè dicebatur magnes; ut videre est apud Cl. Hill, *Traité de Théophraste sur les pierres*, pag. 113. Sideritis verò, lapide Heracleus, vulgò nunc magnes, & attrahens ferrum, *l'Aimant*.

7. *Hæmatites magnes.* Hæmatites, *l'Hématite*, la Pierre sanguine, metallum ferri ditissimum. Vide Cl. Hill, pag. 138.

8. *Theameden.* Theamedes lapis nunc ignotus. Cl. Dux de Noya celebritatem addidit alteri lapidi, qui, si modico igne calefiat, pulvisculum attrahit, deinde longè repellit. Lapis ille, qui in insulâ Taprobane, *Céylan*, reperitur, *la Tourmaline* appellatur.

9. *Sapius diximus.* Suprà Libr. II. sect. 98. & Libr. XX. sect. 1.

10. *Lapidem e Scyro insulâ.* De hoc lapide jam suprà Plinius Libr. II. sect. 106. Lapis ille volcanicus est; nec mirum est eum fluctuare integrum, comminutum mergi. De Scyro insulâ vide Librum IV. sect. 23.

CAP. XVII. 1. *Sarcophagus lapis.* De hoc quoque dictum suprà Libr. II. sect. 98. Insula *Affus*, nunc *Affo*.

2. *Lapidea fieri.* Crustâ potiùs lapidei obtegi. Lapis ille videtur fuisse pumicosus.

3. *Chernites.* Species est marmoris candidi, nunc ignota.

4. *Porus vocatur.* Species marmoris quoque ignota.

5. *Theophrastus auctor est.* Theophrastus, *de Lapidibus*, num. 15.

6. *In iis lapicidinis sanantur.* Flore lapidis, seu farinâ, quæ multa semper est in lapicidinis, vitia omnia crurum sanantur; contrâ crura in metallis omnibus vitiantur ob mephitim. Cùm lapis Assius apud nos non occurrat, Cl. Cæsalpinus, *de Metallicis*, Cap. 51. ei substituebat lapidem insulæ Ilvæ, *Elbe*, in quâ effoditur alumen.

CAP. XVIII. 1. *Aliquos lapides qui pariant.* Lapidés illi, qui parere dicuntur, sunt aetitæ, *les Pierres d'aigle*. Frequentes sunt in Ægypto, maximè in *Bhar-bela-ma*. Multos vidi a P. Sicular missos. Theophrastus, *ibid.* num. 11.

2. *Theophrastus auctor est.* Theophrastus, *de Lapidibus*, num. 65.

3. *Ebur fossile.* Ebur fossile, *l'Ivoire fossile*, cujus tanta copia in multis imperii Russici provinciis reperitur; ut videre est in *Commentariis Academiæ Petropolitanæ*.

4. *Ossa e terrâ nasci.* Non e terrâ nascuntur, sed sunt ossa fossilia, *les Os fossiles*, quæ passim inveniuntur. Vidi effossa Parisiis in Cœmeterio D D. Innocentium. De ossibus fossilibus vide Cl. Leibnitium, in *Protogæâ*, pag. 62. & seqq.

5. *Palmati circa Mundam.* Palmati, qui palmæ figuram referunt. Munda, ubi pugnatum est, fuit prope *Malaga*.

6. *Sunt & nigri, quorum auctoritas.* Sunt & nigri lapides, qui tantam habent in ædificiis auctoritatem, quantam ipsa marmora.

7. *Volsiniis inventas.* Tota illa regio anti-

quitus volcanicis ignibus exarsit. Inde molæ illæ versatiles, molarisve pyrites, *la Pierre meulière*.

8. *Ophitæ videri possint*. Ophites, marmor est de quo dictum suprâ sect. 11.

CAP. XIX. 1. *Alius etiamnum pyrites*. Pyrites Ille, *la Pyrite*, *la Marcassite*.

2. *Pyritarum*... quos vivos appellamus. Pyritæ illi vivi, *la Pierre à fusil*.

3. *Ostracitæ*. Ostracites, *l'Ostracite*, *l'Huitre pétrifiée*. Diversus est in eis duritiei gradus. In agro nostro Nivernensi, Galliæque medietullio, vidi in vico D. Desiderii, *Saint-Didier*, prope oppidum *Tannay*, montem durissimis ostracitis constantem. Vicina regio abundat cerauniis lapidibus, *les Bélemnites*, cornibus Hammonis, *les Cornes d'Ammon*, peregrinâ etiam filice vermiculatis, aliisque maris spoliis. In imo monte & proximo fluvio Icaunâ, *l'Yonne*, aurum intermicat. Tantum maris, tantum peregrinæ naturæ ubique permixtum!

4. *Amiantus*. Amiantus, *l'Amiante*; de quo jam dictum suprâ Libr. XIX. sect. 4.

5. *Nihil igni deperdit*. Inde ex amianto facta ellychnia. Reperta est lucerna antiqua talibus ellychniis instructa, in quâ adhuc erat oleum crassissimum, teste Cl. Ficoroni.

6. *Geoden*. Geodes, *le Géode*, *la Pierre d'aigle bâtarde*. In ejus centro non est lapis, sed pulvis.

7. *Melitites lapis*. Ad argillas flavas, *l'Argille jaune*, referendus videtur.

8. *Gagates lapis*. Gagates, *le Jayet*.

9. *Fugat serpentes ita*. Ita, id est, cum uritur.

10. *Axinomantiam*. Axinomantia, est divinationio per secures: ab ἀξίνη, ascia.

11. *Tecolithos vocant.* Dicuntur *τηκόλιθοι*, quòd calculos rumpant.

12. *Tinguendis vestibus tantùm utilis.* Utilis quoque ad medicos usus, maximè in oculorum morbis. Vide Dioscoridem V, 41. & Celsum VI, 6. num. 30.

CAP. XX. 1. *Schistos & hæmatites.* Schistus, *le Schiste*, lapis est argillofus & scissilis. Hæmatites, *l'Hématite*, *la Pierre sanguine*, ut jam dixi.

2. *Panchresta appellant.* *Πάγχερστα*, omnino utilia.

3. *Androdamanta.* Dicitur *ἀνδροδάμας*, id est, hominum impetus domans.

4. *In cote ex lapide basanite.* Lapis basanites, *la Pierre de touche*. Experimentum est ut hæmatites attritu reddat sanguineum colorem.

5. *Quarti generis elatiten.* Quartum illud genus, cùm crudum esset, vocabatur elatites, ob colorem *ἐλάτης*, sive abietis; coctum verò dicebatur miltites, ob *μίλτε*, seu rubricæ colorem. Coctum rubescebat, ut corpora omnia ferruginea. Elatites autem, ut & Arabicus croco similis, dicebatur xanthus, teste Theophrasto, *de Lapidibus*, num. 66. quòd Doriis color ex albo flavescens appellabatur xanthus, *le Blanc jaunâtre*.

6. *Hæmatitas omnes tritos.* Hæmatitarum usus viget adhuc in medicinâ: vis ferme eadem, quæ croco Martis, *le Safran de Mars*.

7. *Quem vocant anthracitem.* Anthracites ille est schistus carbonarius, *le Charbon fossile*, *le Charbon de terre*.

8. *Quæ fuerit ab radice.* Quà lapis humo adhæsit.

CAP. XXI. 1. *In decimo volumine diximus.* Suprà Libr. X. sect. 4.

2. *Nec quidquam tenerius.* In ipsâ fodinâ aetitæ lapides, *les Pierres d'aigle*, tenerrimi sunt & citrei coloris: aere perculsi durescunt, pariunt, & nigrescunt. Nondum, ut videtur, innotuerant aetitæ lapides, quos Ægyptus fert in *Bhar-bela-ma*; ni fortè sint, quos & de Africâ commemoravit Plinius.

3. *Ubi terram laudavimus.* Suprà Libr. XXXV. sect. 53.

4. *Quo suprà dictum est modo.* In lacte nempe muliebri; ut dictum est suprà sect. 37. de schisto.

5. *Arabus lapis.* Idem est ac lapis Arabicus, *la Pierre d'Arabie*, quem inter pumicosos lapides, *les Pierres ponces*, refert Theophrastus, de *Lapidibus*, num. 35.

6. *Cum lanugine linteorum.* Lanugo hæc, *la Charpie*.

7. *Pumicum natura.* Pumex, *la Pierre ponce*.

8. *Quæ musca vocant.* Musca illa, *μυσεία*, dicimus *des Cabinets rustiques*.

CAP. XXII. 1. *Ad pigmenta.* Ad colores terendos.

2. *Etesium lapidem.* Quis sit ille lapis, non compertum. Fortè est *le Granit à taches grises*.

3. *Pyrrhopæcilon appellavimus.* Thebaicus pyrrhopæcilos, *le Granit rouge*; de quo dictum est suprà sect. 13.

4. *Pfaronium vocant.* Pfaronium, ἢ *ψαρός*, varius, seu variegati coloris.

5. *Ex chalaizio chrysiten.* Chalasius a *χάλας*.

σα; grando. Fortè quòd crederent lapides illos e cælo decidere cum grandine, & esse maculis aureis interstinctos. Hic lapis videtur adhuc referendus ad speciem aliquam Thebaici marmoris, *le Granit*, cujus maculæ flavescunt.

6. *Basaniten*. Basanites, ut jam dixi, *la Pierre de touche*.

7. *Æthiopici*. De his lapidibus jam dictum suprà sect. 25.

8. *Et Panicum*. Lapidem Carthaginensem, Punicumve.

9. *Alabastrite Ægyptio, vel ex ophite albo*. De alabastrite & ophite jam dictum suprà. Repertum est in villa Labicanâ Julii Cæsaris, nunc *S. Cesario*, vas ovatum ex alabastrite, cujus ambitus est palmorum viginti quinque, altitudo palmorum quatuor. Existat Romæ in ædibus Ducum Rospilioforum.

10. *In Siphno lapis est*. Hic lapis, *la Pierre ollaire*. Siphnus, nunc *Serphanto*.

11. *In Comensi Italiæ lapide viridi*. Lapis ille viridis, *la Pierre ollaire colubrine*. In agro Comensi, *Come*, & Helvetiâ reperitur.

12. *In Belgicâ provinciâ candidum lapidem*. Non in Belgicâ tantum provinciâ, sed & in Galliâ Celticâ reperitur ille lapis, *la Pierre franche*, quo in agris tuguria templaue teguntur.

13. *Pavonacea tegendi genera*. Sectis his lapidibus, ut & apud nos schistis, ardesiisve, *l'Ardoise*, imitabantur quodammodo pavonum caudas. Nomen illud retinent Itali in marmore, cujus maculæ caudarum pavoninarum sunt similes; idque vocant *Pavonazzo*, vel *Pavonazzeto*.

14. *Specularis verò*. Lapis specularis, *la Pierre*

spéculaire, la Sélenite transparente, ad selenitas gypsoſque pertinet.

15. *Segobricam urbem.* Segobrica, *Ségorbe*, dans le Royaume de Valence.

16. *Phengites appellatus.* Ita dictus a *φῆγγος*; splendor.

17. *Sejam appellant.* A serendo, Sejam appellant, ut dictum suprà Libr. XVIII. sect. 2.

18. *Aurèa domo.* De eâ vide suprà sect. 24.

19. *Alio quàm specularium modo.* Naturam phengitis lapidis illustrat Suetonius in Domitian. Cap. 14. *Tempore quoque suspecti periculi appropinquante, sollicitior in dies, porticum in quibus spatari consueverat, parietes phengite lapide distinxit, e cujus splendore per imagines quidquid a tergo fieret, provideret.* Inde patet phengitem imagines, speculi instar, repræsentasse. Fuit ergo translucidus, ut lumen externum acciperet; politus simul & splendens, ut intus imagines lumenque remitteret. Videtur ergo multum accessisse ad alabastriten, *l'Albâtre Oriental*; in quo sunt hæ dotes.

20. *Cotes.* Cos, *le Graïs, la pierre à aiguifer, à repasser.* Cotes oleo, vel aquâ, vel salivâ indigent, pro partium, quibus componuntur, varietate.

21. *Armeniaca, de quibus diximus.* Suprà sect. 10.

22. *Arsinoetica.* Ita sanè dictæ ab Arsinoe, Ciliciæ oppido, de quo suprà Libr. V. sect. 22.

23. *Tophus.* Tophus, *le Tuf.*

24. *Mortalitate mollitiæ.* Mortali, seu parum firmâ, nec duraturâ mollitiæ.

25. *Fidenati & Albano.* Fidenæ, nunc *Castel*

Giubileo, ad sextum ab Urbe lapidem. In monte Albano, adhuc oppidum *Albano*. Albanus autem lapis ab Italis dicitur *Peperino*. Gabinis vel Albanis lapidibus quadratis antiquitus usi sunt Romani, ut videre est in aquæductibus Anci Marci, & cloacis Tarquinii.

26. *Tiburtini*. Tibur, nunc *Tivoli*. Lapis Tiburtinus, *Travertino*.

27. *Vapores dissiliunt*. Vapore, id est, calore seu igne. Id autem contingit, teste Vitruvio II, 7. quod temperaturâ naturali parvo sunt humore.

28. *Lacus Volsiniensem*. Nunc lago di *Bolsena*.

29. *In Statoniensi*. Statonia, nunc *Castro*, Romæ vicina. Gabinus quoque lapis igni imperius. Vide Tacitum, Annal. XV, 43.

30. *Formæ fiunt*. Forma, un *Moule*.

31. *Multâ suffrenatione*. Nisi validâ colligatione, quasi freno, devinciatur.

32. *Isodomon*. Quid significet ἰσόδομον explicat Vitruvius II, 8. *Isodomon* dicitur, cum omnia coria, (id est, incrustationes) aquâ crassitudine fuerint structa: *pseudisodomon*, cum impares & inæquales ordine coriorum diriguntur.

33. *Emplecton*. Εμπλεκτον, structura est, quâ frontes poliuntur, intus est farctura rudis coagmentata. Quâ de re plura vide apud Vitruvium, II, 8. Nomen autem ductum a capillis mulierum, qui a fronte compti sunt, interiorius sunt sine ornatu. Talia adhuc exstant monumenta in agro Romano.

34. *Diamicton*. Ita dictum ob immixta, διαμικτῶν. Farciuntur enim fractis cæmentis illi parietes.

35. *Reticulata structura.* Reticulata structura duplex: altera fuit certa, altera incerta. Certa dicitur, cujus pares lapides, lateresve. Incerta, cujus impares. Rimis fuit opportuna, quod lapides quadratæ lateres non ita erant dispositi, ut crecti starent in latus, sed, exporrectis utrimque angulis, fere sese contingerent, figuramque expansi retis exprimerent. Reticulatæ structuræ certæ insigne est monumentum extra Flaminiam portam, diciturque *muro rotto*, id est, murus inclinatus. Ob rimarum periculum meritò omissum est illud structuræ genus.

36. *Ad normam & libellam.* Norma, *l'Equerre*; libella, *le Niveau*; perpendiculum, *le Plomb*, *l'Aplomb*:

CAP. XXIII. 1. *Fossitia.* Arenarum optima est fossitia, quæ & Puteolana dicitur, *la Pozzolane*.

2. *Fluviatili aut marina.* Ubi non adest fossitia, & utendum est fluviatili aut marinâ, curandum erit ut fluviatilis & marina prius fuerit lota.

3. *Ab Apennino ad Padum.* Idem habet Vitruvius, II, 6. At in locis ubi volcanicis ignibus exarsere terræ, difficile est ut non reperiat fossitia arena, certè reperitur in multis Galliæ locis, plerumque tamen Italicæ impar.

4. *Camenta componuntur.* Cæmentum non est quod vulgò dicimus *le Ciment*, *le Mortier*. At sunt ipsi lapides, lateres, silices, tophi, testæ, ceteraque omnia, quæ ædificando usurpantur & coagmentantur.

5. *Intrita.* Calx intrita, *la Chaux fusée*.

6. *Tectorium.* Tectorium, *l'Enduit*.

7. *Ter arenato, & bis marmorato.* Ter arenatum, *trois Couches de mortier de sable*; bis marmoratum, *deux Couches de mortier de marbre.*

8. *Uliginosa, & ubi falsugo vitiat.* Ubi loca sunt humida, & falsugine, *le Salpêtre*, infecta, testorio sublini debent quod fiat e testis tuis.

9. *Rutro non cohæreat.* Rutrum, *le Rabot*, quo subigitur marmoratum, *le Mortier de marbre.*

10. *In albario opere.* Albarium opus, cum sublinitur calx sola & pura, *la Chaux pure.*

11. *Nonnisi ex glebâ oportet.* Vitruvius VII, 2: *Erit albarium opus rectè, si glebæ calcis optimæ antè multo tempore, quàm opus fuerit macerabuntur.*

12. *In Elide ædes est Minervæ.* En artes antiquorum. Inde intelligere est quâ arte efficerent ut muscæ ædes non intrarent, aliaque similis industriæ. Teste Cl. Thevenot, apud Indos testorium fit calce subactâ lacte & saccharo, & cum onyce inducitur: tum, ut speculum, læve est ac lucidum.

13. *Teratur in eâ hodieque saliva.* Tanto tempore durat vel arte factus sapor. Panæus floruit Olympiade LXXIII. Hæc autem scribebat Plinius Olympiade CCXIV. post annos ergo 520.

14. *Columnæ in ade densiùs positæ.* Crassiores videntur; idque sequitur ex optices legibus. P. Sicard vidit in Ægypto intercolumnia, quæ erant unius tantum diametri.

15. *Quæ sextam partem altitudinis.* Hæc est egregia proportio columnarum Doricarum, quam tamen non semper observavere Græci. Cl. le Roy, *les Ruines des plus beaux monumens de la Grece,*

II. part. pag. 1. & 5. vidit Doricas columnas, quæ vix haberent quartam partem altitudinis, in templo Dorico, quod vidit Corinthi crassitudo columnarum erat pedum Parisiensium 6; earum altitudo pedum circiter 20. $\frac{1}{2}$. Egregiam autem Doricarum columnarum proportionem Græcos ab Ægyptiis didicisse crediderim. Thebis enim Ægyptiis exstat adhuc egregium atrium, *un Salon*, exornatum centum duodecim columnis Pharaonicis, quarum singulæ, teste P. Sicard, habent diametrum pedum $12\frac{1}{2}$; & altitudinem pedum 74. Omnes sunt coopertæ figuris, aut sculptis, aut pictis.

16. *Columnis spiræ subditæ & capitula addita.* Immeritò Cl. Aquino, *Vocabularium architecturæ*, pag. 83. Plinium arguit, quòd dixerit columnis spiras fuisse subditas, & capitula addita. Juxta eum, dicendum erat bases & capitula scapis addita, non columnis: quòd columna suas partes habeat basim, scapum, & capitulum. Non attendit vir eruditus fuisse columnas, cum nondum essent bases & capitula. Pæstum, nunc *Piestli*, habet antiquissima & pulcherrima templa, multis ornata columnis, sine ullis basibus. Vide Cl. Major, *les Ruines de Pæstum ou de Posidonie dans la Grande-Grece*, pag. 26. & seqq. Spira autem juxta Festum est *basis columnæ unius tori, aut duorum.* Capitulum, *le Chapiteau*. P. Sicard vidit in Pharaonicis Ægypti columnis capitula, quæ erant capita animalium, aliaque id genus.

CAP. XXIV. I. *Calcis in medicina.* Nunc quoque apud multos celebratur aqua calcis, quæ in calculosis morbis maximè bibitur.

2. *Duplici liniamento.* Ita Mss. Reg. & editio princeps. Duplex liniamentum, *une double Couche.*

3. *Gypsum est.* Gypsum, *le Gypse, la Pierre à plâtre.*

4. *A Perrhæbis.* De Perrhæbis & Tymphæis Ætoliz populis dictum supra Libr. IV. sect. 3.

5. *Aut marmoroso.* Aut lapidi marmoreo. Et revera gypsum quò magis ad alabastriten marmorque accedit, quò candidiores & minores solidioresque habet partes, eò melius est coitu & usu.

6. *Celerimè coit.* Optimè Mf. Reg. 2. Malè Mss. Reg. 3. 5. & editio princeps, *siccatur*: malè quoque in recentioribus editionibus, *celerimè coit ac siccatur.* Gypsum, cùm optimum est, tam celeriter coit, ut paulo lentiores operarum manus eo captas viderim. At licet gypsum celeriter coeat, non celeriter siccatur. Diu enim sudat.

7. *Ufus gypsi.* Idem viget apud nos gypsi usus in albariis, *les Enduits*; in sigillis ædificiorum, *les Petites statues*, quibus fastigia & acroteria ædificiorum ornabantur; in coronis, *les Corniches.*

CAP. XXV. 1. *Originem habent apud Græcos.* Immo apud Persas, Orientisque populos, ubi magna est pretiosorum lapillorum varietas. Teste libro Esther I, 6. in Assueri convivio *lectuli aurei & argentei super pavementum smaragdino & Pario stratum lapide dispositi erant: quod mirâ varietate pictura decorabat.* In Hebraicis legitur pavementum fuisse porphyreticum, marmoreum, Parium, & hyacinthinum.

2. *Donec lithostrota.* Lithostrota, *les Mo-*

saïques, ita dicta λίθος σρωτός, lapis stratus.

3. *Asaroton oecon*. Α'σάρωτον οἶκον, domum scopis non mundatam.

4. *Verri solent*. Ita Mss. Reg. 2.

5. *Velut relicta*. Mss. Reg. editio princeps; & Cl. Rezzonicus.

6. *Parvis e tesserulis*. Corruptè Mss. Reg. *paruisset ee utilis*, vel *ee utilis*. Editio princeps *aliæque parvis e testulis*. At ex corruptâ Mss. codicum scripturâ emendandum, *parvis tesserulis*. Tesserulæ enim sunt, quibus facta musiva opera: quàm plurimas passim videre est. Fuere postea & tesserulæ vitreæ, quales vidi e templo D. Sophiæ Constantinopolitano. Alia nunc est ars mirabilis musivorum superiore sæculo excogitata, quâ insignes tabulæ in Vaticano. D. Petri templo exprimuntur. Hanc reperire, lectis iis Plinii verbis, haud fuit difficile.

7. *Mirabilis ibi columba bibens*. Felici literarum artiumque fato, Cl. Furietti anno 1737. inter Hadriani villæ rudera in agro Tiburtino præstantissimum illud Sosi opus reperit. Ibi videre est mirabilem illam columbam bibentem & aquam umbrâ capitis infuscantem. Apricantur aliæ tres columbæ, scabentes sese in canthari labro; singulæ diverso habitu: una, quasi scabere se meditans; altera, alam jam attollens; tertia, denique caudam vellicans. Mirabilis est & ipse cantharus, argenteus, & resplendescens. Nec picturæ datur invenire colores umbræ & luminis argenti aptiores. Ii tamen colores constant ex tesserulis nativi coloris. Hanc tantum partem pavimenti videtur Pergamo transtulisse Hadrianus. Non enim inventa pars altera pavi-

menti, quæ purgamenta cenæ in asaroto cœco exprimebat. Cl. Furietti exquisitum antiquitatis monumentum egregio opere *de Musivis* illustravit.

8. *Barbarica, atque subtegulanea*. Barbarica subtegulaneaue pavimenta ea sanè sunt, quæ ad latera domorum sunt & sub tegulis, ad excipiendas e subgrundis pluvias, ne iis labefactentur muri. Ob firmitatem fistucâ, *la Demoiselle*, erant pavita.

9. *Post tertium Punicum bellum initum*. Cœpit anno Urbis conditæ DCV.

10. *Ante Cimbricum*. Anno Urbis conditæ DCXLI. audita sunt Cimbrica arma.

11. *Subdialia*. Solaria sunt, *les Terrasses*, in summâ domorum parte ad apricandum disposita.

12. *Tractu tepente*. In calidioribus regionibus. Eorum usus semper viget in Oriente. Ea quoque videre est in Ægyptiacis testis, quæ passim exhibent Herculanenses picturæ.

13. *Binas per diversum coassationes*. Propter gelicidia, pruinas, æstusque, quibus findi diruique poterant subdialia, magnâ semper opus fuit arte; quam vide apud Vitruvium, VII, 2.

14. *In pedes denos fescuncia*. Ita Mss. Reg. 2. In Mss. Reg. 3. 5. & editione principe, *fescunce*, vel *sexunce*: unde & emendari posset *fescunce*, si fescunx certioris esset Latinitatis. Malè recentiores editiones, *fescuncem*. Sescuncia est uncia cum semisse, & ut vulgò loquimur, *un pouce six lignes*. Pes Romanus dividebatur in uncias duodecim, vel in digitos sedecim. Minor erat pede Gallico, ut jam dixi suprâ.

15. *Cote dispumare*. Diligenter cote polire,

ne ulla maneat in tesseriis asperitas aut inæqualitas.

16. *Quernisque axibus.* Esculinos axes anteposit Vitruvius, loc. cit. nisi querni tenuissimè fecentur.

17. *Globosum lapidem.* Vitruvius, loc. cit. *Tunc insuper statuminetur, nec minore saxo, quàm quod possit manum implere, statuminibus inducendis, ruderetur.* Nempe, ut habet idem Vitruvius: *Statuminatione factâ rudus inducebatur.* Itaque pavimenta triplici structurâ tegebantur. Primum statuminatione, cum sternebantur lapides, & cæmenta libralia sine calce. Deinde ruderatione, quæ opus arenatum, nempe calcem & arenam addebat cum lapidibus, & redivivis, (redivivi autem sunt lapides lateresve e veteribus ædificiis diruti) vel recens effossis. Demum nucleo, qui e testis tuis inducebatur.

18. *Spicata testacea.* De his quoque Vitruvius, loc. cit. *Item testacea spicata Tiburtina sunt diligenter exigenda, ut non habeant lacunas, nec exstantes tumulos, sed sint extensa, & ad regulam perfricata.* Testæ autem sunt scutulæque ad figuram amygdalæ, vel rhombi, quibus sternuntur pavimenta. Spicata dicuntur, quoniam in acumen desinunt ad modum spicæ. Tales testæ, massæve testacæ ingenti copiâ reperiuntur in agro Tiburtino, *Tivoli.*

19. *Etiâ nunc.* Mss. Reg. & editio princeps.

20. *Sabulo, calce, ac favillâ mixtis.* Ita & Vitruvius, loc. cit. Idem olim viguit, atque etiam fortius validiusque Carthagine, & etiam nunc viget, ut videre est apud Cl. Shaw, *Voyages*, Tom. I. pag. 368.

21. *Cote politum est.* Mss. Reg. & editio princeps.

22. *Lithostrota acceptavere.* Ita quidem Mss. Reg. 3. 5. & editio princeps. In Ms. Reg. 2: *accepta vere.* Unde fortè scripserat Plinius, *accepta fuere*; ni potiùs sit emendandum, *lithostrota captavere.* Ac e superiore & sequenti voce compositum videtur.

23. *Quod in fortuna delubro Præneste fecit.* Immo existat adhuc egregium illud musivum, *La Mosaique de Palestrine*, minutis diversorum marmorum diversorumque colorum tesserais, eâ arte elaboratum, ut aspicientibus etiam pictoribus admirationem moveat, eorumque nobilissimos ac maximè Nicolaum Poussin ad imitationem provocaverit. In eo videre est solum cælumque Ægyptium, ejusque gentis ritus, mores, oblectationesque, aliaque id genus, quibus maximè delectabantur Romani. Eosdem Ægyptios prospectus multifariam exhibent picturæ Herculanenses. De hoc musivo eruditissimam & elegantissimam dissertationem scripsit Cl. Barthelemy. *Mémoires de l'Académie Royale des Inscriptions*, Tom. XXX. pag. 503. Vide & Cl. Winckelmann, *Monumenti inediti*, Tom. II. pag. 215.

24. *E vitro.* Tales tesseras vitreas e Constantinopolitano D. Sophiæ musivo laudavi paulo suprà.

25. *Figlinum opus encausto fecit.* Figlinum illud opus non est encaustum, *l'Encaustique*, de quo dictum suprà Libr. XXXV. sect. 41. Sed aliud encaustum; quod videre est in vasis Etruscis, quodque adhuc postea perfectum in egregiis figlinis operibus ad Raphaelis graphidas;

les Dessins de Raphael, expressis, admiramur. Multus fuit olim eorum usus in nobilissimorum virorum cameris & pavimentis. Talia haud procul Parisiis in villâ suâ *Ecouen* ostentavit illustrissimus Anna de Montmorency, quæ adhuc exstant.

26. *A parietibus scena*, ut diximus. Suprà sect. 24.

27. *Quamobrem & vitri natura indicanda est.* In Mss. Reg. 3. 5. & editione principe, *quamobrem originem vitri dicemus.*

CAP. XXVI. 1. *Quæ vocatur Cendevia.* De palude Cendevia jam dictum suprà Libr. V. sect. 17.

2. *Juxta Ptolemaidem coloniam.* Ptolemais, nunc *Acre*. Amnis *Belus*, nunc *Nahr-Halou*. Vide Tacitum, Hist. V. 7.

3. *Tunc & marino.* Bene Mss. Reg. & editio princeps.

4. *Ut est ingeniosa sollertia.* Bene Mss. Reg. 2. Nec aliter Isidorus, Origin. XVI, 13.

5. *Addito Cyprio.* Ita editio princeps aliæque. In Mss. Reg. *addito Cyprio*. Isidorus, loc. cit. *cupro*. Certè intelligendum est, *addito are Cyprio*.

6. *Maximè Ophirio.* Hæc redundare videntur. Certè ea non habet Isidorus, loc. cit. Tentabat eruditus Harduinus, *maximè aphronitro*, vel *Ophrynio*, ab oppido Troadis, cujus meminit Strabo, Libr. XIII. pag. 395.

7. *Tingiturque.* Tincti vitri manent multa antiqua monumenta, quorum alia sunt incisa, alia cælata, alia gemmas imitantur, quas dicimus *les Camées*. Vide & Isidorum, loc. cit.

8. *Aliud flatu figuratur, aliud torno teritur.* Multa quoque utriusque generis exstant; quæ dicimus *les Pâtes antiques*. Artem illam revocaverat x v. sæculo Franciscus Vicecomite, pictor Mediolanensis. Illam iterum revocavit & expeditissimam fecit illustrissimus princeps Philippus Aurelianensium Dux. Vide Cl. Mariette, *les Pierres gravées*, Tom. I. pag. 92. & Museum Septalianum, pag. 58.

9. *In Vulturno.* Servat nomen, & dicitur *Volturno*. De hoc amne jam dictum suprâ Libr. III. sect. 9.

10. *Atque Liternum.* Liternum, nunc *Patria*.

11. *Quæ vocatur ammonitrum.* Ammonitrum dicebatur ab ἄμμος, arena, & νίτρον, nitrum. Nunc id dicimus *la Fritte*.

12. *Excogitato vitri temperamento.* Bene Mf. Reg. 2.

13. *Quos appellabant pterotos.* Ob duas anfas adpositas, dicebantur πτερῶτοι.

14. *H-s. sex millibus.* Sestertiûm sex millia sunt Gallicæ monetæ libræ 1,167.

15. *Obsidiana.* Lapis ille Obsidianus idem videtur quem Sinenſes appellant *Yu*; & est principibus Sinensibus acceptissimus. Ad achatem, *l'Agate* pertinet. Cl. de Caylus opinatus est esse vitrum volcanicum, quod dicimus *le Laittier*, *la Pierre de Gallinace*. Vide *Mémoires de l'Académie Royale des Inscriptions*, Tom. XXX. pag. 457. & seqq.

16. *Heliopolitarum.* De Heliopoli urbe, *la Matharée*, jam dixi suprâ,

17. *Tincturæ genere Obsidianum.* Tincto vitro imitabantur antiqui lapidem Obsidianum, mur-

rhina, hyacinthos, sapphiros; quod & nunc apud nos usu pervulgatum.

18. *Et murrhinum.* Inde patet murrhinum non esse *la Porcelaine*, sed e genere pretiosorum lapidum, quos, ut hyacinthos & sapphiros, imitabatur vitrum.

19. *Candido translucentibus.* Bene Mf. Reg. 2. & editio princeps.

20. *Tinguit ars.* De his calculis, abaculifve; aut tesseris, quibus fiebant musiva, aliaque id genus, jam dixi suprâ. Possunt & esse illi calculi, *des Jetons*, quos versicolores tangebant Romanî, vel ludi causâ, vel ad computandum.

21. *Ferruminatur in lapidem.* In lapidis modum induratur. Vitrum autem sulphuri concoctum ferruminari in lapidem docuit novis experimentis Cl. Majauld. Vide Cl. de Caylus loc. cit. pag. 501.

CAP. XXVII. 1. *Ignem perfici.* Mss. Reg. 2.

2. *Convulsa viscera, aut contusa.* Hinc agnoscere est cur in lateris viscerumque doloribus lintea calidissima imponamus.

3. *Lix cinis est.* Ad vexata in quacumque parte corporis cinis commendatur a Celso VII, 1. *Cinis maximè ex sarmentis: si is non est, quilibet alius ex aceto, vel etiam ex aquâ coactus.* Inde illud Æsculapii oraculum in Græcâ inscriptione vetere apud Gruterum pag. LXXI. *Lucio lateris dolore affecto & desperato ab omnibus hominibus oraculum deus reddidit. Veniret, & ex arâ tolleret cinerem, & cum vino misceret, imponderetque lateri. Et convaluit, & publicè gratias egit, & gratulatus est ei populus.*

4. *Absumptos indicavimus.* Suprà Libr. XXVI, sect. 4.

5. *In foco ejus comparuisse.* Fabulam habet quoque Dionysius Halicarnass. Libr. IV. quam meritò explodit Arnobius adversus Gentes Libr. V.

6. *Puero caput arsisse visum.* Hic agnoscere est electricam vim, *l'Electricité*, ut & suprà Libr. II. sect. 3.

7. *Compitalia & ludos.* VI. Non. Maii erant compitalia & ludi. Diis Laribus in compitis sacrificabatur.

IN LIBRUM XXXVII.

PREF. *Diximus quadamtenus.* Suprà Libr. XXXIII. sect. 4.

CAP. I. 1. *Paria faceret.* Sic jam Plinius suprà Libr. II. sect. 88.

2. *Fortunæ insidiantis.* Et mortem Polycratis jam molientis. Vide suprà Libr. XXXVI. sect. 6.

3. *Sardonychen eam gemmam.* Sardonyx, une *Sardoine-Onix*. At Herodotus Libr. III. num. 41. ait fuisse smaragdum, une *Emeraude*. Herodoto consentiunt Pausanias, Dionysius Halicarnass. Suidas aliique. Non erat ergo Polycratis gemma, quæ Romæ ostendebatur; ut & mox infrà observabo.

4. *Pyrrhi illius.* Pyrrhus pugnavit adversus Romanos anno Urbis conditæ CCCCLXXIV.

5. *Indicante in Cypro rege aureos denarios c. pro smaragdo.* Ita Mss. Reg. 2. 3. 5. 6. Corruptè tantum habent, *rex pro rege*. Malè editio princeps, *indito in Cypro v. i. aureis denariis pro smaragdo*. Inde quoque malè recentiores editiones, *indicato in Cypro sex aureis denariis sma-*

ragdo. Centum aurei denarii sunt Gallicæ monetæ libræ 2,362. Infrâ sect. 17. in Cypro insulâ memoratur ejus regulus Hermias.

6. *Amynone.* Danai filia.

7. *Malè hercules curatum.* Malè profecto provisum esse a mercatore.

8. *Polycratis gemma ... illibata intactaque est.* Ergo quæ Romæ ostendebatur, non fuit Polycratis gemma. Eâ enim signabat Polycrates, teste Herodoto, loc. cit. Inde patet antiquissimam esse in gemmis fraudem. Polycrates autem regnabat anno Urbis conditæ ccxxix. ante Christum 525.

9. *Ismenia ætate.* Ille Choraules, tibicenve, vivebat circa annum 391. ante Christum. Multò antè cælatos fuisse smaragdos docet Moses Exod. XXVIII, 17.

10. *Quàm a Pyrgotele.* Ab Apelle pingi, a Lysippo sculpi, a Pyrgotele scalpi se Alexander jussit. De edicto Alexandri vide suprâ Libr. VII. sect. 38.

11. *Quâ postea principes signant.* Bene Mss. Reg. & editio princeps; & sic scribere debuit Plinius, cum ejus ætate eâ gemmâ signarent principes; ut videre est apud Suetonium in Aug. Cap. 50. apud Dionem Libr. LI. pag. 444.

12. *Dioscorides.* Exstant adhuc gemmæ ab illo sculptæ, cum suo nomine, ΔΙΟΣΚΟΤΡΙΔΟΥ.

13. *Traditione Jugurthæ.* Jugurtha a Boccho Syllæ, Marii legato, traditus est anno Urbis conditæ dcxlviii. De hoc Syllæ anulo vide Plutarchum in Mario, pag. 411. & Valerium Maximum VIII, 14.

14. *Intercatiensem illum.* Nempe ab Intercæ

tiâ, Hispaniæ citerioris oppido, de quo dictum
suprà Libr. III. sect. 4.

15. *Scipio Æmilianus*. De eo Livius in Epitome, Libr. XLVIII. *In Hispaniâ P. Cornelius Africanus Scipio Æmilianus, L. Pauli F. Africani nepos, sed adoptivus, provocatorem barbarum tribunus militum occidit.*

16. *Quidnam fuisse adurum*. Mss. Reg. & editio princeps.

17. *Sphinge signavit*. Sphingem videre est in nummis familiæ Carisiæ. Vide & Plinium Libr. VIII. sect. 30.

18. *Duas in matris anulis, indiscretæ similitudinis*. Bene Mss. Reg. 2. & 3.

19. *Mæcenatis rana*. Infausta illa rana, Mæcenatis anulo insculpta, terrori erat; quòd colationes pecuniarum obsignaret.

20. *Privignus Sullæ Scaurus*. De ejus ædilitate dictum suprà Libr. XXXVI. sect. 24.

21. *Prælatam Scauri*. Scauri dactyliotheçæ.

CAP. II. 1. *L. Scipionis*. Scipionis Asiatici, de quo dictum suprà Libr. XXXII. sect. 53.

2. *Cn. Manlii*. De quo suprà Libr. XXXIV. sect. 8.

3. *L. Mummii*. Achaici, qui Corinthum cepit anno Urbis conditæ DCVIII.

4. *In septimo*. Suprà Libr. VII. sect. 27.

5. *M. Messalæ consulibus*. Anno Urbis conditæ DCXCIII.

6. *Museum ex margaritis*. Museum crediderim esse armarium, quo res pretiosæ erant conditæ. Sic & nos musea adhuc dicimus armaria, quibus nummos, aliaque hujus antiquæ curiositatis, recondimus.

7. *Horologium*

7. *Horologium erat, ut & imago.* Corruptè Mss. Reg. *horologium erat. Etiamne Cn. Pompeii.* In editione princeps, *horologium erat imago. Cn. Pompeii.* Ut constaret oratio, emendandum fuit, *ut & imago.* Malè enim recentiores editiones, *horologium erat. Imago.* Id ferri non potest, cùm cetera sint in quarto casu. Nec Plinius scripserat *imaginem*, ut patet ex sequentibus.

8. *Et veriore luxuriâ, quàm triumpho.* Ita Mss. Reg. & editio princeps. Frustra emendatum in recentioribus editionibus, & *veriore luxuriæ triumpho.* Verior fuit luxuria, quàm Pompeii triumphus.

9. *Si primâ victoriâ.* Subactâ Africâ, unde Magni cognomen accepit, ut dictum est Libr. VII. sect. 27.

10. *Sine reliquo corpore ostentatum.* Pompeio postea Ptolemæi Ægypti regis jussu trucidato, caput ejus sine reliquo corpore Orienti ostentatum.

11. *Mille talentum.* Gallicæ monetæ libræ sunt 4,568,750.

12. *Sena millia sestertium.* Gallicæ monetæ libræ sunt 1,167.

13. *Sceptra personis histrionum.* Ita Mss. Reg. Vindobon. & editio princeps.

14. *Anulos transeuntes.* Cùm de anulis sileamus, quæ maxima est & inutilissima luxuria.

15. *Lapides & pocula.* Ita Mss. Reg. 2. 3. 5. & Ambrosian. 1. Id argumento est murrhina fuisse e lapide, siquidem Plinius ait, *lapides & pocula.* Murrhina pocula, *les vases Murrhins.*

16. *LXX. talentis empto.* Ita Mss. Reg. 2. 3. 5. 6. Septuaginta talenta sunt Gallicæ monetæ libræ 326,812. In Mss. Vindobon. & Ambrosian. *LXX. sestertiis*; quod efficit Gallicæ monetæ libras 15,562. In tantâ luxuriâ poculique magnitudine (tres enim sextarii sunt Gallicâ nostrâ mensurâ, *deux pintes & demi-setier*) majorem numerum crediderim esse veriore.

17. *Præstantior indicatura.* Major commendatio, majusque pretium. Sic suprâ sect. 3. *indicante.*

18. *Pompeiano.* Pompeii theatro.

19. *Vidi tunc adnumerari.* Ita Mss. Reg. 2. 3. In Ms. Reg. 5. *Vidi adnumerari.* Malè editio princeps, qui tum vidit annumerari.

20. *Trecentis talentis emptam.* Ita Mss. Reg. 2. 3. 5. 6. In Ms. Vindobon. *sestertiis trecentis.* In Mss. Ambrosian. *ccc. H-s.* Unde emendavit Cl. Rezzonicus *CCC. H-s.* & explicat *tercenta millia sestertia*; quod meliùs dixisset trecenties centena millia sestertiûm, seu Gallicæ monetæ libras 5,836,507. Trecenta sestertia sunt Gallicæ monetæ libræ 58,359. Trecenta autem talenta sunt ejusdem monetæ libræ 1,370,625.

21. *c. talentis capidem.* Ita Mss. Reg. 2. 3. 5. 6. In editione principe *c. lib.* In Ms. Ambrosian. 2. *c. sestertiis.* In Ms. Vindobon. *quadringentis sestertiis.* Cl. Rezzonicus emendavit *CCCC. H-s.* quod efficeret quadringenties centena millia sestertiûm, seu Gallicæ monetæ libras 7,782,010. Centum autem sestertia efficiunt ejusdem monetæ libras 19453. Quadringenta se-

tertia libras 77,812. centum talenta, libras 456,875. Omnes tamen vicit Nero, cum & laudatus suprà consularis & Petronius ingentia vasa, quorum immensum est pretium, ipse unam tantum capidem, vasque minusculum, emisset.

22. *Oriens murrhina mittit.* Cll. Scaliger, Mariette, aliique existimavere murrhina esse *la Porcelaine*. Quæ sententia prorsus adversatur Plinianæ murrhinorum descriptioni. Si quis conferat locos omnes, in quibus Plinius agit de murrhinis, perspiciet murrhina esse lapidem, & ut videtur, achati, *l'Agate*, non absimilem, at rariorem & præstantiorem. Non licet in hac notarum brevitate plura nunc de murrhinis differere, & num reperta sint in sepulcris expendere.

23. *Præcipua tamen.* Ita Mss. Reg. 3. 5. Vindobon. & editio princeps.

24. *Ignescere, veluti per transitum coloris, purpurâ.* Bene Mss. Reg. 2. 3. 5. 6. & editio princeps.

25. *Unde & nomen.* A frigore ἀπὸ τοῦ κρύους dicta crystallus, *le Crystal de roche*.

26. *Qua Necron vocetur.* Insula Necron mihi videtur esse, *l'île Maceira*.

27. *Quæ juxta gemmam topazion.* Est insula Topazos, nunc *Zemorgete*, haud procul portu urbis Berenices Epidires, nunc *Cossir*. Gemma Topazios, *la Topaze*.

28. *Cubitalemque effossam.* Crystallum. Nobis multò major est crystalli copia & magnitudo, quàm fuit antiquis.

29. *Ammaensibus jugis.* In Mss. Reg. 3. 5. 6. *Annensibus* Ammienses populi Lusitaniæ, me-

morati sunt suprà Libr. IV. sect. 35. Videntur fuisse, ubi municipium Ammaia, nunc *Portalegre*.

30. *Nisi inter cautes creditum fuerat.* Certè vulgò inter cautes quartzofas, *le Quartz*, invenitur crySTALLUS. Sed & alibi inventa. Hisque nuperis annis, navis Gallica quæ ex Indiâ revertebatur, cùm vectores aquatum descendissent in insulam *Madagascar*, unus fortè cavernam subiit, quò splendentibus particulis invitatus processit, & reperit maximam optimæ crySTALLI vim, quæ Parisiis veniit. Vidi illius crySTALLI particulas non ita puras, in quibus paleæ, & musci, aliaque id genus, conspiciebantur.

31. *Parvâque nive.* Nos meliora de origine crySTALLI docuere tempus & experientia.

32. *Quare sexangulis nascatur coloribus.* Id nascitur vel ex salibus, vel ex metallis, quæ determinatas habent suas figuras, immo & præter varios colores, qui ex diversis oriuntur mixturis, inest quoque singulis metallis in minutissimum pulverem redactis proprius suus color: auro, ruber, *le Rouge*; plumbo, hyacinthinus, *l'Orangé*; argento, flavus, *le Jaune*; æri, viridis, *le Verd*; ferro, cæruleus, *le Bleu*. Quod in regiâ Societate Londinensi multis experimentis docuit Cl. Hufsey Delaval.

33. *Magnitudo amplissima...* *librarum circiter quinquaginta.* Quantò ampliorem nunc novimus crySTALLI magnitudinem. In montibus vallis *Oberhasli*, in pago Bernensi, *le Canton de Berne*, inventa est pars crySTALLI, cujus pondus erat librarum 800. Aliæ erant ibi partes librarum 400. vel 500. plures librarum amplius.

100. Totum pondus partium cryſtalli in unâ cavernâ ibi repertarum, & præſtantiffimæ naturæ ſine vitiis, fuit librarum 100,000. Tota hæc cryſtallus fuit æſtimata Gallicæ noſtræ monetæ libris 90,000. Vide Cl. Grouner, *Histoire naturelle des Glacieres de Suiſſe*, pag. 40. Adeo ob copiam, imminutum eſt apud nos cryſtalli pretium.

34. *Peritis ſigna & indicia.* In naturâ formæque cautium & ſono. Quæ ſigna & indicia vide apud Cl. Grouner.

35. *Sale appellato.* De hoc ſale jam dictum in murrhinis ſuprà ſect. 8.

36. *Aceteta.* Ἀκέντητα, ſine ſtimulis, ſine punctis.

37. *H-s. cl. M. trullam.* Centum quinquaginta millia ſeſtertiūm ſunt Gallicæ monetæ libræ 29,179. Trulla, *une Coupe*, ut videre eſt apud Juvenalem, Satyr. III, 108.

38. *Succina.* Succinum, *l'Ambre jaune*; de quo ſatis dixi ad Tacitum, de Moribus Germanorum, Cap. 45.

39. *Juxta Eridanum amnem.* Eridanus, *la Rodaune*, amnis eſt qui in lævum Viſtulæ oſtium influit, & urbem *Dantzick* alluit. Ibi magna ſuccini copia. At cū Germanorum Eridanus, Rhodanusve, & Padus appellatus quoque ab Italis Eridanus ſimilitudinem nominum habeant, inde natæ tot fabulæ de patriâ & origine ſuccini.

40. *Elector.* Sol Homero aliſque sæpe dicitur. ἤλεκτωρ.

41. *Electridas iſulas.* Electrides iſulæ ſunt in iſis Viſtulæ, *la Viſtule*, oſtiis.

42. *In Iberiâ, hoc est in Hispaniâ.* Antiquissimi scriptores Iberiam a Rhodano, *le Rhône*, ad Gades, *Cadix*, protenderunt; ut videre est apud Strabonem, Libr. III. pag. 166.

43. *Theophrastus in Liguriâ.* Theophrastus, de Lapidibus, num. 53.

43. *Fossile esse.* Succinum fossile, *l'Ambre de rochers*. Contrà quod in mari reperitur succinum, *l'Ambre lavé, l'Ambre poli*.

44. *Lyncurium id vocat.* De Lyncurio jam dictum suprâ Libr. VIII. sect. 57. & mox dicitur sect. 13.

45. *Guttonibus, Germaniâ genti.* De quibus vide suprâ Libr. IV. sect. 28.

46. *Æstuarium Oceani.* In Vistulæ ostiis.

47. *Insulam Abalum.* Eædem sunt Electrides Gleffariæve insulæ.

48. *Basiliam vocavit.* Sic & Pitheas suprâ Libr. IV. sect. 27.

49. *Vocari Sacal.* Ob similitudinem lapidis, qui Sacal a Judæis adhuc dicitur.

50. *Verticillos.* Verticilli dicuntur, quibus vertuntur fusi.

51. *Vocare harpaga.* Ἀρπαξ, raptor.

52. *Meleagridas.* Hæc Meleagris, *la Pintade à barbillons bleus*. Altera, *la Pintade à barbillons rouges*, loca sicca amat. Vide & suprâ Libr. X. sect. 52.

53. *Thyon vocari.* Hoc de nomine arborem vidimus suprâ Libr. XIII. sect. 30.

CAP. III. 1. *Ob id Gleffariam.* De Gleffariis insulis dictum suprâ Libr. IV. sect. 30. A gleffo manet adhuc Germanis nomen *Glas*.

2. *Arboris succum esse.* Ita Mss. Reg. In edi-

tione principe aliisque, *quod arboris.*

3. *Et inde Veneti, quos Græci Enetos vocabant.* Ita Mss. Reg. 2. 3. 5. 6. Non Pannoniæ, sed Veneti succinum accipiebant circa mare Adriaticum.

4. *A Carnunto Pannoniæ.* Carnunti rudera adhuc videntur inter *Haimbourg & Petronel.*

5. *Et libitina.* Libitina est funebris apparatus gladiatorum in arenâ mortuorum.

6. *Trahunt in se palæas.* Immo eruditus Kircherus, *Mundus subterraneus*, VIII, 5. ait se succino attraxisse pondera decem & viginti librarum.

7. *Ut magnes lapis, ferrum.* Bene Mss. Reg. & editio princeps.

8. *Ramenta quoque succini.* Bene Mss. Reg. & editio princeps. Malè recentiores editiones, *at, ut . . . ferri ramenta quoque. Succina oleo addita.*

9. *Hominis quamvis parva effigies.* Superiore sæculo vigeat adhuc apud nos ille succini amor: jam obsolevit. Vidi plures Sanctorum effigies e succino, quæ quondam fuerant Cardinalis Francisci de la Rochefoucauld.

10. *Succinos appellando.* Ita Mss. Reg. & editio princeps.

11. *Chryselestrum.* Hoc chryselestrum aureo colore præstans est hyacinthus ex albo flavescent, *l'Hyacinthe d'un blanc jaunâtre.*

12. *Ut diximus.* Paulo suprâ in hac sectione.

13. *Ex urinâ quidem lyncis.* De hac falsâ origine lyncurii jam dictum suprâ Libr. VIII. sect. 57.

14. *Qualem in igneis succinis, colorem.* Lyn-

curius ille lapis, *la Pierre de Lynx*, quem vulgo dicimus *Hyacintha la bella*, est colore hyacinthino ad puniceum declinante, sine ullâ nigritudinis mixturâ. *L'Hyacinthe la belle, de couleur orangée ou aurore tirant sur le ponceau.*

15. *Theophrastus credit.* Theophrastus de Lapidibus, num. 50.

16. *Gemmam ullam eâ appellatione.* Nempe mutata erant tempora; &, Dioscoridis Pliniquæ ætate, lyncurii ad succina referebantur.

17. *Calculos vesica.... morbo regio.* Idem de crystallo perhibet Cl. Terzagi, *Museum Septalianum*, pag. 26. Nunc medici in lapidibus pretiosis nullam vim medicam agnoscunt.

CAP. IV. 1. *Indici non in auro nascentis.* Bene ac verè. Indicus adamas maximè reperitur in eo terrarum spatio quod interjacet inter fluvios *Crichna & Penna*.

2. *Laterum sexangulo lavore.* Immo adamas, *le Diamant*, octo habet angulos unde a nobis gemma octaedra dicitur.

3. *Magnitudine verò etiam avellanæ nuclei.* Adamante locupletiores sumus, quàm antiqui; majores quoque habemus. Insignes sunt in Galliâ apud Regem, *le Sancy*, cujus pondus est 55. *carats*, teste Cl. Romè Delisle, non verò 126. *carats*, ut olim ferebatur; emptus est Gallicæ monetæ libris 600,000: *le Régent*, cujus pondus 136. *carats* $\frac{3}{4}$, emptus est libris 2,500,000. In Etruriâ adamas Magni Ducis, cujus pondus 139. *carats* $\frac{1}{2}$. pretium ejus ex Cl. Tavernier computatione libræ 2,608,335. In Indiâ, Mogolici imperatoris, cujus pondus est 279. *carats* $\frac{9}{16}$. pretium ex eâdem

Cl. Tavernier computatione 11,723,278. Omnium maximus, præstantissimus, & ovi columbini magnitudine, quem anno 1772. Catharina II. Russorum Imperatrix a mercatore Græco emit 450,000 *roubles*, Gallicæ nostræ monetæ libris 2,250,000. pacta adhuc, quamdiu mercator vixerit, annuas monetæ nostræ libras 100,000. Fertur fuisse subreptus in Indiâ a milite Gallo in templo Bramæ. Unus erat ex oculis statuæ dictæ de *Scheringam*. Vide Cl. Dutens, *des Pierres précieuses*, pag. 19.

4. *Incudibus hi deprehenduntur*. Certissima est adamantis duritia, sed non est celebranda fabulis; ut placuit antiquitati. Adamas non cedit limæ, sed cedit incudi & malleo; ut constet experientiâ.

5. *Ignium victrix*. Adamantem igne destrui & evanescere nos docuit Imperator Franciscus I. artium amantissimus. Vide & Cl. Lavoisier, *Mémoires de l'Académie Royale des Sciences*, an. 1772. part. 2. pag. 564.

6. *Unde & nomen*. Adamas dictus ἀπὸ τοῦ ἀδαμάζεσθαι, non domari.

7. *Siderites ferrei splendoris*. Adamas ille, *le Diamant bleuâtre, ou couleur d'acier*. Cl. Boyle tales adamantes vidit, qui a magnete attraherentur. Cyprius quoque, ut patet, fuit siderites.

8. *Hircino rumpitur sanguine*. Fabula, ut videtur, quâ antiqui artem frangendi adamantem occultarent.

9. *Expetuntur a sculptoribus, ferroque includuntur*. En egregium artis experimentum, quo antiquitus durissima quæque adamante fuisse

scalpta manifestum est. Et antiquissimum esse illum usum non modò constat Plinii auctoritate, sed & Jeremiæ multò antiquioris. Jeremi. XVII, 1. Artem olim notissimam renovavit circa annum 1475. Ludovicus de Berquen.

10. *Eunaciten*. Ita Mss. Reg. 2. 3. 5. 6. *Eunaciten*, id est sopientem, abolentem curas ab εὐνάζω & ἀκίς.

11. *In nono diximus volumine*. Suprà Libr. IX. sect. 54.

CAP. V. 1. *Tertia auctoritas smaragdis*. *Smaragdus*, *l'Emeraude*. Nec ignotus fuit antiquis verus smaragdus, ac perfectè viridis, ut videtur ex Plinii aliorumque descriptionibus, & gemmis antiquis, maximè Mariæ, Honorii imperatoris uxoris. Pedes solii imperatoris Turcici fulgent smaragdis. Sunt tamen qui velint verum smaragdum reperiri tantùm in Americâ. Vide Cl. Dutens, loc. cit. pag. 39.

2. *Scalpi vetitis*. Inde in dactyliothecis antiquarum gemmarum rarissimi sunt smaragdi. At cùm his legibus non teneantur principes, in sepulcro Mariæ, filiæ Stiliconis, uxoris Honorii, quod effossum est in Vaticano D. Petri templo anno 1593, inter ceteras gemmas pluresque smaragdos unus erat in quo incisum Honorii caput. Cur autem non scalperentur docet Solinus, Cap. 15. *Nec aliam ob causam placuit ut non scalperentur, ne offensum decus imaginum lacunis corrumpereetur.*

3. *Tellure tersâ, nitent*. Bene Mss. Reg. 2. 3. 5. 6. & editio princeps. Malè recentiores, *tellure internitent*. Plinio suffragatur Isidorus, Origin. XVI, 7. *Tunc enim tellure deopertâ in-*

termicant, quia iis ventis arenæ maximè moventur.

4. *Nullis major austeritas.* Austeritatem illam nos dicimus *le Velouté.*

5. *Eruuntur circa Copton.* Inter Copton & Berenicen mons est ille smaragdus, *la Mine d'Emeraude*, quem invisit P. Sicard.

6. *Quodque perspicitur.* Ita Mss. Reg.

7. *Translucidum maris.* Bene Mss. Reg.

8. *Alacriter virides.* Ita Mss. Reg. 2. 3. 5. 6. In editione princeps aliisque, *acriter*, Colorem alacriter viridem dicimus *le Verd gai.*

9. *Hermeos.* Fortè illi smaragdi sunt Cyprii; & ita dicti ab Hermiâ insulæ regulo.

10. *Fellis colorem, aut æris.* Flavescentes illi smaragdi sunt, quos dicimus *le Pèridot.*

11. *Thoricos vocatur.* De Thorico promontorio dictum suprâ Libr. IV. sect. 11.

12. *Medici.* Smaragdi e Mediâ Persidis regione.

13. *Plurimum varietatis.* Ita Mss. Reg. 2. 3. 5. 6. Variant plurimùm, ut habeant colorem cæruleum sapphiri.

14. *Calchedonii.* Calchedonius, *la Calcédoine.*

15. *Virentium in caudis pavonum columbarumque.* Hi sunt quos dicimus *les Calcédoines chatoyantes.*

16. *Quem cholan vocant.* Is videtur esse, quem dicimus *la Calcédoine laiteuse.*

17. *E proximo.* E proximis Italiæ locis.

18. *Quæ vocatur tanos.* Tanos alique lapides, qui hîc memorantur, videntur esse pseudo-smaragdi, *les Emeraude bâtarde.*

19. *Smaragdum munere 15. cubitorum longitudine, trium latitudine.* Cl. Dutens, qui ele-

gantissimum libellum de lapidibus pretiosis scripsit, meritò observat non esse probabile existisse smaragdos tantæ magnitudinis: hos ergo smaragdos esse, *des Prasfes, des Jaspes verts, des Spathes fusibles, des Primes d'Emeraudes, des Fluors.*

20. *Berylli videntur.* Beryllus, *le Béril, l'Aigue-marine.*

21. *Chrysoprasus.* Chrysoprasus, *la Chrysoprase.*

22. *Cylindros ex iis facere.* Cylindri sunt oblongi; & eos sæpe videre est in antiquis musivis operibus. Verùm ut faciliùs detur intelligere & cylindros, & gemmas, muliebremque antiquitatis ornatum, deorumque cultum, operæ pretium est adferre Inscriptionem antiquam, quæ reperta est in urbe Acci, nunc *Guadix el vieio*, in Hispaniâ Tarraconensi. *Isidi . . . Fabia L. F. Fabiana avia in honorem avitæ neptis piissimæ ex arg. P. CXII s.* (id est, ex argento pondi seu libræ CXII. cum semisse). *Item ornamenta in basilio* (diadema est) *unio & margarita N. VI.* (numero VI.) *Zmaragdi duo, cylindri N. VII.* *gemma carbunculus, gemma hyacinthus, gemmæ cerauniæ duæ; in auribus, zmaragdi duo, margarita duo; in collo quadribacium margaritis N. XXXVI.* *Zmaragdis N. XVI.* & *inclusuris duo; in tibiis Zmaragdi duo, cylindri N. XI.* *in smialiis Zmaragdi N. VIII.* *margarita N. VIII.* *in digito minimo anuli duo gemmis adamant; digito sequenti anulus polypsepus zmaragdis, & margarito; in digito summo anulus cum Zmaragdo; in solcis cylindri N. VIII.*

23. *Medullâ candoris exemptâ.* Medullâ candidiore exemptâ.

24. *Præter jam dictâ.* Suprà sect. 18.

25. *Pterygia.* Πτερύγια, nubeculæ sunt, instar unguium.

CAP. VI. 1. *Opali.* Opalus, l'Opale, raritate & colorum varietate gemma præstantissima.

2. *Inenarrabilem difficultatem.* Opali certant gloriâ cum pretiosissimis gemmis; & si inter se comparentur, inenarrabilis est difficultas an opalus ceteras gemmas vincat, quarum similitudinem refert.

3. *Quem Q. Catullus poeta.* Catullus, Carm. 53.

4. *Sestertiûm viginti millibus.* In Mss. Reg. 2.

3. 5. 6. *xx. mille nummûm.* Quod idem est. Viginti millia sestertiûm efficiunt Gallicæ monetæ libras 3,890. Quod minimum est opali pretium, si pulcherrimus fuit; & debuit esse pulcherrimus, qui ita diligeretur. Unde, cùm editio princeps habeat H-S. xx. fortè emendandum H-S. XX. Vicies autem centena millia sestertiûm sunt Gallicæ nostræ monetæ libræ 389,252.

5. *Vitro adulterat.* Perfectissima ergo fuit apud Indos vitri & vitrearum mixturarum ars. Id quidem nos in tantâ artium luce latet. Ceteras omnes gemmas, præter opalum, hætenus sumus imitati.

6. *Paderota.* Ita appellabatur opalus a venustate & amore puerorum Græcis notissimo.

7. *Tradunt nasci.* Bene Mss. Reg. 5.

8. *Vilissimum in Ponto.* Bene Mss. Reg. 5.

9. *Sardoniches olim.* Sardonyx, la Sardoine, la Sardoine onyx, la Sardonix.

10. *Candore in sardâ.* In sardoniche st can-

dor onychis additus rubro colori gemmæ sardæ, *la Cornaline*, de quâ dicetur infra sect. 31. Sarda autem dicitur, quod colorem referat sardæ piscis sale conditi & inveterati, de quo dictum supra Libr. XXXII. sect. 53.

11. *Nullò sardarum vestigio.* Arabicæ sardoniches nullum habent vestigium exquisiti coloris sardarum gemmarum, sed aliis præstant coloribus.

12. *Et ungue minium.* In Arabicis sardonichibus radix nigra est, aut imitatur cæruleum; & quod in iis ungui humano simile est, refert minium, innatum candido pingui. Sic in sardoniche Arabicâ tres sunt colorum ordines, quos accuratè distinxit Isidorus, Origin. XVI, 8. *Sardonix ex duorum nominum societate vocata est. Est enim ex onychis candore & sardo. Constat autem tribus coloribus: subterius nigro, medio candido, superius mineo. Hæc sola in signando nihil ceræ revellit.* In Oriente plures sunt lapides trium ordinum colore distincti: frequentissimi autem apud Sinas, ubi multa ex iis quasi pigmenta conficiunt, & arbores, fructus, aves imitantur.

13. *Creditum candido pingui.* Mss. Reg. & editio princeps habent *creditum*. Eruditus Harduinus emendavit, *incretum*. Optimo quidem & vero sensu. Audacter tamen. Nemo enim antiquorum scriptorum dixit *incretum* hoc sensu. Retinendum ergo *creditum*; ut dicimus *credere terris semina*; & e candido pingui exoritur minium, ut segetes e terrâ.

14. *Ceram non auferrent.* In signando, ut dixi modo supra ex Isidoro.

15. *Renidente*. Non malè mediæ editiones. In editione principe, *renitente*. Eruditus Harduinus, *ridente*. Corruptè in Mss. Reg. 5. *rime ridente*, & in margine, *rimedente*.

16. *Ipsis umbonibus nitente*. Umbones sunt mediæ partes lapidis, ut patet ex Solino, Cap. 33. *Superficies ejus* (sardonichis) *probat*ur, *si meraciùs rubeat*: arguitur, *si fuerit faculentior*: *medietas circumitur limite candicante*: *optima est*, *si nec colorem suum spargat in proximum*, *nec ipse ex altero mutuetur*: *reliqua nigro finiuntur*.

17. *Cælestis arcus anhelatio*. Quædam cælestis arcus adumbratio.

18. *Locustarum maris*. De his dictum suprâ Libr. XXXII. sect. 53.

19. *Onychis ipsius*. Onyx, l'*Onyx*; ab ὄνυξ; unguis.

20. *Transiit a lapide Carmania*. Ita Mss. Reg. 2. 3. 5. 6.

21. *Quarundam & obliquis venis*. Bene hîdem Mss. Reg.

22. *Et Arabicam tradit*. Sic & hîdem Mss. Reg.

23. *Illic momentum esse*. Ut rectè explicat eruditus Harduinus: in sardoniche Indicâ punctis constat is circulus: in onyche, lineâ continuâ & crassiore.

24. *Id genus abdicat*. Improbatur.

25. *Dividua ex eodem nomine*. Sarda enim pars est nominis sardonichis.

CAP. VII. 1. *Carbunculi*. Carbunculus, *le Rubis*.

2. *Non sentiant ignes*. Carbunculi multò minùs sentiunt ignes, quàm adamas. Igne tamen Solis ita tenerescunt, ut iis sigillum imprimi possit, teste experientiâ Florentiæ factâ. Cùm

enim carbunculus ibi per quadraginta quinque minuta prima temporis, *quarante minutes*, foco speculi ustorii fuisset expositus, ita tener fuit, ut ei impressum sit sigillum ex iaspide. At vi illius ignis nihil de pondere formæque amisit carbunculus. Vide Cl. Dutens, loc. cit. pag. 124.

3. *Indici*. Carbunculus Indicus, *le Rubis Oriental*; quo nihil novit Oriens præstantius. Ibi adamanti antepositur.

4. *Garamantici*. Carbunculus Garamanticus, *le Grenat*.

5. *Alabandicos*. Carbunculus Alabandicus, *l'Almandine*. Alabandicus dicitur ab Alabandâ Cariæ urbe.

6. *Amethyzontas*. Carbunculus amethyzon, *le Rubis balais*.

7. *Vocant sititas*. Quasi pastos lumine, a verbo *σιτίζω*.

8. *Fulgoris horridi*. Ita Mss. Reg. 2. 3. 5. 6. In margine Ms. Reg. 5. *retorridi*. Sic quoque habet editio princeps. Nos ex Indiæ maximè ex insulâ Taprobane, *Céylan*, absolutissimos habemus carbunculos; quorum præcipuus color, *la Couleur de ponceau*. Hunc colorem Plinius dicit horridum. Vide suprâ Libr. II. sect. 16.

9. *Ceras signantibus his liquefcere*. Fabula est ex ipso carbunculi nomine orta.

10. *Ignem minimè sentientes*. Thracius ille carbunculus, *la Vermeille*. Ne maximo quidem igne læditur. Vide Cl. Mariette, *les Pierres gravées*, Tom. I. pag. 164.

11. *Massiliâ quoque importari Bocchus*. Bene Mss. Reg. 3. 5. 6. & editio princeps. Sic &

Theophrastus, de Lapidibus, num. 31. Perperam in Mf. Reg. 2. & recentioribus editionibus omissum, *Massiliâ quoque importari.*

12. *Antrachitis.* Antrachitis videtur esse *le Rubis spinel.*

13. *Sandaresus.* Nunc non noscitur ille carbunculus.

14. *Lychnis.* Lychnis illa pertinet ad remissionem carbunculum, *le Rubis couleur de cerise.*

15. *Ionia*, appellata a praelatis floribus. A violis, quæ *l'oy* dicuntur. Ionia, quæ purpurâ radiat, *le Rubis qui a une teinte de pourpre*; quæ cocco, *le Rubis couleur d'écarlate, ou laque Indique.*

16. *Carchedonius.* Carchedonius, *la Calcédoine.*

17. *Sarda.* Sarda, *la Cornaline*; de quâ jam dictum suprâ.

18. *Dionium vocant.* Ita Mss. Reg. 2. 3. 5. 6. & editio princeps.

19. *A magnitudine.* Ita Mss. Reg. 2. 3. 5. 6. In margine Mf. Reg. 5. *a pinguedine.* In editione principe, *a pingitudine.* Si constaret de significatione vocis, *dionium*, facile foret dijudicare utrum sit anteponendum, *magnitudine*, an *pinguedine.* At quid significet non compertum.

20. *Damnantur ex iis melleæ.* Sarda mellea, *la Cornaline jaunâtre.*

21. *Validius testacea.* Testacea, quæ testam colore refert, *la Cornaline rougeâtre.*

CAP. VIII. 1. *Topazio.* Topazius, *la Topaze.* Antiquorum topazius a nostris differt; quod satis patet ex Plinianâ descriptione. Sed hæc

fusiùs persequi non licet in tantâ notarum brevitate & nominum varietate.

2. *Quæ Cytis vocatur.* De hac insulâ dictum suprâ Libr. VI. sect. 34.

3. *Topazin.* Idem habet Isidorus ; Origin. XVI, 7. de verbo *τοπάζειν*. De Topazo insulâ jam dixi suprâ.

4. *Sequentis Ptolemæi.* Ptolemæi secundi, sive Philadelphi.

5. *Quatuor cubitorum.* Topazius tantæ magnitudinis pertinet potiùs ad lapides, *les Pierres fines*, quàm ad gemmas, *les Pierres précieuses*; ut jam de smaragdo dixi.

6. *Prasoidem.* Topazus prasoides, colore porraceo, aut viridi, *la Chrysolithe Orientale*, *le Péridot Oriental*.

7. *Chrysopteron.* Topazus chrysopteros, *la Topaze Orientale*, quæ ad aureum colorem declinat: nec fortè absimilis chrysoprasio, *la Chrysoprase*.

8. *Post averfa Indiæ.* Post ultimam Indiam.

9. *Callais.* Callais, ut patet ex viridî pallente, pertinet ad gemmas quas dicimus *le Péridot Oriental*.

10. *Fundis e longinquo incessunt.* Sic Mahumetani, qui occidentalia Sinarum habitant, salem crysalli instar perlucidum e summis rupibus sagittis excutiant, ut docuit Imperator Kanghi. *Mémoires concernant l'Histoire & les Sciences des Chinois.* Tom. IV. pag. 454. Id non noverat Cl. de Réaumur, qui Plinium immeritò arguit. *Mémoires de l'Académie Royale des Sciences*, an. 1715. pag. 174.

11. *Gestamen in cervice.* Isidorus, Origin. XVI;

17. *nihil jucundius aurium decens.*

12. *Prasius.* Prasius, *le Prase*; ita dictus a *πράσινον*, porrum: quod sit colore viridi porraceo.

13. *Chrysoprasius.* Chrysoprasius, *la Chrysoprase*; aureo nempe & viridi colore, nonnumquam auri punctis interstinctus.

14. *Et Nilion.* Ita dicta hæc gemma a Nilo flumine. Nilios, *le Jaspe, caillou d'Egypte.*

15. *Molochites.* Molochites, *la Malachite*, ita appellata a *μολόχη*, vel *μαλάχη*, malva.

16. *Viret... iaspis.* Iaspis illa, *le Jaspe verd.*

17. *Smaragdo similem.* Hæc iaspis, *le Jaspe verd de pré.*

18. *Vocatur aerizusa.* Iaspis aerizusa, *le Jaspe bleu céleste.*

19. *Cærulea.* Cærulea, *le Jaspe bleu*: purpurea, *le Jaspe pourpre*: sarda, *le Jaspe sarde*: imitata violas, *le Jaspe violet.*

20. *Aut myxis.* De myxis dictum supra Libr. XV. sect. 12. & 13.

21. *Terebinthizusa.* Iaspis terebinthizusa, *le Jaspe jaune, le Jaspe térébenthiné.*

22. *Fundâ clauduntur.* Funda est circulus aureus, qui gemmam lapidemve amplectitur simul & ostendit.

CAP. IX. 1. *Grammatias vocatur.* Iaspis grammatias, *le Jaspe fleuri rouge à raie blanche.*

2. *Polygrammos.* Iaspis polygrammos, *le Jaspe rouge fleuri à taches blanches.*

3. *Onychipuncta.* Est iasponyx, *le Jaspe-onyx.*

4. *Nives in summitate.* Iaspis illa, *le Jaspe Calcédoine à petits flocons de neige.*

5. *Stellata rutilis punctis*. Hæc autem, le *Jaspe-onyx moucheté*.

6. *Capnias vocatur*. Capnias, le *Jaspe-onyx enfumé*; α καπνός, fumus.

7. *Cyanos*. Cyanos, le *Lapis-lazzuli*.

8. *In sapphiris*. Sapphirus, le *Saphir*.

9. *Amethysti*. Amethystus, l'*Améthyste*.

10. *Hyacinthos*. Hyacinthus, l'*Hyacinthe*: colore est auri & viridi herbaceo ad cæruleum declinante. Differt ergo ab recentiorum hyacintho.

11. *Chrysolithos*. Chrysolithus, la *Chrysolithe*. Hæc est quæ a nobis nunc dicitur la *Topaze*.

12. *Tibaranæ*. De Tibarenis, aut Tibaranis populis ad Pontum sitis dictum supra Libr. VI. sect. 4.

13. *Chryselestri*. Chryselestrus, l'*Hyacinthe d'un blanc jaunâtre*.

14. *Melichrysi*. Melichrysus, l'*Hyacinthe miellée*.

15. *Et xanthi*. Est xanthos e fulvo candicans, de quâ adhuc infra sect. 60.

16. *Toties jactati*. Id nomen jam supra jactatum de opalo, sect. 22. de amethysto sect. 40.

17. *Et quæ ceterarum*. Et quæ sunt ceterarum gemmarum vitia jam dicta supra sect. 18.

18. *Asteria*. Ita dicta a stellis, quæ inesse videntur. De eâ differuit Cl. Lehmann, *Mémoires de l'Académie Royale de Berlin*, an. 1754. pag. 67.

19. *Astrios*. Pertinet quoque ad lapides ouromorphos; quales plures in Italiâ aliisque locis reperiuntur.

20. *Easque betulos.* Betuli illæ rotundæ, les *Betyles*, coquillages pétrifiés; quas magi miras esse effectibus prædicabant & mentiebantur.

21. *Ceraunias.* Cerauniæ illæ longæ, les *Bélemnites*.

CAP. X. 1. *Achates.* Achates, l'*Agate*.

2. *Flumen ejusdem nominis.* Flumen Achates; ut habet Theophrastus, de Lapidibus, num. 58.

3. *Iaspachates.* Iaspachates, le *Jaspe agaté*; cerachates, l'*Agate de couleur orangée*; sardachates, la *Sard'agate*; hæmachates, l'*Agate à veines rouges*; leucachates, l'*Agate blanche*; dendrachates, l'*Agate arborifée*; coralloachates, l'*Agate coralline*.

4. *Species fluminum.* Achates quæ species reddit fluminum, l'*Agate ondulée*; jumentorum, l'*Agate zoomorphite*.

5. *Similes limitum floribus.* Floribus, qui in agrorum limitibus nascuntur.

6. *Leoninæ pelli similes.* Hæc achates, l'*Agate léontine*, l'*Agate fauve*. Hyænæ pelli similis, l'*Agate pointillée*.

7. *Acopos.* Quod laborem, κόπον, lassitudinemque levare credebatur.

8. *Aleātorias.* Ita dicta ab ἀλέκτωρ, gallinæus.

9. *Antipathes.* Dioscoridi V, 140. antipathes est corallium coloris nigri. Nomen sanè habet, quòd veneficiis resistere credebatur.

10. *Arabica.* Est sanè Arabus lapis, ebori similis, de quo suprà Libr. XXXVI. sect. 41. Isidorus, Origin. XVI. 14. Arabica ex patriâ dicta, aspectu eburnea est.

11. *Circa Philas.* In Mss. Reg. circa Phinas.

In recentioribus editionibus, *circa Pyras*. Certè emendandum fuit, *circa Philas*. Philæ insula est, *l'île du Temple*, prope Elephantinen, *l'île Fleurie*; ubi erant claustra imperii Romani.

12. *Augites*. Ita dicta ab αὐγή, splendor. De callaide dictum suprâ sect. 33.

13. *Aphidnane* . . . *chrysocolla*. Ita Mf. Reg. 1. in Indice; quod melius puto. Ad smaragdus pertinet, & videtur esse, *un Spath verd*.

14. *Aphrodisiace*. Ad achatas videtur referenda, quæ nomen habent Veneris, ut jam dictum suprâ sect. 44.

15. *Apfyctos*. ΑΨΥΚΤΟΣ, quæ refrigerari nequit.

16. *Ægyptillam*. Inter achatas recensetur ab Isidoro, Origin. XVI, 11. *Ægyptilla nigra est radice, carulea facie, ex Ægypto, ubi invenitur, vocata*.

17. *Baptes, mollis, alioquin odore excellens*. Mff. Reg. & editio princeps.

18. *Beli oculus*. Ad achatas pertinet; & a nobis dicitur *l'Œil de chat*.

19. *A crinibus mulierum Bostrychiten*. Ita Mff. Reg. 2. 3. 5. 6.

20. *Suo loco diximus*. Suprà sect. 37.

21. *Callaicam vocant*. Mf. Reg. 1. in Indice.

22. *Ceramitis*. Mff. Reg. & editio princeps.

23. *Cytis circa Copton*. Hæc adhuc pertinet ad aetitas, *les Pierres d'aigle*; de quibus dixi suprâ.

24. *Et silente*. Die interlunii.

25. *Chloritis*. Ita dicta ab herbaceo viridive colore, quem χλωρόν appellant.

27. *Motacillæ avis*. Motacilla avis, la *La-vandiere*, la *Bergeronette*.

28. *Choaspitis*. Ita dicta a fluvio Choaspe, de quo suprâ Libr. VI. sect. 31. Eadem videtur esse ac chrysoberyllus, jam memoratus suprâ sect. 20.

29. *Chrysolampis*. Ex effectu videtur aliquam similitudinem habere cum lapide Bononiensi, la *Pierre de Boulogne*.

30. *Ceponides*. Fortè dicta ab hortorum, κήπων, varietate, ob ipsam colorum varietatem.

31. *Daphniam*. Daphnia dicta a lauro.

32. *Diadochos*. Et ideo appellata diadochos, quasi vicaria berylli.

33. *Encardia*. Encardias crediderim pertinere ad conchas lapidescentes, cordis formâ figuratas, quæ vario colore reperiuntur pro vario solo variisque metallis.

34. *Enorchis*. Enorchis, ut & orchis flos, ita appellantur ab ὄρχεων, testium figurâ.

35. *Eupetalos*. Ob colorum diversitatem videtur pertinere ad opalum.

36. *Euneos*. Videtur esse lapis Judaicus, la *Pierre Judaïque*.

37. *Eurotias*. Ita appellatur ab εὐρωτιάω, cariem sentio. Multi sunt lapides, qui situm cariemque sentiunt.

38. *Galactitis*. Frequens est in Ægypto hic lapis, maximè prope Heliopolim, la *Matharée*.

39. *Gasidanem*. Pertinet quoque ad aetitas, les *Pierres d'aigle*. Varia nomina pro gentium varietate obtinet.

40. *Glossopetra*. Glossopetram, la *Glossopère*, non vidit Plinius. Nihil nunc eâ vulga-

tius. Illâ abundat Melita infula, *Malte*. Glosso-petræ sunt dentes carchariæ aliorumque piscium in lapidem versi.

41. *Goniaam*. Sic Mf. Reg. 1. in Indice. In Mss. Reg. 2. 3. 5. 6. *goniem*, vel *gonim*. Malè recentiores editiones, *ganiaam*.

42. *Heliotropium*. Heliotropium, *l'Héliotrope*, *le Jaspe sanguin*; ex quo vidi egregia vasa.

43. *Hermuredion*. Ita Mf. Reg. 1. in Indice. In editione principe, *herinuredocon*. Mss. Reg. 2. 3. 5. 6. *hermeodes*. In recentioribus editionibus emendatum, *horminodes*; ingeniosè quidem, sed nimis audacter.

44. *Hexecontalithos*. Ita dicta quasi sexaginta gemmarum colores redderet. Unde ad nobilissimum opali genus pertinet.

45. *Hieracitis*. Nomen ducit ab ἱέραξ, milvus, accipiter. Subviridis est lapis ad nigredinem vergens, aliis subinde alternatis coloribus toto corpore interstinctus. Pertinet ergo ad lapides quos dicimus, *les Pierres chatoyantes*.

46. *Hammitis*. Ab ἄμμος, sabulum; quod ova piscium, sabulumve mole non superet. Reperitur, sed non valde dura, in agro Tiburtino; & ibi dicitur, *Confetti di Tivoli*. Ad stalactitas pertinet.

47. *Hammonis cornu*. Hammonis cornu, *la Corne d'Ammon*. Quàm plurima reperiuntur in agro nostro Nivernensi finitimâque Burgundiâ, maximè inter oppida *Tannay*, *Avalon* & *Mont-réal*. Metallica sunt, quæ ita aureo colore fulgent. Sunt autem & minima & maxima.

48. *Hormision*. In Indice Mf. Reg. 1. *hormiscon*.

49. *Ob*

49. *Ob id invasæ.* Invadendæ sunt venatæ, ac vi quærendæ; ut suprà dictum de draconite, sect. 57.

50. *Hæmatites.* Hæmatites, *l'Hématite.* De hæmatite jam dictum suprà Libr. XXXVI. sect. 37. & 38.

51. *Idæi ductyli.* Ad ceraunias longas, *les Bélemnites*, pertinent.

52. *Icterias.* Ita dicta ab ictero ave, *le Loxiot*, de quo dictum suprà Libr. XXX. sect. 28.

53. *Ion.* 1^{on}, Græcis viola.

54. *Sed rarò, ut... luceat.* Bene editio princeps. In Mss. Reg. *rarum, ut luceat.*

55. *Libanochrus.* Ita dicitur a thuris colore.

56. *Limoniatis.* Ob pratensem viriditatem.

57. *Lysimachos.* Ms. Reg. 1. in Indice.

58. *Memnonia.* Ms. Reg. 1. in Indice.

59. *Meconites.* Accedere videtur ad lapides, quos Sinenses appellant *Pierres de mer.* Nulla regio quæ plures & magis singulares lapides ferat.

60. *A nebridum ejus similitudine.* Bacchus, & deinde Bacchæ in ejus sacris, induebantur nebridibus, seu cervinis pellibus; quales nonnumquam exprimunt achates, *les Agates*, iaspidesve, *les Jaspes.*

61. *Similis hippopotami dentibus.* Agnoscere est lapidescentes hippopotami dentes. Similes & majores vidi, quos Cl. de la Galissoniere a Canadensibus regionibus attulerat.

62. *Ombria.* Ombria, ceraunia, brontia, ad lapides, quos dicimus *les Bélemnites*, pertinent. De iis jam dictum suprà. Ombria, ab ὀμβρος, pluvia.

Tomus VI.

X

63. *Ostracias*. Ostracias, sive ostracitis, *les Huitres pétrifiées*; de quibus jam dixi.

64. *De Obsidiano lapide*. De eo dictum supra Libr. XXXVI. sect. 67.

65. *Panchrus*. Panchrus ad opalum, *l'Opale*, videtur pertinere.

66. *Ponticarum*. Ponticæ ad astrias & achatas referuntur.

67. *Ochra attica adsimulata*. In Ms. Reg. 5. *ochra*. In Ms. Reg. 6. *assimulata*. Malè recentiores editiones, *assimilata*. Quæ vox Latina non est. De ochra Atticâ, silive Attico, dictum supra Libr. XXXIII. sect. 56. *φλόγινος* autem dicitur, quasi flammeus.

68. *Phœnicitis*. Est lapis Judaicus, *la Pierre Judaique*. Α φοίνιξ, balanus, glans.

69. *Phycitis*. Α φύκος, alga.

70. *Perileucos*. Περίλευκος, a candore circumducto & ad radicem descendente.

71. *Pæantides*, quas quidam *gemonicas*. Corruptè editio princeps, *gemmonicas*. Inde emendatum, *gemonicas*. Mss. Reg. 5. 6. *geannidas*. Meliùs, ut puto, Ms. Reg. 1. in Indice, *Pæantides*, sive *geanides*. Pæantides autem sunt aetitæ, *les Pierres d'aigle*; de quibus sæpe dixi.

72. *Specie aquæ glaciata*. Differunt Macedonici illi lapides, ab aetitis Ægyptiis, quos vidi. Sed plurimæ sunt aetitarum species.

73. *Solis gemma*. Ad asterias pertinet, quas dicimus *le Girasol*; & videtur esse, *l'Argentine*.

74. *Prasini coloris*. Porracei viridisve coloris.

75. *Gemmam dat nigram*. Gemma illa nigra, sine pondere, ligno similis, nobis dicitur *le Jayet*.

76. *Sauritin*. Sauritis a σαῦρος, lacertus. Fortè est le *Lezard pétrifié*, ut quidam inveniuntur.

77. *Selenitis*. Est achates, quæ dicitur *l'Agate uranie*.

78. *Synodontes* vocantur. Synodon piscis, seu dentex, le *Dente*.

79. *Trichrus*. Ob triplicem colorem.

80. *Telocardios*. Telicardios fortè eadem est, quæ suprâ dicta fuit bucardia; & pertinet ad lapidescentes conchas.

81. *Tephritis*. A τέφρα, cinis; & pertinet ad eam achatæ speciem quam dicimus, *l'Agate uranie*.

82. *Tecolithos*. Ita dicta, quòd calculos frangat. Est lapis Judaicus, la *Pierre Judaïque*; de quo jam sæpe suprâ.

83. *Muchulam* appellant. Mf. Reg. 1. in Indice, *muchul*.

CAP. XI. I. *Adadunephros*. Ob formam sanè & colores, in hoc lapide renes, oculum, digitum dei sui Adad venerabantur Syri. Oriens præstat lapidibus naturâ, colore, figurâ singularibus. Inde adhuc apud Sinenses populos tanta eorum fama, maximaque in principum hortis gratia. Multorum imagines ad me sunt missæ, quæ singularitate & colorum admirabili mixturâ plurimum placent. Ut tanto operi dignam Plinio coronidem attexam, juvat horum lapidum genus unum, quod Sinenses appellant *Han hai che*, les *Pierres de han & de mer*, afferre, illudque ipsius imperatoris Sinarum *Kang-hi* verbis describere. On trouve sur les bords de la mer Orientale une espece de pierre qui tient beaucoup de l'agate: elle en a la du-

reté, la transparence, le grain & l'éclat; les couleurs en sont aussi vives, les teintes aussi variées, & les nuances aussi délicates. Mais ce qui en relève beaucoup le prix, & la met fort au-dessus de l'agate, c'est qu'on y voit tantôt une grenade ouverte avec sa couronne, & les petits grains en émeraudes, ou en rubis, de manière à les compter; tantôt un li-tchi avec son écorce vermeille & sa chair d'un blanc de lait; dans d'autres, c'est une huitre, une moule, une cygale, un papillon dessinés & peints avec une délicatesse que l'art ne pourroit jamais imiter. Il y en a aussi où l'on voit représentés au naturel des bois que l'hiver a dépouillés de leurs feuilles, des paysages enchantés, des campagnes couvertes d'un brouillard léger, des montagnes escarpées avec leurs précipices, des horizons magnifiques que le Soleil couchant embellit de mille couleurs. La Peinture n'a rien de si vivant, ni de si fini. J'ai choisi plusieurs centaines de ces pierres toutes plus curieuses les unes que les autres. Mémoires concernant l'Histoire, les Sciences, les Arts, les Mœurs des Chinois. Tom. IV. pag. 459.



INDEX

*Numerus prior , Librum ; alter , Sectionem
significat.*

A.

- A**BIES 15, 19. admiratio-
nis præcipuæ 76.
Abrotonum 19, 31. 21, 92.
Absinthium 27, 28.
Acanthos 22, 34.
Acanthyllis 10, 50.
Acarnania 4, 2.
Achaia 4, 6.
Acer 16, 26.
Acetabulum, mensura 21, 109.
Acetum 14, 26, 23, 27.
Acipenser 9, 27.
Accipiter 10, 9.
Acopum 29, 37.
Adamas 37, 15.
Adiabene 6, 16.
Adriaticæ maris insulæ 3, 30.
Ægyptus 5, 9. ejus arbores
13, 14. obelisci 16, 14. py-
ramides 16, 16. Ægyptia
terra 35, 15. Ægyptium ar-
gentum 33, 46.
Æolis 5, 32.
Aer 2, 38.
Ærarium populi Romani 33,
17. quando in eo plurimum
auri & argenti, ibid.
Æs 34, 1. ejus genera 2. ser-
vandi ratio 21. ex ære ope-
rum & artificum nobilita-
tes 19. æra Æginetica 5.
Corinthia 3. Deliaa 4. æ-
reæ statuæ 10. ærea tricli-
nia 8.
Æstus maris 2, 100.
Æthiopia 6, 35. ejus anima-
lia 8, 32. arbores 13, 28.
Æthiopici maris insulæ 6,
36.
Ætites lapis 36, 39.
Africa 5, 3. ejus fertilitas 18,
21. Africanæ belluæ 8, 24.
Agaricum 16, 13. 25, 57.
Agricultura 18, 1. observan-
da in agro parando 6. præ-
cepta de agro colendo 8.
quid in agro quoque men-
tendum 62.
Aizoum 5, 102.
Albania 6, 11.
Alce 8, 16.
Alexander magnus 8, 17. ejus
itinerum terminus 6, 21.
Alica 18, 29.
Allium 20, 23.
Alopecuræ 29, 24.
Alpes & gentes Alpinae 3, 24.
Alumen 35, 52.
Amethystus 37, 40. ejus tin-
gendi ratio 9, 65.
Amomum 12, 28.
Amygdalæ 22, 5.
Amylum 18, 17. 22, 67.
Anaxagoras 2, 59.
Anginarum remedia 32, 12.
Anguillæ 9, 38.
Animalia 8, 1. in mari ma-
xima 9, 1. semisera 8, 79.
nec placida, nec fera 8a.
animalium sensus 10, 88.
amicitia & affectus 95. ab
animalibus gentes sublatæ
8, 43. medicinæ repertæ
41. ex animalibus progno-
stica 42.
Anser 10, 26. 29, 13.
Anthæ pisces 9, 85.
Antipodes 2, 65.
Antirrhinum 25, 80.
Antonius Castor rei herbariæ
peritus 25, 5.
Anulorum aureorum origo &
jus 23, 6.
Apelles 35, 34.

X iiij

- Apes 11, 4. earum genera 19. morbi 11, 20, 21, 42. earum alvearia 21, 47. opera 11, 5 & 10. regimen 11, 17. cera optima 21, 49.
- Apis deus in Ægypto 8, 71.
- Apium 20, 44.
- Aqua 2, 66. Marcia 31, 24. Virgo 31, 25. aqua marina 31, 33. eam imitandi ratio 34. quomodo dulcescit 37. aquæ salis 18, 59. aquarum differentie 31, 1 & 2. medicinæ 31, 3. mirabilia 2, 107. 31, 18. probatio 31, 23. salubritas 21. signa 27. vitia 22. aquas inveniendi ratio 26. quomodo ducendæ 31. aquis medicatis quomodo utendum 32.
- Aquifolia 24, 72.
- Arabia 5, 11, 6, 32. ejus felicitas 12, 41.
- Arabicus sinus 6, 28.
- Arandi ratio 18, 49.
- Aranæ 11, 28.
- Arbor, piscis 32, 53.
- Arbores 12, 1. montanæ, campestris 16, 30. aquaticæ 16, 64. earum natura 12, 4, 16, 30. magnitudo 16, 76. miracula 12, 5, 16, 2. pretia 16, 24, 17, 1. vetustas 16, 85. arboribus medicamenta 17, 47.
- Arcadia 4, 20.
- Architectura 7, 48, 36, 55.
- Arcus cælestis 2, 60.
- Argemonia 25, 56.
- Argentaria creta 35, 58.
- Argentum 33, 31. ejus genera & experimenta 44. quando primum signatum 13. vis pecuniæ immodica 44. statux 54. nobilitates operum & artificum ex argento 55. argenteis in vasis luxuria 47.
- Argentum vivum 33, 32.
- Argolis 4, 9.
- Ariani 6, 25. arianæ gentis arbores 12, 18.
- Aries piscis 9, 67.
- Aristoteles in morte Alexandri suspectus 30, 53.
- Aristolochia 25, 54.
- Armenia 6, 9.
- Armenium 35, 28.
- Arrhenicum, vel arsenicum ibid.
- Arteriæ 11, 89.
- Artibus excellentes 7, 37.
- Arum 24, 92.
- Arundinetæ 17, 53.
- Arundo 17, 33, 24, 50.
- Aruspicum observationes 11, 76.
- As 33, 13.
- Asaron 12, 27.
- Asbestinum linum 19, 4.
- Asclepiades medicus 26, 7.
- Asia 6, 2 & 38. devicta luxuriam misit in Italiam 33, 53.
- Asiæ arbores 12, 35.
- Asparagi 19, 42.
- Asphodelus 21, 68.
- Assyriæ literæ 7, 57.
- Asteria gemma 37, 47.
- Astroites gemma 37, 49.
- Astronomia 2, 9. ejus observationum antiquitas 7, 57.
- Atlantica arbor 13, 29.
- Atramentum 35, 25.
- Aves 10, 1. earum genera 13. generatio 73. ingenia 57. quæ loquantur 58. fabulose 70. avium cantus compescendi ratio 35, 38.
- Augusti adversa 7, 46.
- Aviaria quis primus instituit 10, 72.
- Aures 11, 50. aurium sordes 28, 8. vitia & dolor 28, 48, 29, 39, 32, 25.
- Auripigmentum 32, 22.
- Aurum 33, 2. ejus inventio 21. modus apud antiquos 5. qui plurimum possederint 15. primum quando signatum 13. ex auro medicinæ 33, 25. aureæ statux 24.

B.

BABYLON 6, 30.Bacchar 21, 16 & 77.Bactria 8, 26, ejus arbores
12, 19.Bætica 3, 3.Balænae 9, 5.Balanitæ 37, 55.Balaustium, 23, 60.Balearica terra 35, 59.Balsamum 12, 54. balsami-
num oleum 23, 47.Basiliscus 29, 19.Batis 21, 101.Batrachion 25, 109.Bdellium 12, 19.Bechion, falvia 26, 17.Bechion, tussilago 26, 16.Beli oculus 37, 55.Beryllus 37, 20.Beta 19, 40.Bibliothecæ 35, 2.Bithynia 5, 43.Bitumen 35, 51.Blatta 29, 39.Blattaria 22, 60.Blitum 20, 93.Boa, morbus 24, 35.Boa, serpens 8, 14.Bœotia 4, 12.Boleti 22, 46.Bombyx Afsyria 11, 25. Coa
27. bombycina vestis 26.Bonafus 8, 16.Bos 8, 70.Bosporus Cimmerius 6, 6.Botryites 37, 55.Brassica 19, 41, 20, 53.Britannia 4, 30.Britannica herba 25, 6 & 55.Bromos 22, 79.Bruma 18, 63.Brya 24, 42.Bryon 12, 61. marinum 27,
33.Bucardia 37, 55.Buglossos 25, 40.Bulbi 19, 30, 20, 40.Buphthalmos 25, 42.Bupleuron 22, 35, 27, 34.Buprestis 22, 36.Butyrum 28, 35.Buxus 16, 28.

C.

C. in numeris significat centum.

C. significat centies centena millia.

CADMIA 14, 22.Cælatura 7, 39, 33, 55.Cælum 2, 1. ejus colores 27.Cælestes coronæ 28. trabes
26. cælestia prodigia 25.Cæruleum 33, 57.Calami 16, 64. fistulatorii 66.
sagittarii, scriptorii 65.Calamus odoratus 12, 48.Calculorum cruciatus 7, 39.Calculosis quales aquæ con-
veniant 21, 5.Caltha 21, 16.Calx 36, 53.Camelopardalis 8, 27.Camelus 8, 26, 28, 26.Cancamum 12, 44.Cancri 32, 19.Caniculæ ortus 2, 40.Caniculæ, pisces 9, 70, 32,
26.Canis 8, 61, 29, 14. contra
ejus rabiem remedia 8, 63.29, 32, 32, 20.Cannabis 20, 98.Cantharides 11, 41, 29, 29
& 30.Capilli defluvia 28, 46.Cappadocia 6, 3.Capparis 13, 44.Capra 8, 76, 28, 42.Caprificatio 15, 31, 17, 44.Caprificus 23, 64.Carbunculus, gemma 37, 25.

X iv

- Carbunculus, morbus 26, 4.
 Carchedonius, gemma 37, 30.
 Cardamomum 12, 29.
 Cardui 19, 43, 20, 99, 21,
56, 22, 8.
 Careum 19, 49.
 Carmania 6, 27.
 Caryophyllon 12, 15.
 Caseorum genera 11, 96, 28, 14.
 Caspiæ portæ 6, 17.
 Calpium mare 6, 15.
 Castanæ 15, 25.
 Castor 8, 49.
 Castores 2, 37.
 Castoreum 8, 47, 32, 13.
 Caucasæ portæ 6, 12.
 Cedrus 13, 11, 24, 11.
 Censu 7, 50, 33, 5 & 13.
 equestris ordinis 33, 8.
 Centaureon panace 25, 14.
 Centaurion 25, 30.
 Ceparum genera 19, 32, 20,
20.
 Cera 22, 55.
 Ceraforum genera 15, 30, 23,
72.
 Ceraunia 37, 51.
 Cercopithecus 8, 30.
 Cervisia 19, 14, 22, 82.
 Ceruffa 35, 20.
 Cervus 8, 50, 28, 42.
 Chalcantum 33, 32.
 Chalcitis 33, 29.
 Chamædaphne 24, 81.
 Chamæleon 8, 51, 28, 29.
 Chamæplatanus 12, 6.
 Chamælea 24, 82.
 Chios insula 5, 38. Chia terra
35, 56.
 Chlorio 10, 45.
 Chondrillon 22, 4.
 Chrysalides 11, 37.
 Chryseletrum 37, 43.
 Chrysocolla 33, 26 & 28.
 Chrysocome 21, 26.
 Chrysolithus 37, 42.
 Ciceris genera 18, 32, 22, 72.
 Cichorium 20, 30, 21, 52.
 Cicinum oleum 15, 7, 23, 41.
 Ciconiæ 10, 31.
 Cicuta 25, 95.
 Cimex 29, 17.
 Cimolia creta 35, 57.
 Cineris usus 17, 5.
 Cinnabaris 33, 38.
 Cinnamum 12, 42 & 63.
 Cisternæ 36, 52.
 Citreum malum 13, 31.
 Citrus 13, 29, 23, 56. citreæ
 menfæ 13, 30.
 Clematis 24, 89. Ægyptia,
24, 90.
 Cleopatra regina 21, 9.
 Climata 2, 71, 6, 39.
 Clupea terra 35, 59.
 Clypei ardentes 2, 34. cly-
 pei imaginum 35, 3.
 Necos 21, 107.
 Cnidium granum 13, 35.
 Coccum 16, 12.
 Coccus 9, 65.
 Colocasia 21, 51 & 102.
 Colocynthis 20, 8.
 Colores 35, 12 & 31.
 Colossi in urbe Româ cele-
 berrimi 34, 18.
 Colossinus flos 21, 27.
 Colum 26, 6.
 Columbæ 10, 52. earum pre-
 tia 53.
 Columnæ & columnarum ge-
 nera 36, 55.
 Cometæ 2, 22.
 Comitialis morbus 28, 63.
32, 37.
 Commagenum 10, 28, 29, 13.
 Concharum genera 9, 52.
 Conchylia 32, 23. conchy-
 liatæ vestes 9, 64.
 Conyza 21, 32.
 Corchorus 21, 106.
 Corna 15, 31.
 Cornix 10, 14.
 Cornus 33, 79.
 Corocotta 8, 45.
 Corona civica 16, 3. frondea
16, 5. graminea 22, 4. co-
 ronarum origo 16, 4, 21, 3.
 Coronæ cælestes 2, 28.
 Coronopus 21, 59, 22, 22.
 Corruda 20, 40.
 Corsica insula 3, 12.
 Corvus 10, 15. ob corvum
 seditio 10, 60.

- Costus 12, 25.
 Cotes 36, 47.
 Coticulæ aurariæ 33, 43.
 Cotoneorum genera 15, 19.
 Coturnix 10, 33.
 Crabrones 11, 24.
 Cracca 28, 41.
 Creta infula 4, 20.
 Creta Cimolia, Sarda, Umbrica 35, 57.
 Crocodilus 8, 37 & 40, 28, 28.
 Crocus 21, 17 & 71.
 Crytalli natura 37, 9.
 Cucumeres 19, 23, 20, 1 & 4.
 Cucurbita 19, 24, 20, 7.
 Culex 19, 58.
 Cuminum 20, 57.
 Cunila 20, 61.
 Cupressus 16, 60, cupressinum oleum 23, 45.
 Curatium 32, 11.
 Curtis candor 28, 50.
 Cyanos 21, 17.
 Cyathus 21, 109.
 Cyclades 4, 20.
 Cyclaminos 25, 67.
 Cyma 20, 35.
 Cynoglossos 24, 41.
 Cynolorchis 27, 42.
 Cyperus 21, 70.
 Cypiros 21, 67.
 Cypros 12, 51, 23, 46.
 Cyrenaica 5, 5, ejus arbores 13, 33.
 Cytinus 23, 59.

D.

D. in numeris significat quingenti.

D. significat quingenties centena millia.

- D**ACIA 4, 25.
 Dactyli 9, 87, 32, 53.
 Dactyli idæi 37, 61.
 Dactylos 24, 109.
 Damafonion 25, 77, 26, 12.
 Daucus 19, 27, 25, 64.
 Decapolis 5, 16.
 Decuriæ judicum 33, 7.
 Delphinus 9, 7.
 Denarius 21, 109, 33, 13 & 46.
 Dentes 11, 61, dentium dolores 25, 105, 28, 49, 30, 8, 32, 26.
 Deus 2, 5.
 Dianæ ephesiæ templum 36, 21.
 Dionysias, gemma 37, 57.
 Diplosos 27, 47.
 Diphryx 34, 37.
 Diphyes, gemma 37, 57.
 Dodecatheon 25, 9.
 Dona militaria 33, 10.
 Doris 4, 13.
 Drachma 21, 109.
 Draco 8, 7, 29, 20, a dracone agnitus & servatus 8, 22, draco marinus 9, 43, 32, 17.
 Dracontites, gemma 37, 57.
 Dracontium 24, 91.
 Dracunculus 24, 93.
 Druidæ Galliarum 30, 4, druidarum angulum ovum 29, 2.
 Dryophonon 27, 49.
 Dryopteris 27, 48.
 Dupondius 33, 8.
 Dysenterici 28, 58, 30, 19.

E.

- E**BRITAS 14, 28, 30, 51, 32, 49.
 Ebulum 25, 71.
 Ebusitana terra 35, 59.
 Echeneis piscis 9, 41, 32, 2.
 Echinus 32, 20.
 Echnephas 11, 49.
 Eclipses 2, 7, & 30 & 72.
 Edera 16, 62, 24, 47.
 Elæomeli 23, 50.
 Elate 12, 62.
 Elaterium 20, 1.

Elatine 26, 50.
 Electrum 33, 23.
 Eleliphacus 22, 71.
 Elementa 2, 4.
 Elephantī 8, 1, 28, 24.
 Elephantī, pisces 32, 53.
 Elephantiasis 26, 5.
 Empetros 27, 51.
 Empirice 29, 4.
 Emplastratio 17, 26.
 Encardia, gemma 37, 58.
 Encaustum 35, 39 & 41.
 Enhæmon 12, 38.
 Enneaphyllon 26, 54.
 Eon 12, 39.
 Ephedra 26, 20.
 Ephemeron 25, 107.
 Epimedium 26, 53.
 Epiphora 29, 11.
 Epirus 4, 1.

Epithymon 26, 35.
 Equeſter ordo 33, 8.
 Equus 8, 64.
 Eretria terra 35, 21 & 34.
 Erice 24, 39.
 Erigeron 25, 106.
 Erineos herba 23, 65.
 Eriophorus bulbus 19, 10.
 Erithace 11, 7.
 Erucæ 19, 58.
 Eryngion 22, 8.
 Erysiceptron 24, 69.
 Etesia 2, 48, 18, 74.
 Eubœa 4, 21.
 Evonymus 12, 38.
 Eupatoria 25, 29.
 Euphorbia 25, 38.
 Euphrates 1, 20.
 Europa 3, 1. ejus menſura
4, 37.

F.

FABA 18, 30, 22, 69.
 Faba græca 16, 53, 24, 2.
 Facies 11, 51. ad ejus vitia
 remedia 28, 50, 30, 10 & 30.
 Fax aceti 23, 32. ſapæ 33.
 vini 31.
 Fames, quibus ſedatur 11, 118.
 Far 19, 11.
 Farina 22, 58.
 Farrago 18, 41.
 Faſcoli 18, 30.
 Faucium remedia 30, 11.
 Favonius 18, 64.
 Fel 11, 74, 28, 40.
 Feles 10, 83 & 94.
 Felicitas ſumma 7, 41 & 47.
 Femina 7, 13 & 35.
 Femur bubulum, herba 27, 56.
 Fermentum 18, 26.
 Ferrum 34, 39.
 Fertilitas ſumma 18, 51.
 Ferula 20, 98.
 Fibri 8, 49, 32, 13.
 Ficorum genera 15, 20, 23,
63. caprificatio 15, 21, 17,
44, 23, 64.
 Ficus Alexandrina 13, 14. Cy-
 pria 13, 15. Indica 12, 11.
 Figlina opera 25, 46.
 Fimus 7, 6. ejus uſus 17, 8 & 46.

Fiftularum remedia 26, 78.
 Flores 21, 1 & 9. æſtivi 39.
 verni 38. florum quàm lon-
 ga vita 40.
 Fluminum mirabilia 2, 106.
 Foci prodigia 36, 70.
 Folia 16, 33. eorum colores
35. mirabilia 38. folia oleæ
23, 34. oleaſtri 38. vitium 3.
 Fontium mirabilia 2, 106.
 Formacei parietes 35, 48.
 Formicæ 11, 36. contra for-
 micas remedia 19, 58, 29, 29.
 Fortitudo ſumma 7, 29.
 Fortunatæ Inſulæ 6, 37.
 Fractorum ossium remedia 28,
65, 29, 40.
 Fraxinus 29, 30.
 Frons 11, 51.
 Fructus ante folia 16, 49.
 Frugum genera 17, 9. morbi
44. remedia 45.
 Frumenti ſervandi ratio 18, 73.
 Fuci 11, 11.
 Fulgura 2, 52 & 55. 7, 48.
 Fulmina 2, 51 & 54.
 Fulviana herba 26, 57.
 Fungi 22, 47.
 Furunculorum remedia 26, 77.
30, 34.

G.

GABALIUM, 12, 45.
Gades 2, 67, 3, 3.
Gæodes 36, 32.
Gagates 36, 34.
Galata terra 25, 19.
Galbanum 12, 56, 24, 13.
Galgulus 10, 36.
Galla 16, 9, 24, 5.
Gallia Aquitanica 4, 33. **Bel-**
gica 31. **Lugdunensis** 32.
Gallidraga 27, 62.
Gallinacel 10, 24, 29, 25.
Gallinæ 10, 71, 29, 25. earum morbi & remedia 10, 78. optimarum signa 77.
Ganges 6, 22.
Garum 31, 43.
Gemmæ 37, 1. earum dactylothea 4. figuræ 65. probandarum ratio 66. scalptores optimi 4.
Genista 24, 40.
Genitalia 11, 109.
Gentiana 25, 34.
Gentium mirabiles figuræ 7, 2. sublatæ ab animalibus 8, 43.

Genua 11, 102. eorum sacra religio 103.
Geometria 7, 38.
Geranium 26, 68.
Gingidium 20, 16.
Gith 19, 52, 20, 71.
Glandiferae arbores 16, 3.
Glandium genera 16, 6.
Glaucomata 29, 38.
Glaux 27, 58.
Glossopetra 37, 59.
Glottis 10, 33.
Glutinum chartarum 13, 26.
Glycyrrhiza 22, 11.
Gnaphallium 27, 61.
Gnomon in campo martio 36, 15.
Gnomonica 2, 74.
Græcia 4, 14. ejus arbores 13, 35.
Grues 10, 30.
Gryllus 29, 39.
Gryphes 10, 70.
Gummium genera 13, 20, 24, 64.
Guttur 11, 68.
Gypsum 36, 19.

H.

HÆMATOPODES 10, 64.
Halcyones 10, 47.
Halcyoneum 33, 27.
Hammoniaci lacrima 12, 49, 24, 14.
Hammonis cornu 37, 10.
Harmonica mundi ratio 2, 113.
Hedypnois 20, 31.
Helcysma 33, 35.
Helenium 21, 33 & 91.
Heleoselinum 20, 46.
Heliochryfos 21, 38.
Heliochrysum 21, 96.
Heliotropium, herba 21, 60, 22, 39.
Heliotropion, gemma 37, 60.
Hellepontus 5, 40.
Helxine 21, 56.
Heracleon 25, 15.
Herbæ 25, 1. earum usus scri-

ptores 2. notabillum herbarum inventores 7. reperi-
 tæ a gentibus 43. ab animalibus 50.
Herinaceus 8, 56.
Hermaphroditi 11, 109.
Herophilus medicus 29, 5.
Hexecontalithos gemma 37, 60.
Hiatus terræ 2, 82.
Hibiscum 20, 14.
Hierabotane 25, 59.
Hieracia 20, 26.
Hinnuleus 8, 50, 28, 42.
Hipparchus 2, 24.
Hippocampus 22, 23.
Hippocrates 29, 2.
Hippomarathrum 20, 96.
Hippophaes 21, 54.
Hippophæston 27, 66.
Hippopotamus 8, 39, 28, 31, 33, 50.

- Hippophyes 22, 14.
 Hippocelinum 20, 46.
 Hircus 28, 43, 37, 15.
 Hirudines 8, 11, 32, 42.
 Hirundines 10, 34.
 Hispania 2, 2, 4, 34, ejus
 laus 37, 77.
 Holcus 7, 62.
 Holochryfos 21, 24.
 Holoschoenos 21, 71.
 Holosteon 27, 65.
 Homerus doctrinarum & an-
 tiquitatis parens 5, 5. in-
 geniorum fons 17, 5.
 Homines marini, pisces 9,
 4, 32, 53.
 Homo 7, 1. ejus conceptus
 & generatio 9. ingenia 30.
 magnitudo 16. spatia vitæ
 longissima 49. ex homine
 remedia 28, 1. ex muliere
 28, 20.
 Hordeum 18, 13 & 18, 22,
 65.
 Horminum 18, 21, 20, 43.
 22, 76.
 Horologia 7, 60. primum ho-
 rologium 2, 78.
 H-S. sestertia.

H-S. sestertia, seu mille ses-
 tertii.

H-S. X. decies centena mil-
 lia sestertiorum.

H-S. M. vel MM. millies,
 vel bis millies centena mil-
 lia sestertiorum.

Hortensiorum morbi 19, 57.

Horti 19, 60. pensiles 16,
 20. hortos rigandi ratio 19,
 50.

Hyacinthus, herba 21, 38
 & 97.

Hyacinthus, gemma 37, 41.

Hyæna 8, 44, 28, 27.

Hyæna, piscis 32, 65.

Hydrargyrum 33, 41.

Hydri 9, 22, 32, 33.

Hydromeli 34, 36.

Hydropici 28, 68.

Hyoscyaminum oleum 15, 72,
 13, 49, 35, 17.

Hyoscyamus 25, 17.

Hyosiris 27, 64.

Hypecoon 27, 68.

Hypericum 6, 53.

Hypoglossa 27, 67.

Hyslopum 25, 87.

Hystrix 8, 53.

I.

- I**ANTHINA vestis 21, 14.
 Iasione 22, 39.
 Iaspis 37, 37.
 Iberis 25, 49.
 Ibis 10, 40.
 Ichneumon 8, 36.
 Idæa 27, 69.
 Idæi dactyli 37, 61.
 Idumæa 5, 14 & 45.
 Ignis sacer 26, 74, 28, 69.
 30, 32.
 Ignium miracula 2, 107 &
 111, 36, 68. quæ loca sem-
 per ardeant 2, 110. ignis
 animal 11, 43.
 Ileos 30, 20.
 Ilex 16, 8 & 91. ilicis coc-
 cus 24, 4.
 Myricum 2, 25.

Imaginum honos 35, 2.

Immutilus 10, 8.

Inaurandi ratio 33, 20.

Incantamenta 28, 3.

India 6, 21. in Indiam navi-
 gationes 6, 26.

Indica, gemma 37, 61.

Indici maris bellæ 9, 2.

Indicum 35, 27.

Infantium morbi 28, 78, 30,
 47.

Ingenia præcipua 7, 30.

Inoculatio 17, 23.

Insecta 11, 1. subtilitas in his
 naturæ ibid.

Insitio 15, 17, 17, 22 & 24.

Insulæ Adriatici maris 3, 30.

Ægæi 4, 19. Æthiopici 6,
 36. Ionii 3, 30. ante Asiam.

- 3, 34. circa Africam 5, 7. in
 Atlantico mari 4, 36. in
 Gallico oceano 4, 29. in
 Ponto 4, 27. 6, 13. in Pro-
 pontide 5, 44. insulæ For-
 tunatæ 6, 37. insulæ enaf-
 centes 2, 88.
 Intervalla arborum 17, 17.
 Intubi 19, 39. 20, 29.
 Inula 19, 29.
 Jocineris dolores 28, 55. 32,
 30.
 Ion, gemma 37, 61.
 Ionia 5, 31.
 Ionium mare 3, 30.
 Jovis, gemma 37, 61. flos
 21, 63.
 Irio 22, 75.
 Iris 21, 19.
 Iaurica 5, 33.
 Isidis plocamos 13, 52.
 Istria 3, 23.
 Italia 3, 6. ejus lans 37, 77.
 undecim regiones 3, 7 & 16.
 Judæa 5, 16.
 Judicum decuriæ 33, 7.
 Jugerum 18, 3.
 Julii Cæsaris dictatoris laus
 7, 25.
 Juniperus 24, 36.

L.

L. In numeris quinquaginta.

L. Quinquagies centum millia.

- L**ABRUM Venereum 25,
 108.
 Labrusca 14, 18. 23, 14.
 Labyrinthi 36, 20.
 Lac 11, 96. ejus usus 28, 21.
 Lacerti 8, 60.
 Laconia 4, 8.
 Lactes 11, 79.
 Lactuca 19, 38. 20, 24.
 Ladanium 12, 37.
 Lagopus 10, 79. 26, 35.
 Lamium 21, 55. 22, 16.
 Lanæ genera 8, 71. ex ea re-
 media 29, 9.
 Lapathum 20, 85.
 Lapides 36, 50. molares 36,
 30. ossei 36, 29. cælo ca-
 dentes 2, 69.
 Lapis specularis 36, 45.
 Lappa 21, 64. boaria 26, 66.
 Lappago 26, 65.
 Lapiana 20, 37.
 Larix 16, 19.
 Laser 22, 49.
 Lateres 35, 49.
 Lathyrus 27, 74.
 Laurus 15, 39. 23, 80. lauri-
 num oleum 23, 43.
 Legumina 18, 30. eorum sa-
 pio 61.
 Lemonium 25, 61.
 Lendes 29, 35.
 Lens 18, 31. 22, 70.
 Leo 8, 17. 28, 25. leonum
 mirabilia 8, 20.
 Leontopetalon 27, 72.
 Leontophonos 8, 57.
 Leontopodion 26, 34.
 Lepidium 19, 51. 20, 70.
 Leporum genera 8, 81.
 Lesbos insula 2, 39.
 Leucanthemum 21, 93.
 Leucochrysos, gemma 37,
 44 & 62.
 Libanotis 19, 62.
 Libri Numæ 13, 27.
 Liburnia 3, 25.
 Libya 5, 6.
 Lien 28, 57. 32, 32.
 Ligusticum 19, 50. 20, 60.
 Ligustrum 12, 51. 24, 45.
 Lilium 21, 11 & 74.
 Limitatio agrorum 18, 77.
 Linea ab Apelle ducta 35, 36.
 Lingulaca 25, 84.
 Linozostis 25, 18.
 Linum 19, 1.
 Literarum antiquitas 7, 58.
 Lithospermon 27, 74.
 Lithostrota 36, 64.

- Locris 4, 4.
 Locustæ 11, 35.
 Loligo 8, 45.
 Lolium 22, 77.
 Lonchitis 25, 88.
 Lotometra 22, 28.
 Lotos, arbor 13, 33.
 Lotos, herba 22, 28.
 Lumborum dolores 28, 56.
 Lunæ defectus 2, 7 & 10.
 motus 2, 11. potentia 2,
 102. 11, 76. ratio 18, 75.
 a lunâ prognostica 18, 79.
 Lupinum 18, 36, 22, 74.
 Lupus 8, 34.
 Lupus, piscis 9, 28.
 Lulcinia 10, 43.
 Lusitania 4, 35.
 Lutra 8, 47.
 Lux dierum noctibus 2, 33.
 Luxata 28, 70.
 Luxuria invec̃ta Romam 33,
 53. maris 9, 53. in crys-
 tallo 37, 10. in marmori-
 bus 36, 1.
 Lycaon 8, 52.
 Lycaonia 5, 25.
 Lychnis 21, 39 & 98.
 Lychnitis, gemma 37, 29.
 Lycia 5, 28.
 Lycium 12, 15.
 Lydia 5, 30.
 Lygdinum marmor 36, 13.
 Lyncurium 37, 13.
 Lynx 8, 30 & 57. 28, 32.
 Lysimachia 25, 35. 26, 93.

M.

M. in numeris significat mille. MM, duo millia.
M. millies. MM. bis millies centena millia.

M A C E D O N I A 4, 17.

- Macir 12, 16.
 Mæotis 4, 24, 6, 7.
 Magices genera 30, 5. origo
 30, 1.
 Magnes 36, 25.
 Magnesia 4, 16.
 Magorum perfugia 30, 6.
 Magydaris 19, 16.
 Malobathron 12, 60, 23, 48.
 Malorum genera 15, 14. ma-
 lum citreum 12, 31. ma-
 lus Afsyria 12, 7.
 Maltha 36, 58.
 Malva 20, 84.
 Mandragora 25, 94.
 Manes 7, 56.
 Marina 29, 38.
 Mare altissimum 2, 105. sal-
 sum 104. maris æstus 99.
 miracula 101. mari inter-
 ruptæ terræ 90. permutatæ
 92. urbes haustæ 94. e ma-
 rinâ aquâ remedia 21, 33.
 marinam aquam faciendi ra-
 tio 34. quomodo dulcescit
 37.
 Mareotis 5, 6.
 Margaritæ 9, 54. quomodo
 inveniantur 55. a quibus de-
 voratæ 58 & 59.
 Marmora 36, 1. ea secandi
 ratio 9.
 Marmoraria 7, 39.
 Maron 12, 53.
 Marrubium 20, 89.
 Mastiche 12, 36.
 Materiæ architectonicæ 16,
 81. fabriles 82. glutinandæ
 83.
 Mathematicæ artes 30, 1.
 Mauritaniz 5, 1.
 Meconium 19, 76.
 Media 6, 17.
 Medicatæ aquæ 31, 32.
 Medicina nova 26, 7. vetus
 26, 8. 30, 1. medicinæ
 origo 29, 1. præmia 3 &
 5. vitia 8.
 Medulla 28, 39.
 Mel 11, 12, 22, 50. venena-
 tum 21, 44. 29, 31. 32, 16.
 Melampodium 25, 21.
 Melancholici 28, 67.

- Melancoryphi 10, 44.
 Melanthium 20, 71, 31, 38.
 Meleagrides 10, 38.
 Melichryfos, gemma 37, 45.
 Melilotus 21, 87.
 Melinum 35, 19.
 Melissophyllon 20, 45, 21, 86.
 Melitites 22, 54.
 Melitites lapis 36, 33.
 Melothon 21, 29.
 Memnonia gemma 37, 63.
 Memnonides aves 10, 37.
 Memoria 7, 24.
 Menfes feminarum 7, 13, 28,
23.
 Mensura terræ 6, 38.
 Mensuræ Atticæ, Romanæ
21, 109.
 Menta 19, 47, 20, 53.
 Mentastrum 20, 52.
 Merops 10, 51.
 Mesopotamia 6, 30.
 Mespilus 15, 22, 23, 73.
 Messenia 4, 7.
 Messes 18, 72.
 Metalla 33, 1, eorum glutinum
30.
 Meum 20, 94.
 Miliaria herba 22, 78.
 Militaria dona 33, 36 & 38.
 Milium 18, 10, 22, 62.
 Millepeda 20, 10.
 Millepeda, centipeda 29, 39.
 Mina 21, 109.
 Mithridates venenum bibere
 affuetus 25, 3.
 Mithridatia 25, 26.
 Mna 21, 109.
 Moesia 3, 29.
 Molares lapides 36, 30.
 Molochæ agria 20, 14.
 Molochites, gemma 37, 36.
 Moly 21, 105, 25, 8.
 Moneta falsa 33, 46.
 Morbi novi 26, 1, morborum
 exempla 7, 51, morbus re-
 gius 26, 76.
 Mores imperii a quibus per-
 diti 29, 8.
 Mortis exempla 7, 52 & 54.
 portus optimi mors 25, 72.
 Motus 2, 3, terræ motus 2,
83.
 Mugil 9, 26.
 Mularum natura 8, 69.
 Mulierum purgationes 28, 77.
 Mulierum genera 9, 30.
 Mulsom 22, 53, aqua mulsæ 52.
 Mundus 2, 1 & 21, mundi
 harmonica ratio 2, 113.
 Muræna 9, 23 & 39, 32, 20
 & 53.
 Murex 16, 60, 32, 23.
 Mures Alpini, Pontici 8, 55.
 in Nilo 9, 84.
 Muria 31, 40 & 44.
 Murrhina 37, 8.
 Mus araneus 29, 27.
 Mus marinus 32, 23.
 Muscæ 29, 24, mel quod non
 attingunt 21, 46.
 Muscus 31, 38.
 Mustela 9, 29, 29, 16.
 Mustum 23, 18.
 Myagros 27, 81.
 Myosotis 27, 80.
 Myrice 24, 41.
 Myrobalanus 12, 46.
 Myrrha 12, 33.
 Myrrhis 24, 97.
 Myrrhitis, gemma 37, 63.
 Mysia 5, 40.
 Myrteum oleum 23, 44.
 Myrtidanum 14, 19, 23, 82.
 Myrtus 15, 35, 23, 81 & 83.
 Myxæ 15, 12.

N.

- N **API** 18, 35, 20, 11.
 Naphtha 2, 109.
 Narbonensis provincia 3, 5.
 Narcissus 21, 12 & 75.
 Nardus 12, 26, Gallicus 21,
79.
 Nafamonitis, gemma 37, 64.
 Natrix 27, 83.
 Natura rerum omnium arti-
 fex 2, 1, parens, an no-
 verca homini 7, 1.
 Navigatio maris & fluminum
2, 66, navigationes in In-
 diam 6, 26.

Nauplius 9, 49.
 Nebritis, gemma 37, 64.
 Nepeta 20, 56.
 Nereides 9, 4, 32, 53.
 Nero magices studiosus 30, 5.
 hostis generis humani 7, 6.
 domus ejus aurea 33, 16.
 Nilion, gemma 37, 35.
 Nilus 5, 10.
 Nitrum 31, 46.
 Nix 2, 61. nivis animalis, 41.
 Noctuae 10, 19.
 Noricum 3, 27.

Nubes 2, 61, 18, 82.
 Nuces 15, 24. Græcæ 23, 76.
 juglandes 23, 77.
 Numæ libri 13, 27.
 Numerorum ratio vetus 33,
46.
 Numidia 5, 2.
 Numidicæ aves 10, 67.
 Nummus aureus 33, 13.
 Nyma 27, 82.
 Nymphæa 25, 37, 26, 61.
 Heraclia 26, 28.
 Nymphææna, gemma 37, 64.

O.

OBELISCUS 36, 14. obeliscus pro gnomone in campo Martis 15.
 Obliquitas Signiferi 2, 6.
 Obolus 21, 109.
 Obsidiana, ad similitudinem lapidis 36, 67. obsidiana gemma 37, 65.
 Oceanus 2, 67. Eous 6, 19.
 Gallicus 4, 29 & 34. Scythicus 6, 14. oceani maximæ belluæ 9, 3.
 Ochra 35, 16.
 Ocimum 18, 42.
 Oculi 11, 52, 29, 38.
 Ocimum 19, 44, 20, 48.
 Oenanthe 21, 95. oenanthinum oleum 23, 40.
 Oenanthe, avis 10, 45, 23, 5.
 Oesypum 29, 10.
 Olea 15, 1, 23, 34. olearum cultura 15, 6, 17, 29.
 Oleaster 22, 38, 24, 34.
 Oleum 15, 6.
 Olivæ genera 15, 4.
 Olor 10, 32.
 Olusatrum 19, 48, 20, 46.
 Olyra 22, 57.
 Omphacium 23, 4 & 39.
 Onager 8, 46.
 Oniscus 29, 39.
 Onobrychis 24, 98.
 Onochilon 22, 25.
 Onocrotalus 10, 66.
 Onopordon 27, 87.

Onothera 26, 6.
 Onyx, gemma 37, 24. lapis 36, 12.
 Opalus, gemma 37, 21.
 Opes maximæ 33, 47.
 Ophion 38, 42.
 Ophrys 26, 93.
 Opimianum vinum 14, 16.
 Oporice 24, 79.
 Opuntia 24, 64.
 Orca 9, 5.
 Orchis 26, 62.
 Oreoselinum 20, 46.
 Origanum 20, 67. Heraclion 69.
 Ornithogale 21, 62.
 Orobanche 22, 80.
 Oryza 18, 13.
 Ossa fracta 28, 65.
 Ossei lapides 36, 29.
 Osthænes, magus 30, 2 & 5.
 Ostracites 36, 31.
 Ostracitis, gemma 37, 65.
 Ostrea 9, 60, 32, 21. an-tilis auditus 10, 88.
 Oxyris, herba 27, 88.
 Othonna 27, 85.
 Otis 10, 29, 30, 45.
 Otus 10, 33.
 Oves 8, 72, 30, 53.
 Ovorum genera & naturæ 10, 74. eorum incubitus 75. ex ovis medicinæ 29, 11.
 Oxymell 14, 21, 23, 29.
 Oxys 27, 89.

P.

- P**ÆONIA 25, 10.
 Palæstina 5, 14.
 Paliurus 16, 53. 24, 71.
 Paliurus, Cyrenaicæ 13, 33.
 Palmæ 13, 6. 16, 37. 23, 51.
 Pamphylia 5, 26.
 Panax 12, 57.
 Pani, morbus 21, 75. 32, 34.
 Panicum 18, 25.
 Panis 18, 27. 22, 68.
 Pannonia 3, 28.
 Papaver 19, 53. 20, 76.
 Paphlagonia 6, 2.
 Papyrus 13, 21.
 Parafanga 6, 30.
 Parilia 18, 66.
 Pæffus 2, 21.
 Pastinaca 19, 27. 20, 14.
 Pavimenta 36, 60. Græcanica 63. Romæ 61.
 Pecorum natura 8, 72.
 Peloponnesus 4, 5.
 Pensiles horti 36, 20.
 Pepones 19, 23.
 Perfrictiones 26, 71.
 Persea 15, 13.
 Persica arbor 13, 17. 23, 67.
 Persicus sinus 6, 28.
 Persis 6, 28. Persidis arbores 12, 20.
 Perfolata 25, 66.
 Perfoluta 20, 108.
 Petroselinum 20, 47.
 Pezicæ 19, 14.
 Phalangium 29, 27.
 Pharos 36, 18.
 Phasiana avis 10, 67.
 Phengites lapis 36, 46.
 Phidias 34, 19. 36, 4.
 Phocæ, pisces 9, 15.
 Phœnice 5, 17.
 Phœnicobalanus 12, 47.
 Phœnicopterus 10, 68.
 Phœnicurus 10, 44.
 Phœnix 10, 2.
 Phrygia 5, 41.
 Phrygius lapis 36, 36.
 Pathiotis 4, 14.
 Phu, herba 21, 80.
 Picæ glandares 10, 59.
 Picea 16, 18.
 Pictura 7, 39. 35, 1. ejus initia 35, 5. nobilitates 35, 34.
 Picus Martius 10, 20.
 Pinafer 16, 17.
 Pinus 16, 16.
 Piper 12, 14.
 Piperitis 20, 56.
 Pira 15, 16. 23, 62.
 Pisces 9, 1. eorum genera 74. inimicitæ & amicitæ 88. morbi 73. pisces literarum ordine recensiti 32, 53. ab Ovidio nominati 54.
 Pisidia 5, 24.
 Pistachia 13, 10. 23, 78.
 Pisum 18, 31.
 Pix 16, 21.
 Plantago 20, 61. 25, 39.
 Plastices inventores 35, 43. nobilitates 45.
 Platanus 12, 3. 24, 29.
 Plumbum 34, 49.
 Podagra 26, 64. 28, 62. 30, 23. 32, 36.
 Polycnemon 26, 88.
 Polycratis gemma 37, 2.
 Polemonia 25, 28.
 Polenta 18, 14. 22, 59.
 Polium 21, 21.
 Polygonum 27, 91.
 Polypodium 26, 37.
 Pomorum genera 15, 9 & 37. poma servandi ratio 18.
 Pompeii Magni triumphus 7, 27. gemmæ in eo translatae 37, 6.
 Pompholyx 34, 33.
 Pondera Attica & Romana 21, 109.
 Populus 24, 32.
 Porcilaca 26, 81.
 Porculus marinus 9, 17.
 Porcus, piscis 32, 9.
 Porrum 20, 21.
 Portæ Caspiæ 6, 17. Caucasæ 12.
 Præcepta vitæ utilissima 7, 32.

Y

Tomus VI.

Prasius, gemma 37, 34.
 Praxiteles 34, 19, 35, 4.
 Pretia arborum insignia 17,
 1. hominum 7, 40.
 Prognostica a lunâ 18, 79.
 nebulis 83. nubibus 82. sole
 78. solstitiis 62. stellis 80.
 tempestatibus 86. tonitri-
 bus 81. ab animalibus 87.
 aquis 85. herbis 89. igni-
 bus terrestribus 84.
 Propolis 11, 6.
 Proserpinaca 27, 34.
 Prunorum genera 15, 12, 23,
 66 & 68.

Pruinæ 2, 61.
 Psilothrum 32, 47.
 Psimythium 34, 54.
 Psittacus 10, 58.
 Psyllion 25, 90.
 Ptilana 18, 14, 22, 66.
 Pulegium 20, 54.
 Puls 22, 59.
 Pumex 36, 42.
 Punicum malum 13, 34, 23,
 57. silvestre 23, 61.
 Puteolanus pulvis 35, 47.
 Pyralis 11, 43.
 Pyramides 36, 16.
 Pyrii gemma 37, 3.

Q.

QUADRANTAL 14, 16.
 18, 73.

Quercus 16, 8 & 31.

Quinarius 33, 13.

Quinquatrus 18, 56.
 Quinquefolium 25, 62, 26, 58.

R.

RADICULA 24, 58.
 Ranæ 8, 48, 32, 18 & 42.
 Rapa 18, 34, 19, 25, 20, 9.
 Raphanus 19, 26, 20, 12.
 Regius morbus 28, 64.
 Remedia adversus venena 25,
 79, 29, 31. contra varios
 morbos 25, 104, 26, 11,
 28, 43, 29, 34-36, 9. e
 gemmis 37, 9 & 54. lapi-
 dibus 36, 25. metallis 34,
 43. mulieribus 28, 20. ex
 animalibus 28, 24, 29, 9.
 aquatilibus 32, 15. homine
 28, 7.
 Resinæ 24, 22.

Rhacoma 27, 105.
 Rhamnus 24, 76.
 Rhinoceros 8, 29.
 Rhododendros 24, 53.
 Rhus 13, 13, 24, 54.
 Roma 3, 9. Romæ operum
 miracula 36, 24.
 Rosa 21, 10 & 73.
 Rosmarinum 24, 59.
 Rota, piscis 32, 53.
 Rubia 19, 17.
 Rubrica 35, 14.
 Rubus 19, 45, 20, 51.
 Rubus idæus 24, 75.
 Ruscum 21, 100.
 Ruta 19, 45, 20, 51.

S.

S. semissem significat.

SACCHARON 12, 17.
 Sal 31, 39 & 45.
 Salamandra 10, 86, 29, 23.
 Salicestrum 23, 15.
 Saliva 28, 7 & 22.
 Saliunca 21, 20.
 Salix 16, 68, 24, 37.
 Samaria 5, 14.

Sambucus 24, 35.
 Samia terra 35, 53.
 Samius lapis 35, 40.
 Samos insula 5, 37.
 Sandaraca 34, 55, 35, 22.
 Sandyx 35, 23.
 Sanguis 28, 41 & 73.
 Sanguifuga 32, 23 & 42.

Sanqualis avis 10, 8.
 Sapa 23, 33.
 Sapphiros 37, 39.
 Sarcocolla 26, 78.
 Sarcophagus lapis 28, 37.
 36, 27.
 Sarda, gemma 37, 31.
 Sardinia 3, 13.
 Sardonyx 37, 23.
 Sarmatia 4, 25.
 Scabies 28, 75.
 Scalprura 7, 39.
 Scammonia 26, 38.
 Scandix 21, 52, 22, 38.
 Scarabæus 11, 24, 30, 30.
 Scarus 9, 29.
 Scauri ædilitas 36, 8. mores
 prostravit 36, 24.
 Scilla 19, 30, 20, 39.
 Scincus 8, 38, 28, 30, 32, 16.
 Scirpus 16, 70.
 Scolopendra, piscis 9, 67.
 32, 53.
 Scolymos 22, 43.
 Scordotis 25, 27.
 Scorpio, herba 22, 17.
 Scorpio marinus 32, 23.
 Scorpiones 11, 70, 29, 22
 & 29.
 Scripulum 19, 4, 33, 13.
 Sculptores nobiles 36, 4.
 Scyrius lapis 36, 26.
 Scythia 4, 26.
 Scythica herba 26, 15.
 Secale 18, 40.
 Sedis vitia 28, 61.
 Seleucides aves 10, 39.
 Seminaria arborum 17, 14.
 Seminum probatio 18, 54.
 Sepia 9, 45, 32, 24.
 Sepultura 7, 55.
 Serendi tempora 18, 56 & 60.
 Seres 6, 20.
 Serichatum 12, 45.
 Serpentium genera 8, 35. eo-
 rum affectus 10, 96. den-
 tes & venenum 11, 62.
 ova 29, 12. adversus fer-
 pentes remedia 29, 15 & 22.
 Serpyllum 19, 55, 20, 90.
 Sesium 18, 22, 22, 64.
 Sevum 28, 38.

Sicilia 3, 14.
 Sicilicus 31, 31.
 Sideritis, gemma 37, 67.
 Siderum errantium natura 2,
 6. eorum intervalla 19. mo-
 tus 13 & 15. repentina si-
 dera 22. de sideribus mu-
 sica 20. siderum exortus &
 occasus 18, 58.
 Signiferi obliquitas 2, 6.
 Sil 33, 56.
 Silaus 26, 56.
 Sill 20, 18.
 Silicia 18, 39.
 Silicum natura 36, 49.
 Siligo 18, 20.
 Siliqua ceraunia 13, 16.
 Siliquæ 15, 26, 23, 79.
 Silphium 22, 48.
 Silybum 22, 42.
 Simæ 8, 80, 11, 100.
 Similago 18, 20.
 Sinapi 19, 54, 20, 87.
 Sinopis 35, 13.
 Sinus Arabicus & Persicus 6,
 28. maris Rubri 33.
 Sifer 19, 28, 20, 17.
 Sifymbrium 19, 55, 20, 91.
 Sium 22, 41.
 Smaragdus, gemma 37, 16.
 Smilax 16, 63.
 Smyrnum 19, 62, 27, 109.
 Sonchos 22, 44.
 Sol 2, 7. ejus defectus 10 &
 30. motus 17. potentia 103.
 plures soles 31. prognostica
 a sole 18, 78.
 Solanum 27, 108.
 Solis gemma 37, 67.
 Solstitium 18, 68.
 Somnus 28, 79.
 Sorba 15, 23.
 Sory 34, 30.
 Sparganium 25, 63.
 Spartum 19, 7.
 Specula 33, 45.
 Sphagnos 12, 50.
 Sphinx Ægyptia 36, 17.
 Spina Ægyptia 13, 19. alba
 24, 66. Indica 12, 10. re-
 gia 13, 46. spinarum ex-
 trahendarum remedia 28, 76.

- Spongiæ 16, 68, 31, 47, 32,
 53.
 Spongites lapis 36, 35.
 Sporades insulæ 4, 23.
 Stannum 34, 48.
 Statice 26, 33.
 Statuarum genera 34, 10.
 Stella marina, piscis 9, 86.
 Stellæ 2, 24. earum discursus
37. stellæ Castores 38.
 Stelliones 8, 49, 11, 31.
 Stercorario 17, 46 & 53.
 Sterilitatum causæ 18, 69.
 remedia 70.
 Sternutamenta 28, 15.
 Stibium 33, 33 & 34.
 Stimmi 33, 33.
 Stœbe 22, 13.
 Stœchas 26, 27, 27, 107.
 Stomatice 23, 58 & 71. ad
 foetorem 25, 110.
 Stomachus 28, 14.
 Strophiola 21, 1.
 Structuræ vitæ 36, 51.
 Struthiocamelus 10, 1.
 Strychnum 21, 52.
 Styraç 12, 55, 24, 15.
 Suber 16, 13, 24, 8.
 Succinum 37, 11.
 Sues 8, 77. suillus adeps 27,
37.
 Sulphur 35, 50.
 Syria 5, 13. Antiochia 18. ad
 Euphratem 21.
 Syricum 35, 24.
 Syites 5, 4.

T.

- T**ÆDA, arbor 16, 19, 24,
27.
 Tænarii lapides 36, 29.
 Talentum Ægyptium 33, 15.
 Atticum 35, 40.
 Talpæ 10, 78, 30, 7.
 Taphiusius lapis 36, 39.
 Taprobane insula 6, 24.
 Taurus mons 5, 26.
 Tempestates incertæ 2, 49.
 prodigiosæ 50. statæ 39.
 Tempora anni statâ 2, 41.
 ferendi 18, 56.
 Templorum admirabilia 36,
31 & 32. ornamenta ex ære
34, 7.
 Terebinthus 13, 12, 24, 18.
 Teredinum genera 16, 80.
 Terra 33, 1. in parallelos &
 umbras digesta 6, 39. ter-
 ræ forma 2, 64. locus 69.
 mensura 2, 112, 6, 38. na-
 tura 2, 63. varietates 35,
47. quæ ejus portio habi-
 tata 2, 68. terræ hiatus 82.
 motus 81 & 86. signa fu-
 turi motûs 83. contra futu-
 ros motus auxilia 84. ter-
 rarum spiracula 95. tremen-
 tes semper terræ 96. e ter-
 râ medicinæ 35, 55.
 Testudinum genera 9, 12, 32,
14.
 Teucra 24, 80. 25, 20.
 Thalassomeli 31, 35.
 Thales 2, 9.
 Theatrum C. Curionis 36,
24. M. Scauri, ibid.
 Thebaicus lapis 36, 43.
 Thebais 5, 9.
 Thelyphōnon 25, 75.
 Theriacæ compositio 20, 100.
 Thessalia 4, 15.
 Thlaspi 27, 113.
 Thoes 8, 52.
 Thracia 4, 18.
 Thus 12, 31.
 Thymus 21, 31 & 89.
 Thynnus 9, 18.
 Tiberis 3, 9.
 Tigris 8, 25.
 Tigris, fluuius 6, 31.
 Tilia 16, 25, 24, 34.
 Tinæ 11, 41.
 Tithymalorum genera 26, 39.
 Tonitrua 2, 43.
 Tonsillæ 28, 51.
 Tonfores 7, 59.
 Topasius, gemma 37, 32.
 Tophus 36, 48.
 Torpedo 32, 2.
 Trabes caelestes 2, 26.

Tragacantha 13, 36.
 Tragopogon 27, 118.
 Tragoriganum 20, 68.
 Tragos 18, 20.
 Tribulus 21, 58, 22, 12.
 Trichomanes 27, 111.
 Trifolium 21, 30 & 88.
 Tritones 9, 4, 32, 53.
 Trixago 24, 80.

Troas 5, 33.
 Troglodytice 6, 14.
 Tuberes 19, 13.
 Turbines 19, 13.
 Tursio 9, 11.
 Tussilago 26, 16.
 Tussis 28, 53.
 Typhon 2, 49.

U.

VENENORUM remedia 25,
79, 28, 45, 29, 33, 32, 16.
 Venereum labrum 25, 108.
 Veneris crines, gemma 37,
69.
 Veneris pecten 24, 114.
 Ventorum nomina 2, 46, ori-
 go 44, ratio 18, 76.
 Verba & incantamenta 28, 3.
 Vergiliarum exortus 18, 67.
 Verrucæ 32, 45.
 Vesicæ cruciatus 28, 60.
 Vespæ 21, 14.
 Vestes conchyliatæ 9, 64, ve-
 stium genera 8, 74, pictura
35, 42.
 Vettonica 25, 46, 26, 25 &
69.
 Vicia 18, 27.
 Victoriatus 23, 50, 33, 13.
 Vincapervinca 21, 99.
 Vinum 14, 7, 23, 18. Opi-
 mianum 14, 16, generosa
 vina 14, 8, vini fictitii ge-
 nera 14, 19, 23, 26.

Viola 21, 14 & 76.
 Viperæ 8, 59, 29, 21 & 38.
 Virga sanguinea 24, 43.
 Viscum 16, 93, 24, 6.
 Vitæ longæ exempla 7, 50.
 Vites 14, 1, 23, 1, earum
 cultura 14, 3 & 5, 17, 24
 & 35.
 Vitex 24, 38.
 Vitulus 28, 43.
 Ulcera 28, 74.
 Ulmus 15, 29, 17, 15, 24,
33.
 Unedo 15, 28, 23, 79.
 Unguenta 13, 1, in his luxu-
 ria 13, 5.
 Uniones 9, 55, exempla cir-
 ca eos immensi luxûs 58.
 quando primum Romæ 59.
 Vomerum genera 18, 48.
 Urinæ signa 28, 19, 32, 35.
 Urtica 22, 15.
 Urtica, piscis 9, 68.
 Uva, piscis 9, 1, 32, 53.
 Vultur 10, 7, 29, 24.

X.

X. in numeris significat decem.

X. decies centena millia.

*X. denarium significat. p. x. ii. 111. id est ;
 pondere duorum , trium , denariorum.*

XANTHOS, gemma 37,
45 & 60.
 Xiphias, cometa 2, 22

Xiphias, piscis 32, 6.
 Xylobalsamum 12, 54.
 Xylocinnamomum 12, 42.

Z.

ZEPHYRUS 2, 46. 18, 77. Zopiffa 24, 26.
 Zeuxis 35, 36. Zoroastres 30, 2.
 Zingiberi 12, 14. Zofter 26, 74.
 Zonarum obliquitas 2, 70. Zythum 22, 82.

F I N I S.

 A P P R O B A T I O N.

J'AI lu, par ordre de Monseigneur le Garde des Sceaux, cette nouvelle réimpression de *l'Histoire Naturelle de Plin.* Si les connoissances accumulées dans cette partie depuis cet ouvrage immortel, semblent le rendre aujourd'hui de peu de secours pour les Savans qui se livrent à ces recherches, on ne peut disconvenir qu'on y trouve les sources & les indices de presque toutes les découvertes qui font aujourd'hui la réputation de nos plus célèbres Auteurs, & qu'on doit savoir gré à l'Editeur de cette nouvelle impression, des soins qu'il a pris pour la mettre à portée de tous les gens de lettres qui verront les progrès de cette science profonde, où il y a tant encore à acquérir malgré nos succès en ce genre. A Paris, ce 20 Janvier 1779. *Signé*, PIDANSAT DE MAIROBERT.

Le Privilege se trouve au Livre intitulé :
Métamorphoses d'Ovide.

INDICULUS AUCTORUM,

QUOS in lucem edidit J. BARBOU, quorumque Editio locupletatur tum egregiis diagrammatibus, tum emendatissimis viticulis, exaratis a celebratissimo D. COCHIN, aliisque celeberrimis Magistris.

CATULLUS, Tibullus, Propertius, pristino nitori restituti, & ad optima exemplaria emendati, cum fragmentis C. Gallo inscriptis, 1754.

Titi Lucretii Cari de rerum natura libri sex, 1754.

P. Virgilii Maronis opera, cum Maphæi supplemento, 2 vol. 1767.

Q. Horatii Flacci carmina nitori suo restituta, 1775.

D. Junii Juvenalis satirarum libri quinque, & Auli Persii satiræ sex, 1778.

Phædri Augusti liberti, & Aviani fabulæ cum Senecæ ac Syri sententiis, 1754.

M. Valerii Martialis epigrammatum libri ad optimos codices recensiti ac castigati, 2 v. 1754.

M. A. Plauti comœdiæ quæ supersunt, 3 v. 1759.

Publii Ovidii Nasonis opera quæ supersunt, 3 v. 1762.

Theodori Bezæ, Vezelii poemata. Marci Antonii Mureti Juvenilia. Joannis Secundi, Hagiensis Juvenilia. Joannis Bonefonii Arverni Pancharris; & pervigilium Veneris, 1757.

Sarcotis & Caroli V. Imp. Panegyris, carmina; tum de heroica Poesi tractatus, auctore Mazzenio, 1 vol. 1771.

Matthiæ Casimiri Sarbievii carmina, nova editio prioribus longè auctior & emendatior, 1759.

- M. Annæi Lucani Pharsalia cum supplemento Thomæ Maii, 1767.
- Josephi Desbillons Fabulæ Æsopiæ, curis posterioribus omnes ferè emendatæ, quibus accesserunt plus quam CLXX novæ, quinta editio, 1778.
- Vanierii prædium rusticum, 1774.
- Caii Sallustii Crispi quæ exstant opera, 1774.
- Cornelius Nepos de Vita excellentium Imperatorum, 1767.
- Caius Velleius Paterculus & Florus, 1776.
- Justinus, 1770.
- Titus Livius, 7 vol. 1775.
- Eutropii Breviarium Historiæ Romanæ: accedunt selectæ lectiones dilucidando auctori appositæ, 1754.
- Caii Julii Cæsaris quæ exstant opera cum Hirtii sive Oppii commentariis de bellis Gallico, Civili, Alexandrino, Africano ac Hispaniensi, 2 vol. 1755.
- Quinti Curtii Rufi de rebus gestis Alexandri magni libri decem, 1757.
- C. Cornelii Taciti quæ exstant opera, 3 v. 1760.
- Selecta Senecæ philosophi opera in gallicum versa, 1761.
- Senecæ de Beneficiis & de Clementia excerpta, in gallicum conversa, 1776.
- Encomium Moriæ ab Erasmo, & Mori Utopia, 1776.
- Marci Tullii Ciceronis opera omnia, 14 v. 1768.
- De Imitatione Christi libri quatuor. 1773.
- Caii Plinii Secundi Epistolæ & Panegyricus Trajano dictus, 1769.
- Novum Jesu Christi Testamentum, 1767.



28 855136

